

# 北海省

唐 李百 藥 撰

卷 第 一

至卷二三(紀

傳)

册

華 書

中

局

立,中經五五〇年齊代東魏,到五七七年齊亡爲止的王朝興亡史。 北齊書五十卷,作者唐李百藥,內容記載了公元五三四年前後北魏分裂,東魏政權建

然是鮮卑貴族和漢族地主聯合統治的封建政權。它的疆域南阻長江,和梁、陳兩朝先後對 爲了區别於曾經割據江淮的齊朝,後人稱之爲「北齊」。和北魏一樣,東魏 ——北周分界。 北齊仍

峙,西在今山西、河南、湖北,與西魏

改寫,六三六年(貞觀十年)全書完成。 孫、魏徵重寫北齊史,長期没有寫成。 六二九年(貞觀三年),唐太宗專設梁、陳、齊、周、隋 的紀傳體齊書和王劭的編年體齊志。公元六二二年(唐武德五年),唐高祖指派裴矩、祖孝 五朝史的編寫機構,命字百藥寫北齊史。他在其父李德林齊書基礎上參考王劭齊志擴充 從北齊到隋的五十年間,曾先後有人編寫出幾種不同體裁的北齊史,其中有隋李德林

|李德林(公元五三〇——五九〇) 字公輔,博陵安平(今河北深縣)人。 他經歷齊、周、

魯出版説

加「國史」卽北齊史的編寫,寫成紀傳二十七卷,隋時擴充爲三十八篇。 郎,在周官至御正下大夫,在隋官至内史令,封安平公,死在懷州刺史任上。 隋三朝,一直擔任詔令和其他重要文件的起草,獲得歷朝皇帝的寵用。 在齊官至中書侍 他在北齊就參

末農民起義,後降唐。入唐後任中書舍人,參加制定五禮和律令。最後官至宗正卿,封安 李百藥(公元五六五——-六四八)字重規,隋末官建安(今福建建甌)縣丞。 曾參加隋

\_

武裝起義,北齊書記載了各地起義軍活動的材料,有一些在北史中就作了删削(李元忠附 了一些不見他書的有用的材料。此外,在具體敍事上,北史常有删改北齊書而錯了的,也 在内,它留下了這段歷史的比較全面的材料。其中保留下來的十七卷字百藥原文,還保存 不像樣子,除個別地方可供參考外,價值也很低。然而從五十卷全書來說,包括補缺部份 節,這部份基本上可有可無,另一部份用唐人史鈔補的,雖也出於北齊書,但把原文删節得 可憑本書糾正。如北魏末年的各族人民大起義是南北朝時期規模最大、影響最深的一次 傳本北齊書大部份出於後人所補,用北史補的部份,北史具在,而且補的人還常有删

李愍傳、叱列平傳等)。

點在北齊書中也仍然有所體現。 就相對地較少忌諱,同時也藉此證明周滅齊是所謂「有道伐無道」。北齊書之較多揭露性 的記敍,也是同吸收王劭齊志的記載有關。 兩朝繼承北周,北齊是一個被戰敗滅亡的割據政權,被認爲是「僭僞」,隋唐編寫北齊史 在唐初同時編寫的各史中, 北齊書對當時封建統治者的醜事記載較多。 劉知幾說,王劭齊志敍事生動,語言通俗,這兩 這是由於隋

學家張子信的事跡。具有唯物主義傾向的邢邵和唯心主義者杜弼關於形神問題的辯論, 在北齊書中也有比較詳細的記録,留下了一份哲學史上有價值的文獻。 的方伎傳中記載了綦母懷文在這方面的新貢獻。方伎傳中還記載了數學家信都芳、天文 東魏、北齊時期,通過廣大勞動人民的生産實踐,鋼鐵冶煉技術上有很大發展,北齊書

\_\_\_

印,流傳下來的就是這種補本。 李百藥的原文,其餘都是後人以北史和唐人史鈔中相關紀傳補全。這部書初次刻版付 北齊書早在唐代中葉以後就逐漸殘缺,也不斷有人補缺。 我們重編總目時,凡是後人所補的各卷都注上了「補」字。 到北宋初就只有十七卷是

齊書

殿本);六、清同治十三年金陵書局本(簡稱局本);七、商務印書館百衲本二十四史本 朝本(武漢大學圖書館藏);二、明萬曆間南京國子監刻本(簡稱南本);三、明萬曆間 初。 龜、北史、資治通鑑、通志中有關部份。 除少數需 以三朝本、南本、殿本爲互校的主要本子。 子監刻本(簡稱北本),四、明末毛氏汲古閣本(簡稱汲本),五、清乾隆四年武英殿本(簡 百衲本)。 這個最早的刻本早已失傳。 這部書的最早刻本, 要説明者外, 百衲本三十四卷前影印三朝本,三十四卷後影印殘宋本。 一般不出校記。 據宋晁公武郡齋讀書志的記載,是在北宋末政和中卽十二世紀 我們用來校勘的是一一、有一定明兩朝補版的南宋刻本卽三 除了版本互校外,我們還通校了太平御覽、册府元 爲了避免煩瑣,在三種本子內互校,擇善而從, 這七種本子中,我們 北 (簡稱 京國 稱

由於北齊書大部份爲後人所補,這給校勘帶來一系列複雜問題,這一 些我們將在點校

後記中説明。

理。 點校上 本書由唐長孺同志點校,陳仲安同志也協助做了不少工作,王文錦同志參加了 一可能還存在許多錯誤和缺點,殷切希望廣大讀者提出批評意見,以便改進我們 編 輯整

中華書局編輯部

### 北齊書目錄

北齊皆目錄	孝昭 髙演	卷六補 帝紀第六	廢帝 高殷	卷五補 帝紀第五	文宣 高洋	卷四 帝紀第四 ————————————————————————————————————	文襄 高澄	卷三補 帝紀第三	神武下	卷二補 帝紀第二	神武 高歌 上	卷一補 帝紀第一
	後主斛律后 一三	武成胡后 一 三	孝昭元后	文宣李后••••••   三	文襄元后	神武婁后 三	卷九補 列傳第一	幼主高恒	後主 高緯	卷八補 帝紀第八	武成 高湛	卷七補 帝紀第七

北齊書目錄	襄樂王顯國   二	陽州公永樂 弟長卿一八	廣平公盛  八	卷十四 補 列傳第六	子 勒 一心	清河王岳·····························	子 叡	趙郡王琛******-一究	卷十三 列傳第五	齊安王廓等十王 一 一 一 一	琅邪王儼********   六0	南陽王綽・・・・・・・・・・・・・・・・・・・・・・・・・	武成十二王****************一弄	汝南王彦理等五王一弄	樂陵王百年一兲	
Ξ	潘樂	韓軌	子士文 一六	<b>厙狄干</b>   元	兄子 叡	婁昭 子定遠	尉景子粲 •••••••••••••••••••• 一九四	竇泰 一九三	卷十五補 列傳第七	長樂太守靈山 嗣子伏護 ******* 一八九	武興王普 一八九	平秦王歸彥 一八六	弟思好 一八云	子 元海 一二	上洛王思宗 一八二	

允		司馬子如	高隆之二三	孫騰	卷十八 列傳第十	兄 平 三六	羡····························	子光 ==	斛律金•••••	卷十七 列傳第九	<b>孝言:</b>	子 韶	段祭	卷十六 列傳第八
	王 康德••••• 二 二 三 七	尉摽 乞伏貴和 乞伏令和	張保洛 麴珍 段琛 雕舍樂	<b>薛孤延</b>	<b>厙狄盛</b> 三 三 三 三 三 三 三 三 三 三 三 三 三 三 三	<b>厙狄迴洛</b> 三語	高市貴	莫多婁貸文子敬顯 ************ 二三二	任延敬子胄 三三	劉貴	王懷	尉長命子興敬	韓賢	蔡儁

北齊審員錄	弟 <b>愼············</b> 二九二	高乾	卷二十一 列傳第十三	<b>厙狄伏連・・・・・・・・・・・・・・・・・・ 二七九</b>	慕容儼 牒舍樂 范含樂	步大汗薩 二六	叱列平·····	薛脩義****** 二岩	慕容紹宗二二二	王則 [七]	朱顯 二七0	堯雄 二 二 二 二 二 二 二 二 二 二 二 二 二 二	解律羌舉 子孝卿 劉世淸 ******* 二六六	張瓊・・・・・・・・・・・・・・・・・・・・・・・・・・・・・・・	卷二十 列傳第十二 —
£	李義深 三三	族人 勇 •••••• 三三	孫詢祖・・・・・・・・・・・・・・・・・・・・・・・・・・・・・・・・・ =10	盧文偉 三九	族叔 景遺 三八	族人 愍 三七	族弟 密 •••••••••••• 三六	李元忠 三三	卷二十二 列傳第十四	從子孝琬 孝琰 ************* 110-1	子子繪三0四	封隆之	東方老 李希光 裴英起•••••• 二九六	季式 劉孟和 劉叔宗 劉海寶	昂 二九三

王峻	徐遠••••• 三六	趙起	張耀******	張亮	張纂	卷二十五 列傳第十七	杜弼	陳元康	孫搴	卷二十四 列傳第十六	子 瞻 三 三 三 三 三 三 三 三 三 三 三 三	崔棱	魏蘭根	卷二十三 列傳第十五	3 4 1
	一 卷二十八補 列傳第二十	一 章子 粲····································	金祚	)   破落韓常 三八	別	可朱渾元	子浴・・・・・・・・・・・・・・・・・・・・・・・・ 三宝	一 万俟普	卷二十七 補 列傳第十九	不 <b>等</b> · · · · · · · · · · · · · · · · · · ·			2 卷二十六補 列傳第十八	王紘	

北齊書目錄	卷三十一補 列傳第二十三	崔昂四0	高德政 四0六	崔暹 子達拏	卷三十補 列傳第二十二	鄭述祖 三元	李 璵 三九六	弟 繪 族子公緒 •••••••• 三九四	李渾 子湛 ********************   元三	卷二十九 補 列傳第二十一	元 韶 三八	元酮	元暉業・・・・・・・・・・・・・・・・・・・・・・・・・・・・・・・	元孝友	元斌
七	朱欽道	燕子獻可朱渾天和 四(0	楊愔 四五三	卷三十四 補 列傳第二十六	徐之才	蕭放。	蕭迟•••• 四四	蕭祇・・・・・・・・・・・・・・・・・・・・・・・・・・・・・・・・・・・・・	蕭明 四三	卷三十三 補 列傳第二十五	王琳·	陸法和:	卷三十二 補 列傳第二十四	弟晞	王昕 四三

吾七

兲

吾至

吾四

八

誓

許惇……

五七五

五十五

毛四

五三九

封述

吾 芸 大

李

雅廉

五七

五三

<del></del>
天九

<del></del> 天八

<del>天</del>八

北齊書目錄	<b>介朱文暢</b>	婁叡	趙猛	外戚	卷四十八補 列傳第四十	畢義雲	<b>盧斐······</b>	宋遊道	邸珍	酷吏	卷四十七補 列傳第三十九	路去病 卒	房豹:	蘇瓊	崔伯謙
	交	六六六	<b>空</b>	六 完 宝		至	至	至	至	空		六四六	方 四 宝	三	益
1 1	解法選	皇甫玉	趙輔和	吳遵世	<b>許</b> 遵····································	宋景業	信都芳	王春::::::::::::::::::::::::::::::::::::	由吾道榮	方伎	卷四十九 補 列傳第四十一	胡長仁	二乙盤 ************************************	李祖昇	鄭仲禮
	空八	<b></b> 交	六七七	六七七	六七六	空至	<del></del> 空	六七四	六七四	<del></del> 空		奈	奈	六六七	公

郭秀····································	卷五十補 列傳第四十二	馬嗣明 六0	張子信	綦母懷文····································	魏 寧 · · · · · · · · · · · · · · · · · ·	± 5 1 1 1 1
點校後記••••••	韓寶業等 六九三	韓鳳六二	高阿那肽************************************	穆提婆 六八九	和士開	

## 北齊書卷一日

#### 帝紀第

神武上

白道南、數有赤光紫氣之異、隣人以爲怪、勸徙居以避之。皇考曰:「安知非吉。」居之自若。 慶,慶生泰,泰生湖,三世仕慕容氏。及慕容寶敗,國亂,湖率衆歸魏,爲右將軍。 及神武生而皇妣韓氏殂,養於同產姊婿鎮獄隊尉景家。 齊高祖 神武皇帝,姓高名歡,字賀六渾,渤海蓚人也。六世祖隱,晉玄蒐太守。隱生 湖生 四

鐵將遼西段長常奇神武貌,謂曰:「君有康濟才,終不徒然。」便以子孫爲託。 及貴,追贈長 有精光,長頭高額,齒白如玉,少有人傑表。家貧,及聘武明皇后,始有馬,得給鎭爲隊主。 神武旣累世北邊,故習其俗,遂同鮮卑。長而深沉有大度,輕財重士,爲豪俠所宗。 目

第

神武上

俱死 答神武四十。 絕,若 人也。 於沃野。見一赤兔,每搏輒逸,遂至迴澤。 領 由神武。 史孫騰、外兵史侯景亦相友結。 天下之志。 年,每至洛陽,給令史麻祥使。 司 二子曰:「何故觸大家!」出甕中酒,烹羊以飯客。 空,擢 軍 ·張彝宅,朝廷懼其亂而 有 由是諸人益加敬異。 神武怒,以鳴鏑射之,狗斃。 神 其 又曰:「子如 應者。 子 與懷朔省事雲中司馬子如及秀容人劉貴、中山 寧用 及自洛陽還,傾產以結客,親故怪問之。 之。 每行道路, 歷位顯,智不善終。」飯竟出,行數里還,更訪之,則本無人居, 神武 不問,爲政若此,事可 自隊主轉爲函使。 往來 祥嘗以肉啗神武, 劉貴嘗得一白鷹,與神武及尉景、蔡儁、子如、賈顯智等獵 無風 屋中有二人出,持神武襟甚急。 塵之色。又嘗夢履衆星而行, 澤中有茅屋,將奔入,有狗自屋中出,噬之,鷹兔 嘗乘驛過建興,雲霧畫晦,雷聲隨之,半日乃 因自言善暗相,遍捫諸 神武性不立食,坐而進之。 知 也。 答曰:「吾至洛陽,宿衞羽林 財物豈可常守邪。」自是乃有澄清 人賈顯智爲奔走之友,懷朔 其母 覺而內喜。 人 兩目盲,曳杖 、皆貴, 爲函 而 乃向 指 相 使六 率焚 麾 呵 戶 曹 其 俱

樂、蔡儁圖之,不果而 **屢落牛,神武彎弓將射之以決去。** 孝昌元年,柔玄鎭人杜洛周反於上谷, 逃,爲其騎所追。 后呼樂求救,賴樂透下取之以免。三逐奔萬樂,又亡歸 文襄 神武 及魏 永 乃與同志從之。 熙后皆幼,武 明后於牛上抱負之。 醜其行 事, 私 與尉景、段 文襄

成。 淫 齧,已而起曰:「御惡人亦如此馬矣。」、榮遂坐神武於牀下,屏左右而訪時事。 神武 <u>余朱榮於秀容。先是,劉貴事榮,盛言神武美,至是始得見,以憔悴故,未之奇也。</u> 段,至文宣時遂爲宮。旣而榮以神武爲親信都督。 得志,以其宅爲第,號爲南宅。雖門巷開廣,堂宇崇麗,其本所住團焦,以石堊塗之,留而不 **覘之,唯見赤蛇蟠牀上,乃益驚異。因殺牛分肉,厚以相奉。** 蒼鷹母求以神武爲義子。 氣赫然屬天。又蒼鷹嘗夜欲入,有靑衣人拔刀叱曰:「何故觸王」」言訖不見。 有馬十二谷,色別為羣,將此竟何用也。]|燦曰:「但言爾意。」|神武曰:「方今天子愚弱,太后 ·亂,孽寵擅命,朝政不行,以明公雄武,乘時奮發,討鄭儼、徐紇而淸帝側,霸業可舉鞭 抵揚州邑人廳蒼鷹,止團焦中。[三] 每從外歸,主人遙聞行響動地。 蒼鷹母數見團焦赤 此賀六渾之意也。」際大悅,語自日中至夜半,乃出。 更衣,復求見焉。因隨人之廐,廐有惡馬,榮命翦之。神武乃不加羈絆而 自是每參軍謀。 始以爲異,密 後從榮徒據并 神武曰:「聞公 翦,竟不 貴乃為 断 Πĵ

後與 于時 乃止。 明帝 行 魏明帝衝鄭儼、徐紇,逼靈太后,未敢制,私使榮舉兵內向。榮以神武爲前鋒。至 叉 臺 孝莊 (私韶停之。及帝暴崩,樂遂入洛,因將篡位。神武諫,恐不聽,請鑄像卜之,鑄 于 暉 帝立,以定策勳,封銅鞮伯。 破羊侃于泰山,尋與元天穆破邢杲于濟南。 及介朱榮擊葛榮,令神武 累遷第三鎭人酋長,常在榮 喻下賊別稱王者七

輔

Ŀ

代 帳 於是大聚斂,因劉貴貨際下要人,盡得其意。 我 主衆者唯賀六渾耳。」因誠兆曰:「爾非 榮嘗問 左右曰:「一 日無我,誰可主軍了皆稱介朱兆。 其匹,終當爲其穿鼻。」乃以 時州庫角無故自鳴, 曰:「此正可統三千騎以還,堪 神武異之,無幾而孝莊 神武 為晉州 刺

神武。 遠據東郡,各擁兵爲暴,天下苦之。 敗兆等,以兵勢日盛。兆又請救於神武,神武內圖兆,復慮步藩後之難除,乃與兆悉力 之。藩死,深德神武,誓爲兄弟。時世隆、度律、彦伯共執朝政,天光據關右,兆據幷州,仲 步藩軍盛,兆敗走。初,孝莊之誅分朱榮,知其黨必有逆謀,乃密敕步藩令襲其後。 立長廣王曄,改元建明。封神武爲平陽郡公。及費也頭紇豆陵步藩入秀容,逼晉陽,光徵 舉義,不果。乃以書喩之,言不宜執天子以受惡名於海內。 兆不納,殺帝,而與尒朱世隆 及兆入洛,執莊帝以北,神武聞之,大驚。 兆恨焉。 及尒朱兆自晉陽將舉兵赴洛,召神武。神武使長史孫騰辭以絳蜀、 神武將往,賀拔焉過兒請緩行以弊之。神武乃往往 騰復命。 神武曰:「兆舉兵犯上,此大賊也,吾不能 又使孫騰爲賀兆,因密覘孝莊所在,將 逗遛,回辭以河無橋不 久 事 之。」自是始 汾胡欲反, 不可 步藩既 有圖 劫 以 兆

葛榮衆流入幷、肆者二十餘萬,爲製胡陵暴,皆不聊生,大小二十六反,誅夷者半,猶草

穀色, 竊 下罔上,請殺之。」兆以神武爲誠,遂以委焉。 慮 武,於是莫不皆至。 子,願廁 歐之,折其一齒,曰:「生平天柱時,奴輩伏處分如鷹犬,今日天下安置在王,而阿鞠泥敢 武,至襄垣,會漳水暴長,橋壤。 隙, 委統州鎮兵,可集汾東受令。 王受公主言,自來賜追,今渡河 也 馬三百 ]。」紹宗日:「 兆 犯者,直罪其帥,則所罪者寡。」兆曰:「善,誰可行也?」賀拔允時在坐,請神武。神武 徒污人國土,請令就食山東,待温飽而處分之。 乃禁紹宗而催 一个四方擾擾,人懷異望,況高公雄略, 左右。 兆患之,問計於神武。神武曰"「六鎮反殘,不可盡殺,宜選王素腹心者私使統焉。 匹, 遂授 盡奪易之。 訪之,則以力聞, 親兄弟尚 刀引 居無何,又使劉貴請兆,以并、肆頻歲霜旱,降户掘 神武 頭, 發。 使神武斫己。 爾難信,何論香火。」時兆左右已受神武金,因譖紹宗與神武 兆聞,乃釋紹宗而問焉。 乃建牙陽曲川,陳部分。 加 神武乃自晉陽出滏口。 神武 常於幷州市搭殺人者,乃署爲親信。 死不辭,此衆便叛。」1兆自陳無此 隔 水拜曰:「所以借公主馬, 神武大哭曰「自天柱薨背 又握大兵,將不可爲。」兆曰:「香火重誓,何所 神武以兆醉,恐醒後或致疑貳,遂出,宣言受 紹宗 路逢介朱榮妻鄉郡 有欵軍門者, 絳巾袍, 兆從其議。 日:「猶 掌握 非有 意 其長史慕容紹宗諫曰: 賀六渾更何所仰,願大 中物也。」於是 他故, 因 黄鼠而食之,皆 兵 輕 長 士素惡兆 馬渡, 備山 公主, 自稱 與 東盜 梗楊驛 (神武 而樂神 自 自 追神 洛陽 舊有 耳 面 誣

韶

盟 家干萬 毫之物,不聽侵犯。 居晉陽者,號上黨坊,神武實居之。及是行,舍大王山六旬而進。 謀,不足圖 從者盡散。 馳還晉陽。 一,誓爲一 遂前行,屯鄴,求糧相州刺史劉誕,誕不供。 兵饑馬瘦,不可相支,若英雄崛起, 兄弟。 太武帝於是南巡以厭當之,至累石爲三封,斬其北鳳凰山,以毁其形。 也。」旦日,兆歸營,又召神武,神武將上馬詣之,孫騰牽衣,乃止。 以申 於是 兆心腹念賢領降户家累别爲營,神武僞與之善,觀其佩刀,因取之以 留宿 ·力用。 土衆咸悦,倍願附從。 將過麥地,神武輒步牽馬。 夜飲,尉景伏壯 今旁人搆間至此, 土欲執 初,魏真君中内學者奏言上黨有天子氣,云在壺關 則爲害滋甚。 大家何忍復出此言。」兆投刀於地。 兆 遠近聞之,皆稱高儀同將兵整肅, 神武 有車營租米,神武自取之。 、齧臂止之曰:「今殺之, 不如且置之。 將出滏口, 兆雖勁捷, 其黨必 倍加約束, 兆 遂 隔 殺其從者 後上黨人 刑 丽 水 益歸心 奔 自 兇狡無 肆 馬而 歸

尋以爲 六鎮人配契胡爲部曲,衆皆愁怨。 律廢元曄而立節閔帝,欲羈縻神武。三月,乃白節閔帝,封神武爲渤海王,徵使入覲。 四月癸巳,又加授東道大行臺、第一鎮人酋長。龐蒼鷹自太原來奔,神武以爲行臺郎, 魏普泰元年二月,神武自軍次信都,高乾、封隆之開門以待,遂據冀州。 安州刺史。 神武自向山東,養士繕甲,禁侵掠,百姓歸心。 又爲幷州符,徵兵討步落稽。 發萬人,將遣之,孫騰、尉 乃詐爲書,言尒朱兆將以 是月, 介朱·

景爲 若不得已,公司明日,椎牛饗士,喻以討今朱之意。」封隆之進曰:「千載一時,普天幸甚。」神 武曰:「討賊,大順也,拯時,大業也。 吾雖不武,以死繼之,何敢讓焉。」 欺漢兒,不得犯軍令,生死任吾則可,不爾不能爲取笑天下。」衆皆頓顙,死生唯命。 曰:「爾鄉里難制,不見葛榮乎,雖百萬衆,無刑法,終自灰滅。 又當死,奈何 日:「與爾俱失鄉客,義同一家,不意在上乃爾徵召。 請留五日,如此者再。 · · · 」衆曰:「唯有反耳。」神武曰:「反是急計,須推一人爲主。」衆願奉神武。神武 神武親送之郊、雪涕執别,人皆號慟, 直向西已當死,後軍期又當死,配 今以吾爲主,當與前異,不得 哭聲動地。 神武乃喻之 神武 國人

月壬午,拔鄴城,據之。廢帝進神武大丞相、柱國大將軍、太師。 柱,一時焚之,城陷入地。 武乃敗兆於廣阿。十一月,攻鄴,相州刺史劉誕嬰城固守。 時度律、仲遠軍次陽平,亦朱兆會之。〔七〕神武用竇泰策,縱反間,度律、仲遠不戰而還。 謁,神武撫膺,曰:「今日反決矣。」乃以元忠爲殷州刺史。是時兵威旣振,乃抗表罪狀亦朱 天子,則衆望無所係。十月壬寅,奉章武王融子渤海太守朗爲皇帝,年號中興,是爲廢帝。 世隆等祕表不通。八月,尒朱兆攻陷殷州,李元忠來奔。 六月庚子,建義於信都,尚未顯背尒朱氏。 麻祥時爲湯陰令,神武呼之曰:「麻都!」祥慚而逃。永熙元年正 。及李元忠與高乾平殷州, 神武起土山,爲地道,往往建大 孫騰以爲朝廷隔絶,不權立 是時青州建義,大都督崔 斬介朱羽生首來 神

紀

神武上

兆等。 角, 靈珍、大都督耿翔皆遣使歸附。 行汾州事劉貴棄城來降。<<<>>見一月,尒朱天光自長安, 紹 隆、彦伯斬之。 惑、鎮星、太白聚於觜,參色甚明。 己。神武 乃於韓陵爲圓陣,連牛驢以塞歸道,於是將士皆有死志, 行臺總督焉。 曰:「喪吾弟矣!」夜久,季式還,血滿袖。 乃合戰,大敗之。 自并州 我昔日親聞天柱計,汝在户前立,豈得言不反邪?且以君殺臣,何報之有,今日義絶矣。 武人張紹夜中忽被敷騎將踰城,至一大將軍前,敕紹爲軍導向鄴,云佐受命者除殘賊。 迴視之,兵不測,整疾無聲。 收聚散卒,成軍容而西上。 四月,斛斯椿執天光、度律送洛陽。こむ長孫承業遣都督賈顯智、張歡人洛陽, 度律 曰:「本戮力者,共輔王室,今帝何在?」兆曰:「永安枉害天柱,我報響耳。」神武曰: 自洛陽,仲遠自東郡,同會鄴 神武令封隆之守鄴,自出頓紫陌。 北奔幷州。 **尒朱兆對慕容紹宗叩心曰:「不用公言,以至於此。」將輕走。** 仲遠奔梁州,遂死焉。 將至鄴,乃放焉。 高季式以七騎追奔,度野馬崗,與兆遇。 太史占云,當有王者興。是時,神武起於信都,至是而破 **斛斯椿倍道先據河橋。初普泰元年十月,歲星、熒** ,衆號二十萬,挾洹水而軍,節閔以長孫承業爲大 時馬不滿二千,步兵不至三萬,衆寡不敵 及戰之日, 余朱氏軍人見陣外士馬四合, 時凶蠹旣除,朝廷慶悦。 四面赴擊之。尒朱兆賣神武以背 高昂望之不見,哭 初未戰之前月 紹宗反旗鳴

神助也。

軍 、太師 旣 而 神武 世襲定州刺 至洛陽,廢節閔及中興主 史, 增封並前十五萬戶。 而立孝武。 神武 解天柱,減戶 孝武旣卽位, 、五萬。 授神武大丞相、 壬辰,還鄴,魏帝餞 天柱 大 將

於乾脯

山、執手而

別。

武揣 資泰 **朱**, 遂自滏口入。 厚葬之。 普皆反噬,今在京師,寵任, 奄至介朱兆庭。 其歲首當宴會,遺資泰以精騎馳之,一日一 七月壬寅,神武 **介朱兆旣至秀容,分兵守險,出入寇抄。** 慕容紹宗以亦朱榮妻子及餘衆自保鳥突城,5102降,神武以義故,待之甚 **介朱兆大掠晉陽**,北保秀容。 軍人因宴休惰,忽見泰軍,驚走,追破之於赤洪嶺 帥師北伐介朱兆。 必搆禍 隙。」神武深以爲然,乃歸天光、度律 封隆之言:「侍中斛斯椿、賀拔勝、 幷州平。 夜行三百里,神武以大軍繼之。 神武揚聲討之,師出 神武 以晉陽四塞,乃建大丞相 止者數四,兆意怠。 兆自縊 賈顯智等往事介 於京 二年正月, 一神武 師, 府 斬之。 親臨 而 神 定

兆。 兩 於魏帝。 **覆**,皆斬之。 拔 相 時司空高乾密啓神武,言魏帝之貳,神武封呈。 神武之入洛也,余朱仲遠部下都督橋寧、張子期自滑臺 擊,謠言曰:「銅拔打鐵拔,元家世 含人元士弼又奏神武受敕大不敬。 **斛斯椿由是內不自安,乃與南陽王寶炬及武衞將軍元毗、魏光、王思政** 將末。」好事者以二拔謂拓拔、賀拔、言俱將 故魏帝心貳於賀拔岳。 魏帝殺之,又遣東徐州刺史潘紹業 歸 命, 神武 初孝明之時, 以其助亂, 衰敗 洛 搆 且. 神武 數反 下 以

九

帝

紀

第

胂

武上

校勘

R

光州 勑長 袍 領 樂太守 來 爲政嚴猛,又縱 及。 奔。 」乃弊衣 龐蒼 神 武 鷹令殺其弟昂。 抱其首, 推 部 鹿 車 下 哭曰:「天 歸 取 渤 納,魏帝使代之。 海 昂先聞: 子杠· 逢使者,亦來奔。 害 其兄死,以稍刺柱,伏壯 司 空」遽 愼 聞 難 使 ,將奔梁。 於是魏帝與神武 以白 武 幡 其 勞 士執紹業於路, 屬 其 家 曰:「公家 隙 屬 矣。 時 乾 勳 得敕 次弟 重 必 愼 書 在 於

兄弟

相

大收 爲 賊 平 徒 一。罷行 其 費 阿至羅 用 無 益 臺。 神 河 虜 西費 正 武 至是,以 光 不從, 也 以 前 頭 房約 撫 殊 常 俗 稱 慰 藩,自 豆. 如 歸 降, 陵 初 0 伊 復授 魏朝 利 居 多事 神武 帥 河池、江门恃險擁衆,神武遣長史侯景屢招 吐陳等感 大行臺, ,皆叛。 神武 恩,皆從指麾, 隨機 遣 《處分。 使招 納,便 神武 救曹泥, 常齊 附 欵。 其 取 粟 万 先是,詔 帛, 俟 八 受 洛 干 不 韼 從 書 以 龙 以

#### 校勘記

- 北 齊 書 卷 按 此 卷 原 缺, 後 人 以 }北 史卷 六齊紀 上神武 **~**紀 補
- 賴榮 遽。 透 按 下 當 取 時 之 以 「 投 」 発 常 諸 通 本 作 透 「透」,「透下」即「投 作 遽 北史卷六百衲 下 補 {北 本、 齊書 南 本、 者 不 北 解 本、 其 意 汲 故 本 作 改 作 透 .--遽 殿 殿 本 本 作
- 北史 後從榮徙據幷 }北 八書誤 州 抵 揚 州 邑人 北史,今從北 龐 蒼 鷹 止 團 焦 中 按 本 書 卷 九蔡儁傳 稱 「太原龍蒼鷹」 叉說

叉

依

}齊

文改

?史

百衲

本

改

蒼鷹「居於州城,高祖客其舍」。 考幷州太原郡屬沒有「揚州」縣、只有陽邑縣。 疑這裏行「州」

字,當 時地名常用同音字)「揚邑」即「陽邑」。 蒼鷹乃太原陽邑人而 居於幷州 城 中。

- 깯 記中所注 神武乃往往逗遛 通鑑頁碼都據中華書局標點本、通志卷一六北齊紀補 「往往」,諸本都脫一「往」字,今據資治通鑑下簡稱通鑑卷一五四四七九三頁。 凡校
- 五 太武帝於是南巡以厭當之 諸本「武帝」上無「太」字。 册府元龜下簡稱册府卷二〇三二四四六頁

凡校記中所注册府頁碼都據中華書局影印本、通志卷一六有。按上文記眞君年號,作「太武帝」是,今據補

神武 日若不得已 按「曰」字文義不洽,疑是「因」之訛。 通志卷一六作「陽」,當因「日」字不 口

通

而

改

ブセン 時度律 仲遠軍 次陽平介朱兆會之 諸本「陽平」作 「洛陽」,北史卷六作「晉陽」。 按魏書卷一一

排 }後 史卷 廢 帝紀 四四 中興 八尒朱兆傳、 元年十月己酉 **尒朱仲遠傳敍這** (條, 卷七五 **尒朱兆傳** 次戰事 都說 介朱氏 尒朱仲遠傳, 的軍 隊集結在陽平。 卷八〇斛斯椿傳、 通鑑卷 賈顯 五五五 智傳,

四八一 今河 五頁 北 此 冀縣 處也作陽平。 陽平 今山東莘縣, 和當 時 介朱兆駐 軍 的 廣阿 今河北隆堯縣, 高歡 所 據 的

信都 相去都 不 太遠 洛陽、 晉陽遠在後方, 不合當時軍事形勢, 知皆陽平之誤, 今

改正

帝

紀

第

校

勘

記

<u>ر</u> 行 汾州 事 劉 貴 棄 《城來降 諸本「州」下衍軍字。按本書卷一九、北史卷五三劉貴傳, 册府卷一八

六二二五一頁, **漢魏南北朝墓誌集釋劉懿即劉貴墓誌圖版二九四都說他是行汾州事,今據删「軍」字。** 

入れし 解斯榕執天光度律送洛陽 說「神武深以爲然,乃歸天光、度律於京師斬之」。 齊獻武王」。 當斛斯椿執送二人時,髙歡還沒有入洛陽, 按魏書卷一一後廢帝紀中興二年五三一四月稱「囚送天光、度律於 京師即洛陽,如果先已送到洛陽, 乃是送於高歡軍前, 故這一段下 這句話就 文又

解釋不通。

這裏「洛陽」二字當是「神武」之誤。

改正 泉縣 慕容紹宗以尒朱榮妻子及餘衆自保烏突城 谼嶺 作 應即斛律金傳的烏突戍。 :「馬」。 條 ,會金於烏突戍」。 都 說北 北史卷五三紹宗傳作 周在 此地置烏突郡、 **尒朱兆最後戰敗之地,上文說是赤洪嶺,** 考隋書卷三〇地理志中離石郡太和縣條、 「鳥」。 烏突縣。 按本書卷一七斛律金傳武定三年攻山胡, 道 裏 作 諸本「鳥」作「焉」,南本及本書卷二○慕容紹宗傳 「焉」作「馬」均誤, 自卽赤谼嶺,則紹宗所保 太平寰宇記 今從北史慕容紹宗傳 卷四二石州臨 稱高歡 「度」赤 的城

熙三年 河 河」之訛,這裏作「河池」,又是「苦泄河」的倒脫。 西費 五三四正月稱高軟「討費也 也 頭虜紇豆陵伊利居河池 頭於河西苦洩河」。 南本及北史「河池」作 「洩」「泄」同、北史的「苦池河」、當是「苦泄 「苦池河」。 按魏書卷一一 出帝紀永

## 北齊書卷二日

### 帝紀第二

#### 神武下

天平元年正月壬辰,神武西伐費也頭虜, 起豆陵伊利於河西, 滅之, 遷其部於河東。

一月,永寧寺九層浮圖災。旣而人有從東萊至,云及海上人咸見之於海中,俄而霧起

乃滅。 說者以爲天意若日,永寧見災,魏不寧矣,飛入東海,渤海應矣。

害隆之,洩其言於斛斯椿。椿以白魏帝。 魏帝旣有異圖,時侍中封隆之與孫騰私言,隆之喪妻,魏帝欲妻以妹。 又孫騰帶仗入省,擅殺御史。並亡來奔。稱魏帝 騰亦未之信,心

婁昭 撾舍人梁續於前,光祿少卿元子幹攘臂擊之,謂騰曰:「語爾高王,元家兒拳正如此。」領**軍** ,神武使邸珍奪其管籥。 辭疾歸晉陽。 魏帝於是以斛斯椿兼領軍,分置督將及河南、關西諸刺史。 建州刺史韓賢、濟州刺史蔡儁皆神武 同義,魏帝 忌之。 華山王 意在 故省

帝紀第

神武下

建州 以 去賢 ,使御史中尉綦儁察儁罪,以 開府賈顯智 爲 濟州。 | 儁 之,魏帝逾

魏帝 溫子昇草勑,子昇逡巡未 赤 州 約所 前冀 相 刺 服,關隴 狂之罪,介朱 忽,遂召羣 字文黑獺 僚 州 心,使干戈不動 史郭瓊、汾州 佐 部 州 將伐 刺 Ŧī. 令 月下 ,伏聽處分。」魏帝知覺其變,乃出 刺 史竇泰、前 **恃遠,將有逆圖** 史高 神武, 共 臣 自平破 詔 時討。 (博議 ,議其可否。 敖曹、濟州 刺 云 神武 史斛律 ,還以表聞。 瀛 秦 將 ,佞臣一二人願斟 [三 臣若不盡誠竭節 州 隴 征 部署將帥, 刺 句 敢作。 吳, 史堯雄、幷州 刺 金、 多求非分, **愈言假稱南伐**, 臣 史蔡儁、前 前武 發河南諸 今潛勒兵馬三萬, 仍以信 帝 慮疑,故有此詔。[三 高將軍 據胡林 量廢出 脫有 誓自 侍 州 刺 ,
敢
負
陸 兵,增 神武 中封隆之擬山東兵七萬、突騎五萬,以征 彭樂 史高隆之擬兵五萬,以討 變詐, ,拔劍作 內外戒嚴,一 。」辛未, 明忠欵曰:「臣爲嬖佞所問 表,命羣官議之,欲止 擬兵四萬,從其 宿衞,守河橋。 擬從 下 事資經略。 色。 ·, 則 帝復錄在京文武議意以答神武,使舍人 河東 神武 使身受天殃,子孫 子昇 則防 而渡; 乃表 汐 黑獺 但表 來違津 爲 六月丁巳,魏帝 又遣 日 勑 不虞,二則可威吳楚。」時 啓未全背戾, 荆 神武 目 荆州 恒州 州 渡 "陛下一 殄絕 。 諸 縮接蠻 遺冀州 遺領 刺 軍 史犀 密韶 且 軍 進討 神武 左, 賜疑,今猖 · 將軍 狄干 刺史尉景、 下 江 神 若 乃集 左。 密邇畿 事 、瀛州 · 婁昭 武 渉恕 垂

前

持心血,遠以示王,深冀彼此共相體悉,而不良之徒坐生間

旗。

近孫騰。

倉卒向

四四

彼, 之,猶所未解。以朕眇身,遇王武略,不勞尺刃,坐爲天子,所謂生我者父母,貴我者高 今若無事背王,規相攻討,則使身及子孫,還如王誓。皇天后土,實聞此言 致使聞者疑有異謀,故遣御史中尉綦儁具申朕懷。今得王啓,言誓懇惻, 反覆思

者。」如此議論,自是王間勳人,豈出佞臣之口。去歲封隆之背叛,今年孫騰逃走,不罪 取懦弱者爲主,王無事立此長君,使其不可駕御,今但作十五日行,自可廢之,更立餘 推 指,縱無匹馬隻輪,猶欲奮空拳而爭死。朕本寡德,王已立之,百姓無知,或謂實可。 去,而四道俱進,或欲南度洛陽,或欲東臨江左,言之者猶應自怪,聞之者寧能不疑。 不送,誰不怪王!騰旣爲禍始,曾無愧懼,王若事君盡誠,何不斬送二首。王雖啓圖 其所爲,更無異迹。 王若守誠不貳,晏然居北,在此雖有百萬之衆,終無圖彼之心。王脫信邪棄義,舉旗南 ,以義見舉,一朝背德舍義,便是過有所歸。本望君臣一體,若合符契,不圖今日分 東南不賓,爲日已久,先朝已來,置之度外。今天下戶口減半,未宜窮兵極 朕既誾昧,不知佞人是誰,可列其姓名,令朕知也。[B] 如聞厙狄干語王云:「本欲 近慮宇文爲亂,賀拔勝應之,故纂嚴,欲與王俱爲聲援。宇文今日使者相 .所圖,則彰脫之惡,假令還爲王殺,幽辱韲粉,了無遺恨。 賀拔在南,開拓邊境,爲國立功,念無可責。 君若欲分討, 何以爲 何者。王旣以徳見 武 望,觀 西

紀

疏 到 此 語 云「越 人射 我,笑而道之,吾兄射我,泣而道之。」 **股旣親王**, 情 如 兄弟,

所 以 投 節 拊膺,不 覺獻 欷

府,祥 稷,宜 渡河 河東 經營。 船 鄴, 讒 前 請遷都 業,脫 鋒 之兵 聽 魏帝徵兵關右,召賀拔勝赴行在所,遣大行臺長孫承業、大都督潁川王斌之、斛斯椿 初 遵 以干 棄官走 決在於 一日:一 神武 向 太和 神武 以 能 洛, 戈 須 誠 亦 至 建興 若 自京 相 糧 諸州 舊事。」神武 魏帝 節 勒馬宣告曰:「孤 王, 指。 廩, 河 用 爲 北,據 之成,送相 司 師 逆首。 非股 日一 和 別遣 王若 將 空言, 豈有 糴 高 北, 能 粟 轉輸, 郡 馬首 奉 昔趙鞅 定, 運入鄴城。 祖 以爲 待 詔,至是復 定 州 神 爲 南 則 鼎 洛陽 今日 遇 武 之粟,追 讒 Щ 向 河洛 興晉陽 **介**朱 人結 止簣, 之舉 **久經** 魏帝 間 魏帝 謀 擅 鼎 濟州 舌, 爲永永之基, 一,一司 之甲,誅 喪亂, 權, 焉。 乃 輕 相 文 勑文武官北來者 重, 疑 爲 舉大義 之軍,令蔡儁受代,使邸 勑 遣三千 海不 馬 惜 王氣衰 股 神 艺。」 子 君 武 雖 生。 如 側 於四 無武 騎鎭 曰:「王若」 答 魏帝 經營制 惡 盡, 王 神 人。 海 分欲 高 建興,益 武 時 雖有 奉 任 枕 日 今者南 以 止 度, 厭 去留 戴 太原, :「本欲 任 不 山河之固, 伏 至世宗乃 主 能, 祥 河 人情, 下 下 上, 邁, 爲 東 肸 珍 必為社 立 兼 及 義 詔 出 垂 誅 小 尙 濟州 拱 徐, 杜 罪 贯 罪。 者 椿 書 上 京洛, 狀 絕 幽 稷宗 正, 正 而 地 左 止 兵,於 明, 神 物 王 一
支
散 僕 褊 武 爲 議 横 終 旣 。」以高 廟 狹, 射 此耳 不 唯 白 爲 爲 出 功 馬 不 舉 萬 有 溝 在 角i-北 加 足 各 共 昂 如 斯 歸 虜 社

事

椿

貸文與顯智遇於長壽津,顯智陰約降,引軍 斯元壽伐蔡儁 鎭 武牢,汝陽王暹鎭石濟,行臺長孫子彥帥前 神武 使竇泰與左廂大都督莫多婁貸文逆顯智,韓賢逆暹。 . 退。 恒農太守元洪略鎭陝,賈顯 軍司元玄覺之,馳還,請益 智率豫州 師。 元壽 魏帝遣大都 軍降。 刺 史斛

督侯幾紹赴之,戰於滑臺東,顯智以軍降,紹死之。

己酉,神武入洛陽,停於永寧寺 引軍渡河。 而元斌之與斛斯椿爭權 七月,魏帝躬率大衆屯 魏帝問計於羣臣,或 不睦,斌之棄椿徑還,給帝云:「神武兵至。」即日,魏帝遜於長安。 河橋。 云南依賀拔勝, 神武至河北十餘里,再遣口申誠欵,魏帝不報。 或云西就關中,或云守洛口 死 戰 神武乃

城, 降。 孝芬、都官尚書劉廞、兼度支尚書楊機、散騎常侍元士弼並殺之,誅其貳也。 樂,急便逃竄,臣節安在一」遂收開府儀同三司叱列延慶、兼尚書左僕射辛雄、兼吏部尚書崔 王稱警蹕,神武醜之。 守華州 神武以萬機不可曠廢,乃與百僚議以淸河王亶爲大司馬,居尚書下舍而承制決 神武 八月甲寅,召集百官,謂曰:「爲臣奉主,匡救危亂,若處不諫爭,出不陪隨,緩 退舍河東,命行臺尚書長史薛瑜守潼關,大都督厙狄溫守封陵。於蒲津 以薛紹宗爲刺史。 神武尋至恒農,遂西剋潼關,執毛洪賓。 高昂行豫州事。 神武自發晉陽, 進軍長城,龍門都督薛崇禮 至此凡四十啓, 士酮籍沒家 則 西岸 耽 事焉 築

帝

紀第

\_

神武

下

不答。

事者竊言,雀子謂魏帝淸河王子,鸚鵡謂神武也 國政務,皆歸相府。先是童謠曰:「可憐青雀子,飛來鄴城裏,羽翮垂欲成,化作鸚鵡子。」好 焉。[<] 詔下三日,車駕便發,戶四十萬狼狽就道。 西,恐逼崤、陜,洛陽復在河外,接近|梁境,如向晉陽,形勢不能相接,乃議遷|鄴,護軍|祖瑩贊 「天子無父,苟使兒立,不惜餘生。」乃立之,是爲孝靜帝。 熙遷孝明於夾室,業喪祚短,職此之由。 老,「日」議所推立。以爲自孝昌喪亂,國統中絕,神主靡依,昭穆失序,永安以孝文爲伯考,永 九月庚寅,神武還於洛陽,至 乃遣僧道榮奉表關中,於又不答。 **遂議立淸河王世子善見。** 神武留洛陽部分,事畢還晉陽。 魏於是始分爲二。 議定,白淸河王。 乃集百 神武 僚 以孝武旣 四 自是軍 王曰: 門

大破之。己已,魏帝褒詔,以神武爲相國,假黃鉞,劍履上殿,入朝不趨。 初孝昌中,山胡劉蠡升自稱天子,年號神嘉,居雲陽谷,西土歲被其寇,謂之胡 二年正月,西魏渭州刺史可朱渾道元擁衆內屬,神武迎納之。 壬戌,神武襲擊劉蠡升 神武 固辭

送。 四百餘人,胡、魏五萬戶。 其衆復立其子南海王,神武進擊之,又獲南海王及其弟西海王、北海王、皇后公卿已下 三月,神武欲以女妻鑑升太子,候其不設備,辛酉,潛師襲之。 壬申,神武朝于鄴。 其北部王斬蠡升 首以

四 月,神武請給遷人廩各有差。

九月甲寅,神武 以州郡縣官多乖 ·法,請出使問人疾苦。

梯,夜入其城,禽其刺史費也頭所拔俄彌突,[10]因而用之。留都督張瓊以鎭守, 不沒者四尺。 五千戶以歸。 [率騎迎泥、豐生,拔其遺戶五千以歸,復泥官爵。 魏帝詔加神武九錫,固讓乃止。 三年正月甲子,神武帥厙狄干等萬騎襲西魏夏州,日身不火食,四日而至。 神武命阿至羅發騎三萬徑度靈州,繞出 西魏靈州刺史曹泥與其壻涼州刺史劉豐遣使請內屬。 西軍後,獲馬五十匹, 西師乃退。 神 周文圍泥,水灌其城, 遷其部落 網消

**撥與其子太宰受洛干、豳州刺史叱干寶樂、** 二月,神武令阿至羅逼西魏秦州刺史建忠王万俟普撥,神武以衆應之。六月甲午,普 右衛將軍破六韓常及督將三百餘人擁部來

賦

八月丁亥,神武請均斗尺,班於天下。

九月辛亥,汾州胡王迢觸、曹貳龍聚衆反,署立百官,年號平都。 神武討平之。

十二月丁丑,神武自晉陽西討,遣兼僕射行臺汝陽王暹、司徒高昂等趣上洛,大都督竇

泰 入自潼關

几 年正 月癸丑,竇泰軍敗自殺。 神武次瀟津,以冰薄不得赴救,乃班師。 高昂攻剋

常 紀 第 神 武

北 齊 酱 卷二

二月乙酉,神武以幷、肆、汾、建、晉、東雍、南汾、泰、陝九州霜旱,人饑流散,請所在開

倉賑給。二三

六月壬申,神武如天池,獲瑞石,隱起成文曰,「六王三川」。

十月壬辰,神武西討,自蕭津濟,二三衆二十萬。周文軍於沙苑。 神武以地阨少却,西

人鼓譟而進,軍大亂,棄器甲十有八萬,神武跨橐駝,候船以歸。

元象元年三月辛酉,神武固請解丞相,魏帝許之。

七月壬午,行臺侯景、司徒高昂圍西魏將獨孤信於金墉,西魏帝及周文並來赴救。 匹 月庚寅、神武朝于鄴、壬辰、還晉陽。請開酒禁、並賑恤宿衞武官。

都督庫狄干帥諸將前驅,神武總衆繼進。 。八月辛卯,戰於河陰,大破西魏軍,俘獲 数萬。 司

徒高昂 、大都督李猛、宋顯死之。自己西師之敗,獨孤信先入關,周文留其都督長孫子彦守金

墉,遂燒營以遁。 至孟津,未濟,而 軍有勝負。 神武遣兵追奔,至崤,不及而還。 旣而 神武渡河,子彦亦棄城走,神武遂毀金墉而還。 初神武知西師來侵,自晉陽帥衆馳赴,

十一月庚午,神武朝於京師。 十二月壬辰,還晉陽

興和元年七月丁丑,魏帝進神武爲相國、錄尚書事,固讓乃止。

一月乙丑,神武以新宮成,朝於鄴。魏帝與神武讌射,神武降階稱賀,又辭渤海王及

都督中外諸軍事,詔不許。十二月戊戌,神武還晉陽

二年十二月,阿至羅別部遣使請降。 神武帥衆迎之,出武州塞,不見,大獵而還。

三年五月,神武巡北境,使使與蠕蠕通和。

**黜**勤怠,牧守有愆,節級相坐,椒掖之內,進御以序,後園鷹犬悉皆棄之。 六月甲辰,神武還 四 年五月辛巳,神武朝鄴,請令百官每月面敷政事,明揚側陋,納諫屛邪,親理獄訟,褒

The second second

典 十一月癸未,口三神武以大雪,士卒多死,乃班 九月,神武西征。十月己亥,圍西魏儀同三司王思政於玉壁城,欲以致敵,西師不敢 師

以 銳 盜 橋 南 來 殺 爲 追 攻,衆潰,神武 驢 城。 武定元年二月壬申, 懷 騎 者,軍令應死,神武弗殺,將至幷州決之。 至,親 戊申,神武大敗之於芒山,擒西魏督將已下四百餘人,俘斬六萬計。 州 若 死 信都督尉興慶曰:「王去矣,興慶腰 列 失馬,赫連陽順下馬以授神武,與蒼頭馮文洛扶上俱走, 用 爾 北豫州刺史高愼據武牢西叛。三月壬辰,周文率衆援高愼,圍河 子。」興慶曰「兒小,願用兄。」許之。 明日復戰,奔西軍,告神武 邊百箭,足殺百人。」神武 興慶關,矢盡 勉之曰:「事濟, 而死。 從 所 者 在. 是時軍士有 步 騎六七 西 西魏太 師

帝

紀

第

神

武

下

師質拔勝以十三騎逐神武,河州刺史劉洪徽射中其二。 勝稍將中神武,段孝先橫射勝馬

豫、洛二州平。 神武使劉豐追奔,拓地至弘農而還。

七月,神武貽周文書,責以殺孝武之罪。

八月辛未,魏帝詔神武爲相國、錄尚書事、大行臺,餘如故,固辭乃止。 是月,神武命於

肆州北山築城,西自馬陵戍,東至土隥,四十日罷。

十二月己卯,神武朝京師,庚辰,還晉陽。

二年三月癸巳,神武巡行冀、定二州,因朝京師。以冬春亢旱,請蠲懸責,賑窮乏,宥死

罪以下。又請授老人板職各有差。四月丙辰,神武還晉陽。

十一月,神武討山胡,破平之,俘獲一萬餘戶口,分配諸州。日云

三年正月甲午,開府儀同三司众朱文暢、開府司馬任胄、都督鄭仲禮、中府主簿李世

林、前開府參軍房子遠等謀賊神武,因十五日夜打簇,懷刃而入,其黨薛季孝以告,並伏誅

丁未,神武請於幷州置晉陽宮,以處配口。

三月乙未,神武朝鄴,丙午,還晉陽。

十月丁卯,神武上言,幽、安、定三州北接溪、蠕蠕,請於險惡修立城戍以防之,躬自臨

履,莫不嚴固。 乙未,神武請釋芒山俘桎梏,配以民間寡婦

起土 孝寬奪據土山。 城中出鐵面,神武使元盜射之,江北每中其目。用李業興孤虛術,萃其北。北,天險也。 兵,鄴下每先有黃黑螘陣鬪,占者以爲黃者東魏戎衣色,黑者西魏戎衣色,人間以此候勝 士皆響懼。 王,以死氣逆生氣,爲客不利,主人則可。 兵果行,傷大將軍。」神武不從。 自康、西魏搆 是時,黃螘盡死。九月,神武圍玉壁以挑西師,不敢應。 山、鑿十道、又於東面鑿二十一道以攻之。城中無水、汲於汾、神武使移汾、一夜而畢。 四年八月癸巳,神武將西伐,自鄴會兵於晉陽。 神武 有疾。 頓軍五旬,城不拔,死者七萬人,聚爲一冢。有星墜於神武營,衆驢並鳴, 殿中將軍曹魏祖曰:「不可,今八月西 西魏晉州刺史韋孝寬守玉壁,

亭樹 時 西魏言神武 ,世子使斛律光射殺之。 侯景 一月庚子,與疾班師。 素輕世子,嘗謂司馬子如曰:「王在,吾不敢有異,王無,吾不 中弩,神武聞之,乃勉坐見諸貴,使斛律金勑勒歌,神武自和之,哀感流涕 己卯,神武 庚戌, 遣太原公洋鎭鄴。辛亥, 徵世子澄至晉陽。 以無功,表解都督中外諸軍事,魏帝優詔許焉。 能 與鮮卑小 兒共事。」 有惡鳥集 是

世 如 掩 其 對。 至,又聞 口。 叉 至是,世子爲神武書召景。 問 市中 曰:「豈非憂侯景叛耶。」曰:「然。」神武曰:「景專制河南十四年矣,常有飛 武 疾, 遂擁 兵自固。 神武 景先與神武約,得書,書背微點,乃來。 謂 世子曰:「我雖疾,爾 面 更有餘 憂色,何也?」 書至,無

帝

難得,宜防護之。 無罪過。 勒老公,並性適直,終不 揚跋扈志, 潘相樂本作道人,心 顧 我能養, 豈爲汝駕御也! 今四方未定, 勿遽發哀。 少堪敵侯景者唯有慕容紹宗,我故不貴之,留以與汝,宜深加殊禮,委以 負汝。 和厚,汝兄弟當得其力。 可朱渾道元、劉豐生遠來投我,必無異心。 韓軌少戆,宜寬借之。 **厙狄干鮮卑老公,斛律金勑** 賀拔焉 彭相樂 過見樸 J. 腹 實

經

**漳水之西,魏帝臨送於紫陌。 |天保初,追崇爲獻武帝,廟號太祖,陵曰義平。** 黄屋、左纛、前後羽葆、鼓吹、輕車、介士,兼備九錫殊禮,諡獻武王。八月甲申,葬於鄴西北 於晉陽,時年五十二,祕不發喪。六月壬午,魏帝於東堂舉哀,三日,製總衰。 諡神武皇帝,廟號高祖 大將軍霍光、東平王蒼故事,贈假黃鉞、使持節、相國、都督中外諸軍事、齊王璽紱、輼輬車、 五年正月朔,日蝕,神武曰:「日蝕其爲我耶,死亦何恨。」丙午,陳啓於魏帝。 天統元年,改 詔 凶禮依漢 是日 崩崩

抱,文武將東罕有預之。統馭軍衆,法令嚴肅,臨敵制勝,策出無方。 於得才,苟其所堪,乃至拔於厮養,有虛聲無實者,稀見任用。諸將出討,奉行方略,罔不克 知人好士,全護勳舊。 神武性深密高岸,終日 性周給,每有文教,常殷勤欵悉,指事論心,不尚綺靡。 嚴然,人不能測,機權之際,變化若神, 至於軍國大略, 聽斷昭察,不可欺犯。 擢人授任,在 獨運懷

皆思効力。 爵。 並蒙恩置之第館,教授諸子。 捷,遠失指畫,多致奔亡。 居家. 如官。 至南威梁國,北懷蠕蠕,吐谷渾、阿至羅咸所招納,獲其力用,規略遠矣。 仁恕愛士。 雅尙儉素,刀劍鞍勒無金玉之飾。 始范陽盧景裕以明經稱, 其文武之士盡節所事, 見執獲 魯郡 韓毅 而 少能劇飲,自當大任,不過三 不罪者甚多。 以工書顯,咸以謀逆見擒 故遐邇 歸

#### 校勘記

- 北 齊書卷二 按此卷原缺,後人以北史卷六齊紀上神武紀補
- 時魏 恐帝 也 不太連貫。 部 帝 將帥 將伐 慮 神 疑行「神武」二字、意謂魏帝部署將帥、盧高歡懷疑、故下詔解釋。 疑 武神武部署將帥 故 有此詔」。 按册府原據本顯然沒有「署」字,但文義不顺。 慮疑故有此詔 册府卷一八六二二五二頁作 「時魏帝將伐 若 與上文所述「發 如本文,
- ヹ <u>}</u>史改。 今猖狂之罪介朱時討 按此 句 必有訛脫,從北史也同樣費解,今姑依三朝本。 北史、册府同上卷頁「今」作「令」,「討」作「計」。 南本以下諸本都從北

河南諸

州兵,增宿衞,守河橋」這些「部署」相合;

也和詔書中

的

解釋

通貫

모덕 也 **欣旣闇** 九字, 昧不 而下有 知佞人是誰可列其姓名令朕知也 「傾高乾之死,豈獨朕意,王忽對昂,言兄枉死,人之耳目,何易可輕」二十五 通鑑卷一五六四八四六頁無 「可列其姓名 令股 知

帝

紀

第

\_\_

校

勘

神武紀, 字, 主責高歡 不見本書和北史。 較大可能是採取三國典略或高氏小史, 滅紀豆陵伊利語,同卷四八四五頁「密詔高歡」語皆是。司馬光未 按通鑑敍高歡這一段事多溢出北史神武紀的話, 但其源仍出於北齊書原文。 必能 如同卷四八三六頁載魏 像這一條二十五 見到 北齊書原文

字,決非後人所能妄增,疑當是北齊書神武紀所載詔書原文。

万五 九月庚寅神武還於洛陽 克潼關,己酉,二十九日也,不容庚寅已還至洛陽,庚寅乃九月十日也。」按魏書卷一一出帝紀, <u>泳熙三年五三四九月己酉高歡克潼關,即於是日東還於洛,這個月小盡,二十九日從潼關啓程,</u> 通鑑卷一五六四八五五頁「九月」作「十月」。考異云:「按歡九月已酉

ハベ 賜一制,許還京洛,臣當式勒文武,式淸宮禁。若返正無日,則七廟不可無主,萬國須有所歸, 乃遣僧道榮奉表關中 臣寧負陛下,不負社稷。」按通鑑此表或采自他書,但其源當出於北齊書神武紀原文。 本書和北史不載表文,却見於通鑑卷一五六四八五五頁,云:「陛下若遠

即使明天就到洛陽也是十月了。

通鑑改十月是。

トナノ 乃集百僚四門耆老 凡校記所注御覽頁碼皆據中華書局影印本「四門」作「沙門」,疑是。 南本及北史、册府卷一八六二二五四頁、太平御覽下簡稱御覽卷一三〇六三〇

八 九 **山** ハヘン 護軍祖瑩贊焉 神武帥厙狄干等萬騎襲西魏夏州 諸本「瑩」作「榮」,北史作「瑩」。按祖瑩,北史卷四七有傳,亦載此事,今據改。 南本、汲本「犀」作「庫」。按「庫」本有舍音、「庫狄」應讀舍

狄。 後人以去點者讀作舍,遂分爲二字。作「厙」不致誤讀。 本
皆
此
姓
「
庫
」
「
庫
」
雑
出
、
今
統

作「厙」,以後不再出校記。

禽共刺 拔一。 納本、班府卷六六六頁作「解拔彌俄突」。 拔」之異。 「拔」之訛。 說 北齊書神武紀都作「俄彌突」, 彌 採錄北齊書。因此,「斛拔」和「解拔」是周書和北齊書的差異,現在難以判斷是非。 齊神武紀 他 突」和「彌俄突」之異。 小字「彌俄突」,又北史卷九八高車傳見高車主「彌俄突」,可證北史作「俄彌突」是倒誤。此 北齊書神武紀已佚,但段韶傳是原文,雖然「律」字錯了, 史費也頭斛拔俄彌突 . 百衲本、册府卷一八六二三五四頁 據上引,大體上周書作「解拔」,北史和册府中北周部分都採錄周書,所以也作 **活**書 百衲本卷一文帝紀、 觀段韶傳也作「彌娥突」,和周書紀、傳同,而北史紀、傳和 可知這是北史和潤、 本書卷一七段韶傳「斛拔俄彌突」作「斛律彌娥突」,「律」是 卷一四賀拔岳傳,北史卷九周本紀上、卷四九賀拔岳傳 · 册府「突」訛「定」。 這裏有兩個問題,一是「斛拔」和「解 都作「斛拔」無府「拔」訛「板」, 齊書的異文。 却作「斛」不作「解」。 今按周書卷一三宋獻公震傳 也因爲北史中北齊部 以北史補 第二是一般 北史 分卽 卷六 解 的 百

六月甲午普撥與其子太宰受洛干至 三年五三六三月無甲午,六月甲午是二十五日。 擁部來降 又周書卷二文帝紀下記此事在大統二年 諸本「六月」作「三月」, 北史作「六月」。 按天平 五三六

卷以北史補,所以同

帝

第

校勘

記

七 五 四八七三頁考異引三國典略也作「六月」。今從北史改。 月,乃獲悉普撥等東走,字文泰追他們的時間,則其入東魏,自不能早在三月。通鑑卷一五

二月乙酉神武以幷肆汾建晉東雍南汾泰陝九州霜旱人饑流散請所在開倉賑給 諸本「二月」

四四四 載,辨魏書卷一〇六下地形志下治蒲坂的「秦州」當作「泰州」。 錢引證雖也有個別錯誤,結論 錢大听二十二史考異下簡稱錢氏考異卷三〇會歷據魏書食貨志此條和魏、周、齊書中有關泰州紀 是對的。 月乙酉不得云春,知作「二月」是,今從北史改。又「泰」,諸本及北史都作「秦」,食貨志作「泰」。 作「四月」、北史作「二月」。按魏書卷一一〇食貨志稱「所在開倉賑給」在天平四年五三七春。四 辞野賭傳, 考這個泰州有時也作「太州」, 歷見本書卷一七斛律金傳、卷二〇群循義傳, 魏書卷 山右石刻叢編卷二六周故譙郡太守曹□ □□碑, 其地望卽是治蒲坂的泰州。

「泰」和「太」同音通用、足證作「秦」之誤、今據改。

十月壬辰神武西討自蒲津濟 |魏書卷||二十月壬辰敗於沙苑。按長曆,十月壬辰朔,北齊紀誤也。」按是年十一月無壬辰。 諸本「十月」作「十一月」。 通鑑卷一五七四八八三頁考異云:「魏

周書卷二文帝紀下大統三年五三七稱「十月壬辰至沙苑」,與魏書合。這裏「一」字符,今據删。

司徒高昂大都督李猛宋顯死之 五三有傳,說他死於河陰之戰。 諸本「宋」作「宗」,唯局本作「宋」。按宋顯本書卷二〇北史卷 魏書卷一二靜帝紀元象元年、周書卷二文帝紀下大統四年都

作「宋顯」。今從局本。

C 吾 十一月癸未 癸未。「二」字訛,今改正。 稱「十有一月壬午班師」。按是年十一月癸亥朔,壬午是二十日,癸未是二十一日。十二月無 諸本「十一月」作「十二月」、北史作「十一月」。魏書卷一二靜帝紀興和四年五四三

俘獲一萬餘戶口分配諸州 「口」字。按文義不當有「口」字,但删府卷一八六二三五五页也有,可能「口」上或下面有個數字 脱去,今不删。 南本及北史卷五、魏書卷一二。孝靜帝紀武定二年十一月條都沒有

神武使元盜射之 册府卷一八六二三五六頁「盜」作「溢」。 按一般不會以「盜」爲名,疑作「溢」

是。

# 北齊書卷三四

### 帝紀第三

#### 文襄

尚孝靜帝妹馮翊長公主,時年十二,神情儁爽,便若成人。 神武試問以時事得失,辨析無不 元年,立爲渤海王世子。 就杜詢講學,敏悟過人,詢甚歎服。 二年,加侍中、開府儀同三司, 世宗文襄皇帝諱澄,字子惠,神武長子也,母日婁太后。 生而岐嶷,神武異之。 魏中興

中理,自是軍國籌策皆預之。

年,攝東部尚書。魏自崔亮以後,選人常以年勞爲制,文裹乃釐改前式,銓擢唯在得人。又 沙汰尚書郎,妙選人地以充之。至于才名之士,咸被薦擢,假有未居顯位者,皆致之門下, 都督。[三時人雖聞器識,猶以少年期之,而機略嚴明,事無疑滯,於是朝野振肅。 元象元 天平元年,加使持節、尚書令、大行臺、幷州刺史。 三年,入輔朝政,加領左右、京畿大

帝紀第三

文襄

軍 以 吏 2部郎 ,領 爲賓客, 中書 崔暹 「監**、**(言. 毎 爲御史中尉, 山園 仍攝吏部尚書。 游燕,必見招攜,執射賦詩,各盡其所長,以爲娛適。 糾劾權豪,無所縱捨,於是 自正光已後,天下多事,在任羣官,廉潔者寡。 風俗更始,私枉路絕。 興和二年,加大將 乃牓於街衢,具 文襄 乃 奏

論經

國

政

術

",仍開

直言之路,有論事上書苦言切至者

,皆優容之。

刺史高 文襄 申 朝于鄴。 神武 憑 志。七月戊戌,魏帝 神 ,安危所繫,不得 武 崩 武 啓辭位,願停王 遺令, 定 元 祕 成、 六月己已,韓軌等自潁州班 四 不 年十一月,神武 襄州 請 發喪。 減 國邑分封將督, 刺史李密、廣州刺史暴顯等。 韶以文襄爲使持節、大丞相、都督 令遂本 一舒。 辛亥, 壬寅,魏帝詔太原 懷,須 司徒侯景據河南 西討,不豫,班師,文裏馳 有 各有差。 權奪,可 師。 1 公洋攝 復前大 辛未, 丑,文襄還晉陽, 反,潁州 遣司 將軍,餘如故 朝料, 理 軍 中 空韓軌 赴軍所,侍衞還晉陽。 刺史司馬世 -外諸軍 國 固辭 造 率衆討之。 中使敦喻。八月戊辰,文襄啓 乃發喪,告喩文武,陳 一、錄尙 丞 相 雲以城應之。 書事、大行臺 魏帝 夏四月壬申 詔日 五. 年正月丙午, 「旣朝野攸 景 誘 、渤海王 神 執 文襄 豫州 武 遺

諓 者 成云 侯景 %猶有 北 望 之心, 但信 命 亦 ·至耳。 又景將察遵道北歸,稱景有悔過之心。

王以爲信然,謂可誘而致,乃遺景書曰"四

先王與司徒契闊夷險,孤子相依,偏所眷屬,義貫終始,情存歲寒。 待爲國士者乃

欲乘機 招禍,丁天酷罰,但禮由權奪,志在忘私,聊遣偏裨,前驅致討,南兗、揚州應時剋復。卽 當是不逞之人,曲爲無端之說,遂懷市虎之疑,乃致投杼之惑。 宇文,南請援於 託,方爲溱、晉之匹,共成劉 人相疑誤,想自覺知。 便陷叛人之地。 立漆身之節,饋以一餐者便致扶輪之効,況其重於此乎。常以故舊之義,欲將子孫相 席卷縣瓠 蕭氏,以狐疑之心,爲首鼠之事。 力不足以自强,勢不足以自保,率烏合之衆,爲累卵之危。 ,屬以炎暑,欲爲後圖,且令還師,待時更舉 闔門大小,悉在司寇,意謂李氏未滅,猶言少卿 、范之親。 況聞 負杖 行 入秦則秦人不容,歸吳則吳 歌,便: 以狼 顧反噬,不蹈忠臣之路, 比來舉止,事已可 可反。 孤子無狀 西取救於 人不信。 見,

禄位 卷 甲 刺之, 通家 去危就安,智者轉禍爲福,寧人負我,不我負 下勠力,三令五申、可赴湯火。 來朝, 少共 退 今寒膠向折 想 成 則 有 親 餘 不喪功名。 垂囊還 力。 好 **,**,白露將團,方憑國靈,龔行 即相加授,永保疆場。 一闕者, 今 王 即當授豫州, 思政等皆孤 使旗鼓相望,埃塵相接,勢如沃雪, 必使終君 軍偏將, 君門眷屬可以無息,寵妻愛子亦送相還,仍爲 天罰。 人,當開從善之途,使有改迷之路。 身世。 遠來深 器械精新,士馬强盛,內外感恩,上 入, 所部文武更不追 然其性命在君掌握 事等注熒。 攝, 進得保 夫明 若能 脫

者

能

其

虚 强,空使身有背叛之名,家有惡逆之禍,覆宗絕嗣,自貽伊戚。 孤子今日不應遣此,但見蔡遵道云「司徒本無西歸之心,深有悔過之意」,未知此語爲 爲實。 君 今不能東封函谷,南面稱孤,受制於人,威名頓盡。 吉凶之理,想自圖之。 得地不欲自守,聚衆不以爲 戴天履地,能 無愧乎 Ì

#### 景報書曰:

差,寒 吞炭, 版。 故耳。 好 宅,無事見圍。及廻歸長社,希自陳狀,簡書未遣,斧鉞已臨。旣旌旗相對,咫尺不遠, 貴當年,榮華身世。一旦舉旗旆,援鼓枹,北面相抗者何哉。寔以畏懼危亡,恐招禍害 改,拜恩私第,何足關言。 飛 書 生,僕實不辜,桓、莊何罪。 每奏,冀申鄙情。 舉目相看,命縣漏刻,不忍死亡,出戰城下,拘凑送地,豈樂爲之?禽獸 僕 暑 何 往年之暮,尊王遘疾,神不祐善,祈禱莫瘳。遂使嬖倖弄權,心腹離貳,妻子在 ·鄉曲布衣,至本乖藝用,出身爲國,綿歷二紀,CKJ 犯危履難,豈避風霜,遂得富 小異,丞 其謬 也!然竊人之財,猶謂之盜,祿去公室,抑謂不取。 相司徒,雁行而 而羣帥恃雄,眇然弗顧,運戟推鋒,專欲屠滅,掘圍堰 且尊王平昔見與比肩,勠力同 已。福 一禄官榮,自是天爵,勞而後授,理不相干,欲求 心,共與帝室,雖復權 今魏德雖衰,天命未 惡死,人倫 水,僅存三 勢參

吐邪 邕熙,招攜以禮,被我虎文,縻之好爵,方欲苑五岳而池四海,掃氛穢以拯黎元。 昔陳平背楚,歸漢則强,<br />
百里出處,入秦斯霸。蓋昏明由主,用舍在人,奉禮而行,神其 暫落,秋帶自殞,此而爲弱,誰足稱雄?又見誣兩端,受疑二國,斟酌物情,一何太甚。 甌 是殷監。 不足以自强,身危如累卵。 聞,動而 越 ,西道汧隴,吳越悍勁,帶甲千羣,秦兵冀馬,控弦十萬,大風一振,枯幹必摧,凝霜 賜 幽 不法,將何以訓。 輕重由人,非鼎在德,苟能忠信,雖弱必强,殷憂啓聖,處危何苦。 不能東封函谷,受制於人,當似教僕賢祭仲而褒季氏。「も」無主之國,在禮未 竊以分財養幼,事歸令終, 然億兆夷人,卒降十亂,紂之百克,終自無後,潁川之戰,卽 舍宅存孤,誰云隙末。復言僕衆 况今梁道 東覉

峙、臙、憰、趙、晉足相俸祿、齊、曹、宋、魯悉歸大梁。 使僕得輸力南朝,北敦姻好,束帛 侧。 南,幸自取之,何勞見援。然權變非一,理有萬塗,爲君計者,莫若割地兩和,三分鼎 今引二邦, 揚旌北討, 熊虎齊奮, 剋復中原, 荆、襄、廣、潁已屬關右, 項城、縣瓠亦奉江 揚 塵,馬首何異。徒知北方之力爭,未識西南之合從,苟欲狥意於前塗,不覺坑穽在其 書稱 去危就安,今歸正朔;轉禍爲福,已脫網羅。彼當嗤僕之過迷,此亦笑君之晦昧。 士馬精新,剋日齊舉,誇張形勢,必欲相滅。 切以寒膠白露,節候乃同,秋風

帝

紀

安堵。 自行,戎車不駕,僕立當世之功,君卒父禰之業,各保疆壘,聽享歲時,百姓乂寧,四人 孰若驅農夫於壟畝,抗勁敵於三方,避干戈於首尾,當鋒鏑於 心腹,縱太公爲

將,不能獲存,歸之高明,何以克濟。

還書,其何能述。 辭,更論款曲。 昔與盟主,事等琴瑟,讒人間之,翻爲讐敵,撫弦搦矢,不覺傷懷,裂帛 止不能,殺之無損,〔5〕復加阬戮,家累在君,何關僕也。 王陵附漢,母在不歸;太上囚楚,乞羹自若。 來書日,妻子老幼悉在司寇,以此見要,庶其可反。 矧伊妻子,而可介意。 當是見疑編心,未識大趣。 遵道所說,頗亦非虚,故重 脫謂誅 之有益,欲 陳

於一學,又與一景書而謬其辭,云本使一景陽叛,欲與圖西,西人知之,故景更與圖南爲事。 **曹於梁,梁人亦不之信。** 王尋覽書,問誰爲作。 或曰:「其行臺郎王偉。」王曰:「偉才如此,何因不使我知。」王欲問景 漏其

季舒 莫走馬,大將軍怒。」王嘗侍飲,舉大觴曰:「臣澄勸陛下酒。」東魏主不悅曰:「自古無不亡之 國, 朕亦何用如此生!]王怒曰:「朕! 朕! 狗脚朕!]使崔季舒毆之三拳,奮衣 壬申, 東魏主與王獵於|縣東, [五] 馳逐如飛。 東魏主賜季舒綵,季舒未敢卽受,啓之於王,王使取一段。東魏主以四百疋與 監衛都督烏那羅受工伐從後呼曰:「天子 而 出。 尋遺

之,曰:「亦一段耳。」東魏主不堪憂辱,詠謝靈運詩曰:「韓亡子房奮,秦帝魯連耻,本自江海

人,忠義感君子。」因流涕。

戒勵,朝野承風,莫不震肅。又令朝臣牧宰各舉賢良及驍武膽略堪守邊城,務得其才,不拘 三月辛亥,王南臨黎陽、103濟於虎牢,自洛陽從太行而反晉陽。 於路遺書百僚,以相

職業。自己六月,王巡北邊城戍,賑賜有差。

也。 足,入于牀下,賊黨去牀,因而見殺。先是訛言曰「軟脫帽,牀底喘」,其言應矣。 置刀於盤,冒言進食。王怒曰:「我未索食,爾何遽來!」京揮刀曰:「來將殺汝!」王 自投傷 等屏斥左右,署擬百官。 | 京將進食,王却,謂諸人曰:「昨夜夢此奴斫我,宜殺却。」| 京聞之, 言宰輔星甚微,變不出一月。王曰:「小人新杖之,故嚇我耳。」將欲受禪,與陳元康、崔季舒 時王居北城東柏堂莅政,以寵琅邪公主,欲其來往無所避忌,所有侍衞,皆出於外。太史啓 之,王不許。。京再訴,王使監廚蒼頭薛豐洛杖之,曰:「更訴當殺爾。」京與其黨六人謀作亂 聲甚凄斷,淚不能已,見者莫不怪之。初,梁將蘭欽子京爲東魏所虜,王命以配廚。 文襄皇帝,廟號世宗。 數日前,崔季舒無故於北宮門外諸貴之前誦鮑明遠詩曰:「將軍旣下世,部曲亦罕存。」 七月,王還晉陽。 時有童謠曰:「百尺高竿摧折,水底燃燈燈滅。」識者以爲王將殂之兆 辛卯,王遇盜而殂,自己時年二十九。葬于峻成陵。 齊受禪,追諡爲 時太原公 欽請贖

帝紀第

文襄

校勘記

洋 在 城東雙堂, 入而討賊,臠割京等,皆漆其頭。 秘不發喪,徐出言曰:「奴反,大將軍被傷,

無大苦也。」

#### 校勘記

北齊書卷三 成了尤無倫 非 Ŀ 所 語,稱:「詳文襄紀,其首與北史同,而末多出 與北史同 錄 序列,尤無倫次,蓋雜 冷自梁書; 次」,不但非北齊書 最後 中間 按此卷原缺,後人以北史卷六齊紀上文襄紀上和他書補。 一段敍東魏孝靜帝事,也非出自魏書孝靜紀。 **敍述高澄和侯景通訊及往來書信,與梁書卷五六侯景傳所載不** 取之以成此書,非正 原文,可能還不是補此紀時的面貌。 東魏孝靜紀。 |史也。」查此紀前半自「可復前大將軍,餘如故」以 其間與侯景往復書見梁書景傳。 總之此紀後 疑補了之後,又有缺失,再 各本卷末都有宋人校 半 確 盡 是 相 雜 同,並 湊 而 其

ائم ---ا 三年入輔朝政加領左右京畿大都督 湛 {氏 頁 M {志 無 雖 據八瓊室金石補正卷二〇高叡造像記稱其父琛高歌弟 不載,但魏末元又、溪康生、亦朱榮、亦朱兆、亦朱世隆都曾帶領 按「領 左 右」連讀。 隋書卷二七百官志中後齊領軍所屬有「領左右 諸本及北史卷六「領」下有「軍」字,册府卷一八六二三五六 的官衡便有「領領左右 左右 府」,魏書卷 的 官 職。 的 <sup>2</sup>一一三官 魏 末此 項,重

官

度

凑

合,以致如

此

連文,「左右」與「京畿大都督」連讀,而京畿大都督却從未分 過 左 右,不 可 通。 「領」字,是全稱。 高琛死於天平中,高澄接任是合於當時情勢的。如有「軍」字,則「領軍」 今據册府刷

興和二年加大將軍領中 書監 魏書卷一二、北史卷五孝靜帝紀,高澄爲大將軍在武定二年

五四四、距興和二年五四〇四年。 觀下文說高澄「奏吏部郎崔暹爲御史中尉」,檢本書卷三〇卷

溪溪稱「武定初,遷御史中尉」,則這裏「興和」爲「武定」之誤無疑。

彼無之句,知非出於梁書。文苑英華卷六八五載高澄與侯景書,當是全文,梁書和此紀各有 乃遺景書日 按此紀所載高澄、侯景往來書也見於梁書卷五六侯景傳、梁書較詳,但也有此有

ハガリ 僕鄉曲布衣 諸本「曲」作「一」。册府卷二一五二五七三頁及梁書作「曲」。按侯景和高歡都是懷

朔鎭人,同鄉里,所以說「鄉曲布衣」,今據改。

删節。

出身爲國綿歷二紀 諸本「二」作「一」,梁書作「二」。按梁書上文有「初逢天柱,賜忝 謀,晚遇永熙,委以干戈之任」句。「天柱」指介朱榮,侯景投靠介朱榮,至遲在永安元年

至武定五年五四七作此書時首尾二十年,即從永熙元年五三三附高歌時算起也有十六年。作「二

紀」是,今據改。

帝紀第三 校勘記

フャン 高澄來書笑侯景「受制於人」,有似教他學祭仲、 季氏那樣專擅,故下反駁云: 「無主之國,

未聞。」作「哀」於文義不協,今據改。

ハベン 殺之無損 諸本「殺」作「救」。册府卷二一五二五七三頁及梁書作「殺」,文義較長,今據改。

壬申東魏主與王獵於鄴東 按此紀前半以北史補, 北史例稱東魏孝靜帝 爲「魏帝」, 本書 卷四

文宣紀、卷三〇崔暹、高德政傅是北齊書原文,也稱「魏帝」。 宋人校語以爲這段記載 出 於 魏書

如果補史者要改,就應改稱「魏帝」,

以與

全書,特別

與此紀前半相符,何故忽然改作「東魏主」?即此可知不出魏書,何況此段最後「因流 孝靜紀,孝靜紀更沒有「東魏主」的稱謂。 涕」三字

現在我們見到的較早史料中只有唐丘悅的三國典略見御覽、 通鑑考異引稱孝靜帝

爲「東魏主」,這段敍事,較近情的推測是直接或間接出於此書。

爲孝靜紀所無。

三月辛亥王南臨黎陽 按上文紀年至武定五年五四七八月,這裏忽接以三月,據北史卷六乃是

六年的三月,脫了紀年。

又令朝臣牧宰各舉賢良至不拘職業 按北史卷六載此令在武定六年五四八三月戊申,在上條三

月辛亥 南臨黎陽 」前四天,這裏敍次顚倒

辛卯王遇盜而殂 按這是武定七年五四九八月辛卯的事,諸書無異文。 這裏不紀年月,連上文

魯的權臣。

因

配

「七月王還晉陽」,就像髙澄死在晉陽,亦謬。

便似武定五年七月的事,可謂謬誤之甚。又高澄被刺在鄴城,諸書也無異文、 這裏緊接上文

## 北齊書卷四

## 帝紀第四

#### 文宣

晉陽 私嘗怪之。 之,曰「亂者須斬。」高祖是之。又各配兵四出,而使甲騎僞攻之。世宗等怖撓,帝乃勒衆 宋能言, 欻然應曰「得活」, 太后及左右大驚而不敢言。鱗身, 重踝, 不好戲弄, 深沉有大度。 雖明敏,貌若不足,世宗每嗤之,云:「此人亦得富貴,相法亦何由可解。」唯高祖異之,謂薛 與彭樂敵,樂発胄言情,猶擒之以獻。後從世宗行過遼陽山,獨見天門開,餘人無見者。 手再三指天而已,口無所言。見者異之。高祖嘗試觀諸子意識,各使治亂絲,帝獨抽刀斬 曾有沙門,乍愚乍智,時人不測,呼爲阿禿師。帝曾與諸童共見之,歷問祿位,至帝,舉 顯祖文宣皇帝諱洋,字子進,高祖第二子,世宗之母弟。后初孕,每夜有赤光照室,后 初,高祖之歸介朱榮,時經危亂,家徒壁立,后與親姻相對,共憂寒餒。帝時尚 內

帝紀

第四

文宣

尚書左僕射、領軍將軍。

琡 騎常侍、驃騎大將軍、儀同三司、左光祿大夫、太原郡開國公。 曰:「此兒意識過吾。」幼時師事范陽盧景裕,默識過人,景裕不能測也。天平二年,授散 武定元年,加侍中。

' 五年,授尚書令、中書監、京畿大都督。

親總庶政,務從寬厚,事有不便者咸蠲省焉。 而 |漆其頭, Cl] 徐宣言曰:「奴反,大將軍被傷,無大苦也。」當時內外莫不驚異焉。乃赴晉陽, 武定七年八月,世宗遇害,事出倉卒,內外震駭。 帝神色不變,指麾部分,自臠斬羣賊

冬十月癸未朔,以咸陽王坦爲太傅,潘相樂爲司空。

十一月戊午,吐谷渾國遣使朝貢。梁齊州刺史茅靈斌、德州刺史劉領隊、 南豫州刺史

皇甫眘等並以州內屬。

十二月已酉,以幷州刺史彭樂爲司徒,太保賀拔仁爲幷州刺史。

州 刺史田聰能、洪州刺史張顯等以州內屬。戊辰、魏詔進帝位使持節、丞相、都督中外諸軍 八年春正月庚申,梁楚州刺史宋安顧以州內屬。辛酉,魏帝爲世宗舉哀於東堂。梁定

事、錄尚書事、大行臺、齊郡王,食邑一萬戶。甲戌,地豆于國遣使朝貢。〔三〕

居晉陽,寢室夜有光如畫。旣爲王,夢人以筆點己額。且以告館客王曇哲曰:「吾其退乎。」 三月辛酉,又進封齊王,食冀州之渤海長樂安德武邑、瀛州之河間五郡,邑十萬戶。自

間 高 陽章武 夏 五 月辛亥,帝如鄴。 定州 之中山常山博 F 寅 陵 進 千 相 郡 國 一色二 總 十萬戶, 百揆,封冀州之渤海長樂安德武邑、瀛州之河 加 儿 錫, 殊 禮 齊王 一如故。 魏帝 遣 兼

太尉彭城王韶、司空潘相樂册命曰:

宣 幾惟 以 建 匹 師 國 至 時代序,萬類 相 深,乃神 勤 , 此 今申後 之業將墜於 於 談,敬 憂 則 夏伯 命,其 及文襄 乃聖 嫌股 脱尹 駢 地。 敬 羅,庶品 命 承 大崇霸 虚 ! 竭其股肱 構,愈廣 齊獻武 受。 夫惟 德, 得性,羣形 天爲 王 (前業) 實 奮迅 ,
周
成 大, 廣 相 風 康 列晷宿 、漢昭 不 猷。 雲, 邦 ·夫。 夷難, 大濟 雖 無爲 而垂象; 然則皇王 冥 艱危, 道 功 而 格 妙 治 實 穹蒼。 **爰翼** 謂地蓋厚, 一統曆 頃者天下 藐 () () () () () 絕言 一深視 王縱 象, 德 疏川岳以阜物。 國 高 多難,國 應期, 居 爲 標聲示迹, 了**,** 抄. 再 造, Ŧ 命 默 經營庶 垂衣 齡 如 旒 典禮 出,惟 則 所 宜 我 以 成

晏, 煙,此 齊變魯, 聲接 王 叉王 摶 響隨, 此王之 風 一之功 初 舉, 功 無 也。 思不偃,此又王之功也。 也 建旗 逮 仍攝 上地 光 統 ),庇民 天臺 前 緒 總參 立政,時雨 持 衡 戎 匡 律, 合, 逖矣炎方, 滂流, 華 策 戎 出 岩 混 下識 神 **迪達正朔,懷** , , 廉恥,仁加 威 風 海 行 調 朔 夷 土 水陸,移 文曜武, 引 日 月 弓 光 竄 華 跡 授略申 風 易俗, 天 松 地清 塞 規 自 無

紀

| 推 天動共 山谷, 子弟, 漆,氊裘委仞,奇獸銜尾,此又王之功也。 充 旅,覆其巢穴,威略風 師 表 尾,素過秦雀 方,這此又王 亟 輕徭徹 積, 纔指 爲 連 塵 · 質渠萬族,廣袤千里,憑險不恭,恣其桀黠,有樂淳風,相攜叩款,粟帛 此叉王之功也。 尙 、衷,辭卑禮厚,區宇乂寧,遐邇畢至,此又王之功也。 賦,矜獄 梗,懷德畏威,向 ,渙同冰散,此 城 相投庇, () 灌然桑落, 此又王之功也。 · 蒼比周 之功也。 (寬刑,大信外彰,深仁遠洽,此又王之功 如鳥還山 鳥,此又王之功也。 騰,傾懾南海,此又王之功也。 叉王之功也。 **茫茫涉海,世敵諸華,風行鳥逝,倏來忽往,旣飮醇醪,** 天平地成,率土咸茂,禎符顯 風請順,傾陬盡落,其至如雲,此又王之功也。 猶川 赴海,荆、江十部, 晉熙之所,險薄江雷,迥隔聲教,迷方未 關、峴衿帶,跨躡蕭條,腸胃之地,后立鴟時,偏 搜揚管庫, 秦川尙阻,作我仇讐,爰挹椒 見, 史不停筆, 旣連 衣冠獲序, 羣蠻跋扈, 世絕南疆 俄 也。 而 獻 江 王有安日下之 割, 陰告禍 禮 乘此 云樂云, 民民 出內之任,王宜 胡人 會 蘭,飛 百木, 無適 ,搖蕩邊垂, 也, 大 、別種 銷 之調,王府 改、命將鞠 勳 沉 歸,蕭宗 書請好, 將 附 爺是九 一,延蔓 俱振 混 同 加 膠 以 朱

光明之盛德,宣贊洪猷, 鬼謀,兩儀協契,錫命之行,義申公道。 以左右股言。 昔旦、與外分, 毛、畢入佐, 以王踐律蹈禮,軌物蒼生,圓首安志,

是用 罔不彈射,是用錫王彤弓一、彤矢百、盧弓十、盧矢千。 王孝悌之至,通於神明,率民興 圆猛概,抑揚千品,毅然之節,肅是非違,是用錫王武賁之士三百人。 王興亡所繫,制 率心歸道,是以錫王大路、戎路各一,玄牡二駟。王深重民天,唯本是務,衣食之用,榮 行,感達區宇,是用錫王秬鬯一卣,珪瓚副焉。往欽哉。其祗順往册,保弼皇家,用終 極 王朱戶以居。王求賢選衆,草萊以盡,陳力就列,罔非其 辱所由,是用錫王衮冕之服,赤舄副焉。王深廣惠和,易調風化,神祇且格,功德 |幽顯,糾行天討,罪人咸得,是用錫王鈇鉞各一。 王鷹揚豹變,實扶下土,狼顧鴟張, [錫王軒懸之樂,六佾之舞。王風聲振赫,九域咸綏,遠人率俾,奔走委費,是用錫 一人,是用錫王納陛以登。 可象。 王英

爾休德,對揚我太祖之顯命。

魏帝以天人之望有歸,丙辰,下詔曰:

巨業, 實有道之神器。 圮,盗名字者遍於九服,擅制命者非止三公,主殺朝危,人神靡繫,天下之大,將非魏 賴齊獻武王奮揚靈武,剋剪多難,重懸日月,更綴參辰,廟以掃除,國由再造,鴻勳 三才剖判,百王代興,治天靜地,和神敬鬼,庇民造物,咸自靈符,非一人之大寶, 無德 imi 稱。 **昔我宗祖應運,奄一區宇,歷聖重光,暨於九葉。德之不嗣,仍離屯** 逮文襄承構,世業逾廣,邇安遠服,海內晏如,國命已康,生生得性

帝

紀

伊 歸 所謂 ۱۲ 命世應期,實撫千載。 外盡江淮,風靡屈膝,辟地懷人,百城奔走,關隴慕義而請好,瀚漠仰德而 禎符雜遝,異物同途,謳頌填委,殊方一致,代終之迹斯 致誠

表,人靈之契已合,天道不遠,我不獨知。

虞禪 帝 位 於 代之典,近想魏、晉揖讓之風,其可昧興替之禮,稽神祇之望。 股 齊國 入纂鴻休,將承世祀,籍援立之厚,延宗社之算。 ,推聖與能,眇符 前軌。 主者宣布天下,以時施行。 靜言大運,欣於避賢,遠惟唐、 今便遜於別宮,歸

又使兼太尉彭城王韶、兼司空敬顯儁奉册曰:

不得 屬 字; 不 咨 授,畏 爾 重華 相 握 國 天 層,持 齊王: 不 可不 衡 夫氣分 摊璇。 受。 是故漢劉告否,當塗順民,曹歷不永, 形化,物繫君長,皇王遞興,人非一姓。 所以英賢茂實,昭晰 千古,豈盛衰 有運, 金行納 昔放勳 興廢 禪, 在 馭世,沉壁 此 時 皆 , 知 重规

窮,人靈殄瘁,羣逆滔天,割裂四海,國土臣民,行非魏有。 我 祖 宗光宅, 混 萬字。 迄於正光之末,奸孽乘權,厥政 齊獻武王應期授手,鳳舉龍 多僻,九域離盪 永安運

襲矩,率由

舊

章者

也

愧之, 紛委 舟梁 薄, 以富· 承世 骧 而 舉廢極以立天,扶傾柱而鎭地,剪滅黎毒,匡我墜曆,有大德於魏室,被博利於蒼 有 業,扶國 及文 ,以表代德之期,用啓興邦之迹,蒼蒼在 一世,體文昭 坐而 H 之資,運英特之氣,顧盼之間 め ( 寒機 待 뛦 昌家,相德日躋,霸風 H 帆,誕 是以 武,追變窮 且 光前業,內剿凶權,外摧侵叛,退 仰協穹昊,俯從百姓,敬以帝位式授於王。 一時來運往, 微 嬀舜 自舉跡藩旟, 愈邈,威靈斯 ·,無思不服。 不暇 以當陽,世革命改,伯禹不容 上,照臨 頌歌總集,入統機衡,風 暢則荒遠奔馳,聲略所 圖諜潛蘊,千祀彰 不遠。 邇 肅 晏,功格 股 以 虚 天祿永終,大命格矣。 上玄。 明,嘉 味,猶未 於北 播 猷弘遠。 王 禎 加 隣敵 逡巡 神 幽 面,況於寡 祇 秘 協德 静 順款 及大 朝

於戲 其祗 承 曆 數,允執 其 、中,對揚天休,斯年千萬,豈不盛歟

叉

致壓書於

帝,遣兼太保彭城

王韶

、兼司空敬顯儁奉皇帝

璽綬,禪代之禮

依唐虞

漢魏故

又尚書令高隆之率百僚勸進。 戊午,乃卽皇帝位於南郊,升壇柴燎告天曰:

图 輔。 後,內外去之。 , 芟夷奸宄, 德被黔黎, 勳光宇宙。 上覽唐、虞,下稽魏、晉,莫不先天揖讓,考歷 臣 洋敢 世道横流 用玄牡,昭告於皇皇后帝: ,蒼生塗炭。 賴我獻武,拯其將溺,三建元首,再立宗 文襄嗣武,克構鴻基,功浹寰宇,威稜海外,窮 否泰 歸終。 相 沿, 廢 魏氏 興 多難, 、迭用, 至道 年將三十, 無親, 祧 孝昌已 應 掃 運 絕 斯

帝稳第四 文宣

髮懷音,西寇納款,青丘保候,丹穴來庭,扶翼危機,重匡頹運,是則有大造於魏室也

下為 乃顧 於 魏帝 一,總民宰世,樹之以君。 上,魏朝推進於下,天位不可以暫虛 以卜世告終,上靈厭 德,欽若昊天,允歸大命,以禪於臣洋。 旣川岳啓符,人神效祉,羣公卿士,八方兆庶,僉曰皇極 遂逼羣議,恭膺大典。 猥 夫四 以寡薄,託於 海至公,天 兆

民之上,雖天威在顏,咫尺無遠, 循躬自省, 實懷 祗惕。 敬簡 元辰, 升壇受禪,肆類

上

帝,以答萬國之心,永隆嘉 祉,保祐有齊,以被於無窮之祚。

先獻 是日 億 惟 切,遂屬代終,居於民上,如涉深水,有眷終朝。 |帝俯遵曆數,爰念褰裳,遠取唐、虞,終同 挺武 而 信,先春後秋。 兆 爾文武不貳 功,內資明德,纂戎先業,闢土服遠。 武王值魏世 京 同 始 師獲赤雀 茲 日 心之臣,股肱 , 其 不造,九鼎行 一、獻於南郊。 故知惻隱之化,天人一揆,弘宥之道,今古同 大赦天下 爪牙之將, 左右先王, 克隆 0 出,乃驅御侯伯,大號燕、趙,拯厥顚 改武定八年爲天保元年。 事 畢,還宮,御太極前 脱屣。 年踰 二紀,世 實幽 始發晉陽,九尾呈瑞,外壇告天,赤雀 殿。 憂未已,志在陽 歷 大業,永言誠節, 韶曰:「, 其百官進階,男子賜爵,鰥寡六疾 兩都,獄 風。 無德而稱,代刑以禮,不言 訟 墜,俾亡 股 城, 有適,謳 以虚 而 共 羣 則 薄 斯 ",功 歌 存。 公 休 卿 斯 業 士誠 文襄 祉 在 無紀。昔 . 効祉 守愈 王 思 故 外 與 魏

義

夫節婦旌賞各有差。」

乘 務 者 武 碾 丑 皇帝 一,詔降 了, 不 存安靜 五 具 時 己未,韶 在降 副 魏朝 皇兄文襄王 田 車 限。 百 若法有不 封 封魏帝爲中山王,食邑萬戶;上書不稱臣,答不稱詔,載天子旌旗,行魏 頃 封 爵各 辛未,遣大 園 王 諸 「有差。 爲 所。 便於時,政有未盡於事者,具條得失,還以 子爲縣公,邑一千戶; 文襄皇帝,祖宗之稱,付外速議 使於四 韶追尊皇祖文穆王爲文穆皇帝,妣爲文穆皇后, 其信 都從義 方, 觀察 及宣力霸朝者,及 風俗,問民疾苦,嚴勒 奉絹 萬匹,錢千萬,粟二萬石,奴婢 以聞。 西來人並武定六年以 辛酉、 長吏,厲 聞 尊王太 奏。 以廉平, 甲 后爲 皇考獻武王爲獻 戌,遷 皇太 來南 二百人,水 興利 神 來投化 除害, 主於 Œ

地 軌 異。 君 以 以 物。 創 廟 時 修治 婚姻 載 **幷州之太原** 出 六月己卯,高麗遣使朝貢。 於 可 爲 量 祀 廟 奇,後以過 喪葬之費,車服飲 典者, 字, 事 具 立 務盡 青州之齊郡,霸業所在,王命是基。 咸秩 條 前爲麗,上下 褒崇之至。 式, 罔遺。 使儉 食之華,動竭歲資 詔 而 辛巳,詔 韶分遣使 日言 獲 貴賤 中。」又詔 冀州 無復等差。 日:「 之渤海、 人致祭於 小以營? 封崇聖侯邑一 頃者風俗流宕,浮競 長樂 日富。 五 今運屬 君子有作,貴不忘本,思申恩治,蠲復 岳 四 郡, 盤惟新, 叉 瀆, 百戶,以奉孔子 奴僕帶 先帝 其堯祠 思蠲往弊,反朴 日 始 金玉, 滋,家有吉凶,務求勝 封之 舜 廟, 國 婢妾 之祀,並下魯郡 下及 義 衣 還淳,納 旗 孔父 羅 初 綺 起之 老 始 民

紀

四

文

宣

卷 四

田 租 齊郡 渤海 可並復 年,長樂復二年,太原復三年。」

宗爲 濟州 |提為 常山 定王 諸弟 撫問 趙 故 郡 領 高 王 青州 妻子 王 上洛王 刺 軍 詔 韓軌 陽王,濟爲博陵王,凝爲新平王,潤爲馮 万俟 故 史蔡儁等並左右先帝,經贊皇基,或不幸早徂,或殞身王 冀州 高孝緒爲脩城王。四又韶封功臣厙狄干爲章武王,斛律金 刺 ,慰逮存亡。 太傅 爲安德王,可朱渾道元爲扶風王, 史沒為永安王,尚書左僕射淹爲平陽王,定州刺史浟爲彭城王,儀同三司演 ,高長弼爲廣武王,高普爲武興王,高子瑗爲平昌王,高顯國 一、故定州刺史段榮、故御史中尉劉貴、故御史中尉 刺史換爲上 孫騰 故太保尉景、故大司 又韶封宗室高岳爲淸河王,高隆之爲平原王,高歸彥 黨王,儀同三司淯 馬婁昭 爲襄城王,儀同三司湛爲長廣王,湝爲任城王 彭樂為陳留王,潘 翊王,洽爲漢陽王 、故司徒高昂、故尚書左僕射慕容紹宗、 相樂爲河東王。 事,可遣使者就 寶泰、故殷州刺 爲咸陽王,賀拔仁 爲襄樂王,高叡 爲平秦王,高 癸未,詔 史劉 墓致祭,並 豐、故 爲安 封 思

樂 爲奏聞。」己亥,以皇太子初入東宮,赦畿內及幷州死罪已下,餘州死降, 爲 使持 爲 太尉 1 亥、韶立王子殷爲皇太子,王后李氏爲皇后。 節 司 驃騎 空潘相樂 大將軍 · 司 爲司徒,開府儀 州 牧。 壬辰,詔曰:「自今已後,諸有文啓論 同三司司 馬子如 庚寅、詔以太師厙狄干 爲司空。 辛卯,以前 事並 徒流已下一 陳要密, 太尉、淸河 爲太宰, 有 司 徒 司 王 皆 悉 彭 岳

令。 所不給人者,徒爲蓄積,命宜悉出,送內後園,以供七日宴賜 王,孝瑜爲河南王。 又詔曰:「古人鹿皮爲衣, 書囊成帳, 有懷盛德, 風流可想。 秋七月辛亥,詔尊文襄妃元氏爲文襄皇后,宮曰靜德。 乙卯,以尚書令、平原王隆之錄尚書事,尚書左僕射、平陽 又詔封文襄皇帝子孝琬 其魏御府所有珍奇雜綵常 王淹 爲 爲 尙 河間

音旨,或承傳傍說,凡可載之文籍,悉宜條錄封上。」甲午,詔曰:「魏世議定麟趾格,遂爲通 制,官司施用,猶未盡善。可令羣官更加論究。適治之方,先盡要切,引綱理目, 筆,有聞無墜,猶恐緒言遺美,時或未書。在位王公文武大小,降及民庶,爰至僧徒,或親奉 以備水旱之災。」庚寅,詔曰:「朕以虚寡,嗣弘王業,思所以贊揚盛績,播之萬古。 者,必當寵以榮祿,待以不次。」又曰:「諸牧民之官,仰專意農桑,勤心勸課,廣收天地之利, 硏習禮經。 「有能直言正諫,不避罪辜,謇謇若朱雲,諤諤若周舍,開朕意,沃朕心,弼于一人,利兼百姓 八月,詔郡國修立黌序,廣延髦儁,敦述儒風。 往者文襄皇帝所運蔡邕石經五十二枚,至即宜移置學館,依次修立。又詔 其國子學生亦仰依舊銓補,服膺 。雖史官執 必使無 師說,

九月癸丑,以散騎常侍、車騎將軍、領東夷校尉、遼東郡開國公、高麗王成爲使持節、侍

帝

大將軍 承制、 邵陵王蕭綸爲梁王。 庚午,帝如晉陽,拜辭山陵。 是日皇太子入居涼風堂,

監總國事。

史段韶為 陽縣及相 省,別掌機密。 冬十月己卯,備法駕,御金輅,入晉陽宮,朝皇太后於內殿。辛巳,曲赦幷州太原郡晉 尚 國府四獄囚。 書右僕射。 癸未,茹茹國遣使朝貢。乙酉,以特進元韶爲尚書左僕射,幷州 丙戌, 吐谷渾國遣使朝貢。 壬辰,罷相國府,留騎兵、外兵曹, 各立 刺刺

寅, 帝親戎出次城東。 十二月丁丑,茹茹、庫莫奚國並遣使朝貢。 十一月,周文帝率衆至陝城,分騎北渡,至建州。甲寅,梁湘東王蕭繹遣使朝貢。 周文帝聞帝軍容嚴盛,歎曰「高歡不死矣。」遂退師。 辛丑,帝至自晉陽。 庚午,還宮。 丙

親耕籍 一年春正月丁未,梁湘東王蕭繹遣使朝貢。 田 于 東 郊。 乙酉, 前 黄門侍郎 元世寶、通直散騎侍郎彭貴平謀逆, 辛亥,有事于圓丘,以神武皇帝配。 発死配邊。 有事

二月壬辰,太尉彭樂謀反,伏誅。 壬寅,茹茹國遣使朝貢。

於

、太廟。

甲戌、帝汎舟於

城

東。

三月丙午,襄城王淯薨。 己未、詔梁承制湘東王繹爲梁使持節、假黃鉞、相國,建梁臺,

總 百揆,承制。「公梁交州刺史李景盛 、梁州刺史馬嵩仁、義州 刺史夏侯珍洽 、新州刺史李漢

等並率州內附。 庚申,司空司馬子如坐事免。

夏四月壬辰,梁王 蕭繹 遣使朝貢

閨 月乙丑,室韋國 遣使朝貢

五月丙戌,合州刺 史斛斯顯攻剋梁歷陽鎮。 丁亥, 高麗國遣使朝貢。 是月,侯景廢梁

簡文,立蕭棟爲主。〔七〕

六月庚午,以前司空司 馬子如爲太尉。

七月壬申,茹茹遣使朝貢。 癸酉,行臺郎邢景遠破梁龍安戍,獲鎭城李洛文。 己卯,改

顯 陽 殿爲昭 陽殿。

九 (月壬申, 韶줲諸伎作、屯、牧、雜色役隸之徒爲白戶。 癸巳,帝如趙、定二州, 因 如

晉陽。

冬十月戊申,起宣光、建始、嘉福 、仁壽諸殿。 庚申,蕭釋遣使朝貢。 丁卯,文襄皇帝神

主入于廟。

十一月,侯景廢梁主,僭卽爲位於建鄴,自稱曰漢。

帝 紀 第 四 文 宜

北 齊 審 卷 四

十二月,中山王殂。

三年春正月丙申,帝親討庫莫奚於代郡,大破之,獲雜畜十餘萬,分賚將士各有差。 以

溪口付山東爲民。

二月,茹茹主阿那瓌爲突厥虜所破,壞自殺;其太子菴羅辰及壞從弟登注俟利發、注

子庫提並擁衆來奔。茹茹餘衆立注次子鐵伐爲主。辛丑,契丹遣使朝貢。

都督,及行臺辛術率衆南伐。癸巳,詔進梁王蕭繹爲梁主。 三月戊子,以同州牧淸河王岳爲使持節、南道大都督,司徒潘相樂爲使持節、東南道大

夏四月壬申,東南道行臺辛術於廣陵送傳國璽。甲申,以東部尚書楊愔爲尚書右僕

射。 丙申,室韋國遣使朝貢。

六月乙亥,清河王岳等班師。 丁未,帝至自晉陽。 乙卯,帝如晉陽。

九月辛卯,帝自幷州幸離石。

十一月辛巳,梁王蕭繹即帝位於江陵,是爲元帝,遣使朝貢。 冬十月乙未,至黃櫨嶺,仍起長城,北至社干成四百餘里,立三十六成。

十二月壬子,帝還宮。戊午,帝如晉陽。

四年春正月丙子,山胡圍離石。戊寅,帝討之,未至,胡已逃竄,因巡三堆戍,大狩而

戊寅、庫莫奚遣使朝貢。己丑、改鑄新錢、文曰「常平五銖」。

二月,送茹茹主鐵伐父登注及子庫提還北。[5] 鐵伐尋爲契丹所殺,國人復立暨注爲

主,仍爲其大人阿富提等所殺,國人復立庫提爲主。

夏四月戊戌,帝還宮。戊午,西南有大聲如雷。

五月庚午,帝校獵於林慮山。戊子,還宮。

九月,契丹犯塞。 壬午,帝北巡冀、定、幽、安,仍北討契丹。

至陽師水,倍道兼行,掩襲契丹。甲辰,帝親踰山嶺,爲士卒先,指麾奮擊,大破之,虜獲十 辛丑,至白狼城。壬寅,經昌黎城。復詔安德王韓軌率精騎四千東趣,斷契丹走路。癸卯, 冬十月丁酉,帝至平州,遂從西道趣長塹。詔司徒潘相樂率精騎五千自東道趣青山。

萬餘口、雜畜數十萬頭。樂又於青山大破契丹別部。所虜生口皆分置諸州。是行也,帝露 頭袒膊,晝夜不息,行千餘里,唯食肉飲水,壯氣彌厲。丁未,至營州。丁巳,登碣石山,臨

一月己未,帝自平州,**遂如晉陽**。

帝紀第四 文宣

閏月壬寅,梁帝遣使來聘。

廢其主庫提,立阿那瓌子菴羅辰爲主,置之馬邑川,給其稟餼繒帛。親追突厥於朔州,突厥 十二月己未,突厥復攻茹茹,茹茹舉國南奔。 癸亥,帝自晉陽北討突厥,迎納茹茹。乃

請降,許之而還。於是貢獻相繼。

晉州道,掎角夾攻,大破之,斬首數萬,獲雜畜十餘萬,遂平石樓。石樓絕險,自魏世所不能 五年春正月癸巳,帝討山胡,從離石道。遣太師、咸陽王斛律金從顯州道,常山王演從

於是遠近山胡莫不懾服。是月周文帝廢四魏主,立齊王廓,是爲恭帝。 三月,茹茹菴羅辰叛,帝親討,大破之,辰父子北遁。太保賀拔仁坐違節度除名。

率麾下千餘騎,遇茹茹別部數萬,四面圍逼。帝神色自若,指畫形勢,房衆披靡,遂縱兵潰 夏四月,茹茹寇肆州。丁巳,帝自晉陽討之,至恒州黃瓜堆,廣騎走。時大軍已還,帝

圍 而出。虜乃退走,回追擊之,伏尸二十里,獲菴羅辰妻子及生口三萬餘人。

五月丁亥,地豆干、契丹等國並遣使朝貢。丁未,北討茹茹,大破之。

六月, 茹茹率部衆東徙, 將南侵。 帝率輕騎於金山下邀擊之, 茹茹聞而遠遁。

秋七月戊子,庸慎遣使朝貢。壬辰, 隆罪人。 庚戌, 帝至自北伐。

錄尚 渙為 子太師侯莫陳相 書 尙 八月丁巳,突厥造使朝貢。 事 書 、平原王高隆之薨。 左僕射。 爲司空,尚書令、平陽王淹錄尚 乙亥,儀同三司元旭以罪賜死。 是月,韶常山王演、 庚子,以司州牧、清河王岳爲太保,司空尉粲爲司徒,[10]太 書事 上黨王渙、清河王岳、平原王段韶等率衆 1 ,常山王演 丑,帝幸晉陽。 爲 尚書令, 己卯,開府儀同三司、 中書令、 上黨王

九月,帝親自臨幸,欲以致周師。周師不出,乃如晉陽。

於洛陽

西南築伐惡城、新城、嚴城、河南城

未至 宰、都督中外諸軍,承制置百官 而江陵陷, 冬十月,四魏伐梁元帝於江陵。 梁元帝 為西魏將于蓮 詔清 所 殺。 河王岳 梁將王僧辯在建康, 、河東王潘 相樂、平原王段韶等率衆救之, 共推晉安王蕭方智爲太

十二月庚申,帝北巡至達速嶺,覽山川險要,將起長城。

騎常侍、貞陽侯 六年春正月壬寅,清河王岳以衆軍渡江,剋夏首。 蘆明爲梁主,遺尚書左僕射、上黨王渙率衆送之。 送梁郢州 刺 史陸法和。自己韶以梁散

大都督、西南道 二月甲子,以陸 大 行 法 臺, 和 為 梁鎮北將軍、侍中、荆州刺史宋茝爲使持節 使持節、都督荆雍江巴梁益 湘萬交廣十 州 、驃騎大將軍、郢州刺 諸 軍 事、三二太尉公、

紀 第 四 文 宣

帝

史。甲戌,上黨王渙剋譙郡。

三月丙戌,上黨王渙剋東 關,斬梁將裴之橫,俘斬數千。 丙申,帝至自晉陽。 封世宗

子孝珩為廣寧王 ,延宗爲安德王。 戊戌,帝臨昭陽殿聽獄決 訟。

**夏四月庚申**, 帝如晉陽。 丁卯, 儀同 蕭軌克梁晉熙城, 以爲江州。 戊寅, 突厥遣使朝

貢。梁反人<u>李山花自號天子,</u>逼魯山城。

五月乙酉,鎭城李仲侃擊斬之。 庚寅,帝至自晉陽。 蕭明入于建鄴。 丁未,茹茹遣使

朝貢。

**兼侍中袁泌、兼散騎常侍楊裕奉表朝貢。** 乙亥,出塞,至厙狄谷,百餘里內無水泉,六軍渴乏,俄而 ||梁民,宜聽反國,以禮發遣。||丁卯,帝如晉陽。 以 長 君,拯其危弊,比送梁主,已入金陵。 六月壬子,詔曰:「梁國遘禍,主喪臣離,遏彼炎方,盡生荆棘。 藩禮旣修,分義方篤。 壬申,親討茹 大雨。 茹。 戊寅,梁主蕭明遣其子章 甲戌、諸軍 越鳥之思,豈忘南枝 興亡繼絕,義在於我,納 大會於祁 门凡是 連 池

**敷十萬頭。** 石,頻大破之,逐至沃野,獲其俟利藹焉力婁阿帝、吐頭發郁 秋七月己卯,帝頓白道,留輜重,親率 茄茄俟利郁人 閥李家提率部人數百降。 輕騎五千追茹茹。 壬辰,帝還晉陽。 **入**関 壬午,及於懷朔鎮。 狀延等,並口二萬餘,牛羊 帝躬當矢

# 九月乙卯,帝至自晉陽。

十一月丙戌,高麗遣使朝貢。 冬十月,梁將 陳霸先襲王僧辯,殺之,廢蕭明,復立蕭方智爲主。 辛亥、帝如晉陽

獲秦郡等五城,戶二萬餘,所在安輯之。 以州內附。 壬辰,大都督蕭軌率衆至江,**造都督柳達摩等渡江鎭石**頭。 梁秦州刺史徐嗣輝、南豫州刺史任約等襲據石頭 己亥,太保、司州牧、淸河王岳薨。 東 南道行臺趙彦 是月,柳達摩爲 城, 深 並

十二月戊申,庫莫奚遣使朝貢。

霸先攻逼,以石頭降。

是年,發夫一百八十萬人築長城,自幽州北夏口至恒州九百餘里。

七年春正月甲辰,帝至自晉陽。 於鄰城西馬射,大集衆庶而 觀之。

二月辛未,<br />
詔常山王演等於凉風堂讀尚書奏按,<br />
論定得失,<br />
帝親決之。

三月丁酉,大都督蕭軌等率衆濟江。

夏四月 乙丑,儀同婁叡率衆討魯陽蠻,大破之。 丁卯,二言韶造金華殿

五月丙 申,漢陽 王洽薨。 是月,帝以肉爲 斷慈,遂不復食。

六月乙卯,蕭軌等與梁師戰於鍾山之西,遇霖雨,失利,軌及都督李希光、王敬寶

帝

老、軍司裴英起並沒,士卒散還者十二三。乙丑,梁湘州刺史王琳獻馴象。

是年,修廣三臺宮殿。

秋七月己亥,大赦天下。

八月庚申,帝如晉陽。

九月甲辰,庫莫奚遣使朝貢。

冬十月丙戌, 契丹遣使朝貢。 是月,發山東寡婦二千六百人以配軍士,有夫而濫奪者

五分之一。是月,周文帝殂。[18] 十一月壬子,詔曰:

政,鞭撻區宇,罷侯置守, 天下爲家。 無所改作。 革迭起,方割成災,肇分十二,水土旣平,還復九州。 崐山作鎮,厥號神州; 瀛海為池,是稱赤縣。 然則日月纏於天次,王公國於地野,皆所以上叶玄儀,下符川嶽。 泊兩漢承基, 曹、馬屬統, 其間損益, 難以勝言。 蒸民乃粒,司牧存焉。 道或繁簡,義在通時,殷因於夏, 王者之制,沿 逮于秦

家大族,鳩率鄉部,託迹勤王,規自署置。

啓立州

是使豪

爲煩,損害公私,爲弊殊久,旣乖爲政之禮,徒有驅羊之費。 郡。離大合小,本逐時宜,剖竹分符,蓋不獲已。 牧守令長,虛增其數,求功錄實,諒足 自爾因循,未遑删 改。

目。 拓土開疆,利窮南海。但要荒之所,舊多浮偽,百室之邑,便立州名,三戶之民,空張郡 中,理從刊正。傍觀舊史,逖聽前言,周曰成、康,漢稱文、景,編戶之多,古今爲最。而 丁口減於疇日,守令倍於昔辰,非所以馭俗調風,示民軌物。且五嶺內賓,三江廻化, 譬諸木犬,猶彼泥龍,循名督實,事歸烏有。今所併省,一依別制。 朕寅膺寶曆,恭臨八荒,建國經野,務存簡易。 。 將欲鎭躁歸靜,反薄還淳,苟失其

於是併省三州、一百五十三郡、五百八十九縣、二鎭二十六戍。又制刺史令盡行兼,不給幹 十二月,四魏相宇文覺受魏禪。先是,自西河總秦戍築長城東至於海,前後所築東西

凡三千餘里,率十里一成,其要害置州鎮,凡二十五所。

八年春三月,大熱,人或喝死。

絕。 以太師、咸陽王斛律金爲右丞相,前大將軍、扶風王可朱渾道元爲太傅,開府儀同三司 夏四月庚午,詔諸取蝦蟹蜆蛤之類,悉令停斷,唯聽捕魚。乙酉,詔公私鷹鷂俱亦禁

帝 紀 第 四 文 宜

六四

賀拔仁爲太保,尚書令、常山王演爲司空、録尚書事,長廣王湛爲尚書令,尚書右僕射楊愔 《尚書左僕射,以幷省尚書右僕射崔暹爲尚書右僕射,上黨王涣録尚書事。是月,帝在城

東馬射,勑京師婦女悉赴觀,不赴者罪以軍法,七日乃止。

五月辛酉,冀州民劉向於京師謀逆,黨與皆伏誅。

餅酒脯。 割,有司監視,必令豐備;農社先蠶,酒肉而已;雩、禖、風、雨、司民、司禄、靈星、雜祀,果 秋八月己巳,庫莫奚遣使朝貢。庚辰,詔丘、郊、禘、祫、時祀,皆仰市取,少牢不得剖 唯當務盡誠敬,義同如在。

甲辰,詔今年遭蝗之處免租。是月,周冢宰宇文護殺其主閔帝而立帝弟毓,仁己是爲明帝。 冬十月乙亥,陳霸先弑其主方智自立,是爲陳武帝,遣使稱藩朝貢。 自夏至九月,河北六州、河南十二州、畿内八郡大蝗。是月,飛至京師,蔽日,聲如風雨。

九年春二月丁亥,降罪人。 己丑、韶限仲冬一月燎野,不得他時行火,損昆虫草木。

是年,於長城内築重城,自庫洛拔而東至於塢紇戍,凡四百餘里。

三月丁酉,帝至自晉陽。

夏四月辛巳,大赦。 是夏,大旱。 帝以祈雨不應,毁西門豹祠,掘其冢。山東大蝗,差

<del>大</del>役捕而坑之。 是月,北豫州刺史司馬消難以城叛,入於周。

五月辛丑,Clto尚書令、長廣 王湛錄尚書事,驃騎 大將軍、平秦王歸彥爲尚書左僕射。甲

辰,以前尚書左僕射楊悟爲尚書令。

六月乙丑,帝自晉陽北巡。 己巳,至祁連池。 戊寅,還晉陽。

秋七月辛丑,給京畿老人劉奴等九百四十三人版職及杖帽各有差。 戊 申, 韶趙 燕

瀛 定、 南營五州及同州廣平、淸河二郡去年螽澇損田,兼春夏少雨,苗稼薄者,発今年

租賦。

發丁匠三十餘萬營三臺於鄴下,因其舊基而高博之,大起宮室及遊豫園。 銅筒日金鳳,金獸日聖應,水井日崇光。 八月乙丑,至自晉陽。 甲戌,帝如晉陽。 是月,陳江州刺史沈泰以三千人內附。 至是,三臺成,改 先是,

大赦,內外文武普汎一大階。丁巳,梁湘州刺史王琳遣使請立蕭莊爲梁主,仍以江州內屬, 十一月甲午,帝至自晉陽,登三臺,御乾象殿,朝讌羣臣,並命賦詩。 以新宮成, 丁酉,

令莊居之。

尉粲爲太尉,冀州 十二月癸酉,詔梁王蕭莊爲梁主,進居九派。日乙戊寅,以太傅可朱渾道元爲太師,司徒 刺史段韶爲司空,錄尙書事、常山王演爲大司馬,錄尙書事、長廣王湛爲

帝紀第四 文宜

司徒。是月,起大莊嚴寺。

是年,殺永安王浚、上黨王渙。

十年春正月戊戌,以司空侯莫陳相爲大將軍。 甲寅,帝如遼陽甘露寺。 乙卯,詔於麻

城置衡州。二五

二月丙戌,帝於甘露寺禪居深觀,唯軍國大政奏聞。

三月戊戌,以侍中高德政爲尚書右僕射。 丙辰,帝至自遼陽。 是月,梁主蕭莊至郢州,

遺使朝貢。

閏四月丁酉,以司州牧、彭城王<u>敝爲司</u>室,侍中、高陽王湜爲尚書右僕射。

空、彭城王敝 爺太尉,封皇子紹康爲長樂郡王。

五. 月癸未,誅始平公元世、[10]東平公元景式等二十五家,特進元韶等十九家並令

禁止。

六月,陳武帝殂,兄子庸立,是爲文帝。

卯,詔諸軍民或有父祖改姓冒入元氏,或假託攜認,妄稱姓元者,不問世數遠近,悉聽改復 秋八月戊戌,封皇子紹義爲廣陽郡王,以尚書右僕射、河間王孝琬爲尚書左僕射。 癸

木姓。 

九月己已,帝如晉陽。是月,使酈懷則、陸仁惠使於蕭莊

宗。四三武平初,又改爲文宣,廟號顯祖。 主、百僚、內外遐邇奉制割情,悉從公除。」癸卯,發喪,斂於宣德殿。十一月辛未,梓宮還京 之喪,雖曰達禮,漢文革創,通行自昔,義有存焉,同之可也,喪月之斷限以三十六二。 十二月乙酉,殯於太極前殿。乾明元年二月丙申,葬於武寧陵,諡曰文宣皇帝,廟號威 冬十月甲午,帝暴崩於晉陽宮德陽堂,時年三十一。遺詔:「凡諸凶事一依儉約。三年

寸. 前 夷未賓,修繕甲兵,簡練士卒,左右宿衞置百保軍士。每臨行陣,親當矢石,鋒刃交接,唯恐 外清靖,莫不祗肅。至於軍國幾策,獨決懷抱,規模宏遠,有人君大略。又以三方鼎時,諸 敵之不多,屢犯艱危,常致克捷。嘗於東山遊讌,以關隴未平,投杯震怒,召魏收於御前, 爲詔書,宣示遠近,將事西伐。是歲,周文帝殂,西人震恐,常爲度隴之計。 初踐大位,留心政術,以法馭下,公道爲先。或有違犯憲章,雖密戚舊勵,必無容舍,內 帝少有大度,志識沉敏,外柔內剛,果敢能斷。雅好更事,測始知終,理劇處繁,終日不

旣 征 【伐四克,威振戎夏,六七年後,以功業自矜,遂留連耽湎,肆行淫暴。 或躬自鼓舞,

帝

紀第四

歌謳 嫗,分付從官,朝夕臨視,以爲娛樂。凡諸殺害,多令支解,或焚之於火,或投之於河。沉酗旣 身,去衣馳騁,從者不堪,帝居之自若。親戚貴臣,左右近習,侍從錯雜,無復差等。 遊 自皇太后諸王及內外勳舊,愁懼危悚,計無所出。暨于末年,不能進食,唯數飲酒,麴蘖成 又多所營繕,百役繁興,舉國騷擾,公私勞弊。凡諸賞賚,無復節限,府藏之積,遂至空虛。 恰,各懷怨毒。而素以嚴斷臨下,加之默識强記,百僚戰慄,不敢爲非,文武近臣朝不謀夕。 又嘗幸開府暴顯家,有都督韓悊無罪,忽於衆中喚出斬之。自餘酷濫,不可勝紀。朝野憯 在 加 久,彌以狂惑,至於末年,每言見諸鬼物,亦云聞異音聲。 情有蒂芥,必在誅戮,諸元宗室咸 治陽 ?於市肆,勳戚之第,朝夕臨幸。 屠勦,永安、上黨並致冤酷,高隆之、高德政、杜剛、王元景、李蒨之等皆以非罪加害。嘗 不息,從旦通宵,以夜繼畫。 以稍戲刺都督尉子耀,應手卽殞。又在三臺大光殿上,以鐻鐻都督穆嵩,遂至於死。 時乘馲駝牛驢,不施鞍勒,盛暑炎赫,隆冬酷寒,或日中暴 或袒露形體,塗傳粉黛,散髮胡服,雜衣錦綵。 拔刃 徴集淫 ,張弓,

論曰:「三」高祖平定四胡,威權延世。遷鄴之後,雖主器有人,號令所加,政皆自出。顯

災,因而致斃。

始 圃 則存 因循鴻業,內外協從,自朝及野,羣心屬望。東魏之地,舉世樂推,曾未則月,玄運集已。 心 政 事,風化肅然,數年之間,翕斯致治。 其後縱酒肆欲,事極猖狂,昏邪殘暴,近世

未有。饗國弗永,實由斯疾,胤嗣殄絕,固亦餘殃者也。

斯德音。 贊 曰:天保定位,受終攸屬。 罔遵克念,乃肆其心。 奄宅區 窮理殘虐,盡性荒淫。 夏,爰膺帝錄。 勢叶謳歌,情毁龜玉。 始存政術,

## 校勘記

帝 神色不變指麾部分自臠斬羣賊而漆其頭 册府卷一九○□□九九頁、御覽卷一三○六三一頁

「自」下有「岩」字。 按「指麾部分自若」與上「神色不變」相應、疑傳本脫「若」字。

地豆于國遣使朝貢 南本「于」作「干」。 按此部見於魏書者多作「于」,見於北史者都作「干」。

}傳, 魏書卷一 册府 00, 卷九六九記此部却「于」「干」互見。 北史卷九四都有傳,也是一作「于」,一作「干」。 此紀這 一條除南本外都作「于」,南本當即據 此外通典卷二〇〇有地 北史 頭于

... ... 將混朱方 誻 本「朱」作「來」。 册府卷一八六二二五七頁作「朱」。按「朱方」見左傳襄公二十八年,

改,而下文天保五年五月條諸本又都作「干」。

今皆仍之,以後不再出校記。

布 杜 紀 注:「朱方、吳邑。」這裏用來泛指南方。 第 四 校 勘 記 「來方」無所取義,今據改。

- /**\*** 高 }高 永樂傳稱孝緒「天保初,改封脩城郡王」。 . 孝緒爲脩城王 諸本「脩」作「循」,南本作「修」,北史卷七齊文宣紀作「脩」。 隋書卷二九地理志梁州順政郡有「脩城縣」,云「舊 按本書卷一四
- 置脩城郡」。「循城」無此地名,今據改。
- 1 IJ. 往者文襄皇帝所運蔡邕石經五十二枚 頁 作「運」。 張森楷云:「按孝昭紀本書卷六、北史卷七亦云文裹帝所運石經, 諸本「運」都作「建」。 北史卷七、 册府卷一九四二三三九 則『建』字誤也。」按石
- 經本在洛陽,高澄運到鄴。今據北史、册府改。
- /**^^** 二字。 韶梁承 制湘 按下文四月見「梁王蕭繹」,這裏不宜省,當是脫文。 東王釋爲梁使持節假黃鉞相國建梁臺總百揆承制 北史卷七「承制」下有「梁王」
- (標、通鑑卷一六四五○七一頁都作「棟」。 寶二年記此事,百衲本作「楝」,殿本作「楝」,而卷五六侯景傳和南史卷八梁紀下、 是月侯景廢梁簡文立蕭棟 爲主 諸本「棟」作「楝」。 通鑑考異無文,則司 北史卷七作「栜」。按梁書卷四簡文紀大 馬光 所見諸史皆同作「棟」。今據改。 卷八〇侯景
- 送茹茹主鐵伐父登注及子庫提還北 次子,自在 其國爲主,無待齊之送之,有『父』字是。」按張說是,今據北史補 諸本 無「父」字,北史卷七有。 張森楷云:「按鐵伐是登注
- 广九 北史删 虜乃退走 今據册府卷九八四一一五五八頁改。 諸 本「乃」作「不」, 於文義不協,南本删「不」字。 北史卷七但作「虜走」,南本當即據

- 以司州牧清河王岳爲太保司空尉粲爲司徒 爲 大司 馬、 扶 風王可朱渾道元 爲大將軍」, 才接司空尉粲。 北史卷七「清河王岳爲太保」下尚有「以安德王軌 按下文天保八年四 .月稱「前 大 將 軍
- 扶 風王 可朱渾 道元爲太傅」,則道元先曾以大將軍能 免,這裏顯然脫去二人。
- 送梁郢 和 於 京 间。 州 刺 史陸 這裏 法 「陸法和」下當脫「於京師」三字。 和 按此 句語意不足。 本書卷 一三清河王岳傳稱岳得了郢州後,「先送法
- 是衛 以 |湘| 交廣 陸 法 的 諸 和 形 州 爲 連稱 訛 使持節都督荆雍江巴梁益湘萬交廣十州諸軍事 **兼督者常見「郢州」「寧州」。** 寧」 如寫作「甯」,與「萬」字形較近,疑這裏「萬 按地志無萬州。 梁代與荆雍梁益
- 丁卯 个據改。 誻 本 丁 卯 都作「丁亥」, 北史卷七作「丁卯」。 按天保七年五五六四月有丁卯,無丁亥,
- 是月 周 文帝 殂 按上已稱「是月發山東寡婦」,這裏「是月」二字是衍文。
- 吾 書食貨 及力皆 叉 叉 制 制刺 刺 (法) 聽 史 史守宰行 令盡 敕 盡 乃 二字 給。」「刺 行 兼 兼者 也是衍文。 不 給 史守令」連文,這裏「令」上脫「守」字,册府 不 - 給幹。」 幹 thr 通典卷五同。 が所 卷五〇五六〇六四頁「令」作「今」。按隋書卷二四食貨志云: 叉同 書卷二七百官志中云: 以不 可通、改 諸 漰 作「今」。 刺史守令已下幹 又據隋

- 五月辛丑 周冢宰宇文護殺其主閔帝而立帝弟毓 諸本「辛丑」作「辛巳」,北史卷七作「辛丑」。按天保九年五五八五月有辛丑,無辛巳, 按毓是字文泰長子,乃閔帝兄,作「弟」誤。
- 今據改。
- **韶梁王蕭莊爲梁主進居九派** 按字書「泒」即「环」,古「流」字。「泒」是水名,又是唐人俗寫的「派」字。 諸本「派」作「派」,局本作「派」。通鑑卷一六七五一七四頁作「泒」。 這裏以「狐」爲「派」,又

訛作「派」。 文選卷十二郭璞江賦:「流九派於潯陽。」太平寰宇記卷一一一江州序稱潯陽郡 彈

壓九派」。蕭莊時在湓城,卽潯陽郡治。今從局本。

- 二九 韶於麻城置衡州 郡即黃州,麻城是屬縣。 城,置衡州。」此州置於黃岡黃州治還是麻城,雖有異文,寰宇記紀年也較早,但州名「衡」不名 諸本「衡」作「衞」。 太平寰宇記卷一三一敍黃州云:「北齊天保六年於舊城西南 按隋書卷三一地理志永安郡條云:「後齊置衡州。」永安 面別築小
- 誅始平公元世 「元世」,本書卷二八及北史卷一九元韶傳作「元世哲」,這襄脫「哲」字。

「衞」是明確的,今據改。

- 諡日文宣 改諡景烈皇帝,廟號威宗; 皇帝廟號威宗 武平元年,復改顯祖文宣皇帝。 錢氏考異卷三一云:「按乾明初上諡號曰高祖文宣皇帝, 天統元年 此紀有脫文。」
- 論日 八紀已亡其七,惟此篇猶是百藥之舊,而論不著史臣,蓋校書依前後篇之例改之。」 錢氏考異卷三一云:「按百藥史論皆稱"史臣曰」,其稱"論曰』者,皆北史之文也。 齊,

# 北齊書卷五四

## 帝紀第五

#### 廢帝

傅之,寶鼎卒,復詔國子博士邢峙侍講。太子雖富於春秋,而溫裕開朗,有人君之度,貫綜 豈非自反耶。」常宴北宫,獨令河間王勿入。 敏慧。 經業,省覽時政,甚有美名。七年冬,文宣召朝臣文學者及禮學官於宮宴會,CID令以經義 何宜在此。」文宣每言太子得漢家性質,不似我,欲廢之,立太原王。初詔國子博士李寶鼎 相質,親自臨聽。 廢帝殷,字正道,文宣帝之長子也,母曰李皇后。天保元年,立爲皇太子,時年六歲。性 初學反語,於「跡」字下注云自反。時侍者未達其故,太子曰:「跡字,足傍亦爲『跡』, 今楊悟傳旨,謂國子助敎許散愁曰:「先生在世何以自資。」對曰:「散愁自少以來,不 太子手筆措問,在坐莫不歎美。 左右問其故,太子曰:「世宗遇賊處,河間王復 九年,文宣在晉陽,太子監國,集諸儒講

帝紀第五

廢帝

子縮屋 召太子使手刃囚。 登孌童之牀,不入季女之室,服膺簡策,不知老之將至。平生素懷,若斯而已。」太子曰:「顏 稱貞,柳下嫗而不亂,未若此翁白首不娶者也。」乃賚絹百疋。 太子惻然有難色,再三不斷其首。 文宣怒,親以馬鞭撞太子三下, 後文宣登金鳳臺, 由是

氣悸語吃,精神時復昏擾。

官失爵, 以 板 職 十年十月,文宣崩。 武官年六十已上及癃病不堪驅使者,並皆放免。 聽復資品。 庚戌, 尊皇太后爲太皇太后, 皇后爲皇太后。 癸卯,太子卽帝位於晉陽宣德殿,[四]大赦,內外百官普加汎級,亡 土木營造金銅鐵諸雜作工,一切 詔九州軍人七十已上授

間 徒、長廣王湛爲太尉,以司空段韶爲司 王孝琬 + 月乙卯,以右丞相、咸陽王斛律金爲左丞相,以錄尚書事、常山王演爲太傅,以 爲 司 州 牧,侍中燕子獻爲右僕射。 徒,以平陽王 戊午, 分命使者巡省四方, 淹 爲司空,高陽王湜爲尚書左僕射, 求政得 失,省察風 河

停罷。

俗,問人疾苦。

十二月戊戌,改封上黨王紹仁爲渔陽王,至廣陽王紹義爲范陽王,長樂王紹廉爲隴西

王。是歲,周武成元年。

駕至自晉陽。一月己亥,日以太傅、常山王演爲太師、錄尚書事,以太尉、長廣王湛爲 馬、幷省錄尚書事,以尚書左僕射、平秦王歸彥爲司空,趙郡王叡爲尚書左僕射。 配沒宮內及賜人者,並放免。甲辰,帝幸芳林園,親錄囚徒,死罪以下降免各有差。 乾明元年庚辰, 春正月癸丑朔,改元。己未, 詔寬徭賦。癸亥, 高陽王湜薨。 詔諸元良 是月,車 大司

夷校尉、遼東郡公、高麗王。是月,王琳爲陳所敗,蕭莊自拔至和州 太尉,以司空、平秦王歸彦爲司徒,彭城王浟爲尚書令。又以高麗王世子陽爲使持節、領東 事,以大司馬,長廣王湛爲太傅、京畿大都督,以司徒段韶爲大將軍,以前司空、平陽王淹爲 天和、侍中宋欽道、散騎常侍鄭子默。 乙巳,太師、常山王演矯詔誅尚書令楊愔、尚書右僕射燕子獻、「や」領軍大將軍可朱渾 戊申,以常山王演爲大丞相、都督中外諸軍、錄尚書

三月甲寅、韶軍國事皆申晉陽、禀大丞相常山王規算。壬申,封文襄第二子孝珩爲廣

寧王,第三子長恭爲蘭陵王。

**塗**瞻恤。[<] 是月,周明帝崩。 夏四月癸亥,詔河南、定、冀、趙、瀛、滄、南膠、光、靑九州,往因螽水,頗傷時稼,遣使分

五月壬子,以開府儀同三司劉洪徽爲尚書右僕射。

秋 八月壬午,太皇太后令廢帝爲濟南王,令食一郡,以大丞相、常山王演入纂大統。

帝紀第五 廢帝 校勘記

日,王居別宮。皇建二年九月,殂於晉陽,年十七。

悼王。 常山王地親望重,內外畏服,加以文宣初崩之日,太后本欲立之,故情等並懷猜忌。 不得也。」卲懼,請改焉。 昭深惡之,厭勝術備設而無益也。 仍白孝昭,以王當咎。 憂悵,乃白太后誅其黨,時平秦王歸彥亦預謀焉。 帝聰慧夙成,寬厚仁智,天保間雅有令名。及承大位,楊悟、燕子獻、宋欽道等同輔。以 初文宣命邢邵制帝名殷字正道,帝從而尤之曰:「殷家弟及,『正』字一 乃遺歸彥馳驛至晉陽宮殺之。 文宣不許曰:「天也。」因謂孝昭帝曰:「奪但奪,慎勿殺也。」 薨三旬而孝昭崩。 皇建二年秋,天文告變,歸彥慮有後害, 大寧二年,葬於武寧之西北, [五] 諡閔 王薨後,孝昭不豫,見文宣爲祟。 止,吾身後兒 常山王

### 校勘記

北齊書卷五 按此卷原缺,後人以北史卷七齊紀中廢帝紀

文宣召朝臣文學者及禮學官於宫宴會 御覽卷一三一 六三四頁「宮」上有「東」字。 疑當有 此 字。

35 後文宣登金 鳳臺 諸本無「金」字。 按金鳳臺見本書卷四文宣紀天保九年。 今據北史卷 七 補

24 十年 三一六三四頁、冊府卷一八八二三七九頁廢帝條作「十月」。  $\dot{+}$ 月文宣崩癸卯太子卽帝位於晉陽宣德殿 諸本「十月」作「十一月」。 按本書卷四文宣紀,高洋死在十月 北史卷七、御覽卷

甲午, 癸卯卽其後九日。十一月無癸卯。 且此紀下文又有「十一月乙卯」事。 「一」字衍,今

據 删

7 Ħ w 改封上黨王紹仁為漁陽王 按 本書卷一二文宣四王傳 擂 紹仁封西河王,卷一一 文襄六王傳

舶 有 漁陽王 紹信。 這裏「紹仁」當是「紹信」之誤,紹仁爲紹義弟,不應列 在紹義前。

マペ 順 「甲辰」「戊申」,本年正月無此 二月己亥 八 原产正 五一九六頁作「二月己亥」。按上文已稱「是月, 合。 今據通鑑補改。 諸本無「二月」二字,「己亥」作「癸亥」。 耳。 二月癸未朔,己亥是十七日,甲辰二十二日,戊申二十六日, 車駕至自晉陽」, 北史也不紀月, 正月事已完。 但作「己亥」。 下文紀日有 通鑑卷一六

セレ 倘 本告卷六孝昭 書右 僕射 燕子獻 }紀 補 卷三四本傳 諸 本「右」作「左」, 補 同作「右僕射」。「左」字訛、今據北史改 北史卷七作「右」。 按上年十一月稱燕子獻 爲右僕射。

「南帝 字。 韶 'nij 'nſ 南 按定真道 南 站站 定冀趙 ∭ 無詩州。 作郡 瀛滄五州 嬴滄南膠光青九州 名 標了南膠」只標「膠」字,但 膠、光、青、南青地 都在 河北, 往 不 因 螽 應冠 水 相 連 以河 颇傷時稼遣使分途贈 這樣 接、党 南,「南膠」 便 只 有鄰州: 八州 皆災, 無此 郡。 州名。 恤 青州獨免之理, 北史卷七「青」上有「南」 這裏必有 也 化 不 服。 可 北史增 通。

ታኔ \\_/ 葬於 武 寧之 西北 記 按 武寧是高洋陵名,「陵」字不宜省。

1

哘

紀

第

Ή

校

勘

# 北齊書卷六四

## 帝紀第六

#### 孝昭

遺 諱,終身未嘗誤犯。 衂。」以爲能。[I] 遂篤志讀漢書,至李陵傳,恒壯其所爲焉。 聰敏過人,所與遊處,一知其家 霸府爲諸弟師。帝所覽文籍,源其指歸而不好辭彩。每歎云:「雖盟津之師,左驂震 量,武明皇太后早所愛重。魏元象元年,封常山郡公。及文襄執政,遣中書侍郎李同軌就 Щ 孝昭皇帝演,字延安,神武皇帝第六子,文宣皇帝之母弟也。 帝送出閤,慘然斂容,淚數行下,左右莫不歔欷。其敬業重舊也如此。 同軌病卒,又命開府長流參軍刁柔代之,性嚴編,不適誘訓之宜,中被 幼而英特,早有大成之 而 不

文宣還鄴。 天保初,進爵爲王。 文宣以尚書奏事,多有異同,令帝與朝臣先論定得失,然後敷奏。 帝長於政術, 七年,從

帝紀

第六

孝

昭

剖 斷 咸 虚 共 理 , 文宣歎重之。八年, 轉司空、錄尙書事。 九年,除大司馬,仍錄

宮 召 因 帝 是禁友王 頗 魏 肅 、嚴,尙 朝宗室,文宣 人 被 然 取 唯 命罰 啼 所 带 醒 文宣 帝 御 泣 書則 而 晞 者 盃 拜 叉密撰 忘之。 乃 臨 盡皆壞棄。 伏 溺 中剖 ,竟無所言。 於遊宴,帝憂憤 拾之,合侍 以 欲帝離 前帝 事 白 斷 條,將諫,其友 一 一 一 不 、 本 有 擅 失,輒 之,陰爲帝 後盆沉湎 取 帝 帝之短 · 逐 文宣亦大悲,抵盃於地曰:「汝以 加 以刀 表 捶 帝 於 一,咸 廣水 王晞 月 楚,令史姦 ,或入諸貴戚家角力批拉,不限貴賤。 、神色。 環 餘 《 亂築 ) 無所陳,方見 以爲不 漸 淑媛,望移其寵。 廖 文宣覺之,謂帝曰:「但 了, 不 因 震,便 可。 此 敢 致 復 即考 帝不 解 困 諫 釋。 竟。 皇太后日夜啼泣,文宣 從,因間 帝 自 雖承旨 文宣 是 此嫌我,自 不許答鐘 極言,遂逢 一乃立 令汝在, 有納,而 帝於前 今敢進酒者,斬 郞 唯 我何 大怒。 中。 情 常 義彌 山王 不知 以 後 爲不 刀環 賜 順成 重 至 所為。先 縦樂? 帝魏 擬 帝性 后 內 脅 時 本 外

之地, 帝 道 錄抖省尚書事,解京畿大都督。 鄭 月餘,乃 及 子 何 文宣 默 宜 等 屢 居藩 崩, 出。」乾 以 帝 帝居禁中 邸 威 望 自是 明 旣 元 詔 年,從 重 護喪 勑多 內 事 廢帝 懼 不 • 權 幼主 關 赴鄴 帝時以尊親而 逼,請 帝 卽 位, 居 以 客或言於帝 帝 于 乃 爲 領 卽 太 軍 見猜斥,乃與長廣王期獵,謀之於野。 朝 師 府。 班 日 司州 時楊悟 「鷙鳥 除太傅、 牧、錄 拾巢, 、燕子 尙 錄 書事 尚書, 獻 必 可 有 '; 長 探 朱 É 廣 卵 渾天 王湛 朝政皆決於 Ż 患, 和 爲 大司 宋 今 欽 H

之, 樂 訥 昭 侍 坐。 下 士 士 () (() () 陽 . 鄭子 於 解 衞 咸 、休寧厲聲大呼不從。 嚴,永樂乃內刀而 帝戎 集。 긺 殿,幼主、太皇太后、皇太后並出 士二千餘 三月甲戌,回帝初上省,旦發領軍府,大風暴起,壞所御車幔,帝甚惡之。 默 卒不知所言。 ,又執之,同斬於御府之內。 坐定, 政 服與平原王段韶、平秦王 詔 以帝爲 人皆被甲待詔,武衞娥永樂武力絕倫,又被文宣重遇,撫刃思 酒數行,執尚書令楊愔、右僕射燕子獻、領軍可朱渾天和、侍中宋欽道 決焉 大丞相 泣。 太皇太后又爲 歸彦 、都督 帝乃 既爲領軍,素爲兵士所服,悉皆弛仗,休寧歎息而罷。 令歸彥引侍衞之士向華林園 中外諸軍、錄尚書事,相 高 皇太后誓, 臨御坐。 歸意、領軍劉洪徽入自雲龍門,於中書省前 帝至東閣 帝奏悟等罪,求伏專擅之辜。 言帝無異志,唯去逼 門,都督成休寧抽刃呵帝。 府佐史進位一等。 ,以京畿軍入守門閣,斬娥永 而已。 帝尋 時庭中及 効。 高歸彥榭 帝令高歸 及至省,朝 如 遇散 廢帝 晉陽,有 帝入 兩廊 等於 勞衞 性 彦 騎常 吃 至 喻

帝 旣 造 大位 了, 知 無 不爲,擇其令典,考綜名實,廢帝恭己以聽政。 太皇太后尋下令廢少 詔

軍

國

大

成

諮

命帝

統

大業

皇建 元 年 凣 月壬午,皇帝卽位於晉陽宣德殿, 大赦,改乾明元年爲皇建。 詔 奉太皇太

帝

紀

第

是非,列名條奏。其禮儀體式亦仰議之。」又詔國子寺可備立官屬,依舊置生,講習經典,歲 罪,不得舞文弄法;其官奴婢年六十已上觅爲庶人。戊子,以太傅、長廣王湛爲右丞相,以 鳩杖。 時考試。其文襄帝所運石經,宜卽施列於學館。 廢茲典。及元氏統歷,不率舊章。朕纂承大業,思弘古典,但二王三恪,舊說不同,可議定 太尉、平陽王淹爲太傅,以尚書令、彭城王敝爲大司馬。 名望素高,位歷通顯,天保以來未蒙追贈者,亦皆錄奏,又以廷尉、中丞,執法所在,繩違按 風俗,問人疾苦,考求得失,搜訪賢良。甲午,詔曰:「昔武王剋殷,先封兩代,漢、魏二晉,無 子孫絕滅、國統不傳者,有司搜訪近親,以名聞,當量爲立後,諸郡國老人各授版職,賜黃 后還稱皇太后,皇太后稱文宣皇后,宮曰昭信。 又韶:謇正之士並聽進見陳事;軍人戰亡死王事者,以時申聞,當加榮贈,督將、朝士 乙酉,詔:自太祖創業已來,諸有佐命功臣 外州大學亦仰典司勤加督課。丙申,詔九 壬辰,詔分遣大使巡省四方,觀察 帽

九月壬申,詔議定三祖樂。

州勳人有重封者,聽分授子弟,以廣骨肉之恩。

<u>這政之舞,顯祖文宣皇帝</u>廟宜奏文正之樂,<<a>三</a>舞光大之舞。詔曰可。 丑,有司奏太祖獻武皇帝廟宜奏武德之樂,舞昭烈之舞,世宗文襄皇帝廟宜奏文德之樂,舞 冬十一月辛亥, 立妃元氏爲皇后, 世子百年爲皇太子。賜天下爲父後者爵一級。 庚申,韶以故太師尉

景、故太師竇泰、故太師太原王婁昭、故太宰章武王厙狄干、故太尉段榮、故太師万俟普、故 北討庫莫奚,出長城,虜奔遁,分兵致討,大獲牛馬,括總入晉陽宮。 故太尉河東王潘相樂、故司空薛脩義、故太傅破六韓常三人配饗顯祖廟庭。 元、故太師高昂、故大司馬劉豐、故太師万俟受洛干、故太尉慕容紹宗七人配饗世宗廟庭, 十三人配饗太祖廟庭, [8] 故太師清河王岳、故太宰安德王韓軌、故太宰扶風王可朱渾道 司徒蔡儁、故太師高乾、故司徒莫多婁貸文、故太保劉貴、故太保封祖裔、故廣州刺史王懷 是月,帝親戎

十二月丙午,車駕至晉陽。

二月丁丑,詔內外執事之官從五品已上及三府主簿錄事參軍、諸王文學、侍御史、廷尉 一年春正月辛亥,祀圓丘。 。壬子,禘於太廟。 癸丑,韶降罪人各有差。

三官、尚書郎中、中書舍人,每二年之內各舉一人。

冬十月丙子,以尚書令、彭城王敝為太保,長樂王尉粲爲太尉。 己酉,野雉栖于前殿

之庭。

上德。 十一月甲辰,詔曰:「朕嬰此暴疾,奄忽無逮。今嗣子沖眇,未閑政術,社稷業重,理歸 右丞相、長廣王湛研機測化,體道居宗,人雄之望,海內瞻仰,同胞共氣,家國所憑,

帝紀第六 孝昭

元年閏十二月癸卯,梓宮還潔,上諡曰孝昭皇帝。 庚午,葬於文靖陵 除,山陵施用,務從儉約。」先是帝不豫 可遣尚書左僕射、趙郡王叡喻旨,徵王統茲大寶。 其喪紀之禮一同漢文,三十六日悉從公 而無闕聽覽,是月,崩於晉陽宮,時年二十七。大寧

后不豫,出居南宫,帝行不正履,容色貶悴,衣不解帶,殆將四旬。 之,非妄言耶。〕帝握其手謝之。又使直言。 安侍坐。帝曰:「須拔我同堂弟、顯安我親姑子,今序家人禮,除君臣之敬,可言我之不逮。」 言。 耳。此事安可久行,恐後又嫌疏漏。」澤因被寵遇。 知之,然無法來人,將整之以至無爲耳。」又問王晞,晞答如顯安,皆從容受納。 顯安曰:「陛下多妄言。」曰:「若何?」對曰:「陛下昔見文宣以馬鞭撻人,常以爲非,而今行 無私寵,外收人物,雖后父位亦特進無別。 居臺省,留 士,咸言傷細,帝王之度,頗爲未弘。」帝笑曰:「誠如卿言。 曾問舍人裴澤在外議論得失。澤率爾對曰:「陛下聰明至公,自可遠侔古昔,而 帝聰敏有識度,深沉能斷,不可窺測。 心政術,閑明簿領,吏所不逮。及正位宸居,彌所剋勵。 。對曰:「陛下太細,天子乃更似吏。」帝曰:「朕甚 身長八尺,腰帶十圍,儀望風表,迥然獨秀。自 日昃臨朝,務知人之善惡,每訪問 其樂聞過也如此。 股初臨萬機,慮不周悉,故致爾 殿去南宮五百餘步,鷄鳴 輕徭薄賦,勤恤 趙郡王叡與厙狄顯 左右, 性至孝,太 人隱 有識 冀獲直 内 之

太后常心痛不自堪忍,帝立侍帷前,以爪掐手心,血流出袖。 有謀,于時國富兵强,將雪神武遺恨,意在頓駕平陽,爲進取之策。 而 去,辰時方還,來去徒行,不乘輿輦。太后所苦小增,便卽寢伏閤外,食飮藥物盡皆躬親, 友愛諸弟,無君臣之隔。 遠圖不遂,惜哉 雄斷

枕,叩頭求哀。遣使詔追長廣王入纂大統,手書云:「宜將吾妻子置一好處,勿學前人也。」 濟南所在者三,帝不對。太后怒曰:「殺去耶,不用吾言,死其宜矣」」臨終之際,唯扶服牀 若,了無懼容。 焉。遂漸危篤。備禳厭之事,或煑油四灑,或持炬燒逐。 令史姓趙,於縣見文宣從楊悟、燕子獻等西行,言相與復讐。 帝在晉陽宮,與毛夫人亦見 |南復興,乃密行鴆毒,濟南不從,乃扼而殺之。後頗愧悔。 初帝與濟南約不相害。及輿駕在晉陽,武成鎭鄴,望氣者云鄴城有天子氣。 時有天狗下,乃於其所講武以厭之。有冤驚馬,帝墜而絕肋。 諸厲方出殿梁,騎棟上,歌呼自 初苦內熱,頻進湯散。 太后視疾,問 時有 帝常 尚書 恐濟

宣 則 存 因循鴻業,內外叶從,自朝及野,羣心屬望,東魏之地,舉國樂推,曾未期月,遂登宸極。始 心政事,風化肅然,數年之間,朝野安义。其後縱酒肆欲,事極猖狂,昏邪殘暴,近代未 論曰:[刊]神武平定四方,威權在己,遷鄴之後,雖主器有人,號令所加,政皆自出。

帝紀第六

孝昭

校勘記

不無危殆。 將封先代之胤,且敦學校之風,徵召英賢, 宣崩後,大革前弊。 誠,旣不 夷,君尋 有,饗國 幽 顯之間,實有報復,將齊之基宇止在於斯,帝欲大之,天不許也? ·能贊弘道德,和睦親懿,又不能遠慮防身,深謀衞主,應斷不 廢辱,皆任非其器之所致爾。 不永,實由斯疾。 乃眷關右,實懷兼幷之志,經謀宏遠,實當代之明主, 及臨尊極、留心更深、時人服其明而談 濟南繼業,大革其弊,風敎粲然,搢糾稱幸。 孝昭早居臺閣,故事通明,人吏之問,無所不委。 文武畢集。 于時周氏朝政移於宰臣, 其細 1 而降年不永,其故何哉? 斷,自取 情好稽古, 股肱 其咎。 輔 一辆, 率由 主將相猜, 臣旣 雖懷厥 一禮度,

## 校勘記

北 齊 書卷六 按本卷原缺,後人以北史卷七齊紀 中孝昭紀

毎歎 汲 本、局本無。 云雖 盟 津 之師 按高演 左驂 的語意未足,「震而不衂」下當有脫文。 震 而 不 衂以 爲能 南 本、北 本、殿本「以爲」 後人 因不 上有 可解 同 軌」二字, 增 - ; 同 軌」二字, 三朝本、

但仍然不可解。今從三朝本。

= 錄 元年正月條「錄尙書」下都有「事」字。 尙 書 北史卷七、册府卷一八八二二七九頁、 按當有此字,但補北齊書者常省去, 御覽卷 三 三 六三四頁 及同 書卷五廢帝 今不補,以後 紀 補 也 示再 乾 圳

### 出校記。

1254 \\_\_/ 三月甲戌 按楊愔等被殺,事任二月,歷見本書卷五廢帝紀 補、卷三四楊恰傳補。 三月甲戌

爲二十三日,距楊愔等之死已一月,顯誤。

n I 顯祖文宣皇帝廟宜奏文正之樂 錢氏考異卷三一云:「是時以文宣爲『高祖』,此『顯祖』當爲

『高祖』之誤。」按北史卷七作「高祖」不誤,當是補此紀者妄改。下「配饗顯祖廟庭」句同誤。

十三人配饗太祖廟庭 舉配饗諧人止十二人,似作「十二」是。然本書卷一八孫騰傳說他 廟庭,是配饗應有孫騰,傳本脫去,致與總數不符,南本遂改「十三」爲「十二」,不知誤在脫文, 南、北、殿三本「十三」作「十二」、三朝本、汲本、局本作「十三」。 按上列 皇建中配饗高祖 高洋最初廟號

プセリ 論日 原書,孝昭紀則採自北史。 按此 (論前半與卷四文宣紀同。 北史元本作「十三」,也是南本臆改而殿本從之。今從三朝本。 李延壽之例,凡帝紀多合數人爲一卷,卷爲一論,卽用各書史臣論 余嘉錫四庫提要辨證卷三北齊書條云:「文宣紀乃百藥

不在總數。

連掇成文。 其齊本紀中以文宣、廢帝、孝昭爲一卷而總論之,故其前半與文宣紀論同。」

## 帝紀第七

#### 武成

尉。 宣遺詔,左丞相斛律金率百僚敦勸,三奏,乃許之。 咸見委託。 二年,孝昭崩,遺詔徵帝入統大位。及晉陽宮,發喪於崇德殿。 皇太后令所司 傅、錄尙書事、領京畿大都督。 皇建初,進位右丞相。 孝昭幸晉陽,帝以懿親居守鄴,政事 情閑遠,華戎歎異。一一家中,封長廣郡公。天保初,進臂爲王,拜尚書令,尋樂司徒,遷太 神武方招懷荒遠,乃爲帝聘蠕蠕太子養羅辰女,號「隣和公主」。帝時年八歲,冠服端嚴,神 乾明初,楊愔等密相疏忌,以帝爲大司馬,領幷州刺史。 帝旣與孝昭謀誅諸執政,遷太 世祖武成皇帝諱湛,神武皇帝第九子,孝昭皇帝之母弟也。 儀表褒傑,神武尤所鍾愛。

問人疾苦,擢進賢良。 徒、平秦王歸彥爲太傅,以尚書右僕射、趙郡王叡爲尚書令, 史斛律光 師、錄尚書事,以冀州刺史、博陵王濟爲太尉,以中書監、任城王湝爲尚書左僕射,以幷州刺 段韶爲大司馬,以豐州刺史婁叡爲司空,以太傅、平陽王淹爲太宰, 大寧元年冬十一月癸丑,[三]皇帝卽位於南宮,大赦,改皇建二年爲大寧。 爲右僕射,封孝昭皇帝太子百年爲樂陵郡王。 是歲,周武帝保定元年。 庚申,韶大使巡行天下,求政善惡, 以太尉尉粲爲太保,以尚 以太保、彭城王浟 乙卯, 書令 以司 爲 太

爲皇后,子緯爲皇太子。 刺史、馮翊王潤爲尙書左僕射。 河清元年春正月乙亥,車駕至自晉陽。 大赦,內外百官普加汎級,諸爲父後者賜爵一級。 詔斷屠殺以順 辛巳,祀南郊。 春令 壬午,享太廟。 丙戌,立妃胡氏 己亥,以前定州

歸彥爲太宰、冀州刺史。 一月丁未,以太宰、平陽王淹爲青州 乙卯,以兼尚書令、任城王湝爲司 刺史、太傅、領司徒,以領軍大將軍、宗師、平秦王 徒。 詔散騎常侍崔瞻聘于陳。

夏四四 月辛丑,皇太后 隻民 崩。 乙巳, 青州刺史上言, 今月庚寅河、濟淸。 以河、濟清,改

大寧二年爲河淸,降罪人各有差。

五 月甲申,祔葬武明皇后於義平陵。 己丑,以尚書右僕射斛律光爲尚書令。

徒,以太傅、平陽王淹爲太宰,以尚書令斛律光爲司空,以太子太傅、趙郡王叡爲尚書令,中 未,斬歸彥並其三子及黨與二十人於都市。 秋 七月、太宰、冀州刺史、平秦王歸彦據州反、詔大司馬段韶、司空婁叡討擒之。「三て 丁酉,以大司馬段韶爲太傅,以司空婁叡爲司

冬十一月丁丑,詔兼散騎常侍封孝琰使於陳。

書監、河間王孝琬爲尙書左僕射。

癸亥,行幸晉陽。

陳人來聘。

十二月丙辰,車駕至自晉陽。

是歲,殺太原王紹德。

僕 射魏 二年春正月乙亥,帝詔臨朝堂策試秀才。以太子少傅<u>魏收爲兼尚書右僕射</u>。 收以阿縱除名。 丁丑,以武明皇后配祭北郊。[2] 辛卯, 帝臨都亭錄見囚, 降在京 己卯,兼

罪人各有差。

右

三月乙丑,詔司空斛律光督五營軍士築戍於軹關。 壬申,室韋國遣使朝貢。 丙戌,以

兼尚書右僕射趙彦深爲左僕射。

夏四 五 月 壬 月,幷、汾、晉、東雍、南汾五州蟲旱傷稼,至遺使賑恤。 午,韶 以城南雙堂閏位之苑,廻造大總持寺。 戊午,陳人來聘。

帝紀第七 武成

六月乙巳,齊州言濟、河水口見八龍昇天。 乙卯,詔兼散騎常侍崔子武使于陳。

司州牧、河南王孝瑜薨。

秋八月辛丑,詔以三臺宮爲大與聖寺。

午, 爲三道,殺掠吏人。〔5〕是時,大雨雪連月,南北千餘里平地數尺,霜晝下, 帝至晉陽。 冬十二月癸巳,陳人來聘。 己未, 周軍逼幷州, 己酉,周將楊忠帥突厥阿史那木汗等二十餘萬人自恒州分 又遣大將軍達奚武帥衆數萬至東雍及晉州 雨血於 太原。 與突厥 戊

是歲,室母、庫莫奚、靺鞨、契丹並遣使朝貢。

相應。

三年春正月庚申朔,周軍至城下而陳,戰於城西。 周軍及突厥大敗,人畜死者相忧,数

百里不絕。詔平原王段韶追出塞而還。

徒,以侍中、武興王普爲尚書左僕射。 三月辛酉,以律令班下,大赦。 己巳,盗殺太師、 甲申,以尚書令、馮翊王潤爲司 彭城王浟。 庚辰,以司 空。 空斛律光為

夏四月辛卯,詔兼散騎常侍皇甫亮使於陳

五月甲子,帝至自晉陽。 壬午,以尚書令、 趙郡王叡爲錄尚書事, 以前司徒婁叡為太

尉。 甲申,以 太傅段韶 爲太師。 丁亥,以太尉 任 城 王 湝 爲 大將軍 o 壬辰,行 幸 晉陽

六月 庚子 大 雨 晝夜不息, 至甲 辰 乃 非 是 月 晉 陽 訛 言 有 鬼 兵,百 姓 競 擊 銅 鐵 以 捍

之。 殺樂陵 主 百 年 歸字文媼 于周

寇 幽 秋 州 九月 ,入長城,虜掠 乙丑,封 皇子 而 還。 綽 爲 南 陽王, 儼 爲 東 平 主。 是月, 歸|閻 媼 于周。 陳 人 來聘。

閏 月乙 一未,詔遣十二使巡行 水潦 州、强 其 租 譋 乙巳,突厥 冦 丝约 州 周 軍 道 亚 出,使

其將 尉 遲 迥 寇洛陽 楊 摽 入 軹 關 權 景宣 趣 懸 瓠

冬十一 月甲午,迥等 圍 洛 陽 戊 戌, 詔 兼散 騎 常侍劉逖使於陳。 甲辰, 太尉 婁叡 大 破

周 軍 於 軹 關 ,擒楊樹

史蘭 平陽 年 租 陵 王 十 淹 賦 王 月 遊 長 赦 恭 乙卯,豫 州 爲 壬 城 尚書 戌 內 大大 孙 令。 死 罪 師 刺 已下 段 史王 壬申 韶 1, 帝で 囚 大 士 良 破 至武 己巳 尉 以 城 遲 年,經滑臺,次於黎陽, 以以 降 詗 等, 周 太 將權景宣。 師 解 段 洛 韶 陽 圍 爲 太宰,以司 丁巳,帝自晉陽 1 卯,帝至洛陽, 所經減 徒 斛 降 律 南 罪 光 発洛州 討。 爲 太 己未,· 丙子 尉 經 并 周 , 太宰 迶 州 軍 刺 處

是歲, 帝 紀 高 第 麗 七 靺羯 武 成 新羅並遣使朝貢。 山東 大水, 饑死者不可勝計 詔 發 賑 事 覓

至

一自洛

陽

不行。

四年春正月癸卯,以大將軍、任城王湝爲大司馬。辛未,幸晉陽。

二月甲寅、詔以新羅國王金眞興爲使持節、東夷校尉、樂浪郡公、新羅王。

穀不登,禁酤酒。己卯,詔減百官食禀各有差。

赤漆鼓帶小鈴,殿上石自起,兩兩相對。又有神見於後園萬壽堂前山穴中,其體壯大,不 辨其面,兩齒絕白,長出於脣,帝直宿嬪御已下七百人咸見焉。帝又夢之。 水潦之處貧下戶粟,各有差。家別斗升而已,又多不付。是月,彗星見,有物隕於殿庭,如 三月戊子,詔給西兗、梁、滄、趙州,司州之東郡、陽平、淸河、武都,冀州之長樂、渤海遭

後,忽失之,尚未至鄴而其言已布矣。 年,百官進級降罪各有差。又詔皇太子妃斛律氏爲皇后。於是羣公上尊號爲太上皇帝,軍 或 大事咸以奏聞。 易王。丙子,乃使太宰段韶兼太尉,持節奉皇帝璽綬傳位於皇太子,大赦,改元爲天統元 夏四月戊午,大將軍、東安王婁叡坐事免。乙亥,陳人來聘。太史奏天文有變,共占當 始將傳政,使內參乘子尚乘驛送詔書於鄴。 子尚出晉陽城, 見人騎隨

|天統四年十二月辛未,太上皇帝崩於||鄴宮乾壽堂,時年三十二,諡曰武成皇帝, 廟號世

祖。 五. 年二月四中,葬於永平陵。

#### 校勘記

北齊書签七

大寧元年冬十一月癸正

按此卷原缺,後人以北史卷八齊紀下武成紀補。

一八八二二八四页、 **御覽卷一三一六三五頁此條都作「大寧」,但他處也間作「太寧」。** 通鑑卷一六八五三一七頁「大」作「太」。 本書諸本和北史卷八、册府卷 李兆洛 }紀

元編、陳垣二十史朔閏表都從通鑑作「太寧」。今按漢魏南北朝墓誌集釋所載石信、圖版三二七法

熟禪師 岡版三二八、高虬岡版六〇三之二三墓誌都作「大寧」,前二誌即大寧年所刊,可爲確證。

凡作「太」者徑改,不再出校記。

\ ☐ 詔 大司 馬段韶司 空婁叡討擒之 諸本「討」作「計」。 北史卷八、册府卷二一六二五九二頁、通鑑卷

六八五二二四頁作「討」。 本書卷一六段韶傳也作「討」。按高歸彦是城破被約,並非計誘,「計」

字訛,今據北史改。

Z 己卯策右僕射魏收以阿縱除名丁丑以武明皇后配祭北郊 1 丑 是七日 ,先後顚倒。 按是年正月辛未朔, 己卯是九日,

帝 紀 第 七 校 勘 記

(五)夏四月幷汾晉東雍南汾五州蟲旱傷稼(五)夏四月幷汾晉東雍南汾五州蟲旱傷稼(者)作「京」、北史卷八作「晉」。按北齊無「京」

「六」楊忠帥突厥阿史那木汗等至殺掠吏人 諸本「木」下有「可」字。按木汗是突厥可汗,他處也作 州」。隋禮卷二二五行志下稱「河淸二年五六三幷、晉已西五州早」。作「晉」是,今據改。

「木杆」「木扞」。這裏衍「可」字、或「木」下脫「汗」「杆」字。今刪「可」字。

# 北齊書卷八日

#### 帝紀第八

# 後主 幼主

入纂大業,大寧二年正月丙戌,立爲皇太子。 有娠,天保七年五 後主諱緯,字仁綱,武成皇帝之長子也。 月五 日,生帝於幷州邸。 帝少美容儀,武成特所愛寵,拜王世子。及武成 母曰胡皇后,夢於海上坐玉盆,日入裙下,邀 河清四年,武成禪位於帝

尙書 拔 東安王婁叡 仁爲太師,太尉侯莫陳相爲太保,司空、馮翊王潤爲司徒, 左 天統元年夏四月丙子,皇帝卽位於晉陽宮,大赦,改河淸四年爲天統。 一僕射 爲太尉、〔三尚書右僕射趙彥深爲左僕射。 、河間王孝琬爲尚書令。 戊寅、日以瀛州刺史尉粲爲。 錄尚書事、 太尉斛律光爲大將軍, 趙郡 丁丑,以太保賀 王叡 爲司空,

帝紀

第八

後主

九八

六月壬戌, 彗星出文昌東北, 其大如手, 後稍長, 乃至丈餘, 百日乃滅。已巳, 太上皇帝

韶兼散騎常侍王季高使於陳。

秋七月乙未,太上皇帝詔增置都水使者一人。

冬十一月癸未,太上皇帝至自晉陽。己丑,太上皇帝詔改「太祖獻武皇帝」爲「神武皇

帝」,廟號「高祖」,「獻明皇后」爲「武明皇后」,其「文宣」諡號委有司議定。

幸晉陽。丁卯,帝至自晉陽。 庚午,有司奏改「高祖文宣皇帝」爲「威宗景烈皇帝」。 十二月庚戌,太上皇帝狩於北郊。 壬子,狩於南郊。乙卯,狩於西郊。 壬戌,太上皇帝

是歲,高麗、契丹、靺鞨並遣使朝貢。河南大疫。

二年丙戌春正月辛卯,祀圓丘。癸巳,祫祭於太廟,詔降罪人各有差。丙申,以吏部尙

**譽尉瑾爲尚書右僕射。庚子,行幸晉陽。** 

二月庚戌,太上皇帝至自晉陽。壬子,陳人來聘。

三月乙巳,太上皇帝詔以三臺施興聖寺。以旱故,降禁囚。

夏四月,陳文帝殂。

五月乙酉,以兼尚書左僕射、武興王普爲尚書令。己亥,封太上皇帝子儼爲東平王,四

仁弘爲齊安王,仁堅爲北平王,至仁英爲高平王,仁光爲淮南王。

六月、太上皇帝詔兼散騎常侍韋道儒聘於陳。

秋八月,太上皇帝幸晉陽。

馬、徙馮翊王潤爲太尉、日開府儀同三司韓祖念爲司徒。 冬十月乙卯,[於]以太保侯莫陳相爲太傅,大司馬、任城王湝爲太保,太尉婁叡爲大司

十一月,大雨雪。盜竊太廟御服。

十二月乙丑,陳人來聘。

是歲、殺河間王孝琬。突厥、靺鞨國並遣使朝貢。 於周爲天和元年。

執事散官三品已上各舉三人,五品已上各舉二人,稱事七品已上及殿中侍御史、尚書都、檢 三年春正月壬辰,太上皇帝至自晉陽。乙未,大雪,平地二尺。戊戌,太上皇帝詔京官

校御史、主書及門下錄事各舉一人。「鄴宮」九龍殿災,延燒西廊。

二月壬寅朔,帝加元服,大赦,九州職人各進四級,內外百官普進二級。

夏四月癸丑,太上皇帝詔兼散騎常侍司馬幼之使於陳。

五月甲午,太上皇帝詔以領軍大將軍、東平王儼爲尚書令。乙未,大風晝晦,發屋拔樹。

帝紀

六月己未,太上皇帝詔封皇子仁幾爲西河王,仁約爲樂浪王, [公]仁儉爲潁川王,

爲安樂王,仁統爲丹陽王,日之仁謙爲東海王。

左僕射趙彥深爲尚書令,幷省尚書左僕射婁定遠爲尚書左僕射,中書監徐之才爲右僕射 **閏六月辛巳**,左丞相斛律金薨。 壬午,太上皇帝韶尚書令、東平王嚴錄尚書事,以尚書

配為左丞相,太師賀拔仁爲右丞相,太傅侯莫陳相爲太宰,大司馬婁叡爲太傅,大將軍斛律 秋八月辛未,太上皇帝詔以太保、任城王湝爲太師,太尉、馮翊王潤爲大司馬,太宰段

光爲太保,司徒韓祖念爲大將軍,司空、趙郡王叡爲太尉,尚書令、東平王儼爲司徒。 九月己酉,太上皇帝詔:「諸寺署所綰雜保戶姓高者,[10]天保之初雖有優勑,權假力用

未免者,今可悉蠲雜戶,任屬郡縣,一准平人。」丁巳,太上皇帝幸晉陽。

是秋,山東大水,人饑,僵尸滿道。

冬十月,突厥、大莫婁、室韋、百濟、靺鞨等國各遣使朝貢

十一月丙午、江山以晉陽大明殿成故,大赦,文武百官進二級,免幷州居城、太原一郡來

- 租賦。癸未,三五上皇帝至自晉陽。

十二月己巳,太上皇帝詔以故左丞相、趙郡王琛配饗神武廟庭。

四 年正月, 詔以故淸河王岳、河東王潘相樂十人並配饗神武廟庭。 癸亥,太上皇帝詔

兼散 騎常侍鄭大護使於陳

三月乙巳,太上皇帝詔以司徒、東平王儼爲大將軍,南陽王綽爲司徒,開府儀同三司除

顯秀爲司空,開府儀 同三司、廣寧王孝珩爲尙書令。

夏四月辛未,鄴宮昭陽殿災,及宣光 、瑤華等殿。 辛巳,太上皇帝幸晉陽。

五. 月癸卯,以尚書右僕射胡長仁爲左僕射, 中書監和士開爲右僕射。 壬戌, 太上皇帝

至自晉陽。 自 正月不雨至於是月。

六月甲子朔,大雨。 甲申、大風、拔木折樹。 是月,彗星見于東井。

秋 九月丙 中,周 人來通和,太上 皇帝詔侍中 所斯文略報聘于周。

冬十月辛已,以尚 書令、廣寧王孝珩 為錄尚 一書,左僕射胡長仁爲尚書令,右僕射和 士別

爲 左 一僕 射,中書監唐邕 為 右僕射。

-\_\_\_ 月壬辰,太上皇帝詔 兼 散騎 常侍李翥使於陳。 是月,陳安成王頃廢其主怕宗而

√. •

月辛未,太上皇帝崩。 丙子,大赦,九州職人普加 四級,自己內外百 官並 加 焖 級。

戊寅, 上太上皇后 옑 號爲皇太后。自己甲申,韶 細作之務及所在百工悉罷之。 叉部: 披庭、晉

北 齊 審 卷 八 0=

陽、中山宮人等及鄴下、幷州太官官口二處,其年六十已上及有癃患者,仰所司簡放。庚寅,

詔天保七年已來諸家緣坐配流者,所在令還。

是歲契丹、靺鞨國並遣使朝貢。

五. 年春正月辛亥,詔以金鳳等三臺未入寺者施大興聖寺。 是月,殺定州刺史、博陵

王濟。

月乙丑,詔應宮刑者普觅刑爲官口。 叉詔禁網捕鷹鷂及畜養籠放之物。 癸酉,大莫

婁國 遣使朝貢。 己丑,改東平王儼爲琅邪王。 韶侍中叱列長叉使於周。[1五是月,殺太尉

趙 那王 叡。

三月丁 酉,以司空徐顯秀爲太尉,幷省尚書令婁定遠爲司空。 是月,行幸晉陽。

夏四月甲子,韶 以幷州尚書省爲 大基聖寺,晉祠爲大崇皇寺。 乙丑,車駕至自晉陽。

秋 七月己丑, 韶降罪人各有差。 戊申,韶使巡省河北諸州無雨處,境 內偏 早者 優死

租 調

冬十月壬戌, 詔禁造 酒。

十一月辛丑,詔以太保斛律光爲太傅,大司馬、馮翊王潤爲太保, 大將軍、琅邪王儼爲

大司 馬。

十二月庚午,以開府儀同三司、闡陵王長恭爲尚書令。 庚辰,以中書監魏收爲尚書右

僕射。

武平元年春正月乙酉朔,改元。 太師、幷州刺史、東安王婁叡薨。 戊申,詔兼散騎常侍

裴獻之聘于陳。

傳、咸陽王斛律光爲右丞相,幷州刺史、右丞相、安定王賀拔仁爲錄尚書事,冀州刺史、任城 月癸亥,以百濟王餘昌爲使持節、侍中、驃騎大將軍、帶方郡公,王如故。 己巳,以太

王湝爲太師。 丙子,降死罪已下囚。

閏月戊戌,錄尙書事、安定王賀拔仁薨。

三月辛酉,以開府儀同三司徐之才爲尙書左僕射。

夏六月乙酉,以廣寧王孝珩爲司空。 甲辰,以皇子恒生故, 大赦, 內外百官普進一

九 州 職 秋 七月癸丑 人普進四 封 級。 、孝昭皇帝子彥基爲城陽王,彥康爲定陵王,彥忠爲梁郡王。 己酉,韶以 開府 儀同三司唐邕爲尚書右僕射

帝

紀 第 八

後

主

0.5

甲寅,以尚

書令、蘭陵王長恭爲錄尚書事,中領軍和士開爲尚書令。 癸亥,靺鞨國遺使朝貢。 癸酉,以

華山王凝爲太傅。

八月卒卯,行幸晉陽。

九月乙巳,立皇子恒爲皇太子。

子,曲降并州死罪已下囚。己丑,復改威宗景烈皇帝諡號爲「顯祖文宣皇帝」。 冬十月辛巳,以司空、廣寧王孝珩為司徒,以上洛王思宗為司空,封蕭莊爲梁王。

戊

十二月丁亥,車駕至自晉陽。 詔右丞相斛律光出晉州道,日心修城戍。

一年春正月丁巳,詔兼散騎常侍劉環儁使於陳。戊寅,以百濟王餘昌爲使持節、都督、

東靑州刺史。

開錄尚書事,左僕射徐之才爲尚諧令,右僕射唐邕爲左僕射,吏部尚書馮子琮爲右僕射。 二月壬寅,以錄尚書事、蘭陵王長恭爲太尉,拜省錄尚書專趙彥深爲司空,尚書令和士

夏 |四月壬午,以大司馬、|琅邪王||儼爲太保。 甲午,陳遣使連和,謀伐周,朝議 佛許。

六月,段韶攻周汾州,剋之,獲刺史楊敷。

秋七月庚午,太保、琅邪王儼矯詔殺錄尚書事和士開於南臺。〔1刊即日誅領軍大將軍庫

<u>狄伏連、書侍御史王子宣等,自己尚書右僕射馮子琮賜死殿中。自己</u>

八月己亥,行幸晉陽。

戊午,曲降片州界內死罪已下各有差。庚午,殺太保、琅邪王儼。 九月辛亥,以太師、任城王湝爲太宰,馮翊王潤爲太師。 己未,左丞相、平原王段韶薨。 壬申,陳人來聘。

冬十月,罷京畿府入領軍府。己亥,車駕至自晉陽。

午,以錄尚書事、廣寧王孝珩爲司徒。癸酉,以右丞相斛律光爲左丞相。 十一月庚戌,詔侍中赫連子悅使於周。丙寅,以徐州行臺、廣寧王孝珩錄尚書事 庶

三年春正月己已,祀南郊。辛亥,追贈故琅邪王儼爲楚帝。曰曰

左僕射唐邕爲尚書令,侍中祖既爲左僕射。是月,勑撰玄洲苑御覽,後改名聖壽堂御覽。 |月己卯,以衞菩薩爲太尉。辛巳,以||好省吏部尚書||高元海爲尚書右僕射。 庚寅,以

三月辛酉,韶文武官五品已上各舉一人。是月,周誅冢宰宇文護。

夏四月,周人來聘。

秋 七月戊辰、誅左丞相、咸陽王斛律光及其弟幽州行臺、荆山公豐樂。

八月庚寅,廢皇后||斛律氏爲庶人。以太宰、任城王||浩爲右丞相,太師、馮翊王||潤爲太

于周。 尉,蘭 陵王長恭爲大司馬,廣寧王孝珩爲大將軍,安德王延宗爲司徒。曰〕使領 戊子,拜 右昭儀胡氏爲皇后。 己丑,以司州牧、北平王仁堅爲尚書令,特進許 軍封神 季 良 相聘 爲

左僕射,彭城王 寶德爲 右僕射。 癸巳,行幸晉陽。 是月,聖壽堂御覽成,勑付史閣,後改爲

脩文殿御覽。

九月,陳人來聘。

冬十月,降死罪已下囚。 甲午,拜弘德夫人穆氏爲左皇后,大赦。

十二月辛丑,廢皇后胡氏爲庶人。

是歲,新羅 、百濟、勿吉、突厥並遣使朝貢。 於周爲建德元年。

四年春正月戊寅,以料省尚書令高阿那肱爲錄尚書事。 庚辰,詔 兼散騎常侍崔象使於

陳。是月,鄴都、幷州並有狐媚,多截人髮。

二月乙巳,拜左皇后穆氏爲皇后。 丙午,置文林館。 乙卯,以尚書令、北平王仁堅為錄

尚書事。丁巳,行幸晉陽。是月,周人來聘。

三月 辛未、盜入信州、殺刺史和 士休,南兗州 刺史鮮于世奈計平之。庚辰,車駕至晉陽

夏四 月戊午,以大司馬、蘭陵王長恭為太保,大將軍、定州刺史、南陽王綽為大司馬,太

宜陽 尉 衛菩薩 王趙 彦深 爲大將軍,自己司徒、安德王延宗爲太尉,司空、武興王普爲司徒,開府儀同三司 爲司空。 癸丑,祈皇祠 壇壝蕝之內忽有車軌之轍,按驗傍無人跡,不 知 車所

從來。乙卯、韶以爲大慶、班告天下。己未,周人來聘。

言 爲 右 五. 僕射。 Jj 丙子,韶史官 更撰魏書。 癸巳,以領軍穆提婆爲 尚書左僕射,以侍 中、中書監段孝

胡 走以免,洪略戰沒,遂陷秦、徑二 是月,開府儀同三司尉破胡、長孫洪略等與陳將吳明徹戰於呂梁南,大敗,破 州。 明徹 進陷和、合 一州。 是月,殺太保、蘭 陵王 是 恭 0

司 礼徒。 六月,明徹 丙辰, 韶 遊軍圍 開 府 王 壽陽。 師 羅 使於周。 壬子,幸南苑,從官喝死者六十人。 以錄尚書事 高 [311] 那 肱

繑

九月,校獵于鄴東。

冬十月,陳 將 吳明徹 陷 壽陽。 辛丑,殺侍中崔季舒、張 **彫虎,散騎常侍劉逖** 、封孝琰,黄

門侍郎裴澤、郭遵。癸卯,行幸晉陽。

十二月戊寅,以司 徒 高 ऽग 那肱 爲 右 丞相。是歲,高麗、靺鞨並遣使朝貢,突厥使來求婚

五年春正月乙丑,置左右娥英各一人。

月 Ž 未 車 駕 至自晉陽 朔州 行 臺、 南安王 思好反。 辛丑, 行幸晉陽。 尙 書令唐邕

等大破思好,思好投水死,焚其屍,自己並其妻李氏。 丁未,車駕至自晉陽。甲寅,以尚書令

唐邕爲錄尚書事。

夏五月,大旱,晉陽得死魃,長二尺,面頂各二目。 帝聞之,使刻木爲其形以獻。 庚午,

大赦。丁亥,陳人寇淮北。

秋八月癸卯,行幸晉陽。 甲辰,以高勵爲尚書右僕射。日國

是歲,殺南陽王綽。

六年春三月乙亥,車駕至自晉陽。 丁丑,烹妖賊鄭子饒於都市。 是月,周

夏四月庚子,以中書監陽休之爲尚書右僕射。 癸卯,靺鞨遣使朝貢。

秋七月甲戌,行幸晉陽。

八月丁酉,冀、定、趙、幽、滄、瀛六州大水。 是月,周師入洛川,屯芒山,攻逼洛城,縱火

船焚浮橋,河橋絕。

里 月己丑,遣右丞相高阿那肱自晉陽禦之,師次河陽,周師夜遁。 庚辰,以司空趙彦深

爲 司 徒, 斛律阿列羅 爲司空。 辛巳,以軍國資用不足,稅關市、舟車、山澤、鹽鐵、店肆,輕

各有差,開酒禁。

七年春正月壬辰,詔去秋已來,水潦入饑不自立者,所在付大寺及諸富戶濟其性命。

甲寅,大赦。乙卯,車駕至自晉陽。

寅,自司風從西北起,發屋拔樹,五日乃止。 二月辛酉,括雜戶女年二十已下十四已上未嫁悉集省,隱匿者家長 處 死 刑。 二月丙

夏六月戊申朔,日有食之。庚申,司徒趙彥深薨。

秋七月丁丑,大雨霖。是月,以水澇遣使巡撫流亡人戶。

八月丁卯,行幸晉陽。 雉集於御坐,獲之,有司不敢以聞。 詔營邯鄲宫。

洞。 庚午,帝發晉陽。癸酉,帝列陣而行,上雞棲原,與周齊王憲相對,至夜不戰,周師斂陣 冬十月丙辰, 帝大狩於<br />
祁連池。<br />
周師攻晉州。癸亥, 帝還晉陽。<br />
甲子, 出兵, 大集晉

而退。

十一月,周武帝退還長安,留偏師守晉州。 高阿那肱等圍晉州城。戊寅,帝至圍所。

十二月戊申,周武帝來救晉州。庚戌,戰於城南,「云我軍大敗。帝棄軍先還。癸丑,

改,一得一失,自古皆然。宜停百賦,安慰朝野,收拾遺兵,背城死戰,以存社稷。」帝意猶 入晉陽,憂懼不知所之。甲寅,大赦。帝謂朝臣曰:「周師甚盛,若何。」羣臣咸曰:「天命未

帝 紀 第 八 後 主

E 円 皆 日 朔州 豫 人西奔周 欲向北朔 不可,帝不從其言。 延宗泣諫,不從。 師 州。乃留安德王延宗、 乙卯,詔募兵,遣安德王延宗爲左,廣寧王孝珩 帝密遣王康德與中人齊紹等送皇太后、皇太子於北朔州。 開府儀同三司賀拔伏恩、封輔相、慕容鍾葵等宿衞近 廣寧王孝珩等守晉陽。 爲右。延宗入見,帝告欲向北 若晉陽不守,卽欲 奔突厥。 臣三十餘 丙辰,

走突厥,從官多散,領軍梅勝郎叩馬諫,乃廻之鄴。 提婆降周。 帝幸城南軍 ,勞將士,其夜欲遁,諸將不從。丁巳,大赦,改武平七年爲隆化 韶除安德王延宗爲相國,委以備禦,延宗流涕受命。 時唯高阿那肱等十餘騎,廣寧王 帝乃夜斬五龍 元年。 門而 其日,穆 一孝珩 出,欲

襄城王彥道續至,得數十人同行。

戊午,延宗從衆議卽皇帝位於晉陽,改隆化爲德昌

元年。

武 之,不復記所受言,遂大笑,左右亦羣咍,將士莫不解體。於是自大丞相已下太宰、三師、大 司馬、大將軍、三公等官並增員而授,或三或四,不可勝數。 受委,帶甲以處分,請帝親勞,爲帝撰辭,且曰宜慷慨流 元海、宋士素、盧思道、李德林等,欲議禪位皇太子。 先是望氣者言,當有革易,於是依天統 雖 一品已上入朱華門,賜酒食,給紙筆,問以禦周之方。 有此言,而竟不出物。 庚 申,帝入鄴。 辛酉,延宗與周師戰於晉陽,大敗,爲周 廣寧王孝珩奏請出宮人及珍寶班賜將士,帝不悅。 羣臣各異議,帝莫知所從。 涕,感激人心。 師所虜。帝遣募人,重加官賞, 甲子,皇太后從北道至。 帝旣出臨 斛律孝卿居中 梁,將介 叉引高 引

侍中斛律孝卿送禪文及璽紱於瀛州,孝卿乃以之歸周。又爲任城王韶,尊太上皇爲無上 誣 獲。日記送鄴,周武帝與抗賓主禮,並太后、幼主、諸王俱送長安,封帝溫國公。 急、將遜於陳、置金囊於鞍後、與長鸞、淑妃等十數 齊主,而屢使人告言,賊軍在遠,已令人燒斷橋路。太上所以停緩。 韓長鸞、鄧顒等數十人從。太上皇旣至青州,卽爲入陳之計。 皇,幼主爲守國天王。留太皇太后濟州,遺高阿那肱留守。太上皇並皇后攜幼主走靑州, 門。太上皇將百餘騎東走。乙亥,公司渡河入濟州。其日,幼主禪位於大丞相、任城王湝,令 勸太上皇帝往河外募兵,更爲經略,若不濟,南投陳國,從之。丁丑,太皇太后、太上皇后自 后,帝爲太上皇帝,后爲太上皇后。於是黃門侍郎顏之推、中書侍郎薛道衡、侍中陳德信等 與宜州刺 隆化二年春正月乙亥,卽皇帝位,時八歲,改元爲承光元年,大赦,尊皇太后爲太皇太 幼主名恒,帝之長子也。 ,史穆提婆謀反,及延宗等數十人無少長咸賜死,神武子孫所存者 母曰穆皇后,武平元年六月生於鄴。其年十月,立爲皇太子。 <sup></sup> 騎至 青州南鄧村,為周將尉遲綱所 而高阿那肱召周軍,約生致 周軍奄至青州、太上窘 一二而已。至 至建德七年,

帝紀

八

幼主

書 芯

大象末,陽休之、陳德信等啓大丞相隋公,請收葬,聽之,葬長安北原洪瀆川

仰视,皆略陳大旨,驚走而出。 自非寵私昵狎,未嘗交語。 帝幼而令善,及長,頗學綴文,置文林館,引諸文士焉。 每災異寇盜水旱,亦不貶損,唯諸處設齋,以此爲修德。 性懦不堪,人視者,即有忿責。 而言語澁吶,無志度,不喜見朝 其奏事者,雖三公令錄莫得

信巫觋,解禱無方。

之曲,帝自彈胡琵琶而唱之,侍和之者以百數。人間謂之無愁天子。嘗出見羣厲,盡殺之, 或剝人面皮而視之。 舉高思好堪大將軍,帝曰:「思好喜反。」皆如所言。遂自以策無遺算,乃益驕縱。盛爲無愁 初琅邪王舉兵,人告者誤云厙狄伏連反,帝曰:「此必仁威也。」又斛律光死後,諸武官

貴寵祖禰追贈官,歲一進,位極乃止。 婢、閹人、商人、胡戶、雜戶、歌舞人、見鬼人濫得富貴者將萬數。 庶姓封王者百數,不復 預機權。各引親黨,超居非次,官由財進,獄以賄成,其所以亂政害人,難以備載。諸宮 開府千餘,儀同無數。領軍一時二十,連判文書,各作依字,不具姓名,莫知誰也。諸 任陸令遣、和士開、高阿那肱、穆提婆、韓長鸞等宰制天下,陳德信、 鄧長顒、何洪珍參 奴

n

數毁 逍遙郡君 設靑廬,具 衣 府,犬馬雞鷹多食縣幹。「同己鷹之入養者,稍割犬肉以飼之,至數日乃死 運 鏡殿、寶殿、瑇瑁殿,丹青彫刻,妙極當時。 夕弊。承 夜然油 而 ·填泉,勞費億計,人牛死者不可勝紀。 御馬則藉以氊冕,食物有十餘種,將合牝牡,則 宮掖婢皆封郡君,宮女寶衣玉食者五百餘人,一裙直萬疋,鏡臺直千金,競爲變巧,朝 又復。夜則以火照作,寒則以湯爲泥,百工困窮,無時休息。鑿晉陽西山爲大佛像 、凌霄郡君,高思好書所謂「駮龍、逍遙」者也。大於馬上設褥以抱之,鬭雞亦號開 **一萬盆,光照宮內。又爲胡昭儀起大慈寺,未成,改爲穆皇后大寶林寺,窮極** 牢饌而親觀之。狗則飼以粱肉。馬及鷹犬乃有儀同、郡君之號,故有赤彪儀同 武成之奢麗,以爲帝王當然。 乃更增益宮苑,造偃武脩文臺,其嬪嫱諸宮中起 又於晉陽起十二院,壯麗逾於鄴下。 所愛不恒, 工

城 ,使人衣黑衣爲<u></u>羌兵,鼓噪凌之,親率內參臨拒,或實彎弓射人。 、於華林園立貧窮村舍,帝自弊衣爲乞食兒。又爲窮兒之市,躬自交易。 自晉陽東巡,單馬馳騖 寫築西鄙諸

衣解髮散而歸。

當 官,或得 勢者因 叉 好 郡 之, 不急之務,曾一夜索蠍,及旦得三升。特愛非時之物,取求火急,皆須朝徵夕辦, 兩 貸一而責 或得縣六七,各分州郡,下逮鄉官亦多降中旨,「三」故有勑用州主簿,勑用 一一焉。賦斂日重,徭役日繁,人力旣殫,帑藏 空竭。 乃賜 諸佞幸賣

帝

紀

第

八

幼主

武

成云

稅 郡 功曹。 了百端 俱 起。 凡 此諸役,皆漸於武成,至帝而 增廣焉。 然未嘗有帷薄淫穢,唯此事頗 優於

亡齊 內為 則 遊 童 亂亡之數蓋 上戲者好 徴 之,被於四遠,天意若曰元首剪落,危側當走西也。又爲刀子者刃皆狹細,名曰 初 也。 河 清末,武成夢大蝟攻破鄴城,故索境內蜎膏以絕之。 以 叉婦 兩 有 兆 人皆剪剔以着假髻,而危邪之狀如飛鳥,至於 手持繩、拂地 而却上,跳且唱曰「高末」,高末之言,蓋高氏運祚之末也。 南面,則髻心正 識者以後主名聲與蜎相協, 西。 始自宮 然

己出 以 以 猜 朝 忌 權 論 迹 帷 , 皆 日武成 有 無罪 講之間 虚 一飾,事 風 而 殞,非 度高爽,經算弘長,文武之官,俱盡其力,有帝王之量矣。 ,淫侈過 非 憲典 ·所謂· 鴻 度,滅亡之兆,其在 知 明臨下,何 命任 天 道之義 易 可 斯乎? 誣。 也。 又河南 玄象 告變,傳位元子,名號 河間、樂陵等諸 王,或 但愛 以 雖 | 狎庸豎,委 殊,政 時 嫌,或 猶

後主以中庸之姿,懷易染之性,永言先訓 ,敎匪義方。 始自襁褓,至于傳位,隔以正人,

崩之勢,周武因機,遂混區夏,悲夫!蓋傑、料罪人,其亡也忽焉,自然之理矣。 罕接朝士,不親政事,一日萬機,委諸凶族。 麗 閉 人害物 色淫 其善道。 ?,搏噬 .聲,縱韝紲之娛,恣朋淫之好。 養德所履,異乎春誦夏弦;過庭所聞,莫非不軌不物。輔之以中宮嬭媼,屬之以 一無厭,賣獄鬻官,溪壑難滿。 語曰「從惡若崩」,蓋言其易。 重以名將貽禍,忠臣顯戮,始見浸弱之萌,俄觀土 內侍帷幄,外吐絲綸,威厲風霜,志廻天日,虐 武平在御,彌 見淪胥,

漼 享齡不永,勣用無成。若或天假之年,足使秦、吳旰食。武成卽位,雅道陵遲,昭、襄之風, 出塞,命將臨江,定單于於龍城,納長君於梁國,外內充實,疆場無警,胡騎息其南侵,秦人 鼎。 西鄰,威加南服,王室是賴,東夏宅心。 于時喪君有君,師出以律。河陰之役,摧宇文如反掌,渦陽之戰,掃侯景如拉枯。 嗣 不敢東顧。 不永,宜哉。 懷譎詭非常之才,運屈奇不測之智,網羅俊义,明察臨下,文武名臣,盡其力用。 鄭文貞公魏徵總而論之曰:神武以雄傑之姿,始基霸業,文襄以英明之略,伐叛柔遠。 旣而荒淫敗德,罔念作狂,爲善未能亡身,餘殃足以傳後。 洎乎後主,外內崩離,衆潰於平陽,身禽於青土。天道深遠,或未易談,吉凶由 孝昭地逼身危,逆取順守,外敷文教,內蘊雄圖,將以牢籠區域,奄一 文宣因累世之資,膺樂推之會,地居當壁,遂遷魏 得以壽終,幸也,胤 故能 函夏, 親 氣 戎

帝紀

第

八

幼主

## 人,抑可揚搉。

哉 ? 聞,萋斐必入,視人如草芥,從惡如順流。 荒於外內, 俾晝作夜, 罔水行舟, 所欲必成, 所求必得。旣不軌不物, 又暗於聽受, 忠信不 者難爲功,摧枯朽者易爲力歟? 黔首之可誣,指白日以自保。 藏輸稅之賦未虧也,士庶甲兵之衆不缺也,然而前王用之而有餘,後主守之而不足,其故何 獲其五,九州之境,彼分其四。 政淫刑,刳剒被於忠良,祿位加於犬馬,讒邪並進,法令多聞,持瓢者非止百人,搖樹者不唯 同其生死。 士,比二方之優劣,無等級以寄言。然其太行、長城之固自若也,江淮、汾晉之險不移也,帑 前王之御時也,沐雨櫛風,拯其溺而救其焚,信賞必罰,安而利之,旣與共其存亡,故得 觀夫有齊全盛,控帶遐阻,西苞汾、晉,南極江、潍,東盡海隅,北漸沙漠,六國之地,我 於是土崩瓦解,衆叛親離,顧瞻周道,咸有西歸之志。 後主 |則不然,以人從欲,損物益己。 馳倒戈之旅,抗前歌之師,五世崇基,一舉而滅,豈非鐫金石 料甲兵之衆寡,校帑藏之虚實,折衝千里之將,帷幄六奇之 佞閹處當軸之權,婢媼擅廻天之力,賣官鬻獄,亂 **彫牆峻宇,甘酒嗜音,鄽肆遍於宮園,禽色** 方更盛其宮觀,窮極荒淫,謂

武平之末,土木之功不息,嬪嫱之選無已,征稅盡,人力殫,物產無以給其求,江海不能贍其 抑 又聞之:皇天無親,唯德是輔;天時不如地利,地利不如人和。 齊自河清之後,逮于

亦難乎!由此言之,齊氏之敗亡,蓋亦由人,匪唯天道也。 所謂火旣熾矣,更負薪以足之,數旣窮矣,又爲惡以促之,欲求大厦不燔,延期過曆,不

#### 校勘記

北齊書卷八 按此卷原缺,後人以北史卷八齊紀下後主紀補。 三朝本卷末有宋人校語「此卷

與北史同」。

戊寅 諮本「戊寅」作「庚寅」。<br/>北史卷八、通鑑卷一六九五二五二頁作「戊寅」。 按天統元年五六五

四月癸丑朔,有「戊寅」,無「庚寅」,今據北史改。

以瀛州刺史尉粲爲太尉斛律光爲大將軍東安王婁叡爲太尉 通鑑卷一六九五二五二頁此條胡三

省注:「尉粲、婁叡並爲太尉,此承齊紀之誤。按尉粲傳本寄卷一五粲爲太傅,當從之。」 殿本考證

云:「考武成紀本曹卷七河淸三年五六四冬十二月,以斛律光爲太尉,是『太尉』二字當屬 下 句

太保」。 『爲』字下指「尉桑爲」下,疑脫『太傅』二字。」按武成紀補大寧元年五六一十一月稱「以太尉尉粲爲 太保班在太尉上,不應此時又退到太尉。當如殿本考證之說,「尉粲爲」下脫「太傅」

二字。

帝

紀第

八

校

勘記

**P**.9 封 太上皇帝子嚴爲東平王 按本書卷七武成紀補河清三年五六四九月已稱封儼爲東平王,

裏重出。

五 (王)傳 仁堅爲北平王 神也稱「北平王貞字仁堅」。李百藥北齊書據其父德林舊稿寫成。 諸本「堅」都作「固」。按下武平三年五七二兩見北平王仁堅。卷一二武成十二 德林避隋諱, 改「堅」為

「固」,這一處百藥漏改,北史仍之,此紀又仍北史之舊。今回改以歸一致。

. . . . . 冬十月乙卯 無「己卯」,今據改。 諸本「乙卯」作「己卯」,北史卷八作「乙卯」。按天統二年 五六六 十月有「乙卯」,

-後人見『徒』字於義不屬,妄改爲『徒』。」按高潤在天統元年 徙馮翊王潤爲太尉 人 都書原官,不應高潤獨缺,張說是。 張森楷云:「北史改官,例不稱『徙』。 此『徙』字蓋當爲『徒』,上脫『司』字。 五六五 四月爲司徒。 這次改官,他

仁約爲樂浪王 字仁邕, 這裏本無「仁」字,後人見兄弟名都有「仁」字,也加了此字。「樂 浜」「樂 平」 不 知 按卷一二武成十二王傳補無「仁約」,仁幾下面是樂平王仁邕。此人疑名約,

九 仁統爲丹陽王 注紀也作「統」,與北史同。 七〇五二六六頁考異云:「北齊書帝紀名統,今從列傳,統謂仁直。」據此,則司馬光所見北齊書後 北史卷八無「仁」字。本書卷一二武成十二王傳補作「丹陽王仁直」。通鑑卷一 按此「仁」字和上條「仁約」之「仁」都是後人所加。 後主名緯字仁綱,

孰是。

嚴字仁威和約字仁邕,統字仁直一例。此紀或稱名,或稱字。

- 諸寺署所綰雜保戶姓高者 五五一九月稱:「詔発諸伎作、屯、牧雜色役隸之徒爲白戶。」「雜色役隸之徒」即雜役戶。 「雜保戶」不可解,「保」當是「役」之訛。 本書卷四文宣紀天保二年
- 十一月丙午 無「卩午」,有「丙午」,今據改。 諸本「丙午」都作「甲午」,北史卷八作「景午」即丙午。按天統三年五六七十一月
- 癸未 按本年十一月無「癸未」。通鑑卷一七〇五二七一頁作「癸丑」,疑是。
- 大赦九州職人普加四級 六月大赦都說「九州職人、普加四級」。「一」字誤、今據文館詞林改。 大赦詔卽是這次大赦所發的詔書,稱「普加四級」。按此紀天統三年 五六七 二月、武平元年五七〇 諸本和北史卷八「四」都作「一」。文館詞林卷六七○魏收北齊後主
- 上太上皇后尊號爲皇太后 xxxxx 卷八、xxxxx 卷一八九二三九二頁有。按此字不宜省,今從局本。 三朝本、南本、北本、汲本、殿本「太上皇后」上無「上」字。局本及
- 韶侍中叱列長叉使於周 |李長叉。 「义」「叉」同`「叱李」即「叱列」的異譯。 今據墓誌改。 馮忱妻叱李綱子墓誌稱「祖長义,齊侍中、許昌王」。 隋書卷一高祖紀上開皇二年、四年兩見叱 五三叱列平傳、卷九三梁蕭氏傳、通鑑卷一七〇 五二七九頁作「叉」。按漢魏南北朝墓誌集釋有 諸本和北史卷八「叉」作「文」,本書卷二〇处列平傳作「义」,北史卷

帝

紀

- 詔右丞相斛律光出晉州道 右丞相,明年十一月升左丞相,卷一七本寫同。 諸本及北史卷八「右」作「左」。 這裏「左」字顯誤,今改正。 按此紀於本年二月稱以斛律光爲
- 太保琅邪王嚴矯詔殺錄尚書事和士開於南臺 此紀於本年四月書儼爲太保,卷一二琅邪王儼傳 諸本「太保」作「太尉」,北史卷八作「太保」。按 補 同。今據北史改。
- 得對。 王嚴傳 書侍御史王子宣等 北史乙正。 本應作「治醫侍御史」,北史避唐諱去「治」字,補此紀者以「書侍御史」罕見,妄加 補作「治書侍御史」,隋書卷二一天文志五代災應變、通鑑卷一七二五二九四頁同嚴傅。 又本書琅邪王嚴傳也以北史補,本無「治」字,今有此字,亦補此傳者 諮本「書侍御史」作「侍書御史」、北史卷八作「書侍御史」。本書卷一二張邪 乙改, 1.所增, 今從 却增 按
- 尙書右僕射馮子琮賜死殿中 渓渓渓 原傳也是一作「左」,一作「右」。 按此紀於本年二月書馮子琮爲右僕射,隋書卷二一天文 法五代災應變、卷二二五行志上木水都稱「右僕射馮子琮」。 「左」字誤,今據北史改 諸本「右」作「左」、北史卷八作「右」。本書卷四○、北史卷五五
- 追贈故琅邪王儼爲楚帝 諸本「帝」作「王」,北史卷八作「帝」。按贈帝事亦見本書卷一二補、 北史卷五二儼本傳。「王」字誤,今據北史改。
- 安德王延宗爲司徒 諸本「司徒」上有「大」字、北史卷八無。按北齊制度司徒、司空都不加

## 大,今據北史删。

- 太尉衞菩薩爲大將軍 大將軍上,菩薩如已官大司馬,一般無遷大將軍之例。 二月稱「以衞菩薩爲太尉」, 諸本和北史卷八「太尉」上有「大司馬」三字。按此紀於武平三年五七二 沒有說他兼大司馬。 而且以太尉遷大將軍,正合常規,大司馬班在 這裏是涉上「南陽王梅爲大司馬」 而誤
- 他軍 思好投水死焚共屍 重,今删 敗,「投水而死」,又說「屠剝焚之」。若已投火,不待再焚。 諸本和北史卷八「水」作「火」。按本書卷一四補、北史卷五一高思好傳說 這裏本亦作「投水」,後人不知

焚屍是死後的事,以爲投水豈能焚,妄改作「火」。今據本傳改。

- 從之。 以高勸爲尚書右僕射 北史作『勸』。 五. 一高儉傳作「勵」。 按本書卷一三、北史卷五一淸河王岳傳作「勱」,而舊唐書卷六五高士縣傳、新唐書 今此碑與北史合,蓋唐史及姓纂轉寫誤爾。」據碑,作「勵」誤,今從南本。 金石錄卷二四高士廉坐兆記跋云:「唐史及元和姓纂皆云士廉父名『駒 三朝本、北本、汲本、局本「勸」作「勵」,南本從北史卷八作「勸」, 卷九 殿本
- 二月丙寅 這年三月又沒有丙寅。則也可能衍「二月」二字。今不改。 上文已見「二月辛酉」,這裏不應重出二月。隨書卷二三五行志下常風作「三月」。 但
- 二台 十二月戊申周武帝來救晉州庚戌戰於城南 帝 紀 第 八 校 勘 記 諸本無「周」字,今據北史卷八補。 又諸本「庚戌」

作「庚申」。 北史卷八、御覽卷一三一六二六頁、周書卷六武帝紀建德六年五七十二月都作「庚

戌」。 按上文見「戊申」、下文見「癸丑」、中間只能是「庚戌」、今據改。

二二 七七正 丁丑太皇太后太上皇后自鄴先趣濟州 九日, 二五三六九頁有。 月癸巳云:「齊主先送其母並妻子於靑州、及城陷、乃率數十騎東走。」據此知此紀所云丁 後主太上皇既已丁丑「趣濟州」,怎會在癸丑又自鄴東走了檢周書六武帝紀下建德六年五 按下文說癸丑燒城西門指鄰城,太上皇率百餘騎東走。丁丑是三日,癸丑是十 諸本和北史卷八「太上皇」下無「后」字。 通鑑卷一七

丑趣濟州的是後主的母妻。這裏脫一「后」字,今據通鑑補。

乙亥 三五三七〇頁作「乙未」,疑是。 按這年正月乙亥朔,上文紀癸巳已是十九日,怎會又退到一日。 乙亥必誤,通鑑卷一七

二元 爲周將 父綱 死於天和四年五六九,見周書卷二〇本傳。 尉 遲綱 所獲 按周書卷六武帝紀下建德六年五七七正月記追擒北齊後主的是尉遲勤。勁 此紀誤。

犬馬雞 度,屢見本書。 鷹 多食縣幹 當是補此經者不知食幹之制,臆改爲「邑」。 三朝本、北本、汲本、局本「幹」作「邑」。北史卷八作「幹」。按食幹是北齊制 南本、殿本已據北史回改,今從之。

下逮鄉官亦多降中旨 卷 四作「旨」,按「中旨」屢見本書卷三八元文遙傳補、卷四〇馮子琮傳補,今據改。 諸本及北史卷八「旨」作「者」。 御覽卷一三一六三七頁、通歷卷九、過典

# 北齊書卷九日

#### 列傳第一

## 神武婁后 文襄元后 文宣李后 孝昭元后 武成胡后

# 後主斛律后 胡后 穆后

神武於城上執役,鶩曰:「此眞吾夫也。」乃使婢通意,又數致私財,使以聘己,父母不得已而 神武明皇后婁氏,諱昭君,贈司徒內干之女也。 神武旣有澄淸之志,傾產以結英豪,密謀秘策,后恒參預。 少明悟,强族多聘之,並不肯行。 及拜渤海王妃,閩闈之事 及見

悉決焉。

統大兵,何得以我故輕離軍幕。死生命也,來復何爲「神武聞之,嗟歎良久。 神武誓將西討出師,后夜孿生一男一女,左右以危急,請追告神武。 后弗聽曰:「王出 后高明嚴斷,雅遵儉約,往來外舍,侍從不過十人。性寬厚,不妬忌,神武姬侍,咸加恩 沙苑敗後,侯

列

**景**,亦 不許 己出 茹茹 景 位,復爲皇太后 巫 悟等受遺 爲請 媼 屢言請 公主 , 帝 言改姓石氏。 爵位 ,躬自紡績 有 所 何 精 至,后避正室處之。 詔 利。」乃止。 以 騎二萬,必能取之。 每言有材當 輔 中 Ö 政, , 人 賜 一 此。 孝昭帝崩,太后又下詔立武 四月辛丑,崩於北宮,時年六十二。 疏忌諸王。 天保初,尊爲皇太后,宮曰宣訓 神武 袍一袴。 用,義不 逼於: 神武饱而 太皇太后密與孝昭及諸大將定策誅之,下令廢立。 が茹茹, 以私亂公。 神武 手縫戎服,以帥 悦,以告于后。 欲娶其女而未 拜謝焉,曰:「彼將有覺,願 文襄 成帝。 嗣 左 位, 右。 大寧二年春, 決。 濟南 后曰:「若如其言, 五. 進爲太妃。 弟昭,以功名自達,其餘親 月甲申, 后曰:「 即位,尊爲太皇 國家大計,願 絕勿 合葬義 太后寢 文宣將受魏 顧。」慈愛諸子,不 **豈有** 平陵 疾,衣忽自舉,用 太后。 還 不疑 禪 理, 尙 屬,未嘗 后 書令 得 孝 也 。」及 昭 獺 固 楊 卽 執 失

怒,撻之。 袍 城 動 、博陵 如故。 目 ,勢狀驚 太后 二王夢鼠入衣下。 未幾,登三臺,置酒作樂。 凡孕六男二女,皆感夢、孕文襄 帝於昆季次實九,蓋其徵驗也。 人, 孕孝昭 則夢蠕龍 后未崩 於 地; 帝女進白袍,「三帝怒,投諸臺下。 有童謠 孕武 列夢 曰「九龍 成 則 斷龍; 夢龍浴 母 死 孕文宣則 . 於海; 不 作孝」。 孕 夢大龍, 及 后崩 二后並 和士 首尾屬 開請 武 夢 成 月 止樂,帝大 入 不 天 地,張 懷 改 。; 孕 服 夓 緋

宮。 世子辭,求通受諸貴禮遺,於是十屋皆滿。次生兩公主。文宣受禪,尊爲文襄皇后,居靜德 曲 文襄 及天保六年,文宣漸致昏狂,乃移居於高陽之宅,而取其府庫,曰:「吾兄昔姦我婦,我 和 敬。 敬皇后元氏,魏孝靜帝之姊也。 初 生 河間王孝琬,時文襄爲世子,三日而孝靜帝幸世子第,贈錦綵及布帛萬疋 孝武帝時,封馮翊公主而歸於文襄。 容德衆美,

今須報

一,使人推引之,又命胡人苦辱之。 帝又自呈露,以示羣下。 武平中,后崩,祔葬<u>義平</u>陵

:。」乃淫於后。其高氏女婦無親疏,皆使左右亂交之於前。

以葛爲絙,令魏安德主騎

御 撾 舉。 王 號 妃。 紹德 撻 昭 乃至有殺戮者,唯后 高隆之、高德正言漢婦人不可爲天下母,宜更擇美配。 信 之,號天不 帝 文宣皇后李氏,諱祖娥,趙郡李希宗女也。容德甚美。 而 皇后。 德正 横 至 閤 刀 一个個固請 詬 ,不得見,慍曰:「兒豈不知耶,姊姊腹大,故不見兒。」后聞之,大慚,由是生女不 武成踐祚,逼后淫亂,云:「若不許, 总 爾 廢 盛以 殺我 后 獨蒙禮敬。天保十年,改爲可賀敦皇后。孝昭卽位,降居昭信宮 而立段昭儀,欲以結勳貴之援,帝竟不從而 絹囊,流 女,我何不 Ú 淋 殺爾兒!對后前築殺紹德。 漉,投諸渠水,良久乃蘇,犢車載送妙勝尼寺。 我當殺爾兒。」后懼,從之。後有娠,太原 楊悟固請依漢、魏故事,不改元 初爲太原公夫人。及帝將建中 后大哭,帝愈怒,裸后 立后焉。 帝好捶撻嬪

列傅

第

元

后

李

后

元

后

胡

后

愛佛法,因此爲尼。齊亡入關。隋時得還趙郡。

居順成宮。 爲皇后。 孝昭皇后元氏,開府元蠻女也。 帝崩,梓宮之鄴。始渡汾橋,武成聞后有奇藥,追索之不得,使閹人就車頓辱。 武成旣殺樂陵王,元被閟隔,不得與家相知。宮闈內忽有飛語,帝令檢推,得后 初爲常山王妃。 天保末, 賜姓步六孤。 孝昭卽位,立 降

以弄曇獻,乃至謂之爲太上者。帝聞太后不謹而未之信,後朝太后,見二少尼,悅而召之, 之所御也。乃置百僧於內殿,託以聽講,日夜與曇獻寢處。以獻爲昭玄統。 崩後,數出詣佛寺,又與沙門曇獻通。布金錢於獻席下,又挂寶裝胡牀於獻屋壁,武成平生 中有月」,旣而生后。天保初,選爲長廣王妃。產後主日,鴞鳴於產帳上。武成崩,尊爲皇 乃男子也。 至。初武成時,后與諸閹人褻狎。武成寵幸和士開,每與后握槊,因此與后姦通。自武成 太后,陸媼及和土開密謀殺趙郡王叡,出婁定遠、高文遙爲刺史。和、陸諂事太后,無所不 父兄書信, 元蠻由是坐冤官。后以齊亡入周氏宮中。隋文帝作相, 放還山東。 武成皇后胡氏,安定胡延之女。其母范陽盧道約女,初懷孕,有胡僧詣門曰「此宅瓠蘆 於是曇獻事亦發,皆伏法,並殺元、山、王三郡君,皆太后之所昵也。帝自晉陽 僧徒遙指太后

之, 急, 來聘,作述行 奉太后還鄴,至紫陌,卒遇大風。舍人魏僧伽明風角,奏言卽時當有暴逆事。 帝復 縛り 迎太后。 纏 稍, }賦 敍 馬也 入 太后初聞使者至,大驚,慮有不測。 鄭莊公克段 南 城,今鄧長顒 而遷姜氏,文雖不工,當時深以爲愧。 幽 太后 北宫, 仍 有勑內外諸親 每太后設食,帝亦 不不 齊亡入周,恣行姦穢。 不敢 得與 、太后 帝詐云鄴中有 相 周 使元偉 見。

隋

開皇中殂

元 正 仁妻。 月 生 後主皇后斛律氏,左丞相光之女也。 女, 帝欲悅光,詐稱生男,爲之大赦。 初爲皇太子妃。 光誅,后廢在別宮,後令爲尼。齊滅 後主受禪,立爲皇后。 ,嫁爲開府 武平三年

夫人代之,太后不許。 思之,每致物以通 乃曰:「語大家云,太后行 後於太后前作色而言曰"「何物親姪女作 於宮中,令帝見之。 後主皇后胡氏,隴東王 意。 帝果悦, 後 祖孝徵請立胡昭儀,遂登爲 與 多非法,不可 長仁女也。 斛律廢后俱召入內,數日而鄴 立爲弘德夫人,進左昭儀, 以訓。」太后大怒,喚后 胡太后失母儀之道,深以爲愧,欲求悅後主,故 如 (此語言 皇后。 []太后 大被龍 不守。 陸媼 問 有 出 旣 何 愛。 ,立剃其髮,送令還家。 非 後亦改嫁。 言,曰:「不 勸 斛 Ý; 律 叉意 后 可道。」固問 廢 陸媼 在 穆夫人,其 欲 飾 以 穆 后

記

太子。 酌。 旣立穆皇后,復爲營之。 詔 后,大赦。 結 姬 霄 萬疋與弔使同往,欲市眞珠爲皇后造七寶車,周 家,姦私 黃花勢欲落,清觴滿盃酌。」言黃花不久也, 知其 書頒告,以爲穆后之瑞焉。 待, 面 爲「宋」字。 後主 陸息縣提婆詔 以監撫之任不可 陸以國 電,養以爲女,薦爲弘德夫人。 而 皇后穆氏,名邪利,本斛律后從婢也。 初,有折衝 生后,莫知氏族, 姓之重,穆、陸相對, 欽道伏誅, 黃花因此 改姓 將軍元 無主,時皇后斛律氏,丞相光之女也,慮其懷恨,先令母養之,立爲皇 為穆, 屬周 或云后即欽道女子也。 正烈於鄴城東水中得璽以獻,文曰「天王后璽」, 武遭太后喪,詔侍中薛孤 武成時,爲胡后 陸。 太姬, 又奏賜姓穆氏。 入宫,有幸於後主, 武平元年六月,生皇子恒。 皆以皇后故 後主 造眞珠裙 母名輕霄,本穆子倫婢也,轉入侍中宋欽 人不與交易, 自立穆后以 小字黃花, 胡庶人之廢也,陸 也。 、康買等爲弔使,又遣 宮內稱爲舍利太監。 3 后旣以陸爲母 後,昏飮無度, 然 後字舍利。 而竟造焉。 於時後主未有儲嗣,陸 有助焉, 欽道婦妬,黥 故 先 商 蓋石氏所作 提婆為家,更 胡齎錦 故遂立爲皇 女侍中陸 是 云清觴滿盃 童 謠 後主 目 太 道 陰 輕

採

輕霄。

輕霄後自療面,欲求見,太后、陸媼使禁掌之,四竟不得見。

北齊書卷九 按此卷原缺,後人以北史卷一四后紀傳下北齊部分補。 傳目仍北齊書的原目,

不 列 附 傳諸妃嬪。 補 此 傅者 披 E 補入, 所以 北與有傳而此傳目錄不載的一 概不補 其實 3-16

齊悲日錄不載,並非傳內無文。 又今本此傳無序, 初學記卷一〇中宮部妃嫔引北齊書, 即此傳

的序。 北史后妃傳序乃併台藏。周、齊三書后妃傳序而 成 其中敍北齊妃嬪位 號一段和初學

記所引北齊書基本 和同。 初學記是類書,引文删節較多,所以比北史簡略,但個別文字也 可以

訂正北史的訛文。

 $\overline{ }$ 帝女進白袍 通鑑卷一六八五二三頁「帝女」作「宮女」。 隋書卷二三五行志下 心腹之網「帝女」

作「侍者」。按「帝女」當有誤,通鑑恐亦是以意改。

= Ū 陸太姬皆以皇后故也 按這句文義不順。 下「陸」字下當脫「號日」二字,卷五〇恩倖傳補

「及穆后立,令萱號曰太姬」,可證。

 $\overline{\phantom{a}}$ 

1213 Ū 太后 欲求見太后陸 Ü 和 後主 有猜 媼使禁掌之 嫌, **豈能** 和陸令萱 北史卷一 四作「欲求見,爲太姬陸媼使禁掌之」。 起禁止輕霄之見其女。 這裏「太后」當是「太姫」之訛, 按穆后立後,胡

「太姬陸媼」連文。

列

### 列傳第一

#### 高祖十 王

永安簡平王浚 襄城景王淯 任城王湝 平陽靖翼王淹 高陽康穆王湜 彭城景思王浟 博陵文簡王濟 上黨剛肅王渙

華山王凝 馮翊王潤 漢陽敬懷王洽

帝 浟、華山王凝,韓氏生上黨剛肅王渙,小 分朱氏生任城王湝, 馮翊王潤,馮氏生漢陽敬懷王洽。〔三 博陵文簡王濟,王氏生永安簡平王浚,穆氏生平陽靖翼王淹, 神武皇帝十五男:武明婁皇后生文襄皇帝、文宣皇帝、孝昭皇帝、襄城景王清、武成皇 游氏生高陽康穆王提, 大介朱氏生彭城景思王 鄭氏

生

列

傅

第

髙 祖

+

王

神邪, 嬉 類,不甚愛之。 (戲不節,曾以屬請受納,大見杖罰,拘禁府獄,旣而見原。 永安簡平王浚,字定樂,神武第三子也。 無神邪。」對曰:「有。」沒曰:「有神當云祭神神在,何煩『如』字。」景裕不能答。及長, 而沒早慧,後更被寵。年八歲時,問於博士盧景裕曰:「『祭神如神在。』爲有 初神武納沒母,當月而有孕,及產沒,疑非己 後稍折節,頗以讀書爲務。

收 將赦之。 所 來 於屛 時 東 吾 曰:「二兄舊來不甚了了,自登祚已後,識解頓進。今因酒敗德,朝臣無敢諫者,大敵未滅, 刺 Щ ·史,頗好畋獵,聰明矜恕,上下畏悅之。 天保初,進爵爲王。〔ē〕文宣末年多酒,浚謂親近 涕出 難 .甚以爲憂,欲乘驛至||新面諫,不知用吾不。」人有知,密以白帝,又見衡。 八年來朝,從幸 明年 處 忍 元 老幼泣 召楊遵彦,譏其 帝裸 象 逐 中,封永安郡公。 | 沒常責帝左右,何因不爲二兄拭鼻,由是見銜。累遷中書監、兼侍中。 長廣王湛先與浚不睦,進曰:「猛獸安可出穴。」帝默然。 帝親將左右 罷 是為樂,雜以婦女,又作狐掉尾戲。 送者數千 酒 還宮。 不讓。 臨穴歌謳 人。 浚尋還州,又上書切 至, 盛以 豪爽有氣力,善騎射,爲文襄所愛。文宣性雌懦,每參文襄,有 帝時 令浚和之。 不欲大臣與諸王交通,遵彥懼以奏。 鐵籠,與上 諫。 浚等惶怖 黨王渙俱置北 浚進言, 此非人主所宜。 詔 令徵浚,浚懼禍,謝 且悲,不覺聲戰。 城 地 牢下, 波等聞之,呼長廣小字 疾不至。 帝大怒曰:「小人山 飲食溲穢共 帝 帝甚不悅。 爲 愴 上怒,馳驛 出為青州 然,因泣, 浚又

害,乃自刺渙,又使壯士劉桃枝就籠亂刺。槊每下,浚、渙輒以手拉折之,號哭呼天。於是 曰:「步落稽,皇天見汝」」左右聞者,莫不悲傷。 浚與渙皆有雄略,爲諸王所傾服,帝恐爲 火亂投,燒殺之,塡以石土。後出,皮髮皆盡,屍色如炭,天下爲之痛心。

後數 日,帝以陸氏先無寵於沒,勑與離絕。乾明元年,贈太尉。 後帝以其妃陸氏配儀同劉郁捷,舊帝蒼頭也,以軍功見用,時令郁捷害沒,故以配焉 無子,韶以彭城王浟第二子

薪

初 給仗身、四羽林百人。大寧元年,遷太宰。 酖 終。 ,進爵爲王,歷位尚書令、開府儀同三司、司空、太尉。皇建初,爲太傅,與彭城、河間王並 平陽靖翼王淹,字子邃,神武第四子也。 元象中,封平陽郡公,累遷尚書左僕射。 天保 還葬鄴,贈假黃鉞、太宰、錄尚書事。 性沉謹,以寬厚稱。 子德素嗣。 河淸三年,薨於晉陽,或云

液 韓 正色答 毅 彭城景思王浟,字子深,神武第五子也。元象二年,拜通直散騎常侍,封長樂郡公。 敎 日 | 微書,見敞筆迹未工,戲敞曰:「五郎書畫如 一昔甘羅 幼 爲 秦相、未聞能書。 凡人唯論才具何如,豈必動誇筆迹。 、此,忽爲常侍開國,今日後宜 博士當今 更用心。」

能者,何爲不作三公。」時年蓋八歲矣。一毅甚慚。

送別 反 别 轉 有 服 捉 左 來 令 賚 人 駕 字, 驢 來, 被 右 糧 以權戚 司 得 畢 羊 悲 盜 及 食。 孙 此 武 叉 獲賊 集, 始逢 馱 有 府 定六年,出為 脩 號 賊 黑 牧 鹿 僚 浟 等恐 老 华, 浟 爲言。」脩等慚悚而 ,定神矣。」敞 選 今化 膊。 對 有老 母姓王,孤 吏 纖 爾 從 背 犯 分市鹿脯,不限 衆曰:「食雞羹何 介 後境 事 至滄州界,脚痛 上 知 權 公數百 皆 殿 一有白 人間 戚 滄州刺 取 下 內 乃詣 文 唯 無 獨,種菜三畝 乃詐爲上府市牛皮,[三倍酬 毛。 事。 人相 飲 盜, 才 此 史,爲政嚴察,部內肅然。 閣 長 土 退。 政 有 率 諮 鄉水,未 史章道建謂 其 明剖 具饌 化 不 濕 行 陳。 價。 後 為 ·還價直也 .遲,偶會一人爲伴,遂盜驢及脯 沃縣主簿張達嘗詣州, 當 加特進, 斷 ,數被偷 曰:「 自殿 浟 其主 一時第一。 者, 食 使告日 此 中從事 見脯 當 )。」達卽伏罪。 鄉 時 兼司空、太尉, 食, 下 -敞乃令人密往 識之, 稱 至 天保 一魏道 吾直道 聊獻 爲美選。 來 價直, 使牛主認之, 因 初, 五 推獲 守令參佐,下及胥吏,行遊往來,皆自 疏薄 勝 載, 封 而 夜投人舍,食雞羹, 曰:「使君在滄州 合境號為神明。 行,何 盗 心液 彭 州牧 州 人 者。 書菜葉爲字,明日 城 不 舊 至 識 如故 案 重 憚 去。 轉都督、定州刺 其 吏, 五 權 、意,爲 四年, 百餘 戚 明 吏不 太妃薨,解任,尋詔 旦, 卿 Ħ, 獲其盜。 叉 徴 等當 欺 浟 食 | | | | | | | | | 告州 有 擒 人,百 爲 未 市 一人從幽 侍 成 期 口 姦 中看 · 中, 知之。 史。 悉斷 人 如神、若 建等歎 浟 姓 之美, 七 乃 菜 時 有 年, 盉 有 令 퀪 宁 吏 葉 州

初 决, 発。 右 復 7,拜 本官。 僕 事 **浟**摘 射 大 無 魏收之內 司 大 俄拜 一發其 小 馬,兼尚 ,咸悉 司空, 事 昂等 妹 以 也。 書令,轉太保。 兼尚書令。 情。 以罪除 依令,年出六十,例觅入官。 趙郡李公統預高歸彥之逆,其母崔氏 名。 濟南嗣位,除開府儀同三司、尚書令、領大宗正 武成入承大業,遷太師、錄尙 崔增年陳訴,所司以昂、收故,崔遂獲 書事。 即御史中丞崔昂從父子,兼 浟明練世務,果於 卿。 斷

假 黄鉞 徑 自 向 太太 車 朝野 浟第,至 駕 師、太尉、錄尙 巡幸 痛惜焉。 內室,稱 初浟 書事 鄴。 , 勑牽敞上馬, 臨以白刃, 欲引向南殿。 未 ,給輼輬車。 被劫前,其妃 河清三年三月,公羣盜田子禮等數十人謀劫敝爲主,詐稱使 (鄭氏夢人斬浟頭持去,惡之,數日而 子寶德嗣,位開府,兼尚書左僕射 浟大呼不從,遂遇害, 時 年 贈

但要不 沛 上 黨 武 剛 壯 爲 肅王渙,字敬壽,神武第七子也。 而 博 愛之, 士耳。」故讀 日「此 書 見似我。」及長,力能 頗 知 梗 微,而 不 甚 天姿雄傑,俶儻不羣,雖在童幼, 耽 扛 鼎, 材武 絕 倫 每謂左右日 一八人不 恒以將略自 可 無

元 象 而 中 出 ·, 封 平原 武 定末,公 郡公。 除冀州 文襄 之遇賊 刺 史,在州 /"; |渙 有美 年 尙 政。 幼, 在 天保初,封上黨王 西學,聞宮中讙,驚曰:「 歷中書令、 大兄 尙 必遭難 書左

僕射。 數 八年,錄尚 人, 渙亦被譴。 與常 書事。 山王演等築伐惡諸城。 六年,率衆送梁王蕭明還江南,仍破康關,斬梁特進裴之横等,威名甚盛。 逐聚鄴下輕薄, 凌犯郡縣, 為法司所糾。 文宣戮其左右

舊 與永安王 督破六韓伯昇之鄴徵渙。 幸晉陽,以所忌問左右曰:「何物最黑。」對曰:「莫過漆。」帝以澳第七子爲當之,乃使庫眞都 , 奴, 積勞位至刺史, 帝令文洛等殺煥, 故以其妻妻焉。 初,術士言亡高者黑衣,由是自神武後,每出行,不欲見沙門,爲黑衣故也。 一淡同置地牢下。 歲餘,與沒同見殺,時年二十六。 澳至紫陌橋,殺伯昇以逃,憑河而度,土人執以送帝。 以其妃李氏配馮文洛,是帝家 鐵籠盛之, 是時文宣

修飾 自 ,,庶長子寶嚴以河淸二年襲爵,位金紫光祿大夫、開府儀 盘,幸蒙 計 至乾 字。 。 明元年,收二王餘骨葬之,贈司空,諡 恩韶,得反藩闈。 李盛 |列左右,引||文洛立於階下,數之曰:「遭難流離,以至大辱, 汝是誰家孰奴,猶欲見侮」於是杖之一百,流血灑地。 日剛肅。 有勑李氏還第。 同三司。 而文洛肯以故意, 志操寡薄,不能 渙無嫡

封 襄城郡王。 襄 城景王 清,神武第八子 二年春,薨。 齊氏諸王選國臣府佐,多取富商羣小、鷹犬少年,唯裏城、廣寧、 也。 容貌甚美,弱年有器望。 元象中,封章武 郡公。 天保初,

蘭 廀 王等頗引文藝清識之士,當時以 此稱之。 乾明元年二月,贈假黃鉞、太師、太尉、錄尚

**警事。無子,詔以常山王演第二子亮嗣。** 

入,亮 亮 從焉 亮 軍 遷兼 字彦道, 方 退 走。 太 尉、太傅。 性 亮 . 恭孝,美風儀,好文學。 入太廟行馬 周 師 入鄴,亮於啓夏門拒守。 內,慟哭拜辭,然後爲周 爲徐州刺史,坐奪商人財物発官。 諸 軍 軍 所執。 皆不 戰 入關, 而 敗,周 依例授儀同,分配 軍於諸 後主敗奔鄴 城 門皆

任 城 É 潜, 神武 第十子也。 少明 慧。 天保 初封。 自孝昭、武 成時,車駕還鄴,常令浩鎭

 遠

邊,

卒

於

龍

州

潜 時 贼 新 際 劫 頻 稱 靴 咸 牧 害 天統 明 馳 得 大藩, 遗遗 察 而 齊整, 去 三年 此 者 武 靴 雖不 ,拜 撃賊 平初 婦 焉, 太 潔 人持 得 保、幷州 大破 己, 遷太師 無親屬 故靴,詣 然寬 之。 恕 刺 乎 司 拜 史,別 為東 \_ં? 州 州 左 言之。 牧, 丞 人 嫗 封 相 所 出 海撫膺哭 Œ 懷 潜召城外諸嫗,以 轉瀛州刺 爲 平郡公。[5] 翼州 五. **|日:「見昨著** 年,青 刺 史。 史, 時有婦 加 州 及後主 太宰, 崔 此 蔚 靴 靴 波 人臨汾水院衣,有 示 |奔鄴,加 遷 等夜 之, 向 右 妻 紿 丞相 襲 家 日:「 潜 州 城 大 都 如 有 湾門 丞 督 其 乘 相 語, 馬 乘馬 靑 分倉卒之 人 州 捕 在 人 刺 獲 人換共 之。 史。

列

傅

第

髙

祖

+

不遠。 湝 兄弟十五人,幸而獨存,逢宗社顚覆,今日得死,無愧墳陵。」憲壯之,歸其妻子。將至鄴城, 詔,潜並沉諸井。 令, 馬上大哭,自投于地,流血滿面。至長安,尋與後主同死。 及安德王 ·寧終歸叔父。」潜曰:「我人臣,何容受此啓。」執子昂送鄴。 潜與廣寧王孝珩於冀州召募得四萬餘人,拒周軍。 |稱尊號於晉陽,使劉子昂修啓於潜:「至尊出奔,宗廟旣重,羣公勸迫,權主號 戰敗,潛、孝珩俱被擒。 憲曰:「任城王何苦至此。」 潛曰:「下官神武帝子, **周齊王**憲來伐,先遣送 書並 帝至濟州,禪位於湝,啓竟

潜 及五子於長安北原。 妃 盧氏 賜斛斯徵,蓬首垢面,長齋不言笑。徵放之,乃爲尼。隋開皇三年,表請文帝葬

湜 竉 太后哭之哀,曰:「我恐其不成就,與杖,何期帶創死也。」乾明初,贈假黃鉞、太師、司徒、錄 **炭,籴司** 浸 於文宣,常在左右,「己行杖以撻諸王。太后深銜之。其妃父護軍長史張晏之嘗要 高 不禮焉。 陽 ·徒,導引梓宮,吹笛,云「至尊頗知臣不」, 又擊胡鼓爲樂。 康穆王湜,神武第十一子也。 帝問其故,對曰:「無官職漢,何須禮。」帝於是擢拜晏之爲徐州 天保元年封。十年,稍遷尚書令。以滑稽便辟,有 太后杖湜百餘,未幾薨。 刺 史。 道拜 文宣

尙

子士義襲爵。

兆 云:「計次第亦應到我。」後主聞之,陰使人殺之。贈假黃鉞、太尉、錄尚書事。 歸 博 帝怒,臨以白刃,因此驚恍。 陵文簡王濟,神武第十二子也。 歷位太尉。 天保元年封。 河淸初,出爲定州刺史。 濟嘗從文宣巡幸, 天統 在路忽憶太后,遂 五年,在州語 子智襲爵

凝 爲孱弱,妃王氏,太子洗馬王洽女也,與倉頭姦,凝知而不能限禁。 山。江三歷位 一百。 華 山王凝,神武第十三子也。 其愚如此。 .中書令、齊州刺史,就加 太傅。薨於州,贈左丞相、太師、錄尚書。 天保元年,封新平郡王,九年,改封安定,十年,封華 後事發,王氏賜死,詔杖 凝諸王中最

歎 都 雜 歷 之聲。 督獨 息 位 束 馮 不 孤 北 翊 ·測共 枝侵竊官田,受納 及長,廉愼方雅,習於吏職,至摘 道大行臺、右僕射、都督、定州刺 王潤,字子澤,神武第十四子也。幼時,神武稱曰:「此吾家千里駒也。」天保 意。 武成 使元文遙就州宣勑 賄賂,潤按舉其事。 史。 發隱偽,姦吏無所匿 曰:「馮翊王少小謹慎,在州 潤美姿儀,年十四五,母鄭妃 二人表言,王 出送臺使, 一其情。 開 不 府 爲非 登魏文舊壇, 王 與之同 一迴洛 法, 股信 與六州大 寢,有穢 初封。 之熟 南望

列

傳

第

高組

+

 $\pm$ 

校勘

į.

北 齊 睿 卷 + 四〇

書,別封文成郡公,太師、太宰,復爲定州刺史。 百。 尋爲尚書令,領太子少師,歷司徒、太尉、大司馬、司州牧、太保、河南道行臺、領錄尙 登高遠望,人之常情,鼠輩欲輕相間構,曲生眉目。」於是迴洛決鞭二百,獨孤枝決杖 薨,贈假黃鉞、左丞相。 子茂德嗣

年,贈太保、司空。 漢陽敬懷王洽, 無子,以任城王第二子建德爲後。 字敬延,神武第十五子也。 天保元年封。 五年, 薨, 年十三。 乾明元

#### 校勘記

北齊書卷十 按此卷原缺,後人以北史卷五一 神武諸子傳補。 三朝本、南本、局本於傳末有宋

人校語,云:「此卷與北史同。」

馮氏生漢陽敬懷王洽 皆有子,其子却不 按北史卷一四后妃傳下見「馮娘」,但云「生浮陽公主」。 列舉。 三朝本、 此傳馮氏當卽 南本、 汲本、 此 人。 故從北、 局本和 :、殿本。 北史卷五 一「馮」 然北史此傳高歡姬妾附見者 作 ..「馬」, 北本、 殿本 類 作

か 三 在天保元年六月,見本書卷四文宣紀。 天保初進爵為王 諸本 「天保」作「保定」,唯局本作「天保」。 今從局本。 按保定是周武帝年號,高浚封王

- **Z**4 並給仗身 三朝本、北本、殿本「身」作「衞」。南本、汲本、局本和北史卷五一百衲本作「身」。 西魏 按
- 仗 身是高級官員的 衛士。唐代五品以上職事官及鎭戍皆給仗身,見通典卷三五。敦煌所出
- 大統 十三年五四六計帳已見仗身名目,則北朝已有,今從南本。
- ŦĨ 乃詐爲上府市 牛皮 北史卷五一「府」作「符」。 按「上符」指上級下達的公文,疑作「符」是。
- 河清三年三月 諸本「三月」作「二月」、北史作「三月」。 按事見本書卷七武成紀 補 河清三年
- 五六四三月。 北史是,今據改。
- <del>-</del> ∪ 自孝昭武成時車駕還鄴常令湝鎮晉陽 按孝昭帝自卽位至死,未會還鄴,「孝昭」二字疑行。
- , Ш 平郡 别 封 屬 JF. 平郡公 東雍州、「平正郡」不見地志。 諸本「正平」倒作「平正」, 北史卷五一作「正平」。 今據北史乙正。 按魏書卷一〇六地形志上正
- . ∱. ∐ 通鑑卷一六八五一九三一九四頁、通志卷八五齊宗室傳都作「常」。 有寵於 此 字,本 文宣常在左右 書的三朝本則「常」訛作「帝」。 三朝本、南本、汲本、局本「常」作「帝」,他本及北史卷五一無此字。按 今據通鑑、通志 改。 通志錄自北史, 知傳本北史脫
- 十年 是衍 - 封華山 文。」按上稱「九年」,這裏只能是十年,殿本秀證說是。 諸本及北史卷五一「十年」作「十五年」。 殿本考證云。「天保止十年,『五』字應 今删「五」字。

列

傅

# 北齊書卷十一日

## 列傳第三

# 文襄六王

河南康舒王孝瑜 廣寧王孝珩 河間王孝琬

文襄六男:文敬元皇后生河間王孝琬,宋氏生河南王孝瑜,王氏生廣寧王孝珩,蘭陵王 蘭陵武王孝瓘 安德王延宗 漁陽王紹信

河南康舒王孝瑜,字正德,文襄長子也。 初封河南郡公、齊受禪、進爵爲王。 歷位中書

令、司州牧。

長恭

不得母氏姓,陳氏生安德王延宗,燕氏

生渔陽王紹信。

初,孝瑜養於神武宮中,與武成同年相愛。 將誅楊愔等,孝瑜預其謀。 及武成卽位,禮

列傳第三 文襄六王

遇 東 魁 紀山 特隆 ②偉,精彩雄毅,謙愼寬厚,兼愛文學,讀書敏速,十行俱下, 池 遊觀,時俗眩之。 帝在晉陽,手勑之曰:「吾飲汾清二盃,勸汝於鄴酌 孝瑜遂於第作水堂、龍舟, 植幡稍於舟上, 覆棊不 兩盃。」其親 失一 數集諸弟宴射 愛如 道。 此。 初, 文襄 孝瑜 為樂 於鄴 容貌

武成 幸 其第,見而 悦之,故盛興後園之玩,於是貴 、賤慕斅,處處營造

納 後 |Щ 彦載 東唯 因 之。 太 孝 武 成常 子 瑜 以 聞 後 出 婚 又言趙郡王父死非命 母 河 魏 就 南 夜,孝瑜 使 和 王 之於 吏部 一不聞 士 開 軍。 尚書宋弁孫 竊 與 與 有陛下。 (胡后對 、之言。 至西華 ,不可親。 坐握槊,孝瑜 也,本魏 武成 門,煩熱躁 帝由是忌之。 大怒,頓飲其酒三十七盃。 潁 由是叡及士開皆側目。 悶,投水而 Ш 諫 王 **介朱御女名摩女,本事太后,** 曰:「皇后天下之母,不可與臣下接手。」帝深 斌 之妃,爲文襄所納, 絕。 贈太尉、錄尙 體 士開密告其奢曆,叡 至肥大,腰帶 生孝瑜,孝瑜還第,爲 書 事。 孝瑜 子弘節 十圍 先與之通 一。使婁 嗣

太妃。 孝瑜 盧正 山女, 武成胡后之內姊也。 孝瑜薨後, 宋太妃爲盧妃所譖訴, 武成

殺之。

馬。 孝珩愛賞 廣 寧 主 孝 人物,學涉經史,好綴文, **珩,文襄第二子** 也。 歷位 司州牧、 有伎藝。 尚書令 嘗於廳事 司 空、司 壁自畫 徒、 蒼鷹,見者皆以 錄 尙 書、 大 將 軍 爲眞,

又作朝士圖,亦當時之妙絕。

奴白澤 ||50] 図 明 八 伐,兵弱 恐 珩 以 口 周 宮,事不 那肱 孝珩 ,鼓行 ·,俯 字 其變, 出孝珩 反耶? 武 年,今果 州 帝在 後 道兵入土門,揚聲趣幷州,獨孤永業領洛州兵趣潼關,揚聲趣長安,臣請領京畿兵出滏 仰 相 主 爲太宰。 以身扞之,孝珩猶傷數處,遂 逆戰。 不 果。乃求出拒西軍,謂阿那肱、韓長鸞、陳德信等云:「朝廷不賜遣擊賊,豈不畏孝 非 有 孝珩破宇文邕,遂至長安,反時何與國家事。以今日之急,猶作如此猜疑。」高、韓 雲陽,宴 相 自晉州敗奔鄴,詔王公議於含光殿。 然 能 柱 願在內以禁兵應之,族與敬顯自遊豫園勒兵出 敵。 矣。 石 之寄, 憲 敵聞南北有兵,自然潰散。 爲滄州刺史。至州,以五千人會任城王於信都,共爲匡復計。 與呼延族、莫多婁敬顯、尉相願 齊 怒日:「由高 自 爲之改容,親爲洗 君 神 恨不 臣, 武 皇帝以外, 得握 自彈 阿那肱小人,吾道窮矣」齊叛臣乞扶令和以矟刺孝珩墜馬, 兵符,受廟算,展 胡琵琶, 見虜。 創傅藥, 吾諸父兄弟 命孝珩吹笛。 齊王憲問孝珩 又請出宮人珍寶賜將士,帝不能用。 禮遇甚厚。 孝珩以大敵既深,事藉機變。 我 同謀, 無一人得至 心力耳。」至長安,依例授開府、 辭曰:「亡國之音,不足聽也。」固命 期正 孝珩獨歎曰:「李穆叔言齊氏二十 齊亡所由,孝珩自陳國難,辭 月五日,日孝珩於千秋門斬高 四十者, 旣而 阿那肱從別宅取便路入 命也。 宜使任城王領 嗣 周齊王憲來 君 承光卽位, 縣 無獨見之

列

傅

第

三

文

襄

六

 $\pm$ 

之,舉笛裁至口, 淚下嗚咽, 武帝乃止。 其年十月, 疾甚, 啓歸葬山東, 從之。 尋卒, 令還

|太原,武成將避之而東。 |孝琬叩馬諫,請委趙郡王部分之,必整齊,帝從其言。 河 .間王孝琬,文襄第三子也。 天保元年封。 天統中,累遷尚書令。 初,突厥與周師入 孝琬発青將

時孝琬 不得喚作叔也。」帝愈怒,折其兩脛而死。 然實是文襄像,孝琬時時對之泣。 庫 樹 兜鍪抵地,云『豈是老嫗,須着此』。此言屬大家也。」初,魏世謠言:「河南種穀河北生,白楊 怨 出,帝使追還。 誰 稍 執 頭 是爾 金 政,爲草人而射之。和土開與祖斑譖之,云:「草人擬聖躬也。又前突厥至州,孝琬脫 幡 孝琬以文襄世嫡,驕矜自負。河南王之死,諸王在宮內莫敢舉聲,唯孝琬大哭而出。又 數百。 得佛牙、置於第內、夜有神光。昭玄都法順請以奏聞、〔三不從。 雞鳴。」與以說曰:「河南、河北,河間也。金雞鳴,孝琬將建金雞而大赦。」帝頗惑之。 叔? 敢喚我作叔 帝聞之,以爲反。訊其諸姬,有陳氏者無寵,誣對曰「孝琬畫作陛下形哭之」, 周軍退,拜幷州刺史。 」孝琬曰:「神武皇帝嫡孫,文襄皇帝嫡子,魏孝靜皇帝外甥,何爲 帝怒,使武衛赫連 瘞諸西山,帝崩後,乃改葬。 (輔玄 倒鞭撾之。孝琬呼阿叔,帝怒曰: 子正禮嗣,幼聰頴, 帝聞,使搜之,得鎭

識,長恭発胄示之面,乃下弩手救之,於是大捷。武士共歌謠之,爲巓陵王入陣曲是也。 司州牧、青瀛二州,頗受財貨。後為太尉,與段韶討栢谷,又攻定陽。韶病,長恭總其衆。前 芒山之敗,回 長恭爲中軍,率五百騎再入周軍,遂至金墉之下,被圍甚急,城上人弗 蘭陵武王長恭,一名孝瓘, 文襄第四子也。 累遷幷州刺史。 突厥入晉陽,長恭 、盡力擊 歷

後以戰功別封匪鹿、長樂、樂平、高陽等郡公。

未答。 帝嫌其稱家事,遂忌之。及在定陽,其屬尉相願謂曰:「王旣受朝寄,何得如此貪殘。」長恭 有勳,今復告捷,威聲太重,宜屬疾在家,勿預事。」長恭然其言,未能退。及江淮寇擾,恐復 若忌王,於此犯便當行罰,求福反以速禍。」長恭泣下,前膝請以安身術。 曰:「天顏何由可見。」遂飮藥薨。贈太尉。 為將,歎曰:「我去年面腫,今何不發。」自是有疾不療。<br />
武平四年五月,帝使徐之範飮以毒 長恭謂妃鄭氏曰:「我忠以事上,何辜於天,而遭鴆也。」妃曰:「何不求見天顏。」長恭 芒山之捷,後主謂長恭曰:「入陣太深,失利悔無所及。」對曰:「家事親切,不覺遂然。」 相願曰:「豈不由芒山大捷,恐以威武見忌,欲自穢乎。」長恭曰:「然。」相願曰:「朝廷 相願曰:「王前旣

列傳

譴罰 本無此意。」乃求小失,杖士深二十以安之。嘗入朝而僕從盡散,唯有一人,長恭獨還,無所 在 瀛 州 長恭貌柔心壯,音容兼美。 ,行參軍陽士深表列其贓,**免官。及討定陽**,士深在軍,回恐禍及。長恭聞之曰:「吾 武成賞其功,命賈護爲買妾二十人,唯受其一。 爲將躬勤細事,每得甘美,雖一瓜數果,必與將士共之。 有千金責券,臨死日,盡燔之。 初

草人 以 獨 使撻之,殺其昵近九人,從是深自改悔。 杖之一百。 問楊僧,僧曰:「天下無此郡名,願使安於德。」於是封安德焉。 置腹上,令溺已臍中,抱之曰:「可憐止有此一箇。」問欲作 日:「 在下張口承之。 頸 珠 以 安德王延宗,文襄第五子也。母陳氏,廣陽王妓也。 施佛。 像 四兄非大丈夫,何不乘勝徑入。使延宗當此勢,關西豈得復存。」及闡 武 道德以延宗受杖不謹,又加三十。 成,鞭而訊之曰:「何故殺我兄」」奴告之,武成覆臥延宗於地,馬鞭撾之二百,幾 廣寧王使贖之。 以蒸猪糝和人糞以飼左右,有難色者鞭之。 延宗手書以諫,而淚滿紙。 蘭陵王芒山凱捷,自陳兵勢,諸兄弟咸壯之。 又以囚試刀,驗其利鈍。 :何王, 延宗幼爲文宣所養,年十二,猶騎 河間死,延宗哭之淚亦甚。 爲定州刺史,於樓上大便,使 孝昭帝聞之,使趙道德就 對曰:「欲作衝天王。」文宣 驕縱 陵死, 多 不 法。 妃鄭氏 延宗 叉爲 武 州

死。

後歷司徒、太尉。

皆親 陳洛州 若不 州刺 特進 乃赫 兵馬 下再 顯 千餘家。 **莫多婁敬顯** 逼,今便祗 景結 陛 下 執 然 蕭 作天子,諸 付 入周 出 史,總山 及 開 爲 臣 奮 牆 平陽之役,後主 手,陳辭 妃 府 胡 爪牙。 · 瓦 軍 發。 力 後主謂 承 拒 那 盗起 戦 ,莫不 盧 寶 能 城 西 。」駱提婆曰:「至尊計已成,王不得輒 氣 位。 兵事 南 安生守太谷, 破 自 人實不能出死力。」延宗不 疆 力絕 近臣曰:「我寧使周 衆聞之,不召而至者,前後 披靡 稱名,流涕 之。」帝不納。 場。 和阿于子、段暢拒城東。 和 可 異,馳騁行 阿 大赦天下, 謂曰:「丼州,阿兄自取,兒今去也。」延宗曰:「陛下爲社稷莫動 。諸軍敗,延宗獨 自禦之,命延宗率右軍先戰,城下擒周 斬關 于子、CPJ右衞大將軍段暢、武衞 夜遁, 嗚 以萬 咽。 及至幷州, 陣,勁捷若飛。 改武平七年爲德昌元年。」以晉昌王 兵叛 莫知 衆皆爭 得 辞州 所之, 全軍 周 得已, 爲死, 相 ,不欲安德得之。」左右曰:「理 又聞周 軍 延宗親當周齊王於城北,奮大稍,往來督戰,所 。後主將奔晉陽,延宗言:「大家 屬。 則我 圍晉陽, 傾覆府 卽皇帝位,下詔曰:「武平孱弱,政 童兒女子亦乘屋攘袂, 延宗容貌 高祖 軍已入雀鼠谷, 沮 一。」後主 望之如黑雲四合。 藏及後宮美女,以 之業將墜於 將 充壯,坐則 軍 開府宗挺。 竟奔鄴。在幷將 相 里僧伽、開府韓骨胡、侯莫 公乃以 地。 唐邕爲宰輔, 仰,偃則 王 然。」 投甎 賜 及大戰,延宗 延宗命莫多婁敬 延宗 公 但 將士,籍沒內參 率 卿 石 延宗見士卒, 在營莫動,以 伏,人笑之, 咸請日 爲 士, 以禦周 相 由官 猥 齊昌 國 了臣爲 見推 以 八月 豎 凾

於

陣

向 無前 尙 書令史沮 山亦肥大多力、捉長 刀步從, 殺傷甚多。 武衞蘭芙蓉、綦連 延長皆死

宗戦 武帝 於亂 是,高 延宗 亡爲 帝 州 而 至 言 奮 城 擊, 周武 明 左 內 出 兵 右 與 SH 」帝日 都 日 力屈 一空虛 ()使於 帝問取潔計。 城, 敬 幾 略 于 建 郡 中焉。 盡 顯 子 至 走 尊號 饑 有 兩兩 自門 是 自 積 段暢以千騎投周。 甚, Щ 至 應 周 焉,絕壁 屍 拔無路,承御 不 城 武 焉 國 城東阨 入,夾擊之,周 欲 中求 北 帝 間 天子,有 爲 が於 延宗 辭曰:「亡國大夫不可以圖存,此非臣所及。」强問之,乃曰:「 乃駐 日 近逸 長鬣 臨 曲 而 人家 敗前 馬,鳴 水, 被 計。 者,不 何 佛恩 上 圍 怨 忽 見 土 在 軍 齊王 角收 經宿 惡,直 禽。 周軍攻東門,際昏, 有黑書見,云「齊亡延宗」, 大亂 及降 張壽 得。 鄴 憲及柱 兵, 廳 周 時齊 爲百 輒 争 者皮子 至 武 事 牽馬頭 俄 食 ,門相塡壓,齊人從後斫刺, 帝自投下 , 姓 人 頃 見 國 時 復 旣 信 來 王 而 兩 耳。 振 勝,入坊飲 爲之導,僅 誼 敗 賀拔 日 諫, 相 馬,執 遂入。 勿怖 詰 連置 年 佛恩以 以 日 號德 一、還攻 爲去 其 終不 酒, 洗 **免**,時四 進兵焚佛寺門屋, 飛燄 手。 以十 昌, 鞭拂 視 必不免。 盡醉臥, (東門, 相害。 逾 延宗 好 二月 其後,崎 明。 更也。 事 死 渚 言 辭 十三 」使 剋之, 帝 延宗 者二千餘 延宗 曰:「死 復 使 延宗 日 其 嶇 衣帽 人 僅 得二 叛 叉 不 晡 就 將 復 謂 入 得 時 人 禮 寫, 南 若任城 能 手 段 Щ 日 受 周 人。 照 入勑守 使者 暢 之。 門。 整 武 何 云 天地 帝 敢 周 亦 齊 并 迫 改 先 崩 人 旣 延 周

**授鄴**,臣不能知,若今主自守,陛下兵不血刃。」

諫而 袂, 泣而不言。 止。 及至長安,周武與齊君臣飲酒,令後主起舞,延宗悲不自持。 未幾,周武 皆以椒塞口而死。明年,李妃收殯之。〔5〕 屢欲仰藥自裁,傅婢苦執 皆自陳無之,延宗攘

後主年號承光,其言竟信云。 有言,高王諸兒,阿保當爲天子,至高德之承之,當滅。」阿保謂天保,德之謂德昌也,承之謂 後主之傳位於太子也,孫正言竊謂人曰:「我武定中爲廣州士曹,己聞襄城人曹普演

起。」乃 富 滅,死於長安。 人鍾 漁陽王紹信,文襄第六子也。 長 與 命 長命結爲義兄弟,妃與長命妻爲姊妹,責其闔家幼長皆有贈賄,鍾氏因此遂貧。齊 同牀坐。 太守鄭道蓋謁,長命欲起,紹信不聽,曰:「此何物小人,而主人公爲 歷特進、開府、中領軍、護軍、靑州刺史。 行過渔陽,與大

#### 校勘記

北 齊 書卷十 按此卷原缺,後人以北史卷五二齊宗室諸王傳下文襄諸子傳補。 三朝 本、南

列

本卷後有宋人校語「此卷與北史同」。

期正月五 H 諸本「月」作「旦」。 北史卷五二及册府卷二八六三三六八頁作「月」。 按正旦五日不

可通,今據北史改。

= 夜有神光昭玄都法順請以奏聞 諸本「昭」作「照室」二字,北史卷五二單作「照」。 按魏書卷

四釋老志、隋書卷二七百官志中,魏末齊初管理佛教的機構叫「昭玄」,北齊置大統一人,統

人。 昭玄大統也叫昭玄都,北史卷三二崔暹傅見昭玄都法上,本書卷二四杜朔傅見昭 玄都

僧達。 (北史「昭」訛「照」、補此傳者以爲不可通、妄加「室」字、今改正。

四 芒山之敗 册府卷二一八二六一六頁「敗」作「戰」,通志卷八五北齊宗室傳作「役」。 按河清三年

五六四 芒山之戰, 北齊獲勝,詳見本書卷一六段韶傳、卷一七斛律光傳,此段下文也說「大捷」,

這裏「敗」字必誤。

Œ. u 及討定陽 士深在軍 諸本「定」下有「州」字,北史無。 按定州屬北齊,這時並未發生什麽變化,

高長恭是北齊王子,怎會去攻討。 上文已云長恭和段韶攻定陽,這裏正指此事。 後 人以「陽士

深」連讀,妄增「州」字,今據北史删。

. ∵ 又聞周軍 不成字。 按水經注卷六汾水一又南過冠爵津」,注云:「汾津名,在界休縣之西南,俗謂之雀鼠谷, 已入雀鼠谷 三朝本、南本、北本、殿本「雀」作「觑」,即「貂」字。 汲本、一 局本作「勛」,

必經之路,別無所謂「觑鼠谷」,今改正。

「キン 沭陽王和阿于子 諸本及北史卷五二「沭」作「沐」,局本及通鑑卷一七二五三六二頁、通志卷八

李妃收殯之 五北齊宗室傳作「沭」。按沭陽屬東海郡,見隋書卷三一地理志下,今從局本。 諸本「妃」作「起」,北史卷五二作「妃」。 按本書卷三七魏收傳補、 北史卷三三李

「な」 我武定中為廣州士曹 孝貞傳都說延宗娶李氏,作「妃」是,今據改。

懷文傳補,亦作「武定」。保定是周武帝年號,這時高洋早已稱帝,與下文「高王諸兒」云云不符。 諸本「武定」作「保定」,北史作「武定」。 按此事又見本書卷四九秦母

今據北史改。

列

# 

### 列傳第四

## 文宣四王

太原王紹德 范陽王紹義 西河王紹仁 隴西王紹康

孝阳六王

樂陵王百年 始平王彦德

城陽王彥基

定陽王彦康

汝南王彦理

汝陽王彦忠

武成十二王

琅邪王儼

南陽王綽

列

傳

第 四

文 宜

四

王

齊安王廓

北平王貞

五五

高 平王仁英 淮南王仁光 西 河王仁幾 樂平王仁邕

潁川王仁儉 安陽王仁雅 丹陽王仁直 東海王仁謙

文宣 五男:李后生廢帝及太原王紹德,馮世婦生范陽王紹義,裴嬪生西河王紹仁,顏嬪

生隴西王紹康。

才爲後,襲太原王。 「你父打我時,竟不來救」」以刀環築殺之,親以土埋之遊豫園。 太原王紹德,文宣第二子也。 天保末, 為開府儀同三司。 武成因怒李后, 武平元年,詔以范陽王子辨 駡紹 德 曰:

紹義。 州已爲周守。 |鄴,以紹義爲尚書令、定州刺史。 餘盡從輔相,及紹義至,皆反焉。 諸勇士多聚焉。 飲,擅置內參,打殺博士任方榮。日司武成嘗杖之二百,送付昭信后,后又杖一百。 范陽王紹義,文宣第三子也。 紹義至馬邑。 前隊二儀同以所部降周。 前長史趙穆、「三司馬王當萬等謀執輔相,迎任城王於瀛州。 輔相及其屬韓阿各奴等數十人皆齊叛臣, 紹義與靈州刺史袁洪猛引兵南出,欲取幷州,至新興而肆 周武帝克幷州,以封輔相爲北朔州總管。 初封廣陽,後封范陽。 周兵擊顯州,執刺史陸瓊,又攻陷諸城。 歷位侍中、清都尹。 自肆州以北城戍二百八十 此地齊之重鎭, 事不果,便迎 好與羣小同 及後主奔 紹義還保

北朔。 諸部,各舉兵南向,云共立范陽王作齊帝,爲其報讐。 表上尊號,绍義遂卽皇帝位,稱武平元年。四以趙穆爲天水王。 文宣爲英雄天子,以紹義重踝似之,甚見愛重,凡齊人在北者,悉隸紹義。 人。」遂奔突厥。衆三千家,令之曰:「欲還者任意。」於是哭拜別者太半。 周將宇文神舉軍逼馬邑、紹義遣杜明達拒之,兵太敗。 周武帝大集兵於雲陽,將親北伐,遇 紹義曰:「有死而 他鉢聞寶寧得平州,亦招 突厥他鉢 高寶寧在 已,不 可 營州 能降 汗謂

期。 |紹義獵於南境,使直執之。流于蜀。|紹義妃渤海||封孝琬女,自突厥逃歸。 城陷,素服舉哀,迴軍入突厥。周人購之於他鉢,又使賀若誼往說之。 高望遠,部分兵衆。 疾暴崩。 書云:「夷狄無信,送吾於此。」竟死蜀中。 其日,紹義適至幽州,聞周總管出兵于外,欲乘虚取薊城,列天子旌旗,登燕昭王冢,乘 紹義聞之,以爲天贊己。盧昌期據范陽,亦表迎紹義。 神舉遣大將軍宇文恩將四千人馳救幽州,半爲齊軍所殺。 俄而周將宇文神舉攻滅昌 他鉢猶不忍,遂 紹義在蜀,遺妃 紹義聞范陽 偽

西河王紹仁,文宣第四子也。 天保末,爲開府儀同三司。 尋薨。

隴西王紹廉,文宣第五子也。 初封長樂,後改焉。 性粗暴,嘗拔刀逐紹義, 紹義走入

廐,閉門拒之。 紹義初爲清都尹,未及理事,紹廉先往,喚囚悉出,率意決遣之。能飲酒,

舉數升,終以此薨。

列

傳第四

文

宜 四 王

孝昭

六王

孝昭 七男.元后生樂陵王百年,桑氏生襄城王亮, 出後襄城景王,諸姬生汝南王彥理、

始 平王彥德、城陽王彥基、定陽王彥康、汝陽王彥忠。

德。 院, 都 餘 命 相 自 陵 「百年無罪,汝可以樂處置之,勿學前人。」大寧中,封樂陵王。 重,又横貫 亦 願 似。 知不 人賈 下 掘得 死,玦 百僚又請, 詔以襄成王子白澤襲鹤樂陵王。 樂 與阿 ·
発,割帶
映留
與
妃
斛律
氏。 、德冑教百年書,百年嘗作數「勑」字,德冑封以奏。 遺左右亂 烫 王 小 猶 叔作奴。」遂斬之,棄諸池,池水 而不達。 百年,孝昭第二子也。 ·屍,緋袍金帶,一髻 在 手,拳不可開, 捶擊之,又令人曳百年遠堂且走且打,所 乃稱太后令立爲皇太子。 赤星見, 帝以盆水承星影而蓋之, 一夜盆自破。 時年十四,其父光自擘之,乃開。 一解,一足有靴。 孝昭初卽位,在晉陽,羣臣請建中宮及太子,帝謙未許, 見帝於玄都苑凉風堂,使百年書「勑」字,驗 齊亡,入關,徙蜀死 盡赤,於後園親 帝臨崩, 諸 遺詔傳位於武成,並 內參竊言,百年太子也,或言太原王 看埋之。 過處血皆遍地。氣 帝乃發怒,使召 河清三年五月,白 後主時,改 妃把玦哀號,不肯食,月 欲以百年厭之。 百年。 有 息將 手書,其末曰: 九院 與德冑所奏 百年被召, 盡,日:「乞 爲二十七 虹圍日再 會博

.

汝南王彦理,武平初封王,位開府、清都尹。齊亡,人關,隨例授儀同大將軍,封縣子。

女人太子宫,故得不死。隋開皇中,卒幷州刺史。

始平王彦德、城陽王彦基、定陽王彦康、汝陽王彦忠與汝南同受封,並加儀同三司

事闕。

貞、高平王仁英、淮南王仁光、西河王仁幾、樂平王仁邕、潁川王仁儉、安樂王仁雅、 武成十三男。胡皇后生後主及琅邪王儼,李夫人生南陽王綽,後宫生齊安王廓、北平王

仁直、東海王仁謙。

李夫人非正嫡,故貶爲第二,初名融,字君明,CmJ出後漢陽王。河清三年,改封南陽,别爲 南陽王綽,字仁通,武成長子也。以五月五日辰時生,至午時,後主乃生。武成以綽母

漢陽置後。

水爲後池,在樓上彈人。好微行,遊獵無度,姿情强暴,云學文宣伯爲人。有婦人抱兒在 走,不敢復言。後爲司徒、冀州刺史,好裸人,使踞爲獸狀,縱犬噬而食之。左轉定州,汲井 綽始十餘歲,留守晉陽。 愛波斯狗、尉破胡諫之,歘然斫殺數狗, 狼藉在地。 破胡驚

列傳

第四

孝昭

六 王

武

成十二王

母爲姊姊,婦爲妹妹。[も]齊亡,妃鄭氏爲周武帝所幸,請葬綽。 大斂,顔色毛髮皆如生,俗云五月五日生者腦不壞。 赦。」後主不忍顯戮,使寵胡何猥薩後園與綽相撲,搤殺之。 夕同 臨觀,喜噱不已,謂綽曰:「如此樂事,何不早馳驛奏聞。」綽由是大爲後主寵,拜大將軍,朝 看極樂。」後主卽夜索蠍一斗,比曉得三二升,置諸浴斛,使人裸卧斛中,號叫 走避人草,綽奪其兒飼波斯狗。 戲。 後主聞之,韶鎖綽赴行在所。 韓長鸞間之,除齊州刺史。 至而宥之。 婦人號哭,綽怒,又縱狗使食,狗不食,塗以兒血,乃食 將發,長鸞令綽親信誣告其反,奏云:「此犯國法,不可 問在州何者最樂。對曰:「多取蠍將蛆混 綽兄弟皆呼父爲兄兄,嫡母爲家家,乳 極於興聖佛寺。 物所司葬於永平陵北。 宛轉。 經四百餘日乃 帝與綽 **7**/ 六山

畿步 領軍 棒之。 幕,隔青紗步障觀之。 出 ,清道,與皇太子分路行,王公皆遥住車,去牛,頓軛於地,以待中丞過,其或遲違,則 /騎,領軍之官屬,中丞之威儀,司徒之鹵簿, 大將 琅邪王儼,字仁威,武成第三子也。 自都 軍、領御史中丞,遷司徒、「ハン尚書令、大將軍、録尚書事、大司馬。 鄴後,此儀浸絶,武成欲雄寵儼,乃使一依舊制。 遣中貴驟馬趣仗,不得人,自言奉勑,赤棒應聲碎其鞍,馬驚人墜。帝 初封東平王,拜開府、侍中、中書監、京畿大都督、 莫不畢備。 初從北宫出,將上中丞, 帝與胡后在華林園東門外張 魏氏 舊制,中丞 凡 赤棒 京

拜焉。 是,後主先得新奇,屬官及工匠必獲罪。 飾,皆與後主同,所須悉官給。 劣,有廢立意 欲罪之, 辭曰: 「臣與第三子別, 留連不覺晚。」<u>武成憶</u>儼, 爲之下泣, 舍師羅不問。 大笑,以爲善。更勑令駐車,傳語良久,觀者傾京邑。儼恒在宮中,坐含光殿以視事,諸父皆 目不瞬。 帝幸幷州,儼常居守,每送駕,或半路,或至晉陽,乃還。 又言於帝曰:「阿兄懦,何能率左右。」帝每稱曰:「此點兒也,當有所成。」以後主爲 於南宮嘗見新冰早李,還,怒曰:「尊兄已有,我何意無」從 太上、胡后猶以爲不足。儼常患喉,使醫下 王師羅常從駕, 後至, 武 成 張

汗出,天子前奏事尚不然。」由是忌之。 所營宅早晚當就?何太遲也。」二人相謂曰:「琅邪王眼光奕奕,數步射人,向者暫對,不覺 武成崩,改封琅邪。 儼以和士開、駱提婆等奢恣,盛修第宅,意甚不平,嘗謂曰:「君等

帶中丞,督京畿。 也。」嚴謂侍中馮子琮曰:「士開罪重,兒欲殺之。」子琮心欲廢帝而立儼,因贊成其事。 右開府高舍洛、中常侍劉辟疆說儼曰:「殿下被疏,正由土開間構, 令子宜表彈士開罪,請付禁推。 |武平二年,出||儼居北宮,五日一朝,不復得每日見太后。四月,詔除太保,餘官悉解,猶 以北城有武庫,欲移儼於外,然後奪其兵權。 子琮雜以他文書奏之,後主不審省而可之。 治書侍御史王子宜 何可出北宮入百姓叢 嚴誑領軍庫狄 與嚴左 嚴乃 中

伏 連 日 連 「奉 信 之,伏五 ·勑令領軍收士開。」伏連以諮子琮, 一十人於神獸門外,詰旦,執 士開送御史。 且請覆奏。 子琮曰:「琅邪王受勑, 嚴使馮永洛就臺斬 何須重

斜 家 衞 亦 助 儼 卽 着 使 电 至 人, 者步 召之。 其 馮 成 將 來 尊 入 孫 **今乃**數千, 秋 見 其 子 手, 鳳 宜 入, 嚴 一。」姊 琮 門。 嚴 騎 事 珍 徒 自 劉 强引以前。 光 `, 宅 徒 召 本 至 四 辟 曰:「何不入。」辟疆 嚴 意 干 聞 駭 姊 百 上,臣爲是矯詔誅之。 帝 疆 嚴辭 唯殺 何言 使劉 散。 秋門,琅邪 殺 卽 授甲 牽衣 士 陸令萱也, 士開 帝駐 開 桃枝將禁兵八十人召嚴。 入 將 諫曰:「若不 曰:「土開昔來實合萬死,謀廢 請帝曰:「琅邪王年 少。」後主泣啓太后 撫掌 出 ,及是,因逼儼 馬 . 戰 必不 橋 大笑 嚴欲 上,遙 敢 光 曰:「人少。」安德 八日:「龍7 斬 動 曰: 誘 尊兄若欲 呼 提婆母子, 出 皮景 Ž, 殺之。 小兒輩 曰:「事旣然, 子 少, 嚴 曰:「有緣 作 和 **猶立** 亦 事,固 令萱 殺臣,不敢 腸 弄 桃枝 殿下 以爲 肥 兵 不 王 腦滿, 執刀帝後, ·無由 至尊 遙拜,儼命反 進。光就謂 自不 更見 顧 然,後主從之。 與交手 不可中 衆 似 家 逃罪, ",剃家 得入。」廣寧、安德二王 而 輕爲 家,無緣永別。」乃急召 言 凡 卽 目 止。」嚴遂率京畿軍士三千餘 人。」入見後主 日二 家 舉措,長太自不復然, 亂。 聞 若 海將斬之,禁兵散 頭使作阿 一孝 之戰慄。 放臣,願遣 天子 鄙諺云『 光 昭帝殺楊遵彦, 步 弟殺 道 叉使 .尼,故擁兵馬欲 奴見 於 姊 使 永 漢,何 於韓長 姊 適 人 大家 巷 斛 從 來 出 走。 灣召 迎 四 律 止八 願寬其 所 帝率宿 S. 光,嚴 臣 一來,欲 苦。 死 帝 嚴 十 大 臣 坐 人 叉

貴於後園,帝親射之而後斬,皆支解,暴之都街下。 罪。」帝拔儼帶刀環亂築,辨頭,良久乃釋之。 是石季龍爲澄公所作,儼將修之。 恐人心不安,趙彥深亦云春秋責帥,於是罪之各有差。儼之未獲罪也,鄴 巫曰:「若動此浮圖,北城失主。」不從,破至第二級,得白 收伏連及高舍洛、王子宜、 文武職吏盡欲殺之。 光以皆 劉辟疆、 北 城有白馬佛塔, 勳貴子弟, 都督霍顯

蛇長數丈,回旋失之,數旬而

敗。

時年十四。 儼 行。」帝出元侃爲豫州刺史。九月下旬,帝啓太后曰:「明旦欲與仁威出獵,須早出早還。」是 陽,使右衞大將軍趙元侃誘執儼。 葬於鄴西, 夜四更,帝召儼,儼疑之。 陸令萱曰:「兄兄喚,兒何不去。」儼出至永巷,劉桃枝反接其手。 殺之。未決,以食輿密迎祖珽問之,珽稱周公誅管叔,季友耽慶父,帝納其言。以儼之晉 敵,觀其相表,殆非人臣。自專殺以來,常懷恐懼,宜早爲計。」何洪珍與和士開素善, 呼曰:「乞見家家、尊兄!」桃枝以袂塞其口,反袍蒙頭負出,至大明宮,鼻血滿面,立殺之, 自是太后處儼於宮內, 贈諡 不脫靴,裹以席,埋於室內。帝使啓太后,臨哭十餘聲,便擁入殿。 日楚恭哀帝, 食必自嘗之。陸令萱說帝曰:「人稱琅邪王聰明雄勇,當今無 以慰太后。有遺腹四男, 元侃曰:「臣昔事先帝, 日見先帝愛王, 今寧就死, 不能 生數月皆幽死。以平陽王淹孫世 明年三月, 亦請

修嗣

嚴妃 李祖 欽女也,進爲楚帝后,居宣則宮。 齊亡,乃嫁焉。

齊安王廓,字仁弘,武成第四子也。 性長者, 無過行。 位特進、開府、儀同三司、定州

刺史。

那肱 京畿 承旨,令馮士 大都督,兼尚書令、錄尚書事。帝行幸,總留臺 北平王貞,字仁堅, 幹劾繫貞於獄,奪其留後權。 武成第五子也。 沉審寬恕。 |事。[t] 積年,後主以<u>貞</u>長大,漸 帝常曰:「此兒得我鳳毛。」位 忌之。阿 司州牧、

高平王仁英,武成第六子也。 舉止軒昂,精神無檢格。 位定州刺史。

州 儉薄,取 自支持,次樂平王仁邕,次潁川王仁儉,次安樂王 王 刺 追仁英,詔與蕭琮、陳叔寶修其本宗祭祀。 史。 謙。 淮南王仁光,武成第七子也。 充而已。 皆養於北宮。 自廓已下,多與後主死於長安。 尋後主窮蹙,以廓爲光州,貞爲靑州,仁英爲冀州,仁儉爲膠州, 琅邪王死後,諸王守禁彌切。 性躁且暴, 仁英以清狂,仁雅以瘖疾,獲免,俱徙燭。 位清都尹。 未幾而卒。 一仁雅,從小有瘖疾,次丹陽王仁直 武平末年,仁邕已下始得出 次西 河王 仁幾,5103生而 外, 無骨, 一,次 隋開皇 供給 爲 東 濟 海

琅 邪 王 後 主 尋 五. 夭 男:穆皇后生幼主,諸姬生東平王恪,次善德, 折 齊滅 周 武帝以任城已下大小三十王歸長安, 次買德, 皆有封餌。 次 質錢。 其後 胡太后 不從戮者 以恪嗣

散

配

西土,

皆死

邊。

去平原 情,理 焉 時 賜 非 百 年 釁 艱 劍,覆 師 逆, 然 傅 之 主 論 至 專戮 之資 酷 已遠。 層, 日 淪 敗 禍 起 匿 文裏諸子,咸有風骨,雖文雅之道,有謝間、平,然武藝英姿, 有 之纍 昭信 迹 徵,若使 而 濟 無所歸 早 南 韜光,及 聞 ,遂及淫 存亡事 之濫觴。 之或 氣 崩 命 尙 陵獲 平陽 免 異,安可 刑。 廣 其 土 寧請 全,未 贈 之陣,奮 開 云「莫効 帝 嗟 淫 爭 同 諡 出 亂 可量 恭 年 後宮 1 其 矯 前 而 多 欲 也,而 忠勇、蓋 歷 求 說 人」之言 竟 枉 歲 長 過 不 年, 世, 武 終 直 獲遂,非 見誅 成 以臨 一,觀 未 殘 可 朝 之有 過 爲 忍 難 翦,以至 勦絕, 知 傷 姦 孝 見危,義深 仁,不 也。 歎 珩 穢 辭致,有 事極 慶集 各 土崩,可爲 以 亦異於 愛其 孝 家 朝 人倫 昭 國。 子,豈 謝 野 德 是 李 吾, 多堪 太息者矣。 以之受斃, 乎? 德昌 同,自是後主 太 其 庶 原 然 禦侮。 大學, 跡 可 乎? 慶流 異 猜 安德 深 事 琅 縱 後 可痛 邪 迫 咸 心 嗣 情 雕 識 以

列

傅

第

四

武

成

+

王

校

勘

記

#### 校勘記

- 北齊書卷十二 按此卷原缺,後人以北史卷五二文宣諸子、孝昭諸子、武成諸子、 後主諸子傳
- 補。三朝本、南本卷末有宋人校語:「此卷與北史同」。
- 參」就是宮庭閹宦,諸王家的閹人不能叫「內參」,王公貴族家照例都有閹人,不能說是「擅置」。 擅置內參打殺博士任方榮 北史卷五二「置」作「致」。 通志卷八五齊宗室傳作「使」。 按「內

「致」是「招致」,意謂交結宮庭閹宦。 通志作「使」,和「打死博士」事連接起來, 亦通。 作「置

當談。

- 和 前長史趙穆 司馬王當萬並舉,長史、司馬是軍府的首要僚屬,作「卒長」誤,今據北史改。 諸本「長史」作「卒長」, 北史卷五二、通鑑卷一七三五三七四頁作「長史」。 按趙穆
- 厂。 稱武平元年 至次年因高寶寧上表勸進,乃稱帝,仍用武平之號,不自改元也。」按錢說是。 錢氏考異卷四〇云:「『元年』當作『九年』。 蓋後主以武平八年失國, 紹義逃奔突
- (五)初名融字君明 諸本脫「初」字、今據北史卷五二補。
- 八六 多取蠍 在一起,與後文所述暴行不類。 將蛆混 通鑑卷一七一 五三三七頁作「多聚蠍 狙是猴子。 高綽使蠍螫猴,後主乃逕使螫人,正是封建統治者 於器,置狙其中,觀之極樂」。按把蠍 和 蛆 混

發泄共殘虐狂的表現。

疑「蛆」當作「狙」。

- ヘゼン 綽兄弟皆呼父爲兄兄嫡母爲家家乳母爲姊姊婦爲妹妹。 兒何不去」,故有此解釋。不知何以羼入綽傳,又作「綽兄弟」云云。又<u>陸令萱</u>所説「兄兄」,指 插入。疑是下文琅邪王儼傳中語。儼曾説「剃家家頭」「願遣姊姊來迎臣」,陸令萱説「兄兄唤, 按此數語和前後文不相連貫,
- 後主,則是稱兄爲「兄兄」。這裏的「父」字疑誤。
- 遷司徒 諸本和北史卷五二「司徒」上有「大」字。按北齊司徒、司空不加「大」字,今删。
- **へ** と 帝行幸總留臺事 指武成。但上已說高貞官爲「兼尚書令、録尚書事」,都是後主武平二年五七一和四年事,且正因 居此官,故總留臺,即留鄉的尚書省事,則此「帝」又指後主。相隔一行,兩「帝」字非指一人,殊 不分明。 按前云:"「帝常曰:"『此兒得我鳳毛』,」帝指武成帝,則「帝行幸」之「帝」也當
- 次西河王仁幾 河」,今乙正。 諸本「西河」倒作「河西」,北史卷五二作「西河」。按前總敍武成諸子,也作「西
- 非孝珩辭致有謝李同自是後主心識去平原已遠 六平原君傳,記秦軍圍趙都邯鄲,邯鄲人李同説平原君出宫人散家財以募勇士,平原君從之,邯 遠。「矣」乃涉「去」字形似而衍,今删。 **鄲得全。** 今孝珩請後主出後宮而不見從,齊固以亡,非孝珩不及李同,乃後主識見距平原君太 諸本「去」下有「矣」字,北史無。按"史記卷七

## 北齊書卷十三

#### 列傳第五

# 趙郡王琛子叡 清河王岳子勒

侍。 軍、左光祿大夫,封南趙郡公,食邑五千戶。尋拜驃騎大將軍、特進、開府儀同三司、散騎常 騎常侍、鎭西將軍、金紫光祿大夫。旣居禁衞,恭勤愼密,率先左右。 定滄瀛 遠近 及斛斯椿等釁結,高祖將謀內討,以晉陽根本,召琛留掌後事,以爲好、肆、汾大行臺僕射, 肅然。 州九酋長大都督,其相府政事既悉決之。天平中,除御史中尉,正色糾彈,無所回避, 永熙二年,除使持節、都督定州刺史、六州大都督。深推誠撫納,拔用人士,甚有聲譽。 趙郡王琛,字永寶,高祖之弟也。少時便弓馬,有志氣。 幽 殿幷肆雲朔十州諸軍事、驃騎大將軍、冀州刺史、太尉、尚書令、諡曰貞平。 尋亂高祖後庭,高祖責罰之,因杖而斃,時年二十三。 高祖旣匡天下,中興初,授散 贈使持節、侍中、都督襲 太昌初,除車騎大將

列

傳第

五

趙郡王琛

又贈假黃鉞、左丞相、太師、錄尚書事、冀州刺史,進爵爲王,配饗高祖 廟庭。 子叡嗣

**{孝** 之從 甚 子。 不樂 哀感 世宗爲之憫默。 壯 清 長 高 目 祖 ', 將 漱 以 齌 左右 誰 爲 魏 叡 母 甚 爲 午 至于骨立 叡對 姊 以 怪 向 興 小名須拔, 後 婚娶,而 資於事 悲傷。 ,疑其感疾,欲命醫看之。 妹之女,戲語叡曰:「汝是 和 ,三日水漿不入口。 汝 輒 道耶。」叡具陳本末。 中,襲爵南趙郡公。 曰:「自痛 不肯 杖杖 語平 貌有 父」,輒流涕 勵己勤學, 食。 生三旬而 而 秦王 後起。 戚容。 孤 由是 遺, 百三此 高 孤, 常夜久方罷。 常深 世宗 歔欷。 高祖令常山王 高祖 祖食必喚叡 聰慧夙成,特爲高祖所愛, 至四歲,未嘗識母,其母則魏華陽公主 見天 膝 謂之曰:「我爲 高祖命元夫人令就宮與叡相 我姨兒, 與武明婁皇后慇 十歲 叡對曰:「兒無患苦,但聞有所生,欲得暫見。」高祖 下 之慕, 生至孝,我兒子 喪母,高祖親送叡至領軍府,爲叡發喪,舉聲殞絕, 同案。 武定末, 共臥起,日 何因倒親游氏。」叡因問訪,遂精 方從 爾 其 婚 娶鄭述祖 心熟敦 除太子庶子。 見 冠 |愍情 夜說 ·無有及者。」 遂爲休務一日。 彌 譬, 方漸 喻 如 用 養於宮中, 女,門閥甚高,汝 之。 此。 感 見,叡前跪拜,因抱頭大哭。 切 順旨。 並 高 顯祖受禪,進封爵爲趙郡 勑 祖 言未 令游娘 也。 左 崩 右 居喪盡 了; 哭 卒,嗚 不 有鄭氏者,叡 神不怡。 何 聽進 母之,思同諸 泣 所 禮 咽 嘔 嫌 ,持佛像 水,雖絕 叡 血 而 自 初讀 精 高 勝。 及 祖 沛

王, 自己邑一千二百戶,遷散騎常侍。

朔州 三年, 歸 易, 州 分營伍,督帥監 至消液,竟不一 乃對之歎息云:「三軍之人,皆飮溫水,吾以 冰,倍道追送。 大都督,時年十七。 親 刺史, 羸弱之徒,棄在山北,加以饑病,多致僵殞。 叡 七年,韶以本官都督滄瀛幽安平東燕六州諸軍事、滄州 加儀 與軍 身長七尺,容儀甚偉,閑習吏職,有知人之鑒。 同 人同其勞苦。 都督北燕、 三司。六年,詔叡領山東兵數萬監築長城。 嘗。兵人感悅,遐邇稱歎。 正值日中停軍,炎赫尤甚,人皆不堪,而送冰 領,强弱相持,遇善水草,卽爲停頓,分有餘,贈不足,賴以全者十三四焉 叡留心庶事、糾摘姦非 北蔚、北恒 而定州先有冰室,每歲藏冰,長史宋欽道 三州,及庫推以西黃 先是, 何義, 一,勸課農桑,接禮民儁,所部 叡於是親 役徒罷作,任其自返。 獨進寒冰, 二年,出爲定州刺史,加撫 河 于時盛夏六月,叡在途中 以東長城諸鎭諸 帥所部,與之俱還,配合州鄉,部 刺 者至,咸謂得冰一時之要。 非追名古將, 史。 八年,徵叡赴鄴 以叡冒犯 丁壯之輩,各自先 大治, 軍 實情所不 事 暑熱, 稱 軍將軍、六 叡 ,仍除北 , 屏 爲 慰撫新 **遂**遣興 忍。」遂 良牧 除蓋 叡

遷,量置烽戍,內防外禦,備有條法,大爲兵民所安。 有無水之處,禱而掘井,鍫鍤裁下,泉

源湧出,至今號曰趙郡王泉。

九年,車駕幸 樓煩 ,叡朝於行宮,仍從還晉陽。 時濟南以太子監國, 因立大都督府, 與

帝曰:「吾於此亦自謂得宜。」十年, 下 垂 心庶政,優賢禮物,須拔進居蟬珥之榮,退當委要之職,自昔以來,實未聞如此銓授。」 轉儀同三司,侍中、將軍、長史,王如故。 尋加開府儀同

二司、驃騎大將軍、太子太保。

天統 被 功 看 儀 疏 復 就 監太史,太子太傅,議律令。 墓 封宣城郡公。 中,追贈叡父琛假黃鉞,母元氏贈趙郡王妃,諡曰貞昭,曰 忌 拜司 拜授。 建初,行幷州事。 ,乃撰古之忠臣義士,號曰 空,攝錄尚 時隆冬盛寒,叡跣步號哭,面皆破裂,嘔血 攝宗正卿,進拜太尉,監 ·書事。突厥嘗侵軼至<u>拌州,帝</u> 孝昭臨崩,預受顧託,奉迎世祖於鄴,以功拜尚書令,別封浮陽郡 又以討北狄之功,封潁川郡公。 要言,以致其意 議五禮。 親御戎,六軍進止皆令取叡節度。〔三以 叡久典朝政, 清眞自守, 數升。 華陽長公主如 及還, 復拜尚書令,攝大宗正 不堪 一參謝,帝親 譽望 故,有司 日 隆,漸 備 就 禮 第

內 不 任 並並 世 祖 數日之內,太后數以爲言。 入 崩 奏太后,因出 葬後 數 f, 叡與馮 士開 為兗州 郊王潤 有中官要人知太后密旨,謂叡曰:「太后意旣如 刺 史。 (、安德王延宗及元文遙奏後主云:「和士開 太后曰:「土開舊經驅使,欲留 過百日 不宜 此,殿下 」叡正色 一仍居

|叡曰:「百上不負天,死亦無恨。」入見太后,太后復以爲言,|叡執之彌固。 何宜苦違。」叡曰:「吾國家事重,死且不避,若貪生苟全,令國家擾攘,非吾志也。 臣,皆不顧身命,社稷事重,吾當以死効之,豈容令一婦人傾危宗廟。且和士開何物豎子, 獨歎曰:「大丈夫命運一朝至此」」恐爲太后所殺,旦欲入朝,妻子咸諫止之。叡曰:「自古忠 見一人可長丈五,臂長丈餘,當門向牀,以臂壓叡,良久,遂失所在。叡意甚惡之,便起坐 **懇切。太后令酌酒賜叡。叡正色曰:「今論國家大事,非爲巵酒」」言訖便出。 其夜,叡方寢,** 後,詔聽 如此縱橫,吾寧死事先皇,不忍見朝廷顚沛。」至殿門,又有人曰:「願殿下勿入,慮有危變。」 執,送華林園,於雀離佛院令劉桃枝拉而殺之,時年三十六。大霧三日,朝野寃惜之。 ,委寄不輕。今嗣主幼沖,豈可使邪臣在側。不守之以正,何面戴天。」遂重進言,詞理 以王禮 葬,竟無贈諡焉。 出至永巷,遇兵被 況受先皇 期年

天統三年,重贈十州都督,封陳留王,諡曰文恭,以淸河王岳第十子敬文嗣。 終於長安。 子 整信嗣。 琛同母弟惠寶早亡、元象初,贈侍中、尚書令、都督四州諸軍事、靑州刺史。 歷散騎常侍、儀同三司。好學有行檢,少年時因獵墜馬,傷腰脚,卒不能行

見。 于岳舍。岳母山氏,嘗夜起,見高祖室中有光,密往覘之,乃無燈,即移高祖於別室,如前 五大人之卦,貴不可言。」山氏歸報高祖。後高祖起兵於信都,山氏聞之,大喜,謂岳曰:「赤 怪其神異,詣卜者筮之,遇乾之大有,占之曰:「吉,易稱『飛龍在天,大人造也』,飛龍 所 九

光之瑞,今當驗矣,汝可間行從之,共圖大計。」岳遂往信都。

高祖見之,大悅。

復爲侍學,除使持節、六州大都督、冀州大中正。俄拜京畿大都督,其六州事悉詣京畿。時 后。時念朱兆猶據幷州,高祖將討之,令岳留鎭京師,遷驃騎大將軍、儀同三司。天平二 養,母若有疾,衣不解帶,及遭喪,哀毀骨立。高祖深以憂之,每日遣人勞勉。尋起復本任。 高祖統務晉陽,岳與侍中孫騰等在京師輔政。元象二年,遭母憂去職。岳性至孝,盡力色 年,除侍中、六州軍事都督,尋加開府。一岳辟引時賢,以爲僚屬,論者以爲美。尋都監典書, 高祖將中軍,高昂將左軍,岳將右軍。中軍敗績,賊乘之,岳舉麾大呼,橫衝賊陣,高祖方得 左光祿大夫,領左右衞,封淸河郡公,食邑二千戶。母山氏,封爲郡君,授女侍中,入侍皇 回師,表裏奮擊,因大破賊。以功除衞將軍、右光祿大夫,仍領武衞。 中興初,除散騎常侍、鎮東將軍、金紫光祿大夫,領武衞將軍。高祖與四胡戰于韓陵, 太昌初,除車騎將軍

騎 風 年, 警憚 開 府 儀 除 武 同 定 兼 如 元 領軍 故。 年, 將 三年 除晉州 軍 轉 興 刺 青 和 史、 孙 初 刺 世宗 西 史。 南 道 入總朝 岳 大 任 、都督, 權 政,岳 日 久,素 得 田 綏 爲 邊之稱。 爲 使持節、都督 朝 野 畏服,及 時后 遇 「冀州 爲二藩 恵 高 刺 了 至 史,侍中 加 令還好治 百 姓 望

療

疾瘳

復

令

赴

職

之, 弘 板 洧 使 岳 於 持 寒 也 水 回 臨 Щ 會 灌 節 軍 及 陣 世 城 追 高 擁 泂 擒 宗 討, 加 南 明 泗 紹宗 親 崩 總管 及 水 叉 臨 破 其 灌 侯景 之,景 劉 大 彭 數 大都 豐 城 將 叛 日 爲 胡 城 與 單 督 貴 世宗徵岳還幷, 思 下 |景 騎 政 孫 , 統 逃 爲 獲 所 慕容 鼠 自 掎 獲 思 餘 角 政 關 紹宗 六 俘 聲 等。 年 援 西 馘 、共圖 田 ·,以 數 劉 以 萬 兵援思政 岳 功別 功 豐等討 總 取 除 景 景 帥 對 侍 之計。 諸 乃擁 中 眞 王 岳 軍 定 大太 思 衆 南 縣 內 政 尉 討 於 而 男, 外 於 梁武 渦陽 與行 餘 防 長 世宗 禦 社 如 帝乘間 與 故 臺慕容紹宗等擊明 甚 以 左 思 别 有謀算。 爲 政 衞 遣 封 嬰城 己 將 新 其貞陽侯 軍 功, 昌 自 劉 城 原縣子 故 守, 豐等 不 賞 沒 岳 明 相 典 者 大破 率 等引 叉 拜 弗 衆

所 王 逼 尋除: 世 遣 宗 使 使 崩 持 (告急) 節 顯 祖 驃 且 出 騎 請 撫晉 大 援 將 陽 軍 冬, 令 開 詔 府 岳 岳 儀 以 爲 同 本 西南道 官  $\equiv$ 司 兼 宗 尙 大行 書 師 左 臺 僕 司 孙 射 都統 牧 留 司 鎭 五 徒潘 京 年 師。 相 加 樂等救 太 天保 保 初, 江 梁 陵 進 蕭 繹 封 六年 淸 爲 周 河 Ė 郡 軍

列

傅

第

Ŧī.

淸

ii]

 $\Xi$ 

岳

和

於京

師

,遣儀同

郢 城

朝

廷

知江陵陷,詔

師

月,師 次義陽 ,遇荆州陷,因略地南至郢州,獲梁州刺 慕容嚴據 岳旋 史司徒陸法和, 仍 剋郢 州。 岳先送法

陳鼎擊 怒。 懸葬氏 州 鴆 聞 之而 城南起宅,聽事後開 也 諸 而 未嘗 軍 六年十一 惡 岳 姚而 之,漸 、太宰、太傅、定州刺史,假黃鉞,給輼輬車,贈 自 朝野歎惜之。 鐘、諸王皆不及也。 討寒山、長社及出隨、陸, 出 鋸殺之,讓岳 口 以 月,使高 疏 及歸彦 岳 巷。 時年四十四。 歸彦就宅切責之。 仍屬顯祖召鄴下婦人 爲領軍, 以爲姦民女。 歸彥奏帝曰:「淸河造宅,僭擬帝宮,制爲永巷,但唯 初,高歸彦 大被寵遇, 並有 韶大鴻臚監護喪事 少孤 岳曰:「臣本欲取 '功績, 岳憂悸不知所 ,高祖令岳撫養,輕其 岳謂 (韓氏 威名彌 入宮, 而岳先嘗喚之至宅, 其德己,更倚賴之。 物二千段、諡 重 ,贈使持節、都督冀定滄瀛趙幽 之,嫌其輕薄不用, 爲,數日而 而性華侈,尤悅酒色,歌姬舞女, 年幼 日昭武 薨,故時論紛然, **",情禮** 歸彦密 甚 非姦 由 [構其 無 薄 其 闕 也 耳。」顯 歸彦 姊 短 一。一帝 也。 以 濟七 內 爲 压 益 銜 赐 旭 於

此 叔 表 葬畢,方許納焉。 何 求 納之。 疑 初 岳 而 與高 納之。」文宣之世,亦頻 世宗敦至親之 祖 經綸天下,家有 皇建中,配享世宗廟庭。 重,推 (請納) 私 心相任,云:「 兵, 叉 並畜 固 不許。 一戎器,儲甲千餘領。 叔屬 後歸彦反,世祖 居肺 及 將薨, 腑,職 遺表 在 知其前譖,曰:「淸河忠烈,盡 維城,所有之甲,本資 謝恩,並請上甲于 世宗之末,岳以 四 武 海 庫 或 無 至 用,

力皇家,而歸彥毀之,間吾骨肉。」籍沒歸彥,以良賤百口賜岳家。 後又思岳之功,重贈太

師、太保,餘如故。子勵嗣。

戒之曰:「叔父前牧青州,甚有遺惠,故遺汝慰彼黎庶,宜好用心,無墜聲績。」 勵流涕對曰: 「臣以蒙幼、濫叨拔擢、雖竭庸短、懼忝先政。」帝曰:「汝旣能有此言,吾不慮也。」尋追授武 僕射,出爲朔州行臺僕射。 衞將軍、領軍、祠部尚書、開府儀同三司。以淸河地在畿內,改封樂安王。轉侍中、尚書右 勱,字敬德,夙智早成,爲顯祖所愛。年七歲,遣侍皇太子。 後除青州刺史,拜日,顯祖

暴虐,民間鷄猪,悉放鷹犬搏噬取之。勸收儀同三司尚子溢狗軍,欲行大戮。 州,達官多悉委叛,正坐此輩專政弄權,所以內外離心,衣冠解體。 及誅,亦無所恨。 語文殊曰:「自獻武皇帝以來,撫養士卒,委政親賢,用武行師,未有折衂。今西寇已次幷 後釋之。 後主晉州敗,太后從土門道還京師,「公勒勸統領兵馬,侍衞太后。時佞幸閽寺,猶行 劉文殊竊謂勱曰:「子溢之徒,言成禍福,何容如此,豈不慮後生毀謗耶。」勱攘袂 王 國家姻婭,須同疾惡,返爲此言,豈所望乎!」 若得今日斬此卒,明日 太后有令,然

太后還至鄴,周軍 續至, 人皆恟懼,無有鬭心,朝士出降,晝夜相屬。勵因奏後主曰:

「今所翻叛,多是貴人,至於卒伍,猶未離貳。 請追五品已上家屬,置之三臺,因脅之曰:『若

破之,此亦計之上者。」後主卒不能用。齊亡入周,依例授開府。 戰不捷,卽退焚臺。』此曹顧惜妻子,必當死戰。 且王師頻北,賊徒輕我,今背城一決,理必 隋朝歷楊、楚、光、洮四州

刺史。開皇中卒。

辰,易生悔咎,固不可掩其風烈,適以彰顯祖之失德云。 之會,自致靑雲,出將入相,翊成鴻業,雖漢朝劉賈,魏室曹洪,俱未足論其高下。天保不 遇周成之明;將朝去三仁,終見殷墟之禍。不然則邦國殄瘁,何影響之速乎。清河屬經綸 夫一德,同此貞心、踐畏途而不疑,履危機而莫懼。以斯忠義,取斃凶慝。 豈道光四海,不 難,其可得乎。趙郡以跗蕚之親,當顧命之重,高揖則宗社易危,去惡則人神俱泰。是用安 治,則顯仁以應之;小人道長,則儉德以避之。至若負博陸之圖,處藩屛之地,而欲迷邦違 史臣曰:"易稱:"「天地盈虚,與時消息,況於人乎。」 蓋以通塞有期,汚隆適道。 舉世思

**贊曰:趙郡英偉,風範疑正。天道無親,斯人斯命。** 赫赫淸河,于以經國。 末路小疵,

非爲敗德

進封爵爲趙郡王 月, 叡初襲父爵,至天保封王時則是趙郡而非南趙郡,所以目錄和傳首也稱「趙郡王琛」。這裏「南」 造像記三段和修定國寺頌、修定國寺塔銘碑,題記都作「趙郡王」。 本書和北史紀傳都稱叡爲趙郡王,從無「南趙郡王」之稱。八瓊室金石補正卷二〇有高叡 諸本趙郡上有「南」字。 按高叡封趙郡王,見本書卷四文宣紀天保元年六 此傳稱叡父琛封南趙郡公,

諡曰貞昭 諸本「貞」作「眞」,北史卷五一齊宗室諸王傳上作「貞」。按高琛諡「貞平」,上一字例

從夫諡,作「貞」是,今據改。

字行,今據删。

突厥嘗侵軼至幷州帝親御戎六軍進止皆令取叡節度 合攻齊幷州在河淸二年五六三十二月至次年正月,早於追贈叡父母三年。北史卷五一此事前記 似此事也在天統中。 據本書卷七武成紀補、周書卷五武帝紀和相關紀傳, 按上文記天統中追贈叡父母事,天統三年 周和突厥聯

按上已見元象二年,這裏重出,當是衍文,否則前「二年」爲「元年」之誤。

然有此四字,敍次也顚倒。

「河淸二年」,疑此傳脫去。

及爲二藩 三朝本作「及二爲藩」,他本作「及出爲藩」。,册府宋本卷六八九作「及爲二藩」則本訛

列

傳

第

五

校勘記

作「久爲二番」。按「二藩」指高岳任刺史的冀、靑二州。三朝本「爲」「二」誤倒,南本以讀不可通,改

「二」作「出」。今據册府改。

**八**六山 太后從土門道還京師。諸本「土」作「玉」,通鑑卷一七二五三六六頁作「土」。太平寰宇記卷六一鎭 州石邑縣韓信山條引隋圖經,稱「土門口西入井陘,卽向太原路是也」。 土門是河北通向山西

的井陘道之口,胡太后從北朔州今山西朔縣還鄴今河北磯縣,通過井陘,作「土門」是,今據改。

八〇

# 北齊書卷十四日

### 列傳第六

廣平公盛 陽州公永樂 弟長弼 襄樂王顯國

上洛王思宗 子元海 弟思好 平秦王歸彦

**戊興王**普 長樂太守靈山 嗣子伏護

廣平郡公。 以兄子子瑗嗣。 廣平公盛,神武從叔祖也。寬厚有長者風。 歷位司徒、太尉。 天保初,改封平昌王,卒於魏尹。 天平三年, 薨於位。 神武起兵於信都,以盛爲中軍大都督,封 贈假黃鉞,太尉、太師、錄尚書事。 無子,

陰之戰,司 陽州公永樂,神武從祖兄子也。 列 傳 徒高昂 第 六 失利 盤 退。 永 樂 永樂守 顯 國 河陽 太昌初,封陽州縣伯,進爵爲公。累遷北豫州刺史。河 思 南城, 宗 昂走趣城,西軍追者將至,永樂不開門,昂遂

史,辛公正爲別駕,受王委寄,斗酒隻雞不入。」神武乃以永樂爲濟州,仍以監、公正爲長史、 爲西軍所擒 神武 大怒,杖之二百。 後罷豫州,家產不立。 神武問其故,對曰:「裴監爲長

別駕。 謂永樂曰:「爾勿大貪,小小義取莫復畏。」永樂至州,監、公正諫不見聽,以狀啓神

武。 神武封啓以示永樂。 然後知二人清直,並擢用之。 永樂卒於州。 贈太師、太尉、錄尚

書事,諡 日 武昭。 無子,從兄思宗以第二子孝緒爲後,「三襲爵。 天保初,改封脩城郡王。

獄 室封廣武王。 ,天恩黨十餘人皆棄市,長弼鞭一百。 永樂弟長弼,小名阿伽。 時 ·有天恩道人,至兇暴,横行閭肆,後入長鹓黨,專以鬭 性粗武,出入城市,好殿擊行路,時 尋爲南營州刺史, 在州無故自驚走,叛亡入突厥, 人皆 爲事。 呼爲阿伽郎君。 文宣並收掩付 以宗

襄樂王 顯 國,神武從祖弟也 無才伎,直以宗室謹厚,天保元年,封襄樂王,位右衞將

軍。卒。

竟不

知死所。

上 洛王思宗, 神武從子 也。 性寬和,頗有武幹。 天保初,封上洛郡王。 歷位司空、太

傅。薨於官。

人 事 志 元 不 海 能 ,累遷散騎常侍。 固 一,啓 求 歸。 徵 復 願處 本任,便縱酒肆情,廣 Щ 林,脩行釋典。 納姬 文宣 許之。 侍。 又除 乃入林慮山,經二 領軍 一、器小 志 大,頗 一年,絕 以 智 棄

自

太史 朝 牀 孝 先 先 成 也 武 主 咨 成 政 徐 是, 興 岩 元 奏言 懼 鳧 留 步 皇 寺 事 必 恒 我 海 誅 伏 建 保 內 成 推 留 夜 北 連 末 入 白 謂 太山 以 濟南 關 孝 漏 誠 城 而 鳧 雄 爾 之意 有 事 並 未 不 之安。 昭幸晉陽, 雞 翁 爲 ', 請 曙 聽豐 於 問 天 蓋 皇太弟」。 武 子 (鄴,)除 耶 自 四 乘 樂視 \_\_? 氣 指 安之計 此 方 成 數 元海 武 上 側 騎 遽 領 昭 成 武成居守 策 事 聽 出, 入 帝 及 小 軍 聲雍 也。 乞還省 晉陽 日言 元 字 乃 厙 踐 以 步落稽 若不然,當具表,云「『威權大盛,恐取謗 海 祚 爲 與 狄 雍 先先 神 元海 濟南 伏 日 河 功 道 連 **-**; 見 算 南 夜 使 太后 爲 也。 如 皇太后 應之,乃使 人 王 思 以散 武 聞 孝 何 经经 之。 成 求哀 之夜 <u>`</u>? 州 道 瑜 在 騎常侍留典機密。 萬 答 人, 偽 刺 武 鄴 打鐘 後 云 福,至 史, 獵 成 平 濟 主兵,立子 三 卽 秦王 南王 見主上,請 以 夜 留 尊 角律 中 謀 時 元 孝 歸 小 得 海 丞相 名。 於 性 彦 豐樂爲領 百年爲  $\stackrel{\cdot}{=}$ 後 野 之鄴,迎 非 策, 去 堂 府 常 打 初孝昭之誅 兵 暗 在 鐘 恐 權 殿 皇太子, 元 北 乃 一言將 不 軍, 濟 海 下 衆 城 歸 以 堪 不 南 達 中, 以 П 死 用 ╚, 須 赴 被 日 楊 爲 武 先 分 耳 并 别 擊 刨 不 請青 是童 武 悟等, 限 成 州 慮 舊 也 眠 水水 成 甚 因 中 之權 齊 謠 不 武 謂 不 說 唯 武 旣 興寺 平。 干 梁 澆 成 成 武 而

列

密謂 利舉 須 州 天下,以順討逆,此萬世一時也。」武成大悅,狐疑,竟未能用。乃使鄭道謙卜之,皆曰:「不 舉兵,自有大慶。 刺 武成曰:「宮車當晏駕,殿下爲天下主。」武成拘之於內以候之。又令巫覡卜之,多云不 事,靜則吉。」又召曹魏祖,問之國事。 濟南世嫡,主上假太后令而奪之。今集文武,示以此勑,執豐樂,斬歸彥,尊濟南,號令 史。 沉靜自居,必不招物議。 武成乃奉詔,令數百騎送濟南於晉陽。 此中策也。」更問下策。 對曰:「當有大凶。」又時有林慮令姓潘,知占候, 日:「發言卽恐族誅。」因逼之,答

武 報 許 開 太姬。 平中, 無智 所譜 及孝昭崩,武成卽位,除元海侍中、開府儀同三司、太子詹事。河淸二年,元海爲和士 ,被捶馬鞭六十。 與祖珽共執朝政。 不義無智,若爲可使。」出爲兗州刺史。 姬 怒,出元海爲鄭州刺史。 責云:「爾在鄴城,說我以弟反兄,幾許不義!鄴城兵馬抗幷州,幾 元海多以太姬密語告既。 鄴城將敗,徵爲尚書令。 元海後妻,陸太姬甥也,故尋被追任使。 斑求領軍, 元海不可, 斑乃以其所告 周建德七年,於鄴城謀逆,

元 海 所謀。 元海 好亂樂禍,然詐仁慈,不飲酒噉肉。 及爲右僕射,又說後主禁屠宰,斷酤酒。然本心非靖,故終致覆敗。 文宣天保末年敬信內法,乃至宗廟不血食,皆 思宗弟

思好

伏

誅

大 八將軍。 ·。」故改名焉。 累遷尙書令、朔州道行臺、朔州刺史、開府、南安王,甚得邊朔人心。 思 好本浩氏子也,思宗養以爲弟,遇之甚薄。少以騎射事文襄。 本名思孝,天保五年,討蠕蠕,文宣悅其驍勇,謂曰:「爾擊賊如鶻入鴉羣, 及文宣受命,爲 宜思好 左衞

市,駮龍得儀同之號,逍遙受郡君之名,犬馬班位,榮冠軒冕。人不堪役,思長亂階。 刀鋸刑餘,貴溢軒階,商胡醜類,擅權帷幄,剝削生靈,劫掠朝市。 逐舉兵反。 王 母 孤 思 旣 叡實曰宗英、社稷惟寄;左丞相斛律明月,世爲元輔,威著隣國。 深宮,無復人子之禮;二弟殘戮,頓絕孔懷之義。仍縱子立奪馬於東門,光弁擎鷹於西 之辭 忝 後主 預皇枝, 時,斫胥光弁奉使至州,至思好迎之甚謹,光弁倨敖,思好因心銜恨。 也。 與幷州諸貴書曰:「主上少長深宮,未辨人之情偽,昵近凶狡,疏遠忠良。 實蒙殊獎,今便擁率義兵,指除君側之害。幸悉此懷,無致疑惑。」行臺郞王 闇於聽受,專行忍害。 無罪無辜,奄見誅殄。 武平五年, 遂使 幽

投 唐邕、莫多婁敬顯、劉桃枝、中領軍庫狄士文馳之晉陽,帝勒兵續進。思好軍敗,與行思 而 卒不暇奏,矯詔發兵拒之。軍士皆曰:「南安王來,我輩唯須唱萬歲奉迎耳。」帝聞變, 思 好 死。 至陽曲,自號大丞相,置百官,以行臺左丞王尚之爲長史。武衛趙海在晉陽掌兵, 其麾 下二千人,桃枝圍之,且殺且招,終不降以至盡。 時帝在道,叱奴世安自晉

列

傳

第六

思宗

鏥

歲。 後,乃斬之。思好旣誅,死者弟伏闕下訴求贈兄,長鸞不爲通也 前 暴思好屍七日,然後屠剝焚之,烹尙之於鄴市,令內參射其妃於宮內,仍火焚殺之。 陽送露布於平都,遇斛斯孝卿。「於」孝卿誘使食, 五旬,有人告其謀反。韓長鸞女適思好子,故奏有人誣告諸貴,事相擾動,不殺無以息 良久,世安乃以狀自陳。 帝曰:「告示何物事,「も」乃得坐食。」於是賞孝卿而 因馳詣行宮,叫已了。 帝大歡, **免世安罪**。 左右 思好反 呼萬

貌 稍遷徐州 軍 遂死焉。 不 功得免流。因於河州積年。以解胡言,爲西域大使,得胡師子來獻,以功得河東守。〔六〕尋 美而 初徽 平秦王歸彥,字仁英,神武族弟也。父徽,魏末坐事當徙涼州,行至河、渭間,遇 刺 甚嬌妬,數忍爭,密啓文宣求離,事寢不報。 管過長安市,與婦人王氏私通而生歸彥,至是年已九歲。 神武追見之,撫對悲喜。 徽於神武舊恩甚篤。及神武平京洛,迎喪以穆同營葬。「五」贈司徒,諡曰文宣 史。歸彥少質朴,後更改節,放縱好聲色,朝夕酣歌。 天保元年,封平秦王。嫡妃康及所生 妻魏上黨王元天穆女也, 贼, 以

母

王

氏

並

爲太妃。

善事二母,以孝聞。徵爲兼侍郎,稍被親寵。以討侯景功,別封長樂郡

文宣誅高德正,金寶財貨悉以賜之。乾明初,

司

徒,仍總知禁衛。

,除領軍大將軍,領軍加大,自歸彥始也。

歸 韶 彦 許 由 諭 心 初 之, 違 濟 陰 以 南 怨 馳 然 爲 自晉 楊 告 後 司 長廣 得入, 空, 燕。 陽之鄴 兼 楊 進 尙 長 楊 書 向 燕 廣 等欲 悟宣 令。[10]齊 柏 於 是 閤 談楊 、永巷 勑, 去 三王, 留從 燕 制 亦 宮 等。 駕五千兵於 如 問 之。 內 計 唯 孝 於 天子 孝 昭 歸彦 將 昭 紗帽 西 踐 入 雲龍 祚 中,陰備 歸 一、臣 彦 以 門, 詐 下皆 此 喜, 非常 都 彌 戎 督 見 請 《帽,特 優 成 0 共元 休 至||鄴 重 寧列 賜 海 毎 數 歸彦 入常· 量 仗 H 之。 拒 紗 在 歸 而 帽 彦 平 元 不 原 海 以 乃 內, 寵 亦 知

冀 收 帶 參 滿 職 元 謂 督 孙 海 刀 發 至 將 入 刺 孝 元 畢 門 言 悉 史, 海 仗。 昭 知 義 陵 送 崩 曰 之, 雲、 侮 卽 至 從 歸彦 乾 旁若 青陽 至 武 大 高 和 尊 成 驚 乾 從 繕 宫 還 以 無 而 和 晉陽 寫 右 人。 都 退。 等 拜 丞 咸 畫 諸 迎 而 議 相 及 數 武 退 日 貴 者 登 通 言 成 戚 , 位 莫 以 仍 名 其 於鄴。 等競 敢 威權 勑 謝 短 今 共 門 爲 要 勑 震主, 語 司 上 之, 歸彦 及 令 不 幸 武 早 唯 聽 其 歸 威名 成 必 發, 所 與 輒 彦 即位 爲 往 趙 入內。 家 太 別 禍 郡 處 盛 賜 亂 召 進位太傅, Ŧ 錢 叡 時 故 魏 帛 坐 上 收 久 出 歸 鼓 亦 盡 語 之,豈 彦 對 尋 傾 御 在 吹 時 領 其 家 作 醫 無 可 前 司 歸 縱 詔 徒 藥 復 聞 彦 翻 酒 草 加 者 覆 旣 常 事 ,(三)欲 之跡 經 此 地 聽 事 宿 號 居 將 周 不 將 備 加 私 漸 乃 知 相 部 忌 右 , 至 拜 之。 叉 志 曲 丞 太 意 勑 明 相 欲 武 高 盈

至 州 不 自 安 謀 逆, 欲 待 受 ~調訖 班 賜 軍 士 望車 駕 如晉陽 乘 虚 入鄴。 爲 其郎 中令呂

活。 其後城破,單騎北走,至交津見獲,鎖送鄴。帝令趙郡王叡私問其故。 有異心。正恨高元海、畢義雲、高乾和誑惑聖上,疾忌忠良。但爲殺此三人,卽臨城自刎。」 彦登城大叫云:「孝昭皇帝初崩,六軍百萬衆悉由臣手,投身向鄴迎陛下,當時不反,今日豈 彦有異,使連名密啓,歸彥追而獲之,遂收禁仲鸞等五人,仍並不從,皆殺之。 軍已逼城,歸 是,冀州長史宇文仲鸞、司馬李祖挹、別駕陳季璩、中從事房子酮、長樂郡守尉普興等疑歸 思禮所告,詔平原王段韶襲之。歸彥舊於南境置私驛,聞軍將逼,報之,便嬰城拒守。 藩王、太宰,仍不得鼓吹。正殺元海、義雲而已。」上令都督劉桃枝牽入,歸彥猶作前語望 詎懷怨。」於是帝又使讓焉。對曰:「<u>高元海受畢義雲宅,用作本州刺史,給後部鼓吹。臣爲</u> 兒牽挽我,何可不反。」曰:「誰耶。」」歸彥曰:「元海、乾和豈是朝廷老宿。 帝命議其罪,皆云不可赦。乃載以露車,銜枚面縛,劉桃枝臨之以刃,擊鼓隨之,並子 如趙家老公時,又 歸彥曰:「使黃颔小 先

之,怒,使以馬鞭擊其額,血被面,曰:「爾反時當以此骨嚇漢。」其言反竟驗云。 事常山不得反,事長廣得反,反時,將此角嚇漢。」歸彥額骨三道,着幘不安。文宣嘗見 魏 時 山崩,得石角二,藏在武庫。文宣入庫,賜從臣兵器,特以二石角與歸彥。謂曰: 孫

人皆棄市。贈仁州刺史。

武使與諸子同遊處。天保初,封武興郡王。武平二年,累遷司空。 武 後主奔鄴,就加太宰。 興王普,字德廣,歸彥兄歸義之子也。性寬和有度量。 周師逼,乃降。卒於長安。贈上開府、豫州刺史。 九歲,歸彦自河州俱入洛,神 六年,爲豫州道行臺、尚

山後。 空,諡曰文宣。子懿,卒於武平鎭將,無子,文宣帝以靈山從父兄齊州刺史建國子伏護爲靈 長樂太守靈山,字景嵩,神武族弟也。從神武起兵信都,終於長樂太守。贈大將軍 司司

侯孫以襲。江三以少謹。 酒,每多醉失,末路逾劇,乃至連日不食,專事酣酒,神識恍惚,遂以卒。 伏護,字臣援,粗有刀筆。 武平末,給事黃門侍郎。 天統初,累遷黃門侍郎。 隋開皇中,爲太府少卿,坐事卒。 伏護歷事數朝, 恒參機要, 贈兗州刺史。 而性嗜 建國

#### 校勘記

北齊書卷十四 朱人校語「此卷與北史同」。 按此卷原缺,後人以北史卷五一齊宗室諸王傳上相同諸傳補。 朝本卷末

有

ヘニ 列 從兄思宗以第二子孝緒 僔 第 六 普 鎏 Щ 爲後 校 勘 諸本「思宗」作「恩」,册府卷二八四三三四八頁作「恩宗」,北史卷 記 一八九

五 作「思宗」。 按北齊宗室無名「恩」者。 思宗本卷有傳,册府「思」字已訛「恩」,但「宗」字未

脫,足證北史是對的,今據改。

乃與河南王孝瑜僞獵 南王,見本書卷四文宣紀天保元年七月、卷一一孝條傳 諸本及北史卷五一「河南」都作「河陽」,唯南本作「河南」。 補。今從南本。 按孝瑜封河

Z 武成先咨元海 諸本「武成」下行「王」字,今據北史卷五七

五 斫胥光弁奉使至州 諸本及北史卷五一「胥」作「骨」。 錢氏考異卷四〇云:「廣韻 入聲十八藥『漢

光弁』、『研』又『斫』之譌、即一人。」按錢說是、今據改。

複姓有斫胥氏,何氏姓苑云:今平陽人。』此作『骨』字,相似而譌也。

恩倖傳 北史卷九二 作『研胥

へ <u>\*</u> 遇斛斯孝卿 按本書卷二〇有解律孝卿傳附其父送樂傳後,他是後主時「朝臣典機密者」之一,應

卽此人,「斯」字疑是「律」之訛。

てより 後世 帝日告示何物事 .才有的名稱, 後主豈能作此語。「爾」簡寫作「尔」,與「示」字形近而訛,疑通志是,意謂爾 北史卷五一「示」作「爾」,通志卷八五齊宗室傳作「爾告何物事」。 按告示是

所告者是何等事。北史「爾告」作「告爾」當是傳本倒誤。

以功得河東守 和卷三二高湖傳後,他沒有任過河東守或行河東事。 北史卷五一作「以功行河東事」。 按高徽事見魏書卷九肅宗紀孝昌元 傳稱莫折念生起義後,他被河州一 些官 + 月

員推爲「行河州事」,抗拒起義軍,不久城破受誅。 北史「行河東事」、「東」乃「州」之訛, 補此傳

者又改作「得河東守」。

C九〕迎喪以穆同營葬 按「穆」不知何人,這裏必有脫誤。

以爲司空兼尚書令 按歸彥先已由司空遷司徒,這時皇建元年五六〇正以擁戴高演受演重用,豈

有降退之理。 據卷七武成紀 補 大寧元年五六一十一 月乙卯稱 「以司徒平秦王 歸 彦爲 太傅」, 則

以先仍是「司徒」可知。這裏「司空」乃「司徒」之訛。

上幸 歸彥家召魏收對御作詔草 按「對御作詔草」, 極言其機密。 觀下文說「晝 日,仍勑門

聽輒 入內, 時歸彦在家縱酒,經宿不知」。可見作詔本不欲歸彥得 知,事 實上也沒 有 知 道。 豊

歸彦家」,即在其家作詔之事。 通鑑卷 六八五三二九頁云:「伺 歸彥還家,召 魏 收於 帝

前作

詔

有

司不

幸

草。 |疑當 作「上幸歸彥還家」,意謂 高 湛以歸 彦還家爲幸,乘機作詔解除其 中樞 要 職

建國侯孫 乂襲 按此語不可解。 「侯」字疑是「從」之訛。

# 北齊書卷十五日

### 列傳第七

竇泰 尉景 婁昭 兄子叡 **庫狄干** 子士文 韓軌 潘樂

生泰。 魏末破六韓拔陵爲亂,與鎭將楊鈞固守,遇害。秦貴,追贈司徒。 史中尉。 爵廣阿子。 有雨狀,出庭觀之,見電光奪目,駛雨霑灑,寤而驚汗,遂有娠。 「渡河湔裙,產子必易。」便向水所,忽見一人,曰:「當生貴子,可徙而南。」泰母從之。 竇泰,字世寧,大安捍殊人也。 及長、善騎射、有勇略。泰父兄戰歿於鎮、泰身負骸骨歸分朱榮。 泰以勳戚居臺,雖無多糾舉,而百僚畏懼。 神武之爲晉州,請泰爲鎭城都督,參謀軍事。曰累遷侍中、京畿大都督,尋領御 本出清河觀津胄,祖羅,魏統萬鎭將,因居 期而不產,大懼。 初,泰母夢風雷暴起,若 以從討邢杲功,賜 北邊。 有巫曰: 樂樂, 俄而

天平三年,神武西討,令泰自潼關入。四年,泰至小關,爲周文帝所襲,衆盡沒,秦自 僔 第 七 变 泰 尉 景

千人入臺,云「收寶中 見待,而 皆知 初泰 功名自 將 共 發鄴 必 敗。 建。 ,鄴有惠化尼謠云:「竇行臺,去不回。」未行之前,夜三更,忽有朱衣 贈大司馬、太尉、錄尙 齊受禪,祭告其墓。 尉 宿直兵吏皆驚,其 書事。諡 皇建初,配享神武 人入數屋,俄 日武 貞。 領而 泰妻, 、廟庭。 去。 武明婁后妹也。 子孝敬嗣。 旦視 關 鍵不 位儀 ·異,方 泰 同三司 公冠幘數 雖 以親 知 非

俠 氣。 尉景, 魏孝昌 字士 真,善無 中 , 北 人也。 鎭 反, 景 秦、漢置尉候官,其先有居此職者,因以氏焉。 以與神武 入杜洛 周 中,仍 共 歸 **介朱榮**。 以軍 尋進封 功封 景性溫厚,頗 爲 博 公 野 縣

**遺桶** 御 神 後 生活 有 人見禁止。 史 從 武 神武 彔 中 景 孰 毎 妻常 景衣 多,我 尉。 嫌 起兵 責 一日二 使崔暹謂文襄曰「語阿惠兒, 神武 之。 山君,神武之姊也。 II: 信 人 轉冀州 都 曰:「何意下求 公剝 上 取,爾割 韓陵 百 刺史,又 一姓,董桶 之戦 天子 ,唯景所統 卑官。」于曰:「欲捉尉景。」神武 大 以 ,調。」神 何 納 勳 爲 戚, 賄, 不 剝 毎 發夫獵,死者三百人。 武 失利。 富貴欲殺我耶」神武聞 笑不 有軍 公。」神武 · 答。 事, 神武 誠景 改長樂 與厙狄 入洛,留景鎭鄴。 日 于 郡 常被 可以 公。 **庫狄干** 大笑, 之泣, 無貧 委 歷位 重,而 令優 與景 太保、太傅, 也。」景 詣闕日 者石董 在 不能忘懷 神 日三 武 桶 坐,請作 臣 坐 與 射 戲之。 非尉 置 爾計 利, Ċ

景, 韶 操 Щ 爾 臥 土相 行 君 祭告其 汲 不 無以至今日。」三請,帝乃許之。 泣 水 動 頗 扶爲牆, ", 叫 日 一教之。 胝 改,百姓安之。 墓。 生。 」因出 :「殺我時趣耶」常山君 皇建 景曰:「小兒慣去,放使作心腹,何須乾 人相 「其掌。 初,配享神武廟庭,追封 扶爲王, 徴授大司 神武 一馬亦 撫景,爲之屈膝。 馬。 於是黜爲驃騎大將軍、開府儀同三司。 不得畜而索也。」神武 謂 遇疾, 薨於 神武 長樂王 曰:「老人去死近,何忍煎迫至 州。 先是,景有果下馬,文襄求之,景不 啼濕哭不聽 贈 太 對景及常 師、尚書令。 打 耶 山君責文襄 \_! 齊受禪 尋授青州 此。」又曰:「我 神武造之,景 ,以景元 而 刺 杖 與,日: 之。 史, 勳 爲 恚

起,至 膺 太傅薨。 云 閉 大哭, 門 不 須 子 謂是 開 粲 朝。 不答 子 門受勑。 少歷顯 帝怪, 西 世 辯嗣 言。 軍 旗幟, 職,性粗 粲 遣使就宅問 文宣親詣其宅慰之, 逐彎 周 刨 師 ·馳還, 弓隔 將 武。 入 之。⑤隔門謂使者 鄴 門射 比至紫陌橋,不敢回 天保初,封 ,令辯出 使者。 千餘 方復 庫狄干等爲王,粲以父不預王爵,大恚恨,十餘 使者以 騎 朝 視候 請 曰:「天子 狀 顧。「台隋開皇中,卒於淅州刺史。「も」 聞之,文宣使段韶 尋追封景 出滏 不封粲父爲王, 口 , 長樂王 登高 阜 諭旨。 ·西望, 粲 襲 爵 粲不 遙 粲 見韶 見 如 位 羣 死 唯 司 烏飛 徒、 撫 使 月

冠世。

神武

少親

重之。

昭亦早識

人,恒曲盡禮敬。

數隨神武獵,每致請不宜乘危歷險

卒。 馬 以 谷量 昭 貴 魏 字菩薩,代郡平城人也,武明皇后之母弟也。 性好周 朝贈司 、給,士多歸附之。 徒。 齊受禪,追封太原王。 魏太武 時,以功封 昭方雅一 正直,有大度深謀,腰帶八尺, 眞定侯。 祖父提,雄傑有識度,家僮千數,牛 **父**內干, 有 武 力, 未 弓馬 仕 而

廟庭。 於州 洛,兗州 濟 爲定州 此 北 ,州無狀,橫被殘賊,其君是怨,其人何罪。」遂皆捨焉。 公,公又徙濮陽郡公,授領軍將軍 神 武 刺史。 長子 贈假黃鉞 刺史樊子鵠反,以昭爲東道 將 仲達 出 信 昭好酒,晚得偏 嗣。 都,昭贊成 、太師、太尉、諡 改封濮陽王 大策,即以爲中軍大都督。 風,雖愈,猶不能處劇務,在州事委僚屬,昭 日武。 大都督討之。 ·o 齊受禪,詔祭告其墓,封太原王。 魏孝武 將貳於神武,昭以疾辭還晉陽。 子鵠旣 從破分朱兆 死,諸將勸昭盡 後轉大司 馬,仍 於廣阿,封安喜縣伯, 舉其 領軍 捕誅: 皇建初, 大綱 其 遷 從神武 配享神武 而 司 |昭 |日 |: 徒 H 入 改

婆令 鄙 同 受 如 顧 臨淮國郎中令告定遠陰與思好通。 此 次子定遠, 命 尋除 位司 瀛州 字。 少歷顯 刺 趙郡王之奏黜和 史。 職,外戚中偏爲武成愛狎。 初定遠弟 季略, 士開,定遠與 後主令開府段暢率三千騎掩之,令侍御 穆提婆求其伎妾, (其謀,) 遂納 別封 臨淮 郡王。 定遠不 士 開 賄 武成 胳, 成趙郡 因高 大漸,與趙 思 之禍 好 史趙秀通 作 郡 其 王 貪

師赴 爲尙書左丞宋仲羨彈奏,經赦乃免。 建初,封東安王。大寧元年,進位司空。平高歸彥於冀州,還拜司徒。 領軍將軍,別封安定侯。 督,封掖縣子,累遷光州 懸瓠 昭兄子叡。[元] 叡字佛仁,父拔, 子子彥嗣。[10]位開府儀同三司 叡在豫境留停百餘日,專行非法,韶発官,以王還第。 刺史,在任貪縱,深爲文襄所責。 叡無他器幹,以外戚貴幸,縱情財色。爲瀛州刺史,聚斂無厭。 魏南部尚書。 尋爲太尉,以軍功進大司馬。 叡幼孤,被叔父昭所養。 後改封九門縣公。 尋除太尉,薨。 武成至河陽,仍遣總偏 河清三年,濫殺 為神武帳 齊受禪,得除 贈大司 內都 人, 皇

以家 後率部落北遷,因家朔方。 在寒鄉,不宜毒暑,冬得入京師,夏歸鄉里。 **厙狄干,善無人也。** 以軍主隨樂入洛。日日 曾祖越豆眷,魏道武時以功割善無之西臘汗山地方百里以處之, 干梗直少言,有武藝。 孝昌元年,北邊擾亂,奔雲中,爲刺史費穆 魏正光初,除掃逆黨,授將軍,宿衞 於內。

列傳第

七

**事**昭

犀

狄干

退。 神武 後 從 神 以 武 其 起兵,破四胡於韓陵,封廣平縣公,尋進郡公。 舊 功,竟不責黜。 尋轉太保、太傅。 及高仲密 以武牢叛,神武討 河陰之役,諸將大捷, 之,以 唯干兵 干爲 大

盛。 多 都 擾 煩 諸 前 將未 **,然清約自居,不爲吏人所患。** 驅 欲南度,干決計 干 上道不過家, 濟河。 見侯景不遑食,景使騎追饋之。 神武大兵繼至,遂大破之。 遷太師。天保初,以天平元勳佐命,四封章武 時文帝自將兵至洛陽,軍容 還爲定州刺史,不閑 吏事,事 郡王, 甚

轉太宰。

孝 字,逆上畫之,時人謂之穿錐。又有武將王周者,署名先爲「吉」而 並 而 一知書。 友 最 爲 大慚,時 干 嚴 尙 干, 皇建初配享神武 猛 神武妹樂陵長公主,以親地見待。 ,曾詣京 人稱 善。 師,魏譙 薨, 贈假黃鉞, 王元孝友於公門言戲過度,自己諸公無能 、廟庭。 子敬伏,位儀同三司,卒。 太宰,給輼輬車, 自預勤王,常總大衆,威望之重,爲諸將所伏。 諡 曰景烈。 子士文 後 干 成 面 亦 嗣。[四] 其外,二人至子孫始 折者,干正色責之, 知書,署名爲「干」

齊, Щ 東 文 衣 性 冠 孤 多 直, 來 迎, 雖隣 唯 里 士文閉門自守。 三至親, 莫與通 狎。 帝奇之, 在齊, 授開府儀同三司, 襲封章武郡王,位領軍 隨州刺史。江西隋文受 將軍。 周 、武帝 平

禪,加上開府,封湖陂縣子。

門。 韋焜 后,后令覽 十八九,於是父母妻子 贓, 文 上 絕迹,慶弔不通。 杖 日、「我向法深, 長史含笑判, 文並 日 賜 之二 無所寬貸, 、清河 臣臣 公卿 人 尋 一爲御 百 多怨望。 拜 貝州 口 入左藏,任 ,步送還京 令河 離 手 史所劾。 清河 絕。 俱 刺 得千人奏之, 不 東 足, 史。 士文從妹 能窺 生喫 趙達 法令 士文恥之,不 餘 取 性清苦,不受公料,家無餘財。 士文性剛,在獄數日,憤 候要 人。」 嚴 唯哭士文。 僮 多 無 二人並苛刻,唯長史有惠 少。 肅, 隸 所 為齊 ) 貴, 無 上聞,歎曰:「士文暴過猛獸。」竟· 須。」上異之, 悉配 吏 人皆極重, 敢 與相 氏 無乃必死此官。」及下車, 人貼服, 道不拾遺。 出 防嶺 嬪, 門。 士文聞之,令 見。 有色,齊滅後,賜薛公長孫覽。 南 所買 後應州 士文獨 別齎遺之。こむ士文至州, 親戚 鹽菜,必於外境。 恙 政。 人 刺 而 口 相送,哭聲遍 史唐 捕 死。 銜 凡有 時 絹 搦,捶楚盈 其子嘗噉官廚餅, 君 家無餘財, 人語曰:「刺 執 細過, 匹,兩 明 法 居 坐免。 於 嚴 母 凡有出 手各持 前,而 州 E 士文必陷 憂, 境。 有三子,朝夕不繼, 史羅 發摘 不避貴 未 覽妻鄭氏 娉以 哭者彌 入, ,士文枷之於獄 幾為 至嶺 刹 姦吏, 匹。 害之。 皆封署 爲妻, 政 戚, 雍州 南,遇 司 甚。 妬, 上問 尺布 賓客莫敢至 由 嘗 其 長 馬 踏之文獻 瘴 司 史, 蝮 其故, 門 是君明 入 馬京兆 厲 **斗粟之** 蛇瞋 累日 親 朝 親賓 謂 死 遇 人 者 士 故

德郡 頻以軍 還,仍賜城 勳庸,歷登台鉉。 公。 功,進封安德郡公。 歷位中書令、 人戶別絹 常以謙恭自處,不 布 兩匹。 司徒。 遷瀛州刺史,在州聚斂,爲御史糾劾,削除官爵。 州人田昭等七千戶皆辭不受,唯乞留軌。 齊受禪, 以富貴驕 封安德郡王。 人。後拜大司 軌妹為神武 馬,從文宣征 所納, 蠕蠕,在軍 神武嘉歎,乃留焉。 生上黨王渙,復以 未幾,復其安 暴疾薨。

贈假黃鉞,太宰、太師,諡 日 肅 武。 皇建初,配饗文襄 廟 庭

縱,招引賓客,一 子晉明 嗣 天統 席之費、動至萬錢、猶恨儉率。 中,改 封 東萊王。 晉明有俠氣,諸勳貴子孫 朝庭處之貴 要之地,必以疾辭。 中最留 心 學問。 告人云:「 好酒 廢 誕

飲美酒 對名勝, 安能作刀筆吏返披故紙乎。」」武平末,除尚書左僕射, 百餘 H 便 謝病

解官。

寬厚有 爵 廣宗男。 潘樂,字相貴,廣寧石門人也。 膽略 樂初生,有一雀止其母左肩,占者咸言富貴之徵,因名相貴,後始爲字。 初歸葛榮,曰亞授京兆王,時年十九。 本廣宗大族,魏世分鎭北邊,因家焉。 **| 榮敗,隨亦朱榮,爲別將討元顥,以功封** 父永,有技藝,襲 及

城縣男

以衆 東雍州 如故。 安州 行,至長子, 陽。 南 陳崇自齊子嶺趣軹關,儀同楊爝從鼓鐘道出建州 鑒等所築城深入敵境,欲棄之。樂以軹關要害,必須防固,乃更修理,增置兵將,而還鎭河 度 議 拜司 百 齊神武出牧晉州,引樂爲鎭城都將。 後破周 不同而 刺 除 餘里,自己至梁涇州。 史。 瀛 州 遣儀同韓永興從建州西趣崇,崇遂遁。 止。 齊受禪,樂進璽綬。 師於河陰,議欲追之,令追者在西,不願者東,唯樂與劉豐居西。 神武嘗議欲廢州,樂以東雍地帶山河,境連胡、閩,形勝之會,不可棄也。 刺史,仍略淮、漢。 改封金門郡公。 涇州舊在石梁,侯景改爲懷州,至三樂獲其地,仍立涇州。 進封 天保六年,薨於懸瓠。 文宣嗣事,鎭河陽,破西將楊爝等。 河東郡王,遷司徒。 從破尒朱兆於廣阿,進爵廣宗縣伯。 ,陷孤公戍。 又爲南道大都督,討侯景。 贈假黃鉞,太師、大司馬、尚書 周文東至崤、陝,遣其行臺侯莫 韶樂總大衆禦之。樂晝夜兼 時帝以懷州刺史平 累以軍功拜 神武善之, 樂發石鼈 叉克 逐

武平末,爲幽州道行臺右僕射、幽州 子子晃嗣。 諸將子弟,率多驕縱,子晃沉密謹慤,以清淨自居。 刺 史。 周 師將入鄴,子晃率突騎數萬赴援。 尚公主, 拜駙馬都尉。 至博陵,知

鄴城不守、詣冀州降。周授上開府。

隋大業初卒。

校勘記

北齊書卷十五 按此卷原缺,後人以北史卷五三、卷五四中相同諸 人傳補。 三朝本、 南本、 局

參謀軍 況。 宴休惰,忽見泰軍,莫不奪氣,神武因 兵後,加官進爵,和寶泰墓誌漢魏南北朝墓誌集釋圖版二〇五基本符合,又如下文寶泰死後贈官,通志 卷原文,還沒有完全絕跡,鄭樵偶得見之,得以用 通志北齊諸傳, 師 策,除車 本卷 出 末有宋 今以 復 止,如 事 騎 此 大將軍、儀同三司,進爵爲公。 卷竇泰等六人傳和通志核對, 通志 人校語「此 是數 凡溢出北央字句,大抵出於北齊書 卷一 四。 五二此下有:「從起義信都,封廣阿伯,從破四 神武揣 卷與北史同」。 兆歲首必應會飲, 而剋之」,凡一百十一字不見此傳和北史卷五 通志都有 **尒朱兆敗保秀容,分兵守嶮。** 使泰率精騎先驅,一 來 原文プ 補 多少不等的溢出 上 如斛律金父子、 些 三文句。 胡。 字句。 日一夜五 如此段所說寶泰 神武每揚聲云欲討之, 及神武入洛、以預謀定 段榮父子傳 疑 南宋時 百里。 山四本傳。 北齊書 兆軍 從高 都是這 歡 人因 此 情 起 按

**漢中語** 料, 多「定州刺史」,也和墓誌相同。 當即北齊書原文。 入紀。 由寶泰傳所增之情況看來, 其進攻亦朱兆一事今見本書卷一和北史卷六的神武紀,或李延壽截取 鄭樵不見墓誌,所增却與之相合,也可推知所據爲較原始的材 則以下五人傳中通志溢出北史字句也可能是北齊書

佚文。 但這些多半是歷官和其他無關重要語句,今不一一列舉。

渾元傳不載,而同卷金祚傳稱祚 入據東雍州,神武遣尉景攻降之」。 此段所增二十三字 疑出 尋授靑州刺史 討擒之」二十三字。 通志卷一五二此句上有「元象初,周文遺金祚、皇甫知違入據東雍,景督諸軍 按此事又見本書卷二七可朱渾元傳補,但沒有提到尉景,北史卷五三可朱

八四〕遣使就宅問之。諸本脫「使」字,據北史卷五四補。

北齊書原文。

- 清楚。 遙  $\equiv$ 五三六九頁 作「鳥」。 見羣烏飛起 從 引在 羽族部鳥類,可知宋人所見北史都作「鳥」,今據改。 諸本及北史卷五四「鳥」作「鳥」。 胡注:「西軍旗幟皆黑,齊人時恇懼,望見烏飛,以爲周師已至。」按胡注很 御覽卷九二〇四〇八一頁引北史、通鑑卷一七
- 比至紫陌橋不敢 九頁補。 册府卷四五三五三七三頁作「迴」,御覽卷九二〇四〇八一頁作「返」。 回顧 諸本及北史卷五四無「回」字,局本有。按局本當據通鑑卷一七三五三六 今從局本。
- 卒於淅 州刺 史 諸本「淅」作「浙」,北史百衲本卷五四作「淅」。 按隋書卷三〇地理志中浙陽郡條

列

傅

七

云:「西魏置淅州」,楊守敬以爲即魏書卷一〇六地形志的析州 隋曹地理志考證卷三。 地在東、西魏

邊界,故雙方都有此州。今據北史改,以後逕改,不再出校記。

さい 改濟北公 通志卷一五二此下有「又從拔鄴,破四胡,累拜驃騎大將軍、開府」十六字。 叉下文

從神武入洛」下有「魏孝靜之立也,昭預大策」十字。疑出北齊書原文。

广 九 **山** 昭兄子叡 按卷四八外戚傳婁叡重出。 北齊書旣把他列入外城傳,這裏必不附見,這是補此

傳者草率抄錄北史之故。

子子彥嗣 的人亦作婁子彦。 引安陽金石志稱碑側名有「王世子子彦,第二子仲彦」。本書卷一一河南王孝偸傅記酖殺孝偸 諸本及北史卷五四「彦」作「産」,按八瓊室金石補正卷二一司徒公婁叡華嚴經碑跋 个據改。

以軍 是北齊書原文所有,無此十五字,則厙狄干旣在洛陽,何以又從高歡起兵,不明。 主隨榮入洛 通志卷一五二此下有「授伏波將軍、神武臨晉州、請干爲都督」十五字。 疑

天保初以天平元勳佐命 元 勳佐 命」當指追隨高歡擁立孝靜帝和遷鄴的人。今從三朝本。 南、北、殿、局四本及北史卷五四羅狄干傳「天平」作「干」。按「天平

此文疑誤。」張說據本書卷二八補、北史卷一六元孝友傳。按當是「淮」訛「譙」,後人又删「臨」字。 魏譙王元孝友於公門言戲過度 張森楷云:「孝友始爲臨淮王,齊受禪,降臨淮公,未嘗封醮,

- 子士文嗣 錢氏考異卷三一云:「按士文脩之酷吏,隋史已爲立傳, 不應闌入齊書, 蓋後人以
- }厙 **}狄**
- 隨 州 刺 史 諸本「隨州」訛「隋州」,今據<u>北</u>史卷五 四改。
- 二乙 別齎遺之 删 飾 隋書作「別賞遣之」。 北史卷五四「齎」作「賞」。按隋書卷七四本傳作「別加賞物、勞而造之」。 傳本北史「遣」訛「遺」。 補北齊書者又改「賞」爲「齎」。 疑北史本
- 從破 「再遷」二字便沒有着落。 附」二十字。 介朱兆於赤谼嶺 按下云「再遷泰州刺史」,即因先曾任晉州刺史,所以說「再遷」。 通志卷一五二下有「除車騎大將軍。 出爲晉州刺史,慰諭山胡, 北史删 去此段, 莫不綏
- 文帝 法已 蒲 | 軌性 再遷泰州 每 戦 坂 北 相 自 必剋」三十九字。 「寛和) 作泰州 接。 屯 刺 陋 秦」字 倉 罕行 史 見卷二校記。 諸本及北史卷五四韓軌傳「泰州」作「秦州」。 :楚撻, 據唐書卷三八地理志陝州 訛 , 今改正。 甚得邊民之心。 從這段文字中, 其地 為東、西魏 下 神武巡 可證此處的 西魏前後遣將東伐,又周文帝自屯鹽倉,軌身先 歷年爭戰 秦州」句 平陸 縣 條云: 同 之所, 秦州實卽治河 改。 西有 故 云一西魏 按此句下通志卷一五二多 鹽倉」, 東郡 前後遣將東伐 蒲坂的泰州。 地卽 北魏 的 ۰, 泂 }魏 所謂 周 北 郡, 士卒, \_ 出 與 ₹形
- 二九 寬厚 列 傅 有 第 膽 七 略 初 校 歸 勘 葛榮 記 通志卷 五二作: 「寬厚有膽略。 北鎭亂, 魏臨 准 王彧北討至 雲中,問

士人膽略者,或以樂對。 |彧乃召爲軍主,每提堅陷陣,轉統軍。 樂以天下多事, 逐歸葛榮。」凡

溢出四十六字。

南度百餘里 通志此下有「淮南聞大軍至、所在棄城走」十一字**。** 

侯景改為懷州 北央卷五三、冊府卷四二九五二五頁、通志卷一五二「懷」作「淮」、疑「懷」字

誤。

山之役,樂因勢追之。 贈假黃鉞太師大司馬 尚書令 至其營所,仍大抄掠,樂獲周文金帶 通志卷一五二此下有:「神武再破周文也, 樂皆先鋒摧陣。 袋。 貪貨稽留,不即東返。 于時 邙

周文於陣可擒,失而不獲者,實樂貪貨之由也。 神武忿之,以大捷之後,恕而不問」一段文字。

按此事見於北史卷五三彭樂傳而更詳。 如果鄭樵以彼樂爲此樂,就應删去彭樂傳 鄭樵似不致竄改北史彭樂傳中語入潘樂傳,且今通志 中 此 事,何

出? 同卷自有彭樂傳,全同 北齊書無彭樂傳,疑北齊書本以此爲潘樂事。 北尖。 北史別據其他史料爲彭樂傳,則以爲彭樂 以兩傳重

事。通志兩取之,以致重複。

# 北齊書卷十六

### 列傳第八

段榮 子韶 子孝言

避乎?」榮曰:「構亂之源,此地爲始,恐天下因此橫流,無所避也。」未幾,果如言。 **父連,安北府司馬。際少好曆術,專意星象。** 與鄉舊攜妻子,南趣下城。 又曰『天垂象,見吉凶』,今觀玄象,察人事,不及十年,常有亂矣。」或問曰:「起於何處,當可 段榮,字子茂,姑臧武威人也。祖信,仕沮渠氏,後入魏,以豪族徙北邊,仍家於五原郡。 屬杜洛周爲亂,榮與高祖謀談之,事不捷,共奔分朱榮。 正光初,語人曰:「易云『觀於天文以察時變』, 樂遇亂,

高祖 南討鄴、留榮鎮信都,仍授鎮北將軍,定州刺史。 後高 祖建義山東,榮贊成大策。爲行臺右丞,西北道慰喩大使,巡方曉喩,所在下之。 時攻鄰未克,所須軍資,榮轉輸無闕

入洛,論功封姑臧縣侯,邑八百戶。 轉授瀛州刺史。 **際妻,皇后姊也,榮恐高祖招私親** 

列 僔

第 八

段 欸

威王。長子部嗣。 史、太尉、尚書左僕射,諡曰昭景。皇建初,配饗高祖廟庭。二年,重贈大司馬、尚書令,武 像元年,授儀同三司。 二年五月卒,年六十二。贈使持節、定冀滄瀛四州諸軍事、定州刺 高祖悔之,曰:「吾不用段榮之言,以至於此。」四年,除山東大行臺、大都督,甚得物情。元 溫和,所歷皆推仁恕,民吏愛之。 之議,固推諸將,竟不之州。 葬行相州事,後爲濟州刺史。|天平三年,轉行泰州事。[1] 條性 初高祖將圖關右,與際密謀,際盛稱未可。及潤曲失利,

韶,字孝先,小名鐵伐。少工騎射,有將領才略。高祖以武明皇后姊子,益器愛之,常置

左右,以爲心腹。

外賊天下,內失善人,知者不爲謀,勇者不爲關,不肖失職,賢者取之,復何疑也。」遂與水 躬昭德義,除君側之惡,何往而不克哉」高祖曰:「吾雖以順討逆,奉辭伐罪,但弱小在强大 冠毁冕,拔本塞源,邙山之會,搢紳何罪,兼殺主立君,不脫句朔,天下思亂,十室盲九。王 之間,恐無天命,卿不聞之也。」答曰:「韶聞小能敵大,小道大淫,皇天無親,唯德是輔,除朱 建義初,領親信都督。中興元年,從高祖拒分朱兆,戰於廣阿。 高祖謂韶曰:「彼衆我

兆 於 兆 赤 軍 平之。 攻劉誕於鄴。 以軍 功封 及韓陵之戰,韶督率所部,先鋒 下洛 縣男。 又從襲 取 夏州 作陷陣。 擒斛律彌 尋從高祖出晉陽,追众朱 娥突,三 加 龍 驤 將軍

諌 議 大 夫,累遷武 衞 將軍。 後迴 賜 父爵姑臧縣侯,[三其下洛 縣男啓讓繼母弟寧安

韶 金 從 傍 武 賏 司徒韓軌 定 馳 和 馬 四 四 引 年,從高祖 年,從征玉壁。 马反 、左衞 射, 將軍 禦周 一箭 劉 文帝於 時高 斃其前 豐等日 祖 驅,追 山 不豫,攻城未下,召 「吾毎 Щ 騎懾憚,莫敢前 高 與段孝先論兵, 祖 身在 行 集諸 間,爲 者。 殊 將, 西魏將賀拔勝 西軍退,賜 有英 、共論進 略, 止之宜。 若使 馬並 所 比 金, 識,率銳 來 謂 用 進爵 大司 共 謀 爲 來 馬 斛 亦

十斤 若 嘉 祖 殆 律 崩 日 可 之, 無 受 於 將 君 禪 段孝 晉 不 今日之勞矣。 別 實 繒 陽 濟, 無 以 帛 別 先 梁氏 封 秘 宜善相 出孝先。」仍謂韶 稱 忠亮仁厚, 不 是 朝 發 爲 陵 封長 縣 喪。 翼佐,克茲負荷。」卽令|韶 安定郡 吾患勢危篤, 叉 樂郡公。 俄 智勇兼備 封 君 而 霸 曰:「吾昔與卿父冒涉險艱 侯景構亂 城縣, 又以霸城 世宗 ",親戚 恐或不 加 征 位 潁川 世宗 之中,唯有 特進 縣侯讓其繼 虞, 還鄴 從顯祖鎭鄴,召世宗赴 韶 欲委孝先以鄴下 啓求 留 , 此子, 鎭 韶 晉 母弟孝言。 歸 留 守晉陽 ,同獎王 朝 陽 軍旅 陵公, 0 别 大事,宜共 之事 封 乞封 室,建此 世宗還 眞定 論者美之。 何 軍 繼 ٠, 縣男,行 母梁 如 高 大 籌之。」五 ?」金等日:「知臣 賜女 祖 功。 氏 疾 爲 并 〈樂十 及甚,顧 今 郡 州 年 病 君 刺 數 ·春 疾 命 史。 人, 高 如 顯 世 宗 莫 題 金 祖

豫行 奔北。 輯。 器物,旋師宿預。 堯難宗等圍守宿預,四自將步騎數千人倍道赴涇州。塗出盱眙,思令不虞大軍卒至,望旗 等智小謀大,政令未一,外託同德,內有離心,諸君不足憂,吾揣之熟矣。」乃留儀同敬顯儁 謀襲盱眙。 額潛至宿預,招誘邊民,殺害長吏,淮、泗擾動。 爲受盟。 超達,霸先必走。」即迴赴廣陵。陳武帝果遁去。追至楊子棚,望揚州城乃還,大獲其軍資 超達等軍逼涇州,又陳武帝率衆將攻廣陵,刺史王敬寶遣使告急,復有尹思令,衆萬餘人, 顯祖 ,築魯城,至於新蔡立郭默戍而還。皇建元年,領太子太師 天保三年,爲冀州刺史、六州大都督,有惠政,得吏民之心。 進與超達合戰,大破之,盡獲其舟艦器械。謂諸將士曰:「吳人輕躁,本無大謀,今破 盟訖,度白額終不爲用,因執而斬之,並其諸弟等並傳首京師。江淮帖然,民皆安 嘉其功,詔賞吳口七十人,封平原郡王。淸河王岳之克郢州,執司徒陸法和,韶亦 三軍咸懼。 六月, 韶遣辯士喻白額禍福, 白額於是開門請盟。 韶謂諸將曰:「自梁氏喪亂,國無定主,人懷去就,强者從之。 五年二月,詔徵韶討之。 四年十二月,梁將東方白 韶與行臺羊術等議,且 旣至。 會梁將嚴 爾先

女樂十人,並 大寧二年,除幷州 歸彦果園 河刺史。 一千畝。 高歸彥作亂冀州,詔與東安王婁叡率衆討平之。 仍蒞幷州,爲政舉大綱,不存小察,甚得民和 遷太傅,賜

十二月,周武帝遣將率羌夷與突厥合衆逼晉陽,「去」

世祖自鄰倍道兼行赴救。

突厥從

待 仍 去 北 令韶 之。 納 城 陣而 河 彼 里。 間 率 一勞我 前,東距 騎追之,出塞不及而 王孝琬 諸將 逸, 咸欲逆擊之。 之請,令趙郡王盡護諸將。 一汾河, 破之必矣。」旣 西被風谷。 還。 |韶曰:「步人氣勢自有限,今積雪旣厚,逆戰 而交戰,大破之,敵前鋒盡殪, 世 時事旣倉卒,兵馬未整,世祖見如此,亦欲避之 祖嘉其功,別封懷州武德郡公,進位太師 時大雪之後,周人以步卒爲前鋒,從西山 無復孑遺, 非便,不如陣以 自餘通宵奔遁。 而 而 下,

義, 以 理 時 禮 比 厥 將 周 據移 晉 送 屢 冢 陽 犯 宰宇文護 書,即 之役, 邊,韶軍 送其 其事 母閻氏先配 於塞下。 母, 可 知 恐示之弱。 護外託 世 中山宮,護聞閻 祖遣黃門徐世榮乘傳 爲相, 如臣 .[管見,且外許之,待後放之未晚。 其 質 王 尚存 了,乃因 也。 齎周 旣爲 邊境移書,請還其母,並 書問 母請和,不遣一 韶。 部以周 人反覆,本無信 介之使申其情 不 聽。 通 逐遣使 鄰好

與 邙 亦 何 諸 爾 Щ 之下 为 韶 軍 護 旣 共 日 登 令 得 逗留 邙 韶 北 母 督 虜侵 , 仍 遣 將 尉 阪 未 精 進。 聊 邊, 騎 觀周軍 事等疥 世 于**,**發 祖 遲 形勢。 召 迥等襲洛陽。 自 謂 癬 晉陽。 ,今西羌窺逼,便是膏肓之病, 日 「今欲 至大和谷,便值周軍,即遺馳告諸營,追集 五. 遣王赴洛陽 韶遣 日 便 濟河, 蘭陵王長恭、大將 與大將共 之圍 ,但突厥 量進 請奉 軍 止 詔 在 一 斛 律 光 此 南行。」世 韶 復 日 率衆擊之,軍於 須 兵馬。 將 鎭 祖 帳 、禦,王 F 日 一:朕 仍 與諸 百 謂 騎 意 如

列

傅

第

八

段

燊

騎,且却 器物彌滿 解,投墜溪谷而死者甚衆。 問。」韶曰:「天道賞善罰惡,當遣汝送死來耳。」周軍仍以步人在前,上山逆戰。 「汝宇文護 且 川澤。 引,待其力弊,乃遣下馬擊之。 幸得其母, 車駕幸洛陽,親勞將士,於河陰置酒高會,策勳命賞,除太宰,封靈武縣公。 不能懷恩報德, 洛城 之圍,亦即 今日之來, 短兵始交, 奔遁,盡棄營幕,從邙山至穀水三十 竟何意也。」周人曰:「天遣我來, 周 人大潰。 其中軍所當 看,亦 韶 里中,軍 以 有何可 彼 時 徒 瓦 我

彼 丞相 諸將稱善,遂鳴鼓而攻之,城潰,獲儀同薛敬禮,大斬獲首虜,仍城華谷,置戍而還。 石 援兵,會在南道,今斷其要路,救不能來。 城千仞,諸將莫肯攻圍。 |斛律光、太尉 | 關陵王長恭同往捍禦。以三月暮行達西境。 武平二年正月,出晉州道,到定隴,築威敵、平寇二城而還。 韶曰:「汾北、河東, 且城勢雖高,其中甚狹,火弩射之,一旦可盡。」 勢爲國家之有,若不去相谷,事同 有栢谷城者,乃敵之絕 二月,周師來寇,遣韶 痼疾。 封廣平 興右 計

天統三年,除左丞相,永昌郡公,食滄州

幹。

於 姚襄城南更起城鎮,東接定陽,又作深塹,斷絕行道。 是月,周又遣將寇邊。 右丞相斛律光先率師出討, 韶乃密抽壯士,從北襲之。又遣人 韶亦請行。五月,攻服秦城。 周人

郡公。

月, 月, 潛 虚 乃令壯士千餘人設伏於東南澗口。 險阻,並 城 若干顯寶等。 遊其 渡 地耳。日不 屠其外城,大斬獲首級。 徙圍定陽, [c] 其城主開府儀同楊範固守不下。[c] 韶登山望城勢, 乃縱兵 急 攻 之。 河,告姚襄城中,令內外相應,渡者千有餘人,周人始覺。 無走路,唯恐東南一處耳。 諸將咸欲攻其新城。 如更作一城壅其路,破服秦,併力以圖定陽,計之長者。」將士 時韶病在軍中,以子城未克,謂蘭陵王長恭曰:「此城三面 賊若突圍,必從此出,但簡精兵專守,自是成擒。」<u>長</u>恭 韶曰:「此城一面阻河,三面地險,不可攻,就令得之,一 其夜果如所策,賊遂出城,伏兵擊之,大潰,範等面縛, 於是合戰,大破之,獲其儀同 咸以爲然。 重

誳 滄 齊兗 輬 車,軍校之士 韶 梁洛晉建十二州諸 疾甚,先軍還。 陳衞送至平恩墓所,[10]發卒 以功別封樂陵郡公。 軍事,相國、太尉、錄尙 竟以疾薨。 一起冢。 書事 朔 贈假黃鉞、使持節、都督 上舉哀東堂,贈物千段、溫 州 刺 史,諡 曰 忠 武 朔弁定趙冀 明秘器、

聞 之 齊 韶 弟謹 臨 世 出 敵 勳 總 謀 貴 之日,人人爭奮。 軍 逆, 之家罕有及者。 ·旅,入參帷幄,功旣 皇甫氏因沒官。 叉雅 然 僻於好色, 韶美其容質, 性溫愼,有宰 居高,重 以 難居 婚 媾 上啓固請, 相之風。 要 望傾 重,微服 朝野 教訓 間 世宗重違其意, 行。 子弟,閨 長 於計 有 皇甫 略,善於 菛 雍 氏,魏 因 肅 以賜 御衆,得將 黄 事 之。 後 門 鄎 母 以孝 元 瑶 士

於財,雖親戚故舊略無施與。其子深尙公主,並省丞郎在家佐事十餘日,事畢辭還,人唯賜

長子懿嗣

中,開府儀同三司、驃騎大將軍,大業初,卒於饒州刺史。 兼 殿中尚書,出除兗州刺史。卒。子寶鼎嗣。尚中山長公主,武平末,儀同三司。隋開皇 ||<br />
||<br/>
||<br />
|<br />
|< 累遷行臺右僕射,

宋,徐州行臺左僕射、徐州刺史。入周,拜大將軍,郡公,坐事死。 勳,累遷侍中、將軍、源州大中正,自己食趙郡幹。 韶病篤,詔封深濟北王,以慰其意。 武平 直散騎侍郎。二年,詔尚永昌公主,未婚,主卒。河淸三年,又詔尚東安公主。以父頻著大 |部第二子||深,字||德深。美容貌,寬謹有父風。||天保中,受父封姑臧縣公。||大寧初,拜通

|部第三子||德學,||武平末,儀同三司。||周建德七年,在||城與||高元海等謀逆,誅。 |韶第七子||德堪,|武平中,儀同三司。|隋大業初,|汴州刺史,卒於||汝南郡守。 部第四子德衡,武平末,開府儀同三司,隆化時,濟州刺史。入周,授儀同大將軍。

霸城縣侯授之。累遷儀同三司、度支尚書、淸都尹。 | 樂第二子孝言,少警發有風儀。| 魏武定末,起家司徒參軍事。| 齊受禪,其兄| 韶以別封

從漳 家 郡 而 幹,仍 殞。 宿 徊 ,口三喚坊民防援,不時應赴,遂拷殺之。 運載,復分車 時苑內須 加 本以勳戚緒餘, 開 府。 、果木、科民 遷太常卿、除齊州刺史,以贓賄爲御史所劾。 ·迴取。 致位通顯,至此便驕 事悉明徹,出為海州 **、間及僧寺備輸,悉分向其私宅** 奢放逸,無所畏憚 又與諸 、刺史。 淫婦密遊, 尋以其兄故,徵拜都官尚書,食陽 種植。 **風世祖崩,遇赦免。** 爲其夫覺,復恃官勢, 又殿內及園 曾夜行,過其賓客宋孝王 「須石, 差車 拷掠 城 4

卿

轉食

润

南郡幹、遷東部尚書。

進。 滯 安 尚 謁 進 令高 書 大 用 曹天下 左 祖 人士,咸是 請 民 珽 子 轉官,孝言 勑濬 徹 韓長鸞,共構祖 既無深壓,又行物不平, 執 郎 倘 等 政,將廢趙彦深, 中 喜, 亚 百年 京 粗 在 城 景獨 叔 險 意色 昭 北隍,孝言監作,儀同三司 孝言部下。 放 司 殿家尚書也」」孝言無辭以答,惟厲色遣下而已。 縦 一揚揚,以爲己任 州治 之流 斑之短。 引孝言爲助。 中雀 典作 尋遷尙 抽擢之徒,非賄則舊。 及祖 龍子、清都 Ħ, 別置 出 書左僕射,特進、侍中 ,皆隨事報答, ·後,孝言除尙書右僕射,仍掌選舉,恣情 除兼侍中,入內省,典機密, 酒 尹丞李道隆、鄴縣令尉長卿、臨漳令崔象、 崔士順、將作 高 會, 諸人 許 有 有將作丞崔成,忽於衆中抗言曰: 膝 加 大匠元士將、太府 ·如故。 授。 行跪伏,稱觴 富 商 大賈 尋卽 尋除中書監,加特 上壽, 多被 Ē, 11> 卿 銓擢,縱令 或自 仍吏部尚 用捨,請 腳孝裕 **I**陳屈 成

列

傅

北齊專卷十六

同與賞,其貧躓者亦時有乞遺。 坐爭觅官徙光州。隆化敗後,有勑追還。孝言雖黷貨無厭,恣情滔色,然舉止風流,招致名 士,美景良辰,未嘗虛棄,賦詩奏伎,畢盡歡洽。雖草萊之士,粗閑文藝,多引入賓館,與 孝言富貴豪侈,尤好女色。後娶婁定遠妾董氏,大躭愛之,爲此內外不和, 世論復以此多之。齊亡入周,授開府儀同大將軍,後加上 更相糾列,

開府。

當以志謝矜功,名不逾實,不以威權御物,不以智數要時,欲求覆餗,其可得也。語曰「率性 每出當閩外,或任以留臺,以猜忌之朝,終其眉壽。 圖亭候多警,爲|有齊上將,豈其然乎。 之謂道」,此其効欸? 史臣曰:段際以姻戚之重,過時來之會,功伐之地,亦足稱焉。 韶光輔七君,克隆門業,

贊曰:「榮發其原,留大共門。 位因功顯,望以德尊。

#### 校勘記

(一) 天平三年轉行泰州事 三朝本、汲本「泰」作「恭」,他本作「泰」。按當時無「恭州」,秦州屬西

- 魏。「恭·和「泰」都是「泰」之訛參卷二校記,今改正。
- [1] 斛律彌般突 按「律」是「拔」之訛、詳卷二枚記。
- 後週賜父爵姑臧縣侯 「迴」,今從之。又諸本「爵」都作「榮」,北史作「爵」。 三朝本、殿本「廻」作「恩」。 按上文稱段榮封姑臧縣侯,這時是把段榮 南、北、局三本及北泉卷五四段韶傳作

封貸迴賜給韶。

諸本皆誤,今據北史改。

- 卷二七本傳,這裏是說天保五年五五四以後的事,雄已久死,南本顯誤。 單作「雄」、北、汲、殿、局四本作「雄示」。按堯雄死於東魏與和四年五四二,見本書卷二〇、北史 乃留儀同敬顯傷堯難宗等圍守宿預 <u>「高</u>德正傳說<u>高洋稱帝,堯難宗染赤雀以獻,亦卽此人。三朝本「難」字不誤,「宗」已訛作「示」,</u> 年北齊天保七年五五六三月載北齊南侵諸將中有堯難宗,通鑑卷一六六五一四二頁同。 三朝本及∭府卷三五四四二〇七頁「難宗」作「難示」,南本 陳書卷一武帝紀紹泰二 北史卷三一
- IE U 築魯城 云:「高齊則於縣東北一十七里築魯城以禦周。」作「魯」是,今據册府改。 諸本「魯」作「層」。 册府卷四一○四八七二頁作「魯」。 按通典卷一七七 臨汝郡魯山縣條

**今據改。** 

C六〕十二月周武帝遣將率羌夷與突厥合衆逼晉陽 月至三年正月間 五六四、歷見本書卷七武成紀補、周書卷五武帝紀保定三年和相關諸傳。 按周與突厥合攻晉陽,事在北齊河淸二年十二 這裏承

列

傳

第八

校

勘

記

上文則在大寧二年五六二一三,誤。疑上脫「河淸二年」四字。

就合得之一城地耳 諸本無「一」字、語氣不完、今據御覽卷三〇二一三九一頁、通典卷一五四補。

徙圍定陽 諸本「徙」作「從」, 北史卷五四作「徙」。 按段韶是主將,「從圍」不可通。 當時諸將

欲攻新城,以段韶言轉而攻定陽,作「徙」是,今據北史改。

共城主開府儀同楊範固守不下 按本書卷八後主紀 補武平二年五七一六月記此事稱「獲刺史楊 敷。」楊敷,周書卷三四有傳,記他守汾州被俘事甚詳,似作「範」誤。 但諸本和册府卷三六九四

三八四頁,通典卷一五四都作「楊範」,今不改。

(10) 軍校之士陳衞送至平恩墓所 諸本及北史卷五四「陳」作「陣」,據册府卷三八二四五四三頁改。

源州大中正 按「源州」不見地志。段氏郡望是涼州姑臧,疑「源」是「涼」之訛。

過其賓客宋孝王家宿 按本書卷四六米世良傳附見從子孝王,記他曾爲段孝言的開府參軍。「宗」字誤,今據 諸本「宋」作「宗」, 册府卷三〇六三六二頁、 北史卷五四段孝言傳作

改。

## 北齊書卷十七

### 列傳第九

斛律金 子光 羡

內附,賜爵孟都公。 **斛律金,字阿六敦,朔州勑勒部** 祖 幡地斤,殿中尚書。 人也。 父大那瓌,光禄大夫、第一領民酋長。 天平中, 高祖倍侯利,引 以壯勇有名塞表,道武時率戶

金貴,贈司空公。

之。 脫身歸介朱榮。 雲州請降,即授第二領民酋長。 懷朔鎮將楊鈞送茹茹主阿那褒還北。 正光 金性敦直,善騎射,行兵用匈奴法,望塵識馬步多少,嗅地知軍度遠近。 末,破六韓拔陵構逆,金攤衆屬焉,陵假金王號。 **| 榮表||金爲別將,** 稍引南出责瓜堆,為杜洛周所破,部衆分散,金與兄平二人 累遷都督。 瓌見金射獵,深 歎 孝莊立,賜爵阜城縣男, 其工。 金度陵終敗滅,乃統所部萬 後壞入寇高陸,金拒擊破 加寧朔將軍、屯騎校 初爲軍主,與 戶詣

列体

第九

斛

律

金

尉。

從破葛

樂

、元顥,頻有戰功,加鎭南

大將軍

道。 之勢。 金 軍還,出爲冀州刺史。 大司 高 因從高祖攻下南絳、邵郡等數城。 都 <u></u>
厙狄干等計復之。 寇,軍罷,還晉陽。 加 南 總督大衆,從歸晉陽 祖 督,進鹤爲侯。 右光祿大夫。 攻鄴,留金守信都, '馬,改封<u>石城郡公,邑一千</u>戶,轉第一領民酋長。三年,<u>高祖</u>出軍襲山胡,回 分爲二 以金爲南道軍司,由黃櫨嶺出。 使金統劉豐、步大汗薩等步騎數萬守河陽城以拒之。〔三高祖到, 及 金到晉州,以軍退不行,仍與行臺醉脩義共圍喬山之寇。 **介朱兆等逆亂**,高祖 會高祖於鄴,仍從平晉陽,追滅介朱兆。 從高祖破紇豆陵於河西。 元象中,周文帝復大舉向河陽。 從高祖戰於沙苑,不利班師,因此東雍諸城復為西軍所據,遣金與尉景、 四年,詔金率衆從烏蘇道會高祖於晉州,仍從攻玉壁。 領恒、雲、燕、朔、顯、蔚六州大都督,三三委以後 密懷匡復之計,金與婁昭、厙狄干等贊成大謀,仍從 武定初,北豫州刺史高仲密據城西叛,周文帝入寇洛陽。 高祖自出北道,度赤谼嶺,會金於烏突戍,合擊破之。 天平初,遷鄴,使金領步騎三萬鎭風陵以備 高祖率衆討之,使金徑往太州,爲掎角 太昌初,以金爲汾州刺史、當州大 俄而高祖至,仍共討平之, 事。 仍從破密。 別計李脩, 軍還,高祖使 學義。 軍還,除 破之, 高祖 西

世宗嗣事,侯景據潁川降於西魏,詔遣金帥潘樂、薛孤延等固守河陽以備。

西魏使其

督彭 衆 南 大 而 從崿坂送米宜陽。 退走 都督李景和 豫 樂 西魏 可朱渾道元等出屯 還爲 儀 同 、若干 肆 三司 州 刺 寶領馬步數萬, 王思 西魏 史, 仍率 政 九曲戍將 河陽, 入 所 據 部 潁川 斷其 於宜 馬紹隆 欲從新城赴援侯景。 ō 奔救之路。 陽築楊志 世宗遣高 據險 要 、百家 岳、 鬭,金破之。 又詔金率衆 慕容紹宗、劉豐等率衆圍之。 、呼延 金率衆停廣武以要之, 三戍,置守備 會攻潁川 以功別封安平縣男 而 事平, 還。 復使 景和 侯景 復 金 等聞 詔 之走 率 金

宴射 藥, 及 以 方 婚 中使不 王等皆從,其見 姻, 而 顯 祖受禪 帝忻 去。 永爲蕃 絕。 甚, 四 力封 年, 病愈還 詔 衞 金第 成陽 解州 。」仍詔 親 郡王 州。 待 二子豐樂爲 以太師還晉陽。 金 如 一刺史 孫武 此 三年,就除太師。 都尚義寧公主。 如 武衛 故。 大將軍 車駕復 其年冬, 帝 征 幸其第, 因 朝晉陽宮。 成禮之日 溪賊, 謂 金 曰:「公元 金從帝 六宮及諸王盡從, 帝 金病, 從 行。 皇太后幸金宅,皇后、太子 勳佐命,父子忠誠,朕 帝 軍 幸 還, 其宅 置酒 帝幸 臨 視 作 肆 樂, 州 賜 極 當 以 與 結 夜 金

之。 但鉢 賴,獲二 將 而 後 虜 以 舉 一萬餘 帥 或 豆婆 西 戶而 徙,金獲其候騎送之,並 爲 突厥 吐久備 還。 所 進位 將三千餘 破, 右丞相,食齊州幹, 種落 分散, 戶密 表 欲 慮 陳虜 西過, 其犯 可 遷左 塞, 候 擊 騎還告, 取 驚撓邊民, 丞 之勢。 相 金 顯祖於是率 勒 乃 詔· 所 部 金率騎 追 擊, 衆與金 盡 萬 俘 共討 其 屯白道 衆 之於吐 茄 以 備 茹

列

傳

第

九

斛

往

金

世祖 又納 汾十二州諸軍事、CKD 相國、太尉公、錄尚書、朔州刺史,酋長、王如故,贈錢百萬,諡曰武。 「我雖不讀書,聞古來外戚梁冀等無不傾滅。 我家直以立勳抱忠致富貴,豈可藉女也。」辭不獲免,常以爲憂。 餘子孫皆封侯 舉哀西堂,後主又舉哀於晉陽宮。 其孫女爲 肅宗 踐 阼, 人貴達。 太子妃。 納其孫女爲皇太子妃。 一門一皇后,二太子妃,三公主,尊寵之盛,當時莫比。 金長子光大將軍, 又詔金朝見,聽步挽車至階。 贈假黃鉞、使持節、都督朔定冀幷瀛靑齊滄幽肆晉 女若有寵,諸貴妬 人,女若無寵,天子嫌人。 天統三年薨,至 年八十。 世祖登極,禮遇彌重, 出鎭方岳,其 金嘗謂光

見一大鳥,雲表飛颺,光引弓射之,正中其頸。 爲親信都督,稍遷征虜將軍,累加衞 間,日光馳馬射中之,因擒於陣,光時年十七。高祖嘉之,卽擢爲都督。 世宗取而 光,字明月,少工騎射,以武 觀之,深壯異焉。 丞相屬邢子高見而歎曰:「此射鵰手也。」當時傳號落鵰都督。 藝 將軍。 知 名。 武定五年,封永樂縣子。 魏末,從金西征,周文帝長史莫者暉 此鳥 形如車輪, 旋轉而 嘗從世宗於洹橋校獵, 下,至地 世宗為世子,四引 乃大 時 鵰 在行 也。

尋兼左衞將軍,進貿爲伯

子光嗣

旅等, 斬捕 厥, 策勳 城二百里,置十三戍。 三年正月 中山 立戍 司。 太子,肅宗以光 ī'n 獲 又容衆 並獲 光率步騎 齊受禪 退走。 置棚 郡 首虜三千餘 班 二月,率騎 其年,光轉大將 馬千 染秤 賞, 維畜 而還。 -餘匹。 十萬, 取 遷太 光逐北,遂入 二年,除太子太保。 周 加 五 絳川 世載醇蓮 開府儀同三司, 爱, 尉, 一萬討 千襲破之, 乾明元年,除幷州 級、迥、憲僅 寇洛陽。二三光率騎五萬點往赴擊,戰於 是年冬,周武 除晉州 叉封冠 軍。 、白馬、澮交、翼城 周開府曹迴公,斬之。 三年六月,父喪去官,其月,詔起光及其弟羡 ,兼著勳王 、其境, 又大破 軍 刺 而 縣 史。 獲 発, 帝遺其柱図 別封西安縣子。 河清 獲二千餘口而 公。 周遣將達奚成興等來寇平陽,詔 刺史。 周儀 東有 室, 先是世 二年四月, 盡收其甲兵 《等四戌。[4]除朔州刺 同 周 納其長女爲太子妃。 天柱 皇 王敬 大司 建元年,進爵 祖 柏谷城主儀 還。 偽等, 、新安、牛頭三戍, 命納光第 馬 光率步騎二萬築勳掌城 天保 輜 尉遲迥、齊國公宇文憲、柱 其年三月, 重, 獲口 三年,從征 心心山 仍以 二女 鉅 同 五. 薛禹 史。 鹿郡公。[10]時樂陵王百年爲 百餘 為 ,迥等大败。 死 大寧元年,除尚書右僕射 遷司: 者積 太子 出塞, 十年,除特進、開 生 招引 光率步 人,雜畜千餘 棄 徒。 妃, 爲京 城奔遁,遂取文侯鎮, 亡叛, 光先驅破敵,多斬 並 天統 於 夜 四 騎 觀 光 月, 朝關 前 屢爲 返 親 萬禦之,興等 任 元 世 率 射 庸 頭 年, 西, 祖 府儀 騎 寇 而還。 雄 図 秋,除 幸洛陽, 拜 公可 仍築長 北 殺之, 討 同 爲 行食 皇 皇 太 突 九 七

列

三四四

保,襲貸咸陽王,並襲第一 領民酋長,別封武德郡公,徙食趙州幹,遷太傅。

冬,光又率步騎五萬於玉壁築華谷、龍門二城,與憲、顯敬等相持,憲等不敢動。 光與韓貴孫、呼延族、王顯等合擊,大破之,斬景興,獲馬千匹。詔加右丞相,幷州 萬,仍蹑軍後。光縱騎擊之,憲衆大潰,屬其開府宇文英、都督越勤 跋顯敬相對十旬。 身先士卒,鋒刃纔交,傑衆大潰,斬首二千餘級。 定陽,仍築南汾城,置州以逼之,夷夏萬餘戶並來內附。 周 百餘級。 將張掖公字文桀、中州刺史梁士彦、開府司水大夫梁景興等又屯鹿盧交道,光擐甲執銳, 十二月,周遣將圍洛陽,壅絕糧道。 憲仍令桀及其大將軍中部公梁洛都與景興、士彥等步騎三萬於鹿盧交塞斷要路 光置築統關、豐化二城,以通宜陽之路。 武平元年正月、詔光率步騎三萬討之。 直到宜陽,與周齊國公宇文憲、申國公擒 軍還,行次安鄴,憲等衆號五 (世良、韓延等,又斬首三 軍次定隴 刺史。 光乃進圍 其

督等九人,捕虜數千人。又別封長樂郡公。 千戶。軍還,詔復令率步騎五萬出平陽道,攻姚襄、白亭城戍,皆克之,獲其城主儀同、大都 等,步騎萬餘,來逼平隴,與光戰於汾水之北,光大破之,俘斬千計。 五萬赴之,大戰於城下,乃取周建安等四戍,捕虜千餘人而還。軍未至鄴, 一年,率衆築平隴、衞壁、統戎等鎭戍十有三所。 是月,周遣其柱國統干廣略圍宜陽。 周柱國枹罕公普屯威、柱國韋孝寬 又封中山郡公,增邑一 物令便放兵散。 光率步騎

廷發使遲留,軍還,將至紫陌,光仍駐營待使。 光 以為軍人多有勳 功,未得慰勞,若卽便散,恩澤不施, 帝聞光軍營已逼,心甚惡之,急令舍人追光 乃密通表請使宣旨, 軍仍 且進。 朝

入見,然後宣勞散兵。

拜光左丞相,又別封淸河郡

帝賜提婆晉陽之田,光言於朝曰:「此田,神武帝以來常種禾,飼馬數千匹,以擬寇難,今賜 耶。」曰:「自公用事,相王每夜抱膝歎曰:『盲人入,國必破矣!』」穆提婆求娶光庶女,不許。 提婆,無乃闕軍務也。」由是祖、穆積怨。 斑 在內省,言聲高慢,光適過,聞之,又怒。與知光忿,而賂光從奴而問之曰:「相王瞋孝徵 光入,常在朝堂垂簾 而坐。 祖珽不知, 乘馬過其前。 光怒,謂人曰:「此 人乃敢爾 \_\_後

旣有 安」,又曰「高山不推自崩,槲樹不扶自竪」。一祖珽因續之曰:「盲眼老公背上下大斧,饒舌老 在側。帝曰:「前得公啓,卽欲施行,長鸞以爲無此理。」既未對,洪珍進曰:「若本無意則可, 男尙公主,謠言甚可畏也。」帝以問韓長鸞,鸞以爲不可,事寢。 也,遂相與協謀,以謠言啓帝曰:「斛律累世大將,明月聲震關西,豐樂威行突厥,女爲皇后, 母不得語。」令小兒歌之於路。提婆聞之,以告其母令萱。萱以饒舌,斥已也,盲老公,謂既 此意而不決行,萬一泄露如何。」帝曰:「洪珍言是也。」猶豫未決。會丞相府佐封士讓 周 《將軍章孝寬忌光英勇,乃作謠言,令間 . 諜漏其文於鄴,曰「百升飛上天,明 祖珽又見帝請問,唯何洪珍 月照長

列

之, 馬,語 **僮千數,每遣使豐樂、武都處,陰謀往來。** 珍 前 · 馳 召 :所疑 |啓云:「光前 光至 云 祖 《意,謂何洪珍云:「人心亦大聖,我前疑其欲反,果然。」帝性至怯懦,恐卽變發,令洪 引入涼風堂,劉桃枝自後拉 明 珽告之。 日將往東山遊觀,王可乘此馬同行』,光必來奉謝,因引入執之。」帝 西討還, 勑令放兵散, 光令軍逼帝京, 將行不軌, 事不果而 又恐追光不從 命。 而 殺之,時年五十八。 |斑因云:「正爾召之,恐疑不肯入。 若不早圖,恐事不可測。」啓云「軍逼帝京」,會帝 於是下韶稱光謀反,今已伏法, 止。 宜遣使賜其一駿 家藏弩甲,奴 如 人其言。 頃

死,大喜, 結 髮從 光 戏, 性 少言 赦 未嘗 其 剛急,嚴於御下,治兵督衆,唯仗威刑。 境內。 失律,深爲隣敵所懾憚。 後入鄴, 追贈上柱 國、崇國 罪旣不彰, 公。CIED指詔書曰:「此人若 版築之役,鞭撻人士,頗稱其暴。 旦屠滅, 朝野痛惜之。 在,股 周 武 帝聞 进 自 能 光

其餘家

口

並

不

須

問。

尋

而

發詔,盡滅其族

至鄴。」

朝襲封崇國公。 卒。 政績,唯事 次 光 世 有 四子。 雄 聚斂, 開 府儀 隋開皇中卒於驃騎將軍。 侵 長子武都,歷位 漁 同 百姓。 三司。 光死,遣使於州 次 特進、太子太保、開府儀同三司、梁亮二州刺史。 恒 伽 一般儀 同 三司 斬 之。 次須達, 並賜死。 中護軍、開 光小子鍾,年数歲,獲免。 府儀同三司, 所在 先 並

圕

無

中散大夫,加安西將軍,進封大夏縣子,除通州刺史。 |羨,字\\\|樂,少有機警,尤善射藝,高祖見而稱之。|世宗擢爲開府參軍事。 顯祖受禪,進號征西,別封顯 遷征虜 親 將軍、 縣伯

高城縣侯。 導高梁水北合易京,東會於潞,因以灌田,邊儲歲積,轉漕用省,公私獲利焉。 曲二千餘里,其間二百里中凡有險要,或斬山築城,或斷谷起障,並置立戍邏五十餘 不絕,歲有力焉。詔加行臺僕射。羨以北房屢犯邊,須備不虞,自庫堆成東拒於海,隨 別遣使來。」於是退走。天統元年夏五月,突厥木汗遣使請朝獻,羨始以聞,自是朝貢 慮其有詐,且喻之曰:「爾輩此行,本非朝貢,見機始變,未是宿心。若有實誠,宜速歸巢穴, 突厥衆十餘萬來寇州境,羨總率諸將禦之。 父憂去官,與兄光並被起復任,還鎭燕薊。 三年,加位特進。口己四年,遷行臺尚書令,別封 河清三年,轉使持節,都督幽、安、平、南、北營、東燕六州諸軍事,幽州 突厥望見軍威甚整,遂不敢戰, 刺 其年六月,丁 即遺使 史。 其年秋, 所。 求欸。 (歲時 Щ 叉

榮寵,不自矜尙,至是以合門貴盛,深以爲憂。乃上書推讓,乞解所職,優詔不許。其年秋, 武平元年,加驃騎大將軍。時光子武都爲兗州刺史。 羨歷事數帝, 以謹 直 見推 ,雖極

進爵荆山郡王。

驢 世會、伏護,餘年十五已下者宥之。 羨未誅前,忽令其在州諸子自伏護以下五六人,鎖頸乘 州 所 汗,宜閉 曰:「富貴 出 行臺 欽愛,乃竊問 城, 一僕 年 城門。 合家皆泣送之至門,日晚而 如 射 七 獨 月<sub>,</sub> 此,女爲皇后,公主滿家,常使三百兵,何得不敗」及其五子世達、世遷、世辨 孤 之,答曰:「須有禳厭。」數日而 |羨曰:「勑使豈可疑拒。」出見之,伏恩把手,遂執之,死於長史廳事。 光誅, 永業便發定州騎卒續進,仍以永業代羨。 物使中領軍賀拔伏恩等十餘人驛捕之。 歸。 吏民莫不驚異。 有此 變。 行燕郡守馬嗣明醫術之士,爲羨 伏恩等旣至,門者白使人衷甲馬 遣領軍大將軍鮮于桃枝、洛 臨終歎

箭 腋。 豊樂隨 羡 羡 雖 及光並 獲 處即 多 一少工 ),非要害之所。 下手,其數雖 |騎射,其父每日令其出畋,[18]還卽較所獲禽獸。 多,去兄遠矣。」聞者咸服其言。 光常蒙賞, 羡或被捶撻。 人問其故, 金答云:明月 光所獲或少,必麗龜達 、必背

隸 出 大將 ,至黄瓜堆, 金兄 軍 尉 平,便弓馬,有幹用。 賓 北 爲杜洛周所破, 討。 軍 敗,爲賊 部落 魏景明 所虜。 離 中,釋褐殿中將軍,遷襄威將軍。 散。 後 走奔其弟金 及歸介朱榮, 於雲州,進 待之甚厚,以平襲父爵第 號龍 驤 將 正光末,六鎭 軍。 與 金 擁 擾 領民 衆南 亂,

酋長。

廢帝 史敬 侯, 贈 將 兼 太尉。 軍 左 丁,進爵 即位, 顯 衞 高 儁 將軍,領衆 궤 州 左左 起義,以都督從。稍遷平北將軍、 爲 刺 拜特進, 一衛將軍 史。 公。 顯 \_\_\_ 周文帝遣 萬討 食滄州樂陵郡幹。 庫狄伏連等略定壽陽、宿預三十餘城。 祖 受禪,別封羨陽侯。 北徐賊,破之,除濟州 其右將軍李小光據梁州,平以偏師討 皇建初, 行兗州刺史,以黷貨除名。 顯州刺史,加鎭 刺史。 封定陽郡公, 侯景度江, 事罷 南將軍,封固安縣伯。 拜護軍。 還州、 擒之。 韶平 ·為大都督, 加開 後除開府儀同三司 後爲靑州刺史,卒。 出 爲 府,進位驃騎大 燕州 率青州 刺 史。 尋進 刺 爲 入

關 前 四 以 百 無完 紀 辟 四 t 將 前 处 臣 陣 收 以高 之子,有 觀 田]蜀 日 其 攻則 ···<u>|</u>斛律金以|高祖撥亂之始,翼成王業,忠欵之至,成此大功,故能終享遐年,位高 祖 盈滿之戒, 霸王之期,屬宇文草創之日, 罕 又殄江陵, 沈毅之姿,戰術兵 有 全城 動之微 齊氏 H. 建 也,纔及 瓴 必 權, 致 而 拘原 用武, 暗同 後嗣,遂至誅夷,雖爲 之師,秦 韜略,臨 成幷吞之壯 出 軍 薄 人無復啓關之策。 伐, 敵制 氣。 屢挫 勝, 斛律 變化 一兵鋒。 威權 治 無方。 之重,蓋符道家所忌。 軍誓衆,式遏 而 而 大 世 自陽 寧以還,東隣 亂 讒 河 勝 ~, 詐 邊鄙 分隔,年將 以震主 、戰則 浸弱, 光

列

傅

第

九

斛

律

之威;主暗時艱,自毀藩籬之固。 昔李牧之爲趙將也,北翦胡寇,西却秦軍,郭開踏之,牧死

趙滅。 其議誅光者,豈秦之反間歟, 何同術而同亡也!內令諸將解體,外爲强鄰報讐。

呼!後之君子可爲深戒。

赞日: 赳赳咸陽,邦家之光。 明月忠壯,仍世將相。 聲振關右,勢高時望。 迫此成名,

易興讒謗。始自工言,終斯交喪。

#### 校勘記

高祖倍侯利 諸本「侯」作「俟」,北史卷五四斛律金傳、卷九八高車傳作「侯」。 張森楷云:「據

<u>清朝</u>傳載歌謠云『求良夫,當如倍侯』,『夫』 『侯』古韵通用, 『俟』字則失韵。 」按張說是,今據北

)建改。

ヘニコ 領恒雲燕朔顯蔚六州大都督 諸本無「蔚」字。 錢氏考異卷三一以爲當脫「蔚州」。 按錢說是。

本書卷二四孫搴傳稱「時又大括燕、恒、雲、朔、顯、蔚、二夏州、高平、平涼之民以爲軍士」。「蔚

州」和上五州連稱。 這六州都是北魏以北邊軍鎭改置的州,魏末僑置在幽、肆、抖、汾等州境

內,是北鎭流民聚居之地。今補「蔚」字。

/^ 三 \_ 高祖使金統劉豐步大汗薩等步騎數萬守河陽城以拒之 諸本「步大汗」倒作「大步汗」;又

「薩」字三朝本作「薛」,汲本、局本及删府卷三五四四二〇五頁作「薛」。 按步大汗薩,本書卷二〇

有傳,「大步汗」乃誤倒;「薩」字是 「薛」的別體, 錢氏考異卷三一有說。今從本傳作

汗薩」。

29 三年高 祖出軍襲山切 按本書卷二神武紀 補、魏書卷一二孝靜紀, 事在武定二年五四四十一月。

「三年」當作「二年」。

Ħ. 天統三年薨 諸本「三」作「二」、殿本依北史卷五四改作「三」。 按斛律金死於天統三年五六七,

見下文斛律光傳和 本書卷八後主紀 補。 今從殿本。

メ 贈假黃鉞使持節都督朔定冀幷瀛青齊滄幽肆鬥汾十二州諸軍事 四 作「贈」,按死 後例稱贈官,今據改。 又諸本無「晉」字,十二州缺了一州,今據册府卷三八二 諸本「贈」作「賜」,北史卷五

- $\Box$ 府卷三 周 文帝 九 長史莫者暉時在行問 五. 四六八七頁 倒作「莫輝者」。 諮本「者」作「孝」,三朝本作「者」,百衲本依他本改作「孝」, 按「莫者」複姓,見元和姓纂輯本卷一四、廣韵卷五鐸韵、 {册

世宗爲 指 高澄 高高 世子 歡 爲 諸本「宗」作「祖」。 渤海王, 立澄爲世子,見本書卷三文襄紀 按「世祖」是高湛, 他從未爲「世子」。 袖 且下文明 云 世 一武定五 祖」乃「世宗」之訛, 年「嘗從世宗於

列

俳

第

九

校

勘

記

通志

}氏

, 族

略。

今從三朝本。

四

Ħ.

四一

頁補

洹橋校獵」。「祖」字誤,今改正。

**八**九 七 又率衆取周絳川白馬澮交翼城等四戍 東絳縣東高山。」酈注:「澮水又西南,與諸水合,謂之『澮交』。」澮交在翼城東,東南有白馬山 諸本「澮交」作「澮文」。按水經注卷六云:「澮水出河

白馬川、西有洚水、四戍鄰接、都因地立名。今據水經注改。

進舒鉅鹿郡公 諸本脫「公」字,從北史卷五四、通志卷一五二補。

是年冬周武帝遣共柱國大司馬尉遲迥齊國公宇文憲柱 陽 諸本「周武帝」作「周文帝」。 按是年指河清三年,即周武帝保定四年五六四,「文」字顯爲 國 庸 國 公可叱雄等衆稱十萬窓洛

「武」字之誤,今改正。

追贈上柱國崇國公 下文『襲封崇國公』,亦其一證。」按張說是,今據北史補。 諸本無「崇國」二字。張森楷云:「據北史是『上柱國崇國公』,此誤脫文,

其年六月丁父憂去官至三年加位特進 死在天統三年,解律光傳也說光於天統三年六月丁父憂,與卷八後主紀補合。 按「其年」承上文是天統元年五六五。 據上斛律金傳金 這裏「其年」當作

「三年」、「加位特進」之「三年」當作「其年」,紀年誤倒。

其父每日令其出败 諸本「每」作「母」、今從北史卷五四、册府卷八四六一〇〇四四頁改。

# 北齊書卷十八

## 列傳第十

# 孫騰 高隆之 司馬子如

射、雍州刺史,贈騰父機使持節、侍中、都督冀定滄瀛殷五州諸軍事、太尉公、尚書令、冀州 及騰貴,魏朝贈通使持節、侍中、都督雍華岐豳四州諸軍事、驃騎大將軍、司徒公、尚書左僕 孫騰,字龍雀,咸陽石安人也。 祖通,仕沮渠氏爲中書舍人,沮渠滅,入魏,因居北邊。

刺史。

宜與軍人謀逆,日將害督帥。 義,騰隨榮入洛,例除冗從僕射。尋爲高祖都督府長史,從高祖東征邢杲。師次齊城,有撫 之爲晉州,騰爲長史,加後將軍,封石安縣伯。 騰少而質直,明解束事。 魏正光中,北方擾亂,騰間關危險, 鵩知之,密啓高祖。 高祖自晉陽出滏口,行至襄垣, 俄頃事發,高祖以有備,擒破之。 得達秀容。 屬介朱榮建 介朱兆率衆 高祖

列傳第十

孫騰

追。

高祖 與兆宴飲於水湄,誓爲兄弟,各還本營。 明旦,光復招高祖, 高祖欲安共意,將赴

之,臨上馬, 騰牽衣止之。 兆乃隔水肆罵,馳還晉陽。 高 祖遂東。

行臺。 除外任,俄而復之。 欲尙之,公主不許。 史,改封咸陽郡公, 沮散,苦請於高祖,高祖從之,遂立中興主。 及起義信都,騰以誠欵, 高祖進軍於鄴,初留段榮守信都,尋遣陸鎮 增邑通前一千三百戶。入爲侍中。 侍中封隆之無婦,公主欲之,騰妬隆之,遂相間構。 常預謀策。 騰以朝廷隔絕,號令無所歸,不權有所立,則衆將 除侍中,尋加使持節、六州流民大都督、北道 中山, 時魏京兆王楡女平原公主寡居, 仍令騰居守。 及平鄴, 高祖啓免騰官,請 授相州 騰 刺

定滄瀛幽安八州行臺僕射、行冀州事,復行相州亭。 忌,慮禍及己,遂潛將十餘騎馳赴晉陽。 騰以高祖腹心,入居門下,與斛斯椿同掌機密。 高祖入討斛斯椿,留膽行幷州事,又使騰爲冀相殷 椿旣生異端, 觸塗乖 ·謬。三騰深見 猜

之,願觅千人,冀得其女。 詔 女,及貴,遠加推訪,終不得,疑其爲人婢賤。 騰爲南道行臺,率諸將討之。 天平初,入爲尚書左僕射,內外之事,騰咸知之,衆司空、尚書令。 時高祖入朝,左右有言之者,高祖大怒,解其司徒。 騰性尪怯,無威略,失利而還。 及爲司 徒,奴婢訴良者, 又除司徒。 時 不研 四魏遣將寇南 初 武定中,使於 北 虚實,率皆免 境亂離,亡

青州 伯 鮲 ,攜賈於鄭氏。 ,括浮逃戶口,遷太保。初博陵崔孝芬養貧家子賈氏以爲養女,孝芬死,其妻元更適鄭 賈有姿色,騰納之。 始以爲妾,其妻袁氏死,騰以賈有子,正以爲妻,詔

丹

陽郡君,復請以袁氏舒迴授其女。

遠禮肆情,多此類也。

等五 皇建 狎 屢 氣 加加 小人,專爲聚斂。 驕 中,配 忍 州諸軍事、冀州刺史、太師、開府、錄尚書事、諡曰文。天保初,以騰佐命、詔祭告其墓 譴讓,終不悛改,朝野深非笑之。」武定六年四月薨,時年六十八。 騰 ,與奪由己,求納財賄,不知紀極,生官死贈,非貨不行,餚藏銀器,盜爲家物**,** 早依附高祖 享高祖廟庭。 ,契闊艱危,勤力恭謹,深見信待。[三及高祖置之魏朝,寄以心腹,遂志 在鄴、與高岳、高隆之、司馬子如號爲四貴、非法專恣、騰爲甚焉。 子鳳珍嗣。 鳳珍庸暗,武平中,卒於開府儀同三司。 贈使持節、都督冀定 高 親

從 其 姓 高隆之,字延興,本姓徐氏,云出自高平金鄉。父幹,魏白水郡守,爲姑壻高氏所養,因 隆之貴、魏朝贈司徒公、雍州刺史。 隆之後有參議之功,高祖命爲從弟,仍云渤海

釋 褐 隆 員 外散 之身長八尺,美鬚髯,深沉有志氣。 騎 常侍, 與行 臺 于暉出討羊侃於太山 魏汝南王悅爲司州牧,以爲戶 **暉引隆**之爲行臺 郎 中, 曹從事。 又除給 事 建義 興

修

人。

高祖深自結 高祖之臨晉州,引爲治中,行平陽郡

書右僕射,領御史中尉。 廣費人工,大營寺塔,爲高祖所責。 刺史。|高祖之討||新椿,以隆|之爲大行臺尚書。及大司馬、清河王||直承制,拜隆|之侍中、尚 公,邑一千七百戶。隆之請減戶七百,並求降己四階讓兄騰,並加優詔許之,仍以騰爲滄州 酒忿競,文帝坐以黜免。 鄴 ,行相州事。 從 高祖 起義山東,以爲大行臺右丞。 從破四胡於韓陵,太昌初,除驃騎大將軍、儀同三司。 高祖責隆之不能協和,乃啓出爲北道行臺,轉幷州刺史,封平原郡 魏中興初,除御史中尉, 領尙食典御。 西魏文帝曾與隆之因 從高祖平

冰 不 良美,貧弱咸受瘠薄。隆之啓高祖,悉更反易,乃得均平。又領營構大將,日司京邑制造,莫 周流城郭,造治水碾磑,日並有利於時。 由之。增築南城,周迴二十五里。以漳水近於帝城,起長隄以防汎溢之患。又鑿渠引漳 天平初,丁母艱解任,尋韶起爲<u>幷州</u>刺史,入爲尚書右僕射。[8] 時初給民田,貴勢皆占

之自 可 ,勝數,隆之奏請檢括,向五萬餘人,而羣小諠囂,隆之懼而止。 表解侍中,並陳諸假侍中服用者,請亦罷之。 詔皆 隆之表請自非實在邊要,見有兵馬者,悉皆斷之。又朝貴多假常侍以取貂蟬之飾、隆 魏 自孝昌已後,天下多難,刺史太守皆爲當部都督,雖無兵事,皆立佐僚,所在頗爲煩 如表。 自軍 詔監起居事,進位司徒公。 國多事,冒名竊官者不

追還,拜太子太師、氣尚書左僕射、吏部尙書,遷太保。 時世宗作宰,風俗肅淸,隆之時有受 武定中,爲河北括戶大使。 追還,授領軍將軍、錄尚書事,尋兼侍中。續出行青州事。

納,世宗於尚書省大加責辱。

之無以對。 至東山,因射謂隆之曰:「射堋上可作猛獸,以存古義,何爲置人。終日射人,朕所不取。」隆 羽儀、百戲、服制時有改易,不循典故,時論非之。 於射堋上立三像人爲壯勇之勢。 顯祖曾 齊受禪,進爵爲王。尋以本官錄尚書事,領大宗正卿,監國史。隆之性小巧,至於公家

顯祖 尉 日 中。帝深銜之。因此,遂大發怒,令壯士築百餘下。放出,渴將飮水,人止之,隆之曰:「今 以示非己能裁。」顯祖以其受任旣重,知有寃狀,便宜申滌,何得委過要名,非大臣義。天保 有密言之者。又帝未登庸之日,隆之意常侮帝。帝將受魏禪,大臣咸言未可,隆之又在其 五 、太保、冀州 |年,禁止尚書省。隆之曾與元昶宴飲,[<] 酒酣,語||艰曰:「與王交遊,當生死不相背。」人 何在「遂飮之。因從駕,死於路中,年六十一。贈以定臟焓幽五州諸軍事、大將軍、太 以隆之舊齒,委以政事,季舒等仍以前隙,乃譖云:「隆之每見訴訟者,輒加哀矜之意, 初世宗委任兼右僕射崔暹、黄門郎崔季舒等,及世宗崩,隆之啓顯祖並欲害之,不許。 刺史,陽夏王。 竟不得諡

第十

晏請 詔 水 無 其 不 報焉 隆之 又發隆 義。 兄子子遠爲隆之後,襲爵陽夏王,還其財產。初,隆之見信高祖,性多陰毒,睚眦之忿, 不 避 邃,前後構成其罪,並誅害之。 世 之家 儀 甚 不 涉 同三司崔孝芬以結婚姻不果, 以 ,出其屍,葬已積年,其貌不改,斬截骸骨, 學,而欽尙文雅,縉紳名流,必存 此 稱之。 |題||祖 末年,旣多猜害, 終至家門殄滅,論者謂有報 太府卿任集同知營構,頗相乖異, 追忿隆之, 禮接。 寡姊爲尼,事之如母,訓督諸子,必 亦棄於漳流, 誅其子德樞等十餘人, 並投漳 應焉。 遂絕嗣。 瀛州刺史元 乾明

州 司 馬 因 家 子 焉 如,字遵業,河內溫 魏 平站 臧,徙居 於雲中 人也。 ,其自序云 八世祖模,晉司空、南陽王。 爾。 父興龍 ,魏魯陽太守 模世子保, 晉亂出奔涼

南 攜 奉 都 使 督 捐拿 家 記記 軍 口 子 永安初 南 闕 如 監前 · 多 小 銔 機 肆 稱旨 軍 约封 州 警, ٥ 平遙 爲 有 次 孝莊 高 **介朱榮所禮遇,假** 口 辯,好交遊豪傑, 縣 都 亦接待焉。 子,邑三百 以建 興 險阻,往來 葛榮 戶 9 以中軍。[10]榮之向 與高祖 03 之亂, 為大 衝要,有後 相 行 相 結託,分義甚深。 臺 州 郎 孤 中。 危, 顧之憂,以子如 洛也,以 楽遣 祭以 子如 子 子 如 孝昌中,北州淪 間 明辯, 如 爲 行 行 司 入鄴, 能 建 馬,持 說 興 時事, 助 大大守 陷,子 節 加 防 當 假 数遣 平 郡 如

葛榮 平,

進爵爲侯。

元顥入洛,人情離阻,

以子如會守鄴城,頗有恩信,乃令行相州事。

願

平, 徵為金紫光祿大夫。

泣涕 儀同 書右 假不如心,猶足示有餘力,使天下觀聽,懼我威强。」於是世隆還逼京城。 以弱 城。 不受。 僕射。 自陳,而不獲免。 示人。若必走北,即恐變故隨起,不如分兵守河橋,迴軍向京,出其不意, 世隆便欲還北。 余朱榮之誅,子如知有變,自宮內突出,至榮宅,棄家隨人禁妻子與今朱世隆等走出<br/>
如果 前廢帝以爲侍中、驃騎大將軍、儀同三司,進爵陽平郡公,邑一千七百戶。 高祖起義信都,世隆等知子如與高祖有舊,疑慮,出爲南岐州刺史。子如憤恨 子如曰:「事貴應機,兵不厭詐,天下恟恟,唯强是視, 魏長廣王立 於此 或可 際會,不可 離潰 一,飨尚 固讓

高祖 知 **贅遺,率以爲常。** 國。 鎭晉陽,子如 高 祖入洛,子如遣使啓賀,仍敍平生舊恩。尋追赴京,以爲大行臺尚書,朝夕左右,參 天平初,除左僕射,與侍中高岳、侍中孫騰、右僕射高隆之等共知朝政,甚見信重。 時往謁見,待之甚厚,並坐同食,從旦達暮,及其當還,高祖及武明后俱有

道行 皆稽留時漏 臺,巡檢諸州,守令已下,委其黜陟。 子如性旣豪爽,兼恃舊恩,簿領之務,與奪任情,公然受納,無所顧憚。 致 之極刑。 若言有進退,少不合意,便令武士頓曳,白刃臨項。 子如至定州,斬深澤縣令,至冀州, 興和中,以爲北 斬東光縣令。 士庶惶懼,不

列傅

第

+

司

馬子

如

啓顯祖 物 「崔暹 識 尋以疾薨,時年六十四。 能 轉 行幷州 者非 平 干段,諡 心 齊 ~、季舒· 處物。 言言 之。 受禪,以有翼贊之功,別封須昌縣公,尋除司空。 事。 其 事朕先世,有何 而 日 罪 事 世宗時,中尉崔暹、黃門郎崔季舒俱被任用。 韶復官爵,別封野王縣男,邑二百戶。 文明 惡 姊 ,仍勸誅之。 ·有禮,撫諸兄子慈篤,當時名士並加欽愛,世以此稱之。 贈使持節、都督冀定臟滄懷五州諸軍事、太師、太尉、懷州刺 大罪,卿令我殺之。」因此 其後子如以馬度關, 発官。 爲有 子如性滑稽,不治檢裁,言戲穢褻, 司 久 之, 所奏。 世宗崩,暹等赴晉陽。 **獪以先帝之舊,拜太尉。** 顯祖引子如 然素無 數讓 鯁正,不 子如乃 芝田; 史,贈

史,鎭武牢。 一
響
訴
之
,
懼
罪
,
遂
招 子 消 難 嗣。 消難博涉史傳,有風 尚高 祖 延隣敵 女, 以主婿、貴公子,頻歷中書、黃門郎,光祿 走關 河神, 四 然 不 能 廉潔, 在州爲御史所刻。 少卿。 又於公主情好 出為北豫州 不睦 刺

子如兄篡,先卒,子如貴,贈岳州刺史。 纂長子世雲,輕險無行,累遷衞將軍、潁州刺

史。 JII 內懷驚懼,侯景反,遂舉州從之。 ,世雲臨 世雲本無勳業,直以子如故,頻歷州郡。 城遙對諸將,言甚不遜。 時世雲母弟 世宗猶以子如恩舊,冤其諸弟死罪,徙於北邊。 在 **恃叔之勢,所在聚斂,仍肆姦穢。** 鄴 ,便傾 心附景,無 復顧望。 諸 將圍 將見推治, 景 侯景於 於 潁

門郎。 末、光祿大夫。 渦陽敗後,世雲復有異志,爲景所殺 注揚雄蜀都賦。 夙素重之。 世 子如 一雲弟膺之,字仲慶。 以其疏簡傲物,竟天保世,淪滯不齒。 別封須昌縣公,迴授膺之。 息泄利,積年不起,至武平中,猶不堪朝謁,就家拜儀同三司。 每云:「我欲與揚子雲周旋。」齊亡歲,以利疾終,時年七十 少好學,美風儀。天平中,子如貴盛,膺之自尚書郎歷中書、黃 膺之家富於財,厚自封殖。 乾明中,王晞白肅宗,除衞 王元景、 尉 邢子才之流 好讀太玄經 少卿。 河清

卒,贈瀛州刺史,諡曰文節。 卿,以平直稱。 膺之弟子瑞,天保中為定州長史,遷吏部郎中。 乾明初,領御史中丞,正色舉察,爲朝廷所許。 舉淸勤平約。 以疾去職,就拜 遷司徒左長史, 嗣部尚書 兼廷尉

及令萱得 迴 子瑞弟幼之,清貞有素行,少歷顯位。 太府卿。 寵於後主,重贈子瑞懷州 同憲,通直 常 侍。 然同遊終爲嘉吏,隋開皇中尚書民部侍郎,卒於遂州 刺史,諸子亦並居顯 隋開皇中, 卒於眉州刺史。 職 同 遊,武平末給事 子瑞妻, 黄門 令置之妹, 侍郎

列傅

第十

司馬子如

校

勘

記

刺史。

輔。 其名器,未失朝序。一日如徒以少相親重,情深昵狎,義非草昧,恩結寵私,勳德莫聞,坐致台 焉。孫騰奉裾之誠,有足稱美。隆之勞其志力,經始鄴京,又並是潛德僚案,早申任遇,崇 下,不亦異於是乎!賴世宗入輔,責以驕縱,厚遇崔暹,奮其霜簡,不然則君子屬厭,豈易問 孫騰等俱不能清貞守道,以治亂爲懷,厚斂貨財,塡彼溪壑。昔蕭何之鎭關中,荀彧之居許 猶子之愛,訓以義方,膺之風素可重,幼之清簡自立,有足稱也。 史臣曰: 高祖以晉陽戎馬之地,霸圖攸屬,治兵訓旅,遙制朝權,京臺機務,情寄深遠。

贊曰:閎、散胥附,蕭、曹扶翼。 齊運勃興,孫、高陳力。 鹽貨無厭,多慚衮職。 司馬滑

校勘記

稽,巧言令色。

有撫宜鎭軍人謀逆 按「撫宜鎭」不見他處,疑爲撫冥鎭之訛

觸塗乖謬 三朝本「觸塗」作「解塗」,他本作「漸至」,册府卷三四五四〇八五頁作「觸塗」。按「觸塗

乖 ·謬」猶言隨處不能協調。三朝本「觸」訛「解」,後人以不可通臆改爲「漸至」,今從删府改。

- 5 == 深見信待 諸本「信待」倒作「待信」,今從北史卷五四孫騰傳、册府卷三四五四〇八五頁乙正。
- 껃 濺。 餚藏銀器盜爲家物 按北齊光祿寺有「餚藏器」,見隨書卷二七百官志中,今從三朝本 南、 北、 殿、局四本「舒藏」作「府藏」, 三朝本、汲本及北史卷五四作「餚
- IE U 入爲尚書右僕射 諸本「尚書」下衍「令」字、今據, 股府卷一九六二三五八頁删。
- 之供、删府卷一九六朱本作「營構大將」。 按當時主持大建築的官僚稱「大將」。 又領營構大將 又魏音卷一二孝靜紀興和二年見「營構主將」, 卷四五章閬附姜儉傳見「營構都將」。「大將」或 附子關傳、 漢魏南北朝墓誌集釋元乂墓誌 圖版七八之二記元叉曾充當建築明堂的 三朝本、北本、殿本「將」下有「軍」字,南本、局本有「作」字。 魏書卷六七准光 北史卷五四高隆 「明堂大將」。
- てより 按上交說「鑿渠引漳水周流城郭」, 一些較早的本子當同册府、「治水」二字誤倒、後人以不可通删「水」字、今補正。 造治水碾磑 諸本無「水」字,北史卷五四無「治」字,册府卷一九六二三五八頁 可知造治的必是水碾磑。 北史避唐高宗諱刪「治」字。 作「造水治碾磑」。

「主將」「都將」是主持「營構」的大官。「軍」或「作」皆衍文,今據北史及册府删。

隆之曾與元昶宴飲 死於天平二年五二五,下距天保五年五五四高隆之死時已十九年。 通鑑卷一六五五二六頁「昶」作「旭」。 按元昶見魏書卷二一 元旭見魏書卷一九城陽王長 减陽王禧傳,

列

籌傳, 其人齊初尙存。 本書卷四文宣紀天保五年八月乙亥稱元旭「以罪賜死」,隔四天己卯,

高隆之亦死。 通鑑以爲賜死的元旭便是和 高隆之宴飲的人、疑是。

ハ ル し 晉亂出奔涼州 諸本「涼」作「梁」。 按下云「魏平姑臧,徙居於雲中」, 姑臧是涼州治所、「梁」乃

「涼」之訛、今改正。

C C C C 假以中軍 軍將軍的簡稱,「中堅將軍」不能省作「中軍」。 漢魏南北朝墓誌集釋司馬 遵業 卽子如 李百藥北齊書乃承其父德林舊稿, 疑德林避隋

**諱以「中堅」爲「中軍」、百欒因而未改。** 

# 北齊書卷十九

### 列傳第十一

賀拔允 蔡儁 韓賢 尉長命 王懷 劉貴 任 延敬

莫多婁貸文 高市貴 厙 狄迴洛 **厙狄盛** 薛孤

延

張保洛

侯莫陳相

燕郡 樂。 祖 夫,封壽陽縣侯,邑七百戶。 與弟岳殺賊帥衛可肱,仍奔魏。 以其北 **允父子兄弟並以武藝知名,際素聞之。見允,待之甚厚。** 公, 兼侍中。 賀拔允,字可泥,[1]神武尖山人也。祖爾頭,父度拔,俱見魏史。 允便弓馬,頗有膽略, 士之望,尤親禮之。 使茹茹,還至晉陽,值高祖將出山東,允素知高祖非常人,早自結託。 永安中,除征北將軍、蔚州刺史,進爵爲公。魏長廣王立,改封 遂與|允出信都,參定大策。 廣陽王元深上允爲積射將軍,持節防盜口。 魏中興初,轉司徒,領尚書令。 建義初、除征東將軍、光祿大 深敗,歸余朱 高

列傳

第十

賀拔

允

蔡

怹

二四五

旭 入洛 近野 爲王,轉太尉, 加侍 中。

帝 叉 委品 魏 武 弟勝 帝之猜忌高祖也,以允弟岳深相委託,潛使來往。 心腹之寄。三 高祖 重其舊,久全護之。 天平元年乃賜死, 當時咸盧允爲變。 時年四十八,高祖 及岳死,武

親 臨哭。 贈定 州刺史、五州軍 事

允有三子,長子世文,次世樂,次難陀。 興和末, 高祖並召與諸子同學。 武定中,勑居

定州 ,賜其田宅。

蔡儁,字景彦,廣寧石門人也。父普,北方擾亂,奔走五原,守戰有功。 拜寧朔將軍,封

安上縣男,邑二百戶。 尋卒,贈輔國將軍、燕州 刺 史。

魏 犪 儁 朔 豪 鎭 (將,管 爽 (有膽氣, 高祖微時, 深相親附。 見高祖,甚異之,謂高 祖云:「君有 與遼西段長、太原廳蒼鷹俱有先知之鑒。 康 世之才,終不 ·徒然也,請以子孫爲託。」 長爲

興 旅 和 后居 中 於 州 啓贈司 城。 空公。 高 祖客其舍, 子寧,相府從事中郎,天保 初 居 處於 媧 牛廬中,蒼鷹母數見廬上赤氣屬天。 初,兼南中郎 此遂蒙親識。 將。 蒼鷹交遊豪俠,厚待賓 之牧晉州 蒼鷹 引 寫 兼 亦 知 高 中

從

事史,行義寧郡事。

及義旗建,蒼鷹乃棄家

問行歸高祖,高祖以爲兼行臺倉部郎

中。

75

高祖

旭

有霸

王之量

一,每

私

加

敬,割

其宅半以奉高祖,由

於安州 刺史。

施與。 際,仍背葛榮歸分朱榮。 昌中,出爲濟州刺史,爲治嚴暴,又多受納,然亦明解 元顏 ,三封烏洛縣男。 僑 後胡遷等據兗州作逆,儁與齊州刺史尉景討平之。 初為杜洛周所虜, 隨高祖舉義,爲都督。 榮入洛,爲平遠將軍 時高祖亦在洛周 軍中,高祖謀誅洛周,儋預其計。 帳 高祖 內別 平鄴,及破四胡於韓陵,偽並 有部 將。 分,吏民畏服之。 從破葛榮,除諫議 性好賓客,頗 大夫。 事泄, 有 戰功。 走 又從 奔葛 平 太

防守嚴備,顯智憚之,至 由是轉行 魏 武 完州事。 帝貳於高 高 祖,以濟州要重,欲令腹心據之。 旭 東郡,不敢 以儁非罪,啓復其任。 前 武帝不許, 陰詔御史構儁罪狀,欲以汝陽王代儁 除賈顯智爲刺史, 率衆赴州。 儁

深反,復以儁爲大 建初,配享高祖 |天平中,爲都督,隨領軍婁昭攻樊子鵠於兗州,又與行臺元子思討元慶和,俱平之。 贈持節、侍 廟 中、都督、冀州刺史、尚書令、司空公,諡曰威武。 都督,率衆討之,深敗走。 庭。 又轉揚州 刺 史。 天平三年秋, 齊受禪,詔祭告其墓。皇 卒於州, 時年 四 侯

列 傅 字普賢,廣寧石 第 + 韓 贀 阿人· 尉 也。壯健有武用。 抸 命 初隨萬榮作逆,榮破,隨例至幷州, 四四

等攻建州及石城,賢並有戰功。 擢 充左右 。際妻子北走,世隆等立魏長廣王曄爲主,除賢鎭遠將軍、屯騎校尉。 。佘朱度律用爲帳內都督,封汾陽縣伯,邑四百戶 先是,世隆

中軍將軍、光祿大夫、出爲建州刺史。武帝西入,轉行荆州事。 使人通誠於高祖。高祖入洛,分朱官爵例皆削除,以賢遠送誠欵,令其復舊。太昌初,累遷 徵之。賢不願應召,乃密遣羣蠻,多舉烽火,有如寇難將至。使者遂爲啓,得停。 <u></u>普泰初,除前將軍、廣州刺史。屬高祖起義,度律以賢素爲高祖所知,恐其有變,遣使 賢仍潛遣

傳在此寺,形制淳朴,世以爲古物,歷代藏寶。賢無故斫破之,未幾而死,論者或謂賢因此 所歷雖無善政,不爲吏民所苦。昔漢明帝時,西域以白馬負佛經送洛,因立白馬寺,其經函 賊窘迫,藏於死屍之間,見賢將至,忽起斫之,斷其脛而卒。賢雖武將,性和直,不甚貪暴, 、禍。贈侍中、持節、定<u>營</u>安平四州軍事、大將軍、尙書令、司空公、定州刺史。子裔嗣。 |天平初,爲洛州刺史。民韓木蘭等率土民作逆,賢擊破之,親自按檢,欲收甲仗。有一

子鵠據兗州反,除東南道大都督,與諸軍討平之。轉鎭范陽城,就拜幽州刺史,督安、平二 [四 寄居太原。及高祖將建大義,長命參計策,從高祖破四胡於韓陵,拜安南將軍。樊 尉 長命,太安狄那人也。父顯,魏鎭遠將軍、代郡太守。長命性和厚,有器識。扶陽之

復 州 徴 事 0 拜 車 州 騎 居 大 北 將 垂,土荒民 軍 都督 散、長 西 燕 咝 命雖多聚斂, 滄 瀛 四 州諸 軍 然 事 以 幽 恩 撫民, *J*-[1-] 刺 史。 少 得安集。 卒於 刑 葬 贈 以 以 疾 本 去 職 加 司 未

諡

日

武

壯

晉州 其 因 妻 戦 爲 民 子 子 霢 流 李 興 敬 如 矢 小 興 所 興 便 敬 羣 中 弓 存焉 聚 馬,有 卒。 爲 賊 贈 武 興 涇 藝, 敬 岐 林 隨 高 嗣。 翻 司 祖 空 引 州 韓 爲 軍 軌 帳 事 討 內 平之, 都 督。 公, 進 出 爵 諡 爲 爲 日 常山 侯。 閔 莊 公府參軍 高 旭 高 攻 祖 周文帝於 哀 事, 惜 賜 之, 爵 親 邙 集 臨 111 中 弔 · 縣伯 興敬 ,

组织 州 王 懷 ||懷 字 知 懷 其 無 周 不不 成 陰 知 何 結 許 所 親 人 也。 以 中 少 興 好 初 弓 叛 馬 樓 頗 歸 有 魏 氣尙 拜 征 値 虜 北 將 邊喪 軍 亂 第 早從 領 民 戎 酋 旅 長 武 韓 樓反 周 縣

候

至

於

侯 兆 於 廣 仍 高 從 उम 旭 入 東 破 |洛 İH 之,除安北 懷 拜 率 車 · 其部 騎 將 將 軍 人三千 軍 • 改 蔚 封 餘家,隨 孙 盧 刺 鄕 史。 縣 侯 高 叉 祖 随 於 高 冀 旭 州 攻鄴 義 旗 克之, 建 高 從 祖 破 以 四胡 爲 大 於 都 韓 督 陵 從 剂 進 爵 介朱

平 列 傅 中 第 , 除 + 使 持 節 王 廣 懷 州 쥚 重 費 事 梁遣 將 湛 僧 珍 楊 陳 來寇,懷 與行 臺 元晏擊 項 城,

與諸 擒 誠 顺 爲 將 云 高 西 加 討 叉 從 ,遇疾卒於 所知,志力未申,論者惜其不遂。 高 祖 襲克西夏州。 建州 贈 定幽 還, 恒肆四 爲 大都督, 州諸 皇建 鎭 軍 初 事 下館,除儀同三司 配饗高 刺 史、司 祖 廟 徒 公、尚 庭。 ŏ 書僕 元象 初 射 ,爲大都督, 懷 以武

汾州 孝莊 孤 初 凉 性 兵 、除陝 444 如 猛 顧 急 行 軍 事 刺 劉 臺 貴, 於 史。 贵 州 洛 元 建義 高 尤嚴峻,每見任 秀容陽 刺 建明初 顯 陽 祖 史。 恭 初 起 義 於 曲 以預定策勳,封 匹 \*\*; |貴 正平。 ,余朱世隆專擅,以貴爲 年,除御 人也。 棄城歸高 貴 使,多愜榮 父乾, 史中尉、肆州 破顯恭,擒之,並 祖 敷城 一魏世 於鄴 心,遂被信 縣伯 贈前 大中 太昌 將軍 一、邑五 征 大都 南 Ė 初,以本官除肆 上、肆州 將 遇, 白 督 軍 戶。 其年, 位 ·、金紫光祿 裴儁等,復除晉州 刺史。 望日 除左 加 重 行 將 貴 臺僕射, 州 加撫 兼 剛 軍 刺 、太中 格有氣斷,歷介朱榮府 史, 左僕射、西 軍將 與侯景、 刺 轉行 大夫, 史。 軍 建 普泰 永安 尋 道 高昂等 州 進 行 事  $\equiv$ 爲 初 臺,使抗 一年,除 轉 公。 討 天 平

舊,特見親重 濟 務 資 有 凡 益 所 機 經 速。 歷,莫不 興和元年十一月卒。 性峭 肆 其 直 威 攻 許 酷。 無 修營 所 贈冀定幷殷瀛五州軍事、太保、太尉公、錄尚 迴 避, 城 郭 故 了,督責 見賞 切峻,非 於 時。 雖 理 非 殺害,視 佐 命 元 下 功, 如 草芥。 然 與高 然 書事、冀 祖 以 布 嚴 衣 之 斷

州 州 刺 中 史,諡 正 一,早卒。 日 [忠武。 贈肆 州 齊受禪,詔祭告其墓。 刺 史。 次子洪徽 嗣 皇建 武平 **违** 中, 末,假儀同三 配 享高祖 廟庭。 司 奏門下 長子元孫, 事 員 介郎

器度。 任 延敬,廣寧人也。 初從萬榮為賊,榮署爲王,甚 伯父桃,太和 見委任 初爲雲中軍 樂敗 延敬 將,延敬隨之, 擁 所部 · 先降, 因家焉。 拜鎭 遠 延敬 將 軍 小 和 廣 厚, 鄭太 有

守,賜

舒西

河縣公

因

率

土

高

祖

司。 延敬位 後隨 民據之,以待 高 望 祖 一旣重, 建 義, 能 中興 以 寬 初, 和 累遷光祿 接物,人士稱之。 大夫。 太昌 及斛斯椿釁發, 初, 累轉尙書左僕射, 延敬棄家 北走,至河 進位 開 府儀 北 同三

陽 有受納,然爲 邊,延敬 司,率都督元 人盧仲延 魏 武 破梁仁州 帝 率河 入關,荆蠻 整、 政不 北流 叱列陀等討之。 殘,禮敬 刺史黃道始於北濟陰, 人反於陽夏,[H] 西兗州民 不順,以延敬爲持節南 人士,不爲民所疾苦。 尋爲行臺僕射 又破梁儁於單父, 道大都督,討平之。 田龍聚衆應之, 除徐州刺 俘斬 史。 時梁遣 以延敬 萬 天平初,復 人。 又拜侍. 爲 元 大 慶 都 拜 和 1 督、 侍 及 人其諸 中。 在 東 州大 將寇 時 道 范 軍

潁 州長 列 傅 史賀若徽 第 + 執 任 延 刺 史田 敬 迅據城降西魏,公復令延敬率豫州刺 莫 多 婁 貸 文 史堯雄等討之。 三五 西魏

卷 + 九 五二

潁川 遺 其 將怡 ,拔之。 鋒 率衆 元象元年秋,卒於鄴,時年四十五 來援,延敬等與戰失利,收還北 豫,仍與行臺侯景、 贈 使持節、太保、太尉公、錄尚書 司徒高昂 等 相 會, 共攻

翼定瀛幽安 五州諸軍事、冀州刺史。 子青嗣

冑 圖 | 胄 謂青曰:「我推誠於物,謂卿必無此理。且黑獺降人,首尾相繼,卿之虚實,於後何患不知。」 不勤防守,高祖責之。 和末、高祖攻玉壁還,以晉州西南重要、留淸河公岳爲行臺鎭守,以冑隷之。 豪華,賓客往 殺逆。 及子弟並誅。 內不自安。 **青輕俠,頗敏惠。** 武定三年正月十五日,因高祖夜戲,謀將竊發。 來,將迎至厚。 是時,儀同亦朱文暢及參軍房子遠、鄭仲禮等並險薄無賴,胄厚與交結,乃陰 **胄懼,遂潛遣使送欵於周。爲人糾列,窮治未得其實,** 少在高祖左右,天平中,擢爲東郡太守。 尋以贓汚爲有司所劾,高祖拾之。 有人告之,令捕窮治,事皆得實。 及解郡,高祖 家本豐財, 又多聚斂, 以爲都督 高祖 胃飲酒遊 特免之, 極

破 中 四胡於韓陵,進爵爲侯。 郎 將、虞候 莫 多婁貸文,太安狄那人也。 大都督。 從擊介朱兆 從平介朱兆於赤谼嶺。 於廣阿,有功, 驍果有膽氣。 從高 加 前 兆窮迫自經,貸文獲其屍。 將軍,封石城縣子,邑三百 祖舉義。 中興初,除伏波將 遷左廂 戶。 軍、武賁 大都 叉 從

列傳第十一 莫多婁貸文 高市費 犀狄迥洛

相 督 五州大都督。 爲先鋒,每有戰功。 會,同 **斛斯椿等釁起,魏武帝遣賈顯智據守石濟。** 趣石濟、擊走顯智。 後與太保尉景攻東雍、南汾二州,克之。 還,賚奴婢三十人、牛馬各五十匹、布一千疋,仍爲汾、陝、東雍、晉、泰 天平中,除晉州刺史。 高祖令貸文率精銳三萬,與竇泰等於定州 汾州胡賊為寇竊, 高祖 親討焉, 以貸文

軍 文性勇而專,不肯受命,以輕騎一千軍前斥候,西過瀍澗,(10]遇周軍,戰沒。 州 出 軍事、幷州刺史、尚書右僕射、司徒公。 函谷,景與高昂議整旅厲卒, 53以待其至。 元象初,除車騎大將軍、儀同、南道大都督,與行臺侯景攻獨孤 貸文請率所部、擊其前鋒、景等固不許。貸 如願於金墉城。 贈幷肆恒雲朔 周文帝

門外,責共不留晉陽也。日日 爲光所重。 文武羣官皆投周軍、江江唯敬顯走還鄴。 察盜賊,京師肅然。 **置營壘,夜中巡察,或達旦不睡。** 子敬顯,强直勤幹,少以武力見知。 位至領軍將軍,恒檢校虞候事。 七年,從後主平陽,敗歸幷州,與唐邕等推立安德王稱尊號。 臨敵置陳,亦令敬顯部分將士,造次之間,行伍整肅。 恒從斛律光征討,數有戰功。 授司徒。 武平中,車駕幸晉陽,每令敬顯督留臺兵馬,糾 周武帝平鄴城之明日, 光每命敬顯前驅,安 執敬顯斬於問園 安德敗

ति 衞 討 加 貴 將 破 崙 爲 重 高 之, 市 前 光 鋒 戰 市貴 禄 都督 破之。 善 大 亦 夫 無 一秀容 從 人 榮平,除 也。 累遷 行 有 大都督、第 功 少 撫 分除 使持 有 軍 將 武 驃 節 用 亚 騎 Ô 汾州 大將 諫 孝昌 領民 議 軍 刺 大夫 一角長, 初 史, 儀 恒恒 尋 同 州 賜 及 為晉 內部勅勸劉崙等聚衆反 爵 介 司 朱 上 州 ; 封 洛 祭 刺 常 縣伯 Ý 史。 Щ 一魏莊 郡公, 紇 帝, **介朱榮擊葛榮於** 豆 邑一 陵 市 步 貴 千 藩 預 市貴為都督, 之侵 Ŧi. (翼戴 百戶 氰 之勳 滏 并 州 以 遷

史, 不之州 高 祖 起 義 天平 市 初 貴 預 復除晉州 其謀。 及 刺 樊子 史。 鵠 高 據 祖 州 尋以 反, 洪 隨 峒 大都 要 險 督 婁昭 遣 市 討之。 貴 鎭 之。 子 鵠 平, 除 四 完州 刺

業。 帝 奔 柴 於 東 邙 雍 後 壁 高 秀容 祖 Щ 五. 市 州 沙 貴 軍 人五 苑 重 破 除 失利,晉州 事 斬之。 、太尉 晉州 千 戶 叛 刺 是 公 應 史、 時, 行 Щ 西 事 胡 東 道 封 刺 復 雍 軍 祖 史。 南 司 以 業 汾 市 棄 子 率 貴 城 [5可 衆 州 而 爲 那 擊 還, 行 境 肱 懐州 臺 多 貴 州 羣 寵,封 統 民 逆 賊 柴覽 賊 諸 聚 潘 軍 成 集 聚 爲 討 皐 衆作 盜 平 王 之。 因冒口、 未 至, 逆。 勑 元象 令其第二子 遇 高 市 疾 中, 貴 祖 道 平覽 命 卒。 從 तंत 高 貴 孔 贈 皆散 旭 討 雀 并 破 魔 承襲 汾懷 周 歸 覽 文 復

賜 館 册 庫 極 狄 伯 迥 洛 從破葛榮 代 人 也。 轉都 小 有 督。 武 力, |榮死 儀 貌 魁 隸 偉。 介朱兆 初 事 小 朱 榮 高祖 舉 爲 兵信都 統 軍, 預 迴洛 立 莊 擁 帝, 衆 歸 轉 義 爲 別 從 破

寧初,轉朔州刺史,食博陵郡幹。 邑通前七百戶。 四胡於韓陵,以軍功補都督,加後將軍、太中大夫,封順陽縣子、邑 事、大將軍、太尉公,定州刺史,贈物一千段。 征山胡,先鋒斬級,除朔州刺 世宗嗣事、從平 史。 題川 轉太子太師,遇疾卒。 破周文於河陽,轉授夏州 ò 天保初,除建州刺史。 贈使持節、都督定瀛恒朔雲五 刺史。 肅宗卽位,封 四 邙山之役, 百戶。 遷右 順陽 力戰 炻 郡 有 都督 王 功, 二州軍 。從 增 大

瀛趙 平之馬邑縣各數十戶,合二百戶爲其食邑。口巴未幾,例罷,拜特進,卒。 封華陽縣公。 爲公,世宗滅封二百戶,以增其邑。 以 功封行唐縣伯,復累加安北將軍,幽 幽安五州諸軍事、太尉公、朔州刺史。 **犀狄盛,懷朔人也。** 又除北朔州刺史,以華陽封邑在遠,隨例割幷州之石艾縣、肆州之平寇縣 性和柔,少有武用。 除征西大將軍、開府儀同三司、朔州刺史。 州刺史,加中軍將軍,爲豫州 初為高祖親信都督,除伏波將軍, 鎭城都督。 贈使持節、都督朔 以勳舊進爵 齊受禪 每從征討。 改

樓尉 帥乙弗醜所覺, 薛孤延,代人也。 列 傳 绑 + 力戰破醜,逐相率歸。 厙 少驍果,有武力。 狄 盛 猫 孤 延 韓樓之反,延隨衆屬焉。 行臺劉貴表爲都督, 加征虜將軍,賜爵永固縣 後與王懷等密計討樓,爲

從破 **延殿後,且戰且行,一日斫折刀十五** 顯州刺史,累加車騎將軍。 後隸 四胡於韓陵,加金紫光祿大夫。從追今朱兆於赤谼嶺,除第一 高 祖 爲都督,仍從起義。 天平四年,從高祖西伐。 破余朱兆於廣阿,因從平鄴,以功進爵爲公, 口。 還,轉梁州刺史。 至滿津,竇泰於河南失利,高祖 從征玉壁,又轉恒州刺史。 孝靜 轉大都督。 立,拜 班師

周文帝於邙山,進鹤爲縣公,邑一千戶。

按稍 高祖歎曰:「薛孤延乃能與霹靂鬭。」其勇決如 直前,未至三十步,雷火燒面,延唱殺,繞浮圖走, 高祖嘗閱馬於北牧,道逢暴雨,大雷震地。 此。 前有浮圖一所, 火逐滅。 延還, 眉鬢及馬鬃尾俱燋 高祖令延視之。 延乃馳馬

彭、劉 宗啓魏帝,坐延於階下以辱之。後兼領軍將軍,出爲滄州刺史,別封溫縣男,邑三百戶。 諸軍將討潁州。 受禪,別賜 三司、食洛陽郡幹、尋改食河間郡幹。 又頻從高祖討破山胡,西攻玉壁。入爲左衞將軍,改封平秦郡公。 、韓、潘同列。 延專監造土山,以酒醉爲敵所襲據。 天保二年,爲太子太保,轉太子太傅。八年,除肆州刺史,加開府儀同 而以勇決善戰,每大軍 潁州平,諸將還京師,讌於華林園 征討,常為前鋒,故與 爲左廂大都督, 齊 颠

健, 善弓馬。 張保洛 一, 代 魏孝昌中,北鎭 人也,自云本出南陽西鄂。 擾 亂, 保洛亦隨 家世好賓客,尙氣 衆 南 下。 葛榮僭逆, 俠,頗爲北土所知。 以保洛為領左 右。 保浴 **|** 樂敗, 少率

仍為介朱榮統軍 ,累遷揚烈將軍、奉車都尉。 後隸 高 祖 爲都督,從討 步蕃

祖 圍 鄴 及. 高祖 城, 旣拔, 起義 保洛為帳 除平南將軍、光祿 內,從破介朱兆於廣 大夫。從破尒朱兆等於韓陵因 阿。 尋遷右 將軍 、中散大夫, 隨高祖 入洛 仍以 帳 加 安 內從 東將 高

軍。 後高 魏 出 帝 祖 啓滅 不協於高祖, 國邑,分授將士。 令儀同 賈顯智率豫州刺史斛斯壽東趣濟州。 保洛隨例封昌平縣薄家城鄉男 百 戶 高祖遣大都督竇泰

濟自滑 臺 | 拒顯智、保洛隸泰前驅。 事定,轉都督

西夏州 從 高 刺史、當州大都督,又以前後功,封安武縣伯,邑四百戶。 祖襲夏州,剋之。 万俟受洛干之降也,高祖遣保洛與諸將於路接援。 轉行蔚州刺史。 元象. 從高祖 初 攻 除

周文帝 於邙山,圍玉壁,攻龍門。 還,留鎭晉州

世宗仍令保洛鎭楊志塢,使與陽州為掎角之勢。日吾潁川平, 世宗卽位,以保洛爲左廂大都督。 後出晉州, 加征西將軍。 尋除梁州刺 王思政之援潁州, 史

顯旭 受禪,仍爲刺史,所在聚斂爲務,民夷怨之。 濟南 初,出爲滄州 刺史,封敷城 郡王。

州聚斂,觅官,削奪王爵。 列 傳 郭 + 張 保 洛 及卒,贈以前官,追復本封。 子學言嗣 武平末,衛將軍

二五

以 帳 內 從 高 刑 出 山東,有麴珍、段琛 、牒舍樂、尉摽、乞伏貴和及弟令和 、王康德, 並以

軍 功至大官

定末,封富平縣伯。 麴珍字舍洛、西平酒泉人也。 天保初,食黎陽郡幹,除晉州刺 壯勇善騎射。 以帳內從高祖晉州,仍起義,所在征討。武 史。 武平初,遷豫州道行 臺 、尚書令、豫

州 刺史,卒,贈太尉 段琛字懷寶,代人也。 少有武用。 從高祖起義信都。 天保中,光州

刺

牒舍樂,武成開府儀同三司、CIKJ營州刺史,封漢中郡公。 戦歿關 中

史。 州,及到鄴,每立計將殺高阿那肱,廢後主,立廣寧王,事竟不果。 引軍入,鎖相貴送長安。 爲行臺左丞侯子欽等密啓周武請師,欽等爲內 尉摽,代人也。 大寧初,封海昌王。 尋卒。 弟相願, 子相貴嗣, 强幹有 膽略。 應。 武平末, 武平末,領軍大將軍。 周武 晉州道行臺尚書僕射、晉州刺 自率衆至城下,欽等夜 及廣寧被出,相願拔 自平陽 開 佩 至并 城 門

所柱而數曰:「大事去矣,知復何言!」

將軍 韓建業、武衞大將軍封輔相相繼投周軍。 貴和及冷和兄弟,武平末,並開府儀同三司。 令和授柱國, 封西河郡公。 令和,領軍 一將軍 幷州未敗前, 隋大業初, 與領 卒於 軍

秦州 總管。

郡公。 建業、輔相 周 武 平幷州 ,俱不知所從來。 刨 以爲朔州總管。 建業授上柱國 康德 一,封 代人也。 郇 國 公,隋開皇中卒。 歷數州刺史、 輔相 柱 封新蔡 國 封

郡王。

僕 州 太宰、太尉公、朔州 四 公,自己進爵爲白 刺 月 卿 史。 一薨於州, 侯莫 尋除 頃之, 隆化 蔚州刺史,江北仍為大行臺,節度西道諸軍事。 陳相,代人也。 ,年八十三。 出爲汾州刺史。 時,幷州失守,晉貴遣使降周,授上大將軍,封信安縣公。 水王,邑一千一百戶。累授太傅, 刺史。 祖伏頹,魏第一領民酋長。父斛古提,朔州刺史、白水郡公。 贈假黃鉞、使持節、督冀定瀛滄濟趙幽片朔 有二子。 別封安次縣男, 長子貴樂,尙公主,駙 又別封始平縣公。 進食建州幹,別封義寧郡公。 又遷車騎將軍,顯 馬都尉。 天保初,除太師, 次子晉貴,武衞將軍、梁 恒十州軍事、右丞 州 刺史。 武平二年 轉司 入除太 相

拔允 以昆 史 臣 列 傳 季 日 一高祖 第 那 離 + 世居雲代,以英雄見知。 處 猗 侯 嫌之地, 萸 陳 相 初 以 校 舊 勘 望矜 記 護 後遇介朱,武功漸 而 :竟不獲· **一令終,比於吳、蜀之安瑾** 振, 鄉邑故· 人,彌相 推重。 、虎,方知

器識之淺深也。 劉貴 ()蔡儁有先見之明,霸業始基,義深匡贊,配饗淸廟,豈徒然哉。

等及聞義舉,競趣戎行,憑附末光,申其志力,化爲公侯,固其宜矣。

贊曰:帝鄉之親,世有其人。 降靈雲朔,載挺良臣。 功名之地,望古爲隣。

#### 校勘記

字可泥 按周書卷一四賀拔勝傅末云:「兄允,字阿泥」,本書卷一 神武紀上 補 說高歡稱允為

阿鞠泥。 則「阿泥」是「阿鞠泥」的簡稱,疑此傳「可」字爲「阿」之訛

武帝又委岳弟勝心腹之寄 北史卷四 九賀拔允傳「弟」作「兄」。 按魏書卷八〇、 周書卷一 四}

<u>拨勝傳都說勝是</u>居兄,此傳作「弟」誤。

= 又從平元顥 諸本 「顏」作「顯」。 按元顯事見魏書卷十孝莊紀、卷二十一本傳,今據北史卷五

三蒸傷傳改。

24 扶陽之亂 按「扶陽」無考、疑是「拔陵」之訛、指破落韓拔陵領導的 北鎭 儿

Œ 武 周 縣 侯 張森階云:「據下文進爵爲侯,則此不得已是侯也。 疑『侯』字

ベ 天平中 除 使持節廣 州 軍 事梁遣 將湛 僧珍楊陳 來寇懷 與行 臺 元晏擊 項 城 拔 之 擒 媡 誻 本「元

晏」作「元景」了「項城」作「須城」。 魏書卷九八蕭衍傳,「天平二年五三五正月,衍將湛僧珍寇南克

州、州軍 射、東 }傳 衍 搫 十二月云,「 「元景」作「元 敗 所 以 梁 載 爲 南 軍 是 北 擊破之。 道 道 的 行 總督、 回 地 蕭衍 臺 晏」,「須 點 事 元晏 是 以元慶 魏 行臺元晏又破湛僧珍等於頂城,虜其刺史楊瞟」, 項 湛 計 王, 城 僧 城」作「項 元慶 珍 ,「景」和「須」字都是訛 至 和 等當 爲鎭 項城,朝 和 是護送元慶 城」,「楊 破走之」,魏書卷一 北 將 廷出 軍、 郇 暕」作「楊瞟」。 魏王, 討之,望 和 的梁 文, 入據平 將。 九元慶和 風 今改正。 退走」。凡上引 瀬郷」,二年正月乙亥又云,「兼尚 按魏書卷一二孝靜紀天平元 據 上 傳附汝陰王天賜傳、 引 唯「楊暕」 這次 紀載和蕭衍傳合,也 和此傳所述顯 東魏 和「楊] 方面 北史卷一七同稱了蘇 嘌」不知 的 然是一 主將是元晏, 年 孰 Ħ. 書右 卽 事,唯 三四四 和 僕 مالما

M <del>-</del>ሁ 時范陽 同 音 月 字,但 稱 陽夏 人盧 地 仲 太守 志 延 陽夏從沒 率 盧公纂 河 北 流 有 據 人反於陽 郡 作「楊」的,今據 南叛, 夏 大都督 諸本「陽」作「楊 改 元整 破 之, 與 \_\_\_ (此傳所 按魏書卷一 載爲 事。 孝靜紀天平三 當時地 名 雖 年五三六 多 用

ر ا 州 潁 有 州 、賀若敦傳、 長 長 史, 史賀若徽 郡 不 魏書卷 得 執 有 刺 長 史 史也。」按 一二孝靜紀天 田 迅據 城 賀若徽 降 四 平 魏 四四 即賀若敦 年五三七 諸本「州」作「川」。 之父統, 十月條 微訛 其 事 微, 張森楷 歷 都 見本 作二 云 潁州 書卷二 「『川」字是『州」之談, 長史」。 〇堯雄傳, 張說 是,今據 周書卷

۳ 九 景 與 副 議 整 旅 厲 卒 誻 本脱、景」字,今據北史卷五三莫多婁貸文傳、 册府卷四 四七 五三〇八

列

傳

第

+

椗

勘

記

各

史紀傳

改。

頁補。

紀大統四年五三八記此事稱進軍「瀍東」。 西過鴻澗遇周軍戰沒 諸本「灋」作「源」。 瀍澗是當時常見地名,魏書卷一一出帝紀太昌元年九 册府卷四四七五三〇八頁作「瀍」。按周書卷二文帝

月乙旦稱「南過洛汭、遂至瀍澗」。「源」乃「瀍」之訛,今據册府改。

文武羣官皆投周軍 諸本「武」訛作「帝」,不可通,今據册府卷三七二四四三一頁改。

責其不留晉陽也 諸本「晉」作「平」,北史卷五三作「晉」。按上文說他敗歸幷州,後又走還鄴。

照書卷六武帝紀下建德六年正月記周武帝責他三罪,第一條就是「從<u></u>并走鄴, 攜妾棄母」。

治晉陽,北史是,今據改。

是時東雍南汾二州境多羣賊聚爲盜 册府卷三五四四二〇四頁無「賊」字。 按文義疑「賊」字行。

隨例割幷州之石艾縣肆州之平寇縣原平之馬邑縣各數十戶合二百戶爲其食邑 作「原州」,三朝本作「原平」。 按原州地屬北周,北齊豈能割其領戶以封人,且馬邑與原州也相 諸本「原平」

去絕遠。 作「原州」顯誤。原平是縣名,屬肆州雁門郡,見魏書卷一〇六地形志上。馬邑縣不見

魏志、隋書卷三○地理志中有馬邑郡而無馬邑縣。 或北齊有此縣,隋志失載。但「原平之馬邑」

也不可通,此「之」字當是「縣」字之誤。 原文當作「割幷州之石艾縣,肆州之平寇縣、原平縣、馬

邑縣各數十戶,合二百戶爲其食邑。」

二 歪 當 傳,說在侯景以潁川降西魏 保洛之鎮楊志塢 世宗仍令保洛 在 今伊川縣 百衲 本 依 鎭楊 他本改作「揚」。 即在宜陽亦即陽州之東不遠。 當即在置戍後不久。 志塢使與陽州爲掎角之勢 後, 他仍 按魏書卷一〇六地形志 率 據水經注 所部於宜陽築楊志、 據守此地和陽州 卷一 北、汲、殿、局四本「陽」作「揚」,三朝 五伊水 中, 注, 陽州 百家 為 場在廣成澤西 治宜陽。 呼延三戍, 掎 角之勢」, 今從三朝 本書 大戟水 置守 卷 可以 本 備 本、 七斛律金 控 的 而 南 還 制 南 西魏 。 本作

武成開 「武威人」。 這裏「武威」訛「武成」,又脫「人」字,諸本以不可通以意增「初」字。 獨殊其例。 府儀同三司 錢氏考異卷三一云:「『武成』疑是『武成』之譌。 當云『武威人』而其下尚有脫文爾。」按本書卷二〇慕容嚴傳末亦稱「武威機舍樂」 諸本 「武成」下有「初」字,三朝本無。 此段附出諸臣各著里居, 北史卷五三張保洛傅末 不 武 應合樂 成作

通

向

河南

的要道。

治壽春

的揚州

和治項城的北揚州都距楊志塢甚遠。

二七 尋除蔚州刺史 破四胡於韓陵,力戰有功,封陽平縣伯, 五三 刻 知 時誤把後 此 [傳在「白水郡公」下脫去一大段叙述|侯莫陳相早年事 |侯莫陳相傳在「白水郡公」下有「相七歲喪父,號慕過人。 一「白水郡公」下的文字接在前一「白水郡公」下,便擠掉了這段早年事跡,以致父 按這裏似以蔚州刺史爲斛古提官, 改封白水郡公」一段。北史中北齊紀傳卽出於北齊書, 但觀下文却是侯莫陳相 跡的文字。 及長,性雄傑。 當因兩見「白水郡公」,抄 自己的官。 後從神武起兵 北山卷

列

傅

第

+

校

勘

記

子歷官混淆。

CIC」天保初除太師轉司空公 **張森楷云:「文宣紀卷四天保五年『以太子太師侯莫陳相爲司空』,此** 

**豈有以太師轉司空之理。張說是。** 

蓋誤脫『太子』二字。」按魏齊官品,三師、二大、三公爲序。太師是三師之首,司空乃三公之末,

二六四

## 北齊書卷二十

### 列傳第十二

張瓊 斛律羌舉 堯雄 宋顯 王則 慕容紹宗

薛脩義 叱列平 步大汗薩 慕容儼

使,封行唐縣子,邑三百戶。轉太尉長史,出爲河內太守,除濟州刺史。除朱兆敗,歸高祖 遷汾州刺史。天平中,高祖襲克夏州,以爲慰勞大使,仍留鎭之。尋爲周文帝所陷,卒。贈 隨萬榮爲亂,榮敗,众朱榮以爲都督。討元顯有功,除汲郡太守。 使持節燕恒雲朔四州諸軍事、大將軍、司徒公、恒州刺史。有二子。長忻,次遵業。 張瓊,字連德,代人也。少**壯健**, 有武用。 魏世自盪寇將軍,爲朔州征虜府外兵參軍。 建明初,為東道慰勢大

三司、建州刺史、南鄭縣伯。 忻, 瓊常憂其太盛,每語親識曰:「凡人官爵,莫若處中,」忻位秩太

列

傳第十二

張瓊

斛

律

光學

深爲憂慮 一而 忻豪險放縱,遂與公主情好不協,尋爲武帝所害,時 稱瓊之先 見。

葬 喪還,世宗親自臨弔,贈幷肆幽安四州軍事、開府儀同三司、幷州刺史。 加 安四將軍 遵業 , 討元顥有功, 封固安縣開國子, 除寧遠將軍、雲州大中正。 一、建州 刺史。 武定中,隨儀同劉豐討侯景,爲景所擒。 景敗, 天平中,除清 殺遵業於渦陽。 河太守,

高 膽 祖 力。 以 斛 共 律羌舉,太安人也。 永安中, 忠於 所 從介朱兆 事 `,亦加嗟賞。 入洛, 世爲部落酋長。父謹,魏龍驤將軍、武川鎮將。 有戰功,深為此所愛遇,恒從征伐。 高祖破兆,方始歸誠。 **羌舉少驍果**,有

集諸 之首 同 懸 困 將 天 於 議 平 獸,若不 進趣之計。 中, 軍 門矣。」諸將 除大都督, 與其戰,而 **羌舉曰**「黑獺聚兇黨,强弱 議 令率步騎三千導衆軍西襲<u>夏</u>州, 有 逕趣咸陽,咸陽空虛,可不 異同,遂戰於渭曲,大軍敗 可知,若欲固守,無糧援可恃。 戰 流績 而 剋之。 克。 拔其根本,彼無所歸, 後從高祖西討,大軍濟河, 今揣其情, 則黑鄉

除 遠 清 一美。令
一、
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一
一</p 州 天 刺 **Z**S 史, 末 潁 封密縣 jii 人張儉聚衆 侯。 與和 初 反叛,西通關 高祖 以爲 右, 中 軍大都督, **羌舉隨都督侯景、高昂等討破之。** 元象中, 尋 轉東夏州刺史。 卒於州,時年三十六。 時高 祖 高風深 欲招 懷

悼惜之。贈幷恒二州軍事、恒州刺史。

卿便詣 後主 中,對北海王。 卿 中,卒於開府 內省事,典 同三司,任遇與孝 一人差居雅 命世清作突厥語翻 子孝 代 鄴城, 人劉世清, 卿, 外 、親衞 歸於周武帝,仍從入長安,授納言上士。 兵、騎兵機密。 小 道, 二人勸後主作承光主詔,禪位任城王, 聰敏幾悟, 卿 祖拔, 不至貪穢。 驃騎將軍。 相亞。 湿盤經, 魏燕州刺史;父巍, 有風 情性甚整, 是時 後主至齊州 檢, 以遺突厥可汗, 一朝網 頻 (歷顯 周愼謹密, 日亂,政 職。 以孝 金紫光祿大夫。 由羣豎。 武平末,侍中、開府儀同三司, 勑中書侍郎李德林 卿爲尚書令。 在孝卿之右。 隋開皇中,位太府 令孝卿齎詔策及 自趙彥深死。朝貴典機密者,唯 世清, 叉以 能通 中 爲其序。 武平 四夷語 書侍郎薛道 傳 卿,卒於民 末, 國璽往 世清 為當 侍中 封義 瀛 隋開 寧王, 時第 、開府 部尚 衡 州 爲 皇 餦 侍 孝 孝 知

督,從叱列 輕財 堯雄 重氣,爲時輩所重。 ,字体武,上黨 延計劉靈助,平之,拜鎮東將軍 長子 永安 入也。 中,拜宣威 祖喧 浴將軍 燕州 |魏| 、給事 農卿。 刺史,封城平 中 ·、持節慰勞恒<u>燕</u>朔三州大使。 父榮,員外侍郎。 縣伯 三邑五 |佐 少 一百戶 /驍果? 善騎 仍寫 都

義旗初建, 雄隨介朱兆敗於廣阿, 遂率所部據定州以歸高祖。 時雄從兄傑, **介朱兆** 用

列

爲 以 海州刺· 雄為 車騎大將軍、瀛州刺史以代傑,進爵爲公,增邑五 史,至 瀛 州 知兆 敗,亦遣使歸降。 高祖以其兄弟俱有誠欵,便留傑行 百戶。 于時禁網 疏闊,官司 瀛州 相與聚 事。 7.7

,唯雄義然後取,復能接下以寬恩,甚爲更民所懷附。

未至, 雄陷其城, 擒梁鎭將尚元廣, 兵二千人。梁以元慶和爲魏王, 侵擾南境。 洪芝、當伯等,俘獲甚衆。 史,北應洪威。 事。 之,大破慶和於南頓。 空虛,攻之必剋,彼若問難,荆圍自解,此所謂機不可失也。」遂率衆攻之,慶之果棄荆州來。 創、壯氣益厲,慶之敗,棄輜重走。 雄 四 復與行臺侯景討平之。 州都督,豫州刺史。 魏武帝入關, 雄率衆討之、繼宗敗走。 雄爲大都督,隨高昂破賀拔勝於穰城 尋與行臺侯景破梁楚城。 元洪威據潁州叛,民趙繼宗殺潁川太守邵招,據樂口 梁將李洪芝、王當伯襲破平鄉城,侵擾州境。 梁司州刺史陳慶之復率衆逼州城,雄出與戰,所向披靡,身被 後慶之復圍南荆州,雄曰:「白苟堆,梁之北面重鎮,因其 民因雄之出,遂推城人王長 豫州民上書, 三 更乞雄為刺史,復行豫州 周旋征討三荆,仍除二豫、揚、即 爲刺史, 雄設伏要擊,生擒 ,自稱豫州刺 據州引西魏 雄率衆討

當 [州士馬, [三] 隨行臺|任延敬並勢攻之。 潁 州 長史賀若徽執刺史田迅據州降西魏,詔雄與廣州刺史趙育、揚州刺史是云寶等各 西魏遣其將怡鋒率衆援之,延敬等與戰失利。

等家 獲其 進討 等攻豫州 育,實各還本州,據城降敵。 據 欲送之長安。 項 城 懸 、妻妾將吏二千人,皆傳送京師。 口還大梁。西魏以丞伯為潁川太守,雄仍與行臺侯景討之。雄別攻破樂口, 一瓠,逐西魏刺史趙繼宗、韋孝寬等。復以雄行豫州事。 義州 雄 至樂口 刺史韓顯據南頓。 都督郭丞伯、 ,雄外兵參軍王恒伽、都督赫連儁等數十騎從大梁邀之,斬多寶,拔雄 程多寶等舉豫州降敵,執刺史馮邕並家屬及部下妻子數千口, 雄收集散卒,保大梁。[四周文帝因延敬之敗,遣其右丞章孝寬 雄復率衆攻之,一日拔其二城,擒顯及長史丘岳,寶遁走, 加驃騎大將軍。 仍隨侯景平魯陽,除豫州刺史。 西魏以是云寶爲揚州 擒丞伯。 刺史,

行 此 用 司 見稱。 西南 徒 雄 徐 分守險 十年,屢有功績,豫人於今懷之。又愛人物,多所施與,賓客往來,禮遺甚厚,亦以 興和 武將,而性質寬厚,治民頗有誠信,爲政去煩碎,舉大綱而已。撫養兵民,得其力 州 刺 三年,徵還京師,尋領司、冀、瀛、定、齊、靑、膠、兗、殷、滄十州士卒十萬人,巡 史,諡 要。 四年,卒於鄴,時年四十四。贈使持節、都督靑徐膠三州軍事、大將軍、 武恭。 子|師

從 攻奮 高 祖 雄 一與戰 平鄴 弟 奮,字彥舉。 破 大破 **介朱兆** 之,崇禮 解褐宣 等, 進爵 兄弟乞降, 威 爲伯。 將軍 、給事中,轉中堅將軍、金紫光祿大夫,賜爵安夷縣子。 送於相府。 出為南 沿州刺 轉奮驃騎將軍、左光祿大夫、潁州刺史, 史,胡夷畏憚之。 西魏行臺薛崇禮舉

列

傳

第

+

卒。贈<u>兗</u>豫梁三州諸軍事、司空、兗州刺史**。** 

刺 出 受, 破介朱兆,進爵爲侯。 審 史、諡 爲磨城 有 然性果決,吏民畏之。 功,除鎭東將軍,封樂城縣伯,邑百戶。 雄 從父兄傑,字壽。 日闕 鎭大都督,轉安州刺史,卒於州。 後為都督,率衆隨樊子鵠討元樹於譙城,平之。 性輕率,嗜酒,頗有 尋加行兗州 事。 武用。 出爲滄州刺 贈使持節、滄瀛二州諸軍事、尚書右僕射,滄州 元象初,拜車騎大將軍、儀同三司,進爵 歷給事中、羽林監。 史。 屬義兵起,歸高祖 仍除南兗州,多所 從高祖破紀豆陵步 從 平鄴 及 取

永安 斛 魏 西 樊子鵠 復 **竞州** 以顯 遣博 律平共會大梁。 中,除前 宋顯,字仲華,燉煌効穀人也。 據兗州 爲 陵 事,率衆討破之,斬暖,景威遁走。 王 襄垣太守。普泰初,遷使持節、 元約、趙郡王元景神率衆迎接。 軍 反,前西兗州刺 一、襄垣 拜儀同三司。 太守,轉榮府記室參軍。 史乙瑗、譙郡太守辛景威屯 在州多所受納,然勇决有氣幹,檢御左右,咸能得其心力。 性果敢,有幹用。 征北將軍、晉州 拜西兗州刺 顯勒當 從平元顥, 州 史。 初事介朱榮為軍 土 一馬邀破之, 刺史。 據五梁, 加平東將軍。 時梁州 後歸 刺史庭 以應 斬約等, 高 主,擢 子鵠。 祖 樂 永吉據州外叛,西 一,以 死, 仍與左 爲行 世隆等向洛, 爲長流參軍。 高祖 臺右丞。 衞 以顯 將軍 行

及 河 陰之戰,深入 赴敵,遂沒于行陣。 贈 司 空公。

{志 惚,晚又遇風疾,言論遲緩。 有 紕 體 繆,乃刊 , 注 王 隱 顯 從 祖 弟繪 及 Œ 《中興書。 異同, 少 勤 撰年譜錄,未成。 學, (三) 又撰 多所 及失所撰 (博覽) 中朝多士 好撰 ,之書,乃撫膺慟哭曰:「可謂天喪予也 河清五 (標十 述。 年並遭水漂失。「云 卷, 魏 時,張緬 姓系譜錄五 晉書未 十篇。 繪雖 入國,繪依准裴松之注 博聞 以諸家 \_! 强 年歷不 記,而 天統中卒。 天性恍 间, 多 {國

早, 鄭先護, 有戰功。 輕騎深入,爲杲所擒。 則 與同拒顥。 老生爲朝 字元軌,自云太原人也。 廷所知 顥敗,遷征虜將軍 ,則頗有 元顥入洛, 力。 少驍果,有武 十, 出 爲 則與老生俱降顥,顥疑老生,遂殺之。 初 以軍功除 東徐州防城 藝。 給事 初隨 中,賜 都 叔父魏 爵白 廣平內史老生 水 子。 後從 則奔廣 元 征 天穆 討, 孙 出 討 刺 史 邢 毎

事。 其 拔勝,後從行臺侯景,周旋征討,屢有功績 士馬,送境上,椿遂翻城降脫。 後隸尒朱仲遠, 仲遠敗, 始歸 **尒朱榮之死也,東徐州刺史斛斯椿其枝黨,** 高 則與蘭陵太守李義擊其偏 祖 仍 加征南將軍、金紫光祿大夫。 內懷憂怖。 時梁立 師, 破之。 魏汝南 魏因 初隨荆州刺 王 以則 悅 爲 行 魏主, 北 史賀 徐州 資

天平初, 第 行荆州事,都督三荆、二襄、南雍六州軍事, +  $\pm$ 則 慕 容 紹 宗 荆州刺史。 則有威武, 邊人畏服

附 史。 復隨侯景西計。 梁遣貞陽侯蕭明率大衆向徐州,以爲影響,堰淸水灌州城。〔八〕則固守歷時,而 則 渭 性貪惏,在州取受非法,舊京取像,毁以鑄錢,于時世號河陽錢,皆出其家。 曲之役,則爲西師圍逼,遂棄城奔梁,梁尋放還,高祖恕而不責。元象初,除洛州刺 景於潁川作逆,時則鎭柏崖戍,世宗以則有武用,徵爲徐州刺史。 武定中 景旣南 取受狼

則弟敬寶,少歷顯位。 後爲東廣州刺史,與蕭軌等攻建業,不克,沒焉。 ゴに がは **・** 

鎖送晉陽,世宗恕其罪。

武定七年春,卒,時年四十八。贈青齊二州軍事、司空、青州刺

史, 諡曰烈懿。

侈成俗,若不 臨 亂,紹宗攜家屬詣晉陽 父遠,恒州 一朝,淫 慕容紹宗,慕容晃第四子太原王恪後也。 虐 三思。」榮不從。 刺史。 無道,天下憤惋,共所 加除剪、恐難制 紹宗容貌恢毅, 以歸榮,榮深待之。 後以軍功封索盧縣子, 馭。 棄之。 吾欲因百官出迎,仍悉誅之,謂可爾不。」紹宗對曰:「太后 少言語,深沉有膽略。 公旣身控神兵,心執忠義, 及榮稱兵入洛,私告紹宗曰:「洛中人士繁盛,驕 曾祖騰,歸魏,遂居於代。 尋進爵爲侯。 **尒朱榮卽其從舅子也。** 從高祖破羊侃,又與元天穆 忽欲殲夷多士,謂非長 祖都, 岐州刺史。 値北邊撓

平邢杲,累遷幷州刺史。

龍 諫 叉 數 命 ,安可借以雲雨。」<br />
兆怒曰:「我與晉州推 П 曰:「今天下 Ťj 爲行臺,率軍 紽 豆 陵步醬追晉陽,分朱兆擊之,累爲步蕃所破,欲以晉州徵高祖, 逐割鮮卑隸高 擾擾, 壺關,以抗高 人懷覬覦,正是 祖。 祖。 高 祖 共計 及廣阿、韓陵之敗, 智士用策之秋。 步藩 誠相 待, 滅之。 何 忽輒 高晉州才雄 及高 兆乃撫膺自咎,謂紹宗曰:「比用卿 相 祖奉義信都, 猜 阻,横生此言」便禁止紹宗, 氣猛, 英略蓋世, 共圖步藩。[元] 兆以紹宗為長 譬諸蛟 紹宗 史,

略, 城、[10]見高祖 兆 徐 時參預焉。 而 兆 之敗於韓陵 上馬。 追至,遂攜榮妻子及 後 高祖 也,士卒多奔,兆懼,將欲潛遁。 從鄴討兆於晉陽,兆 火兆餘衆: 自歸。 窘 急,走赤 高 祖 紹宗建旗鳴角,招集義徒,軍容旣振,與 仍 加恩禮,所有官爵並 洪嶺 自 縊 而 死。 紹宗 如 故, 行 到烏突 軍 一謀兵

言,今豈至

此

孤 州 孫 宗 如 刺 聚 嘗 史。 衆反 願 天 據 登 平初,遷 洛 廣 丞 功 固 相 州 以 梁 府 城 紹宗為西 都鄴,庶事未周,乃令紹宗與高隆之共知府庫圖 記 長 潁 室 歎 之間 謂 孫搴 南道 其 寇 屬紹宗以兄爲 所 盜 親 軍 鋒 云『大 司 起。 率都 文夫 高 州 督 祖 (有復 庫狄 主簿,自己紹宗 命紹宗率兵赴武牢,與行 先業理不』。」由 安盛等討破之。 不 用。 籍諸事。 是徵還。 軍 搴 還,行 譖 臺 之於 劉貴等平之。 元象 揚 二年,宜陽 高 州 祖, 初 刺 一西魏 史, 云 民李延 尋 慕容 進爵 行 將 獨 靑

方,自己命紹宗率兵討擊之,大破,因除徐州刺史。 公,除度支尚書。 後爲晉州刺史、西道大行臺,還朝,遷御史中尉。 烏黑收其散衆,復爲侵竊,紹宗密誘其徒 屬梁人劉烏黑入寇徐

黨,數月間,遂執烏黑殺之。

虜甚 紹宗 與岳 梁武 高祖 持疑,無肯先者,紹宗麾兵徑進,諸將從之,因而大捷,景遂奔遁。 衆。 帝遣其兄子貞陽侯 末命世宗云、「侯景若反,以慕容紹宗當之。」至是,竟立功効。 將至,深有懼色,謂其屬曰:「岳所部兵精,紹宗舊將,宜共愼之。」於是與景接戰,諸將 爲 侯景反叛,命紹宗為東南道行臺,加開府,轉封燕郡公,與韓軌等詣瑕丘,以圖 《行臺,節度三除、二兗州軍事,與大都督高岳等出討,大破之,擒淵明及其將帥等,俘 乃迴軍 討侯景於渦陽。 淵明等率衆十萬,自己頓軍寒山,與侯景掎角,擁泗水灌彭城。 于時景軍甚衆,前 後諸將往者莫不爲其所輕。 軍還,別封永樂縣子。 及聞 進趣。 紹宗 仍詔 初

投 塵 有 圍擊,堰洧 氣, 蒜 水而死,時年四十九。 髮,昨 西魏 遣其大將王 水 艦 來蒜髮忽然自 以灌之。 同 坐。 暴風 思政入據潁州, 時紹宗頻有凶 盡。 從東 三軍將士莫不悲惋,朝廷嗟傷。 以理: 北 來,遠近 推 「夢,意每惡之。 之,蒜者算也,吾算將盡乎。」未幾, 又以紹宗為南道行臺,與太尉高岳 海冥, 舟纜斷, 乃私謂左右曰:「吾自年二十已還,恒 飄艦徑向 贈使持節二青、二虎、齊、濟、光七 敵 城。 一、儀同 紹宗 與豐臨堰,見北 自度 劉豐等率 不 ·免,遂 有 軍

朝 州 廷 軍 以 事,尚書令,太尉, 紹宗 功,罪止士肅 青州刺史, 諡曰景惠。 身。 皇建初,配饗世 一宗廟 除其長子土肅爲散騎常侍。 庭。 肅 弟建中,襲紹宗爵。 尋以謀反, 伏誅

同

司。

隋開皇中,大將軍、疊州總管。

北 郡守、秦州刺史、汾陰公。 薛 脩 義,自己字公讓,河東汾陰人也。 父寶集,定陽 曾祖紹,魏七兵尚書、太子太保。 太守。 祖壽仁,河東 加

州 陳 别 者 軍 壘 剂 牧,用 雙 將。 用 熾 爲 脩 督 曉 等 别 義 俄 華 辺 爲 聚汾 將。 少 而 利 豳 法曹從 而 東 害, 曲, 東秦諸 姦俠,輕財重氣,招召豪猾,時有急難 西 於是脩義 熾等遂降。 三夏、 事。 韶 脩義 、南北 軍 魏 還 事 北 爲 河 海 大都 兩 拜脩 東 王顥鎭 華及 兼左僕 督, 仍 義 翻 歷 龍 別、西 徐州 州等 與 平陽 門鎭將。 行 反叛, 引 臺 、弘農 道 長 行臺, 爲 孫 墨曹參軍。 諸 顥 稚 進討之。 郡, 以 共 相奔投者,多能容匿之。 脩義 討 合得 之。 爲統 正 七千餘 脩 脩義 光末, 義 軍。 率 以雙熾 人,卽 所 天下兵起, 時 部, 有 韶,能 假安北 是其鄉 頗 魏 有 功。 募 顥 咸陽王 入, 將 得 爲 軍 絳蜀 三千人 遂 征 · 西 輕 爲 西 將 賊 司 消

後 脩 義 宗 人 鳳 賢等作 亂 圍鎭 城 脩 義 亦 以天 下紛 擾, 規 自 |縦擅 遂 與 鳳 賢 聚 衆 爲逆,

自 號 黄 鉞 大 將 軍 詔 都 督 宗 正 珍 孫討之。 軍 未至, 脩義慚悔, 乃遣 其 帳 下 孫 懷 彦 奉 表自

結, 取 陳 之勢, 長孫 乞 與鳳賢 稚 大 軍 將 於弘農,珍 招 書示 慰。 魏孝 其禍 孫 明遣西北道大行臺胡元吉奉詔 福 軍 靈橋 鳳賢 未能 降, 拜鳳 進。 賢龍 脩義 驤將 與其 軍 從 、假 叔善樂、從弟嘉族 院喩, 節 稷山鎭將, 脩義降。 鳳賢等猶 等各率 夏陽縣子、 義 據 勇 險 爲 攻 屯

百戶。

封脩

義

汾陰縣侯,邑八百戶

駝 見脩 前 牛 義 署。 **介朱榮以脩義豪猾** 初,以脩義 待之甚 榮 死, 厚。 魏孝莊 爲持節、後將軍、南汾州 及分朱兆立魏長 以脩義 反覆,錄送晉陽,與高昂等並見拘防。 爲 弘農、 演王 河北、 爲 刺 史。 主,除 河東 脩義 正 平 右 四郡 將軍 大都督。 、陝州刺 | 樂赴洛, 史,假安 時 以脩義等 高 祖 爲 〈南將軍 自隨, 晉 州 刺 置於 史, 魏

朱兆 婁昭 督。二三遷 史薛崇 破 高 禮 平 武 祖 東徐 之。 帝 起 屯楊氏 之入關 義 信都 州 天平中, 、壁、二三脩義 也,高祖 ,破四胡於韓陵,遣徵 除衛將軍、南中郎將, 奉 以書招之,崇禮 迎臨潼關 脩義,從至晉陽,以脩義行幷州 以脩義 率 帶汲郡太守,頓丘、 萬 為關 餘 人 右行 降。 臺, 樊子鵠 自龍 淮陽 之據 門 濟 党州 河。 東郡 脩義 叉從 西 黎陽 魏 高 從 北 五郡都 祖 大 華 平介 司 州 馬 刺

說 祖 業還守, 兀 象 初 而祖業不從。 拜 儀 同 沙苑 之役, 脩義還據晉州,安集固守。 從諸 軍 退。 還,行晉 州 西魏儀同長孫子彥圍逼城下,脩義 事封 祖 業 棄 城走, 脩義 追 洪洞

追討 諸 天保 州 州 開 口 , 表 軍 門伏甲以待之,子彦 刺 行 初,除 破破 史, 臺,賞 事 置 · 司 之。 以 五. 護軍 黷 城郡 空、晉州 帛千疋。 進爵 貨 一別封 (除名。 以安處之。 正平郡公,加 刺 脩 藍 史, 追其 義 不測虛實,於是近去。 田 贈物三百段。 在 縣公,又拜 前守晉州 州,擒 高仲密之叛,以脩 開 府。 西魏所署正 太子太保。 功,復其官 世宗 子文殊嗣 以高 義 高 平太守段榮顯 祖遺旨, 一爵,仍拜衞尉卿。 爲 祖甚嘉之,就拜晉州刺史、南汾、東雅 五. 西南道行臺,爲掎角聲勢,不行。 年七月卒,時年七十七。 減封二百戶,別封 招降胡會胡垂黎等部落 時山胡侵亂晉州, 脩義 贈晉太華三州 爲平鄉男 尋除 遣 、陝四 脩 數千 義 齊

紹宗 嘉族 初 聞 ,受旨鎭 而 討侯 脩 遂 赴 脩 義。 事 棄 義 義 `, 有 景, 其 從 從子元穎, 守 弟 乘 從 清 以 龍門,陷 馬 平 嘉 功別 名。 族, 四 浮 胡 纹 累轉定州 封膚施 性亦 河 於 於韓陵, /光熾, 而 西 豪爽。 度, 魏。 縣 東雍 別駕, 男。 歸於高祖。 除 元象中,方得 釋褐 華州 州 天保 刺 舉清平勤幹,除漁陽 員 刺 史、太常卿。 四 外散騎侍郎, 史。 年,從討 由 是拜揚 逃 及賀 還。 拔岳拒 山胡, 州刺 元 高 稍 穎 祖 太守 破 嘉 史, 遷正平太守。 廉 命, 茹 其至 蓮 卒於官。 新,並 有 令嘉族置騎河 一誠,除 信 義 有 廣州 功 起家永安王 子震, 屬高祖在 績 刺 累遷 上, 史。 字文雄。 以禦 譙 信都,嘉族 一參軍。 後從慕容 州 刺史。 大軍 天平 行

軍 牧子作亂、劉胡崙、斛律可那律俱時構逆,以下爲都督,討定胡崙等。 長, 臨江伯 隨 叱 · 余朱榮破葛榮,平元顥,遷中軍都督、右衞將軍,封廮陶縣伯,邑七百戶。 列 至 ,字殺鬼,代郡 孝昌末,拔陵 西部人也,世爲含帥。 反叛, | 茹茹餘衆入寇馬邑, Cl+3平以統軍屬, 有戰功, 補別將。 平有容貌,美鬚髯,善騎射。襲第一領民酋 魏孝莊初, 榮死, 平 除武 衞 後 與 將

| 榮妻及

**介朱世隆等北走。** 

長廣王曄立、授右衞將軍,加京畿大都督。

節、華州 走, 年夏,卒於州,時年五十一。 與諸將南討江淮,克陽平郡。 同 三司,鎭河陽。 以平爲東郡大行臺。 時介朱氏凌僭,平常慮危禍,會高祖起義,平遂歸誠。 弟長叉。[15]武平末, 刺 史。 高仲密之叛,平從高祖破周文帝於邙山。 八年,進爵爲侯。 侍中、 軍還,從高祖平余朱兆。 贈瀛滄幽三州軍事、瀛州 陳人攻圍廣陵、日公詔平統河南諸軍赴援,陳人退,乃還。 開府儀同三司,封新寧王。 天保初,授兗州刺史、尋加開府、別封臨 復從領軍婁昭討樊子鵠平之。 刺史、中書監、諡 武定初、除廓州 從平鄴,破四胡於韓陵。 隋開皇中,上柱國,卒於涇州長 日莊 刺 惠。 史。 洮縣子。 五. 子孝中 年, 授使 仲遠旣 加儀 嗣。 Ξi. 持

史。 雖無他伎,前在官以淸幹著稱。

步大汗薩, 太安狄那人也。 曾祖榮,仕魏歷金門、化正二郡太守。 父居,龍驤將軍、領

封 出 大 秦 入 揚 民 孙 洛 都 爲 武 別 將。 鎭 軍 五. 督 仍 補 授 C,賜 城 城 帳 帳 晉州 都督、北雍州刺 大都督,鎭河陽。 內 正光末,六鎭反亂,薩乃將家避難南下,奔尒朱榮於秀容。 爵長 內 統軍、公別關實江 大都督,從兆拒 刺 一质伯。 史,別封安陵縣男,邑二百戶,加驃騎 時茹茹 史。 叉加 戰於韓陵。 夏子。 寇鈔,屢爲 天平中,轉東壽陽三泉都督。 車 ·騎大將軍、 從平葛榮, 兆敗,薩以所部降。 **炒邊害** 開府 累前 高 祖撫納之, 後功, 進封行唐縣公,減勃海三百戶以增其 大將軍。 加 元象中,行燕州,累遷臨川 鎭南將軍 遺薩將命。 高 祖 齊受禪,改封義陽郡公。 以爲第三領民酋長,累遷 後從際入路,以軍功除 樂死 還,拜儀同三 後,從介朱兆 司。

念 梁 壽 其 僅 造 春 慕容 主 將 辟 |嚴容 武平初, 以 朱 身発。 鄭 嚴 僧 貌 嚴, 僧 左 珍 等 出 廂軍 追 字恃德,清都成安人,慕容廆之後也。父叱頭,魏南頓太守,身長一丈,腰帶九 要戰,嚴擊之,斬 三年,梁 贈 軍 副 開 主,以戰功賞 衣 秦太。 府儀同三司、尚書左僕射 冠甚偉,不 遣 將 又擊賊 攻 東 帛 其將蕭 -好讀 豫 五. 州,大都 王苟於陽夏,平之。 十疋。 書, 喬 |梁 頗 軍 督元寶掌 學兵法,工騎 人奔遁。 、持節 次 西 硤石,因 、都督滄 討 叉 艺。 襲 射。 解 破 | 儼爲別 恒二州軍 正光 渦陽 王 神 中,魏 之圍,平 念等軍, 將。 ·事、恒州 鄭海 洞 倉陵 間 擒 王 珍與戰、三三斬 刺 城 元琛率衆救 百餘 史。 荆 Ш 帅

赴之。 時北 Ė 中 ·,介朱榮入洛,授儼京畿南面都督。 育太守宋帶劍謀叛,儼乃輕騎出其不意,直至城下,語云:「大軍已到,太守何不 永安中,西荆州爲梁將曹義宗所圍,嚴應募

迎了帶劍造次惶恐不知所爲,便出迎,儼卽執之,一郡遂定。又破梁將馬元達、蔡天起、柳 白嘉等,累有功。 除强弩將軍。 與梁將王玄眞、董當門等戰,並破之,解穰城圍,克復南陽

新鄉。 轉積射將軍,持節、豫州防城大都督。

年,率 雍州 刺 等,擒斬百餘級。旋軍項城,又擒景僞署刺史辛光及蔡遵,並其部下二千人。六年,除譙州 侯景叛,嚴擊陳郡賊,獲景麾下厙狄曷賴及偽署太守鄭道合、兗州刺史王彦夏、行臺狄暢 追 史,屢有戰功,多所降附。 斬三百餘級,又擒西魏刺史郭他。時諸州多有翻陷,唯儼獲全。 刺史。沙苑之敗,西魏荆州刺史郭鸞率衆攻儼,拒守二百餘日,晝夜力戰,大破鸞軍, 余朱敗,與豫州刺史李恩歸<br />
高祖。 師解襄州圍。 頻使茹茹。又從攻玉壁,賜帛七百疋並衣帽等。五年,鎮河橋五城。 七年,又除膠州 以勳累遷安東將軍、高梁太守、三三轉五城太守、東 刺史。 進號鎭南將軍。武定三

附 人,可受此寄耳。」衆咸共推儼。 。〔三時淸河王 天保初,除 開府 压 帥師江上,乃集諸軍議曰:「城在江外,人情尙梗,必須才略兼濟,忠勇過 儀同 三司。六年,梁司徒陸法和、儀同朱茝等率其部下以郢州城內 岳以爲然,遂遣鎭郢城。 始入,便爲梁大都督侯璌、任約率

城 水 涌激,漂斷荻洪 陸 隍神,公私 軍 人 信 奄 阻 至城下。 .絕,城守孤懸,衆情危懼,儼導以忠義, 毎 有 約復以鐵鎖連治,防禦彌切。儼還共祈請,風浪 前 嚴隨方禦備, 禱 於是順士卒之心,乃相率祈請,冀獲冥祐。 瑱等不能克。 又於上流鸚鵡洲上造荻洪竟數里,以塞船 又悅以安之。 夜驚,復以斷 城中先有 須 《臾,衝] 神祠一所, 風 絕, 数起, 如 此 撘 者 俗 再 號

城人大喜,以爲神助。

**璵** 

軍於城北,造栅置營,焚燒坊郭,產業皆盡。

約將

戰

士

萬

餘

將 循 <del>是</del>郢 運 阻 張 又 各持攻具,於城南置營壘,南北合勢。 卒衆 (白石首,)與以千金贖之,不與。 夏五 城 死 絕,無以爲 者 卑下,兼土疏頹壞,儼更修繕城雉,多作大樓。 、五萬、 了, 卽 取其肉,火別分噉,唯留骸骨。 計, 與瑱、約合軍,夜來攻擊。 唯養槐楮、桑葉並紵根、水萍、葛、艾等草及靴、皮帶 |月, 璌、|約等又相 嚴與將士力戰終夕, **儼乃率步騎出城奮擊,大破之,擒** 嚴猶申令將士,信賞 叉造 與並 一船艦, 力,悉衆攻圍。 至 明, 、必罰, 水陸備具, 約等乃 分甘同 觔 角 工 退。 五 等物 城 無 百 苦, 中 、暫闕。 追 餘 食 而 死 人。 食之。 少,糧 瑱 競 先 蕭

呼 令 後 烈,豈能 蕭 至 前 方智立,遣使請和 ·', 執 過 其 此 」。 手,持嚴鬚鬢,脫 對日:「臣恃陛下威靈,得申愚節,不屈豎子, が、
顯祖 以城 帽 看 在 髮,歎息 江 表,據守非便,有詔 人之。 謂|儼 É 還之。 觀 卿容貌 重 奉聖 嚴望帝,悲 顏。 股 不 今雖 復 相 不 夕死, 白勝 識

自

正

月至

於六月,人無

異

念

列

二八一

沒 而 無 恨 」帝嗟稱 不 Ė 除趙州刺史,進伯爲公,賜帛一千疋、錢十 萬

非所長,而 平元年,出爲光州刺史。 軍 子顒,給事黃門侍 年十月,又别封猗氏縣公,並賜金銀酒鍾各一枚、胡馬一匹。 衞 送蕭莊。 與陳將侯瑱、侯安都戰於蕪湖,敗歸。 九年 有將帥之節。 叉討賊有功,賜帛一百疋、錢十萬。十年,詔除 築郭默、若邪二城。 郞 嚴少任俠,交通輕薄,遨遊京洛間。 所歷諸州,雖不能清白守道,亦不貪殘。 與陳新蔡太守魯悉達戰大蛇洞,破走之。 皇建初,別封成陽郡公。 揚州 及從征討,每立功効,經略雖 五年四月,進爵爲義安王。 行臺,與王 卒,贈司徒、尚書令。 天統二年,除特進。 一貴顯 又監蕭莊、王琳 、侯子監將兵 武 几

**介朱將帥**,義旗 建後歸順立功者,武威牒舍樂、代郡范舍樂亦致通 顯

鎭 將 西 軍 |將軍 、金紫光祿大夫。 牒舍樂,少從介朱榮爲軍主、統軍,後西河領民都督。 一、營州 刺史。 以都督隸侯景,破賀拔勝於穰城。 天保初,封漢中郡公。 後因戰,沒於關 叉 **介朱兆敗,率衆歸高祖** 與諸將討平青、虎、荆三州, 中。 一,拜鎭 西

兆 中, 於 廣阿、韓陵,並有功,賜爵平舒男。 范 有戰功,授都督。 含樂, 有武藝,筋力絕人。 後隨分朱兆破步藩於梁郡。 魏末,從崔暹、李崇等征討有功,授統軍。後入介朱榮軍 每從征役,多有克捷。 高 祖 義 旗舉,棄兆 除相府左廂大都督 歸信都。 從高 尋出爲 祖 破

東雍州 刺史。 世宗嗣事,封平舒縣侯,拜儀同。 天保中,進位開府。

中,封宜都郡王,除領軍大將軍。 事聚斂。 朴、勤於公事、直衞官闕、曉夕不離帝所、以此 坳 丘 H 是簿錄,並 豆 罗。 滅 料料 1/1 何 叉 在 以倉米二升,不給鹽菜,常有饑色。冬至之日,親表稱賀,其妻爲設豆餅。 世宗輔政、遷武衞將軍。 有 而得, 别 性又嚴酷,不識士流。 代人庫狄伏連,字仲山,少以武幹事念朱榮,至直閤將軍。 庫,造侍婢一人專掌管籥。 歸天府。 妻對向於食馬豆中分減充用。 天保初,儀同三司。 開府參軍多是衣冠士族,伏連加以捶撻,逼遣築牆。 尋與瑯琊王儼殺和士開、伏誅。 每入庫檢閱,必語妻子云:「此是官物,不得輒用。」至 伏連大怒, 典馬、掌食之人並加杖罰。 見知。 鄙吝愚狠,無治民政術。及居州任,專 四年,除鄭州刺史,尋加開府。 伏連家口有百數,盛夏之 後從高祖建義,賜爵蛇 伏連問此 伏連 積年賜 武平 質

朱,固 暇 人之鑒。 給,義宣 史臣 執 忠義,不用范增之言,終見烏江 日。同 寒山 **續悔** 渦 祖霸業始基,招集英勇。 契協 水,往 宏圖, 岩摧 臨 枯,算盡數奇,逢斯厄運。 敵 制 滕,有足 之禍。 張瓊等雖識非先覺,而運屬時來,驅馳戎旅,日不 稱也。 侯景 慕容紹宗兵機武略,在世見推。 狼 戾,固 悲夫 一非後主之臣,末命緒言,實表知 1 昔事介

列

贊曰 一霸圖立肇,王業是因。 偉哉諸將,實曰功臣。 永懷耿、賈,無累淸塵。

## 校勘記

- 封城平縣伯 諸本「城平」倒作「平城」。唯三朝本作「城平」。按魏書卷四二堯暄傳附見堯雄,
- 稱雄爵是城平縣開國公,由伯進公,邑名仍舊。今從三朝本。
- つ こ 尋與行臺侯景破梁楚城豫州民上書 諸本無「城」字、「豫」字作「二」、成爲「破梁楚二州」。

豫州民上書」云云。 梁的楚州歷見魏書卷一二、北史卷五孝靜紀,梁書卷三二陳慶之傳,而魏書卷九八蕭祈傳卽作 梁指梁朝,楚城是西楚州治所魏曹卷一〇六地形志中。 天平三年五三六侯景攻取

「楚城」。 這裏先脫「城」字,後人又妄改「豫」爲「二」。今從北史、册府補改。

- ヘニし 詔雄與廣州刺史趙育揚州刺史是云寶等各總當州士馬 諸本「云」作「育」, 北史卷二七但作
- 「是寶」,周書卷二文帝紀下大統三年、通鑑卷一五七四八八九頁作「是云寶」。 按魏書卷一一三官
- 氏志:「是云氏後改是氏」。 北史從改姓去「云」字。 諸本「育」字乃涉上趙育而誤,今改正。
- 29 雄收集散卒保大梁 六地形志中,梁州「治大梁城」。「州」字符,今據北史删。 諸本「梁」下有「州」字,北史卷二七無。 按下文兩見「大梁」, 魏書卷一〇

- Ŧĩ. 注王隱及中興書 注 王隱及何法盛 書」。 這裏疑有脫文,當云「注王隱晉書及何法盛晉中興書」,如 今上舉王隱而無書名,下舉書名, 又不出何法盛姓名,又 中與書」上無 求 簡省, 也可作
- 「晉」字,都不妥。
- へ公し 河清五年並遭水漂失 張森楷云:「河淸四年四月即改天統,無五年,此『五』字誤。」
- フセリ 初隨叔父魏廣平內史老生征討 爲王國,則太守稱內史,無於國名下又加「王」字之例。「王」字符,今據北史删 諸本「廣平」下有「王」字,<u>北史</u>卷五三<u>王</u>則傳無「王」字。 按郡
- 堰清水灌彭城,見陳書卷九吳明徹傳、周書卷四○王軌傳。通鑑卷一七三五三八四頁太建十年,胡 堰清水灌州城 注云:「酈道元日,『清水即泗水之別名』。」今戴震校水經注改作「清水即泡水之別名也」, 卷五一蕭明傳載梁武帝與明勑却說「引清水以灌彭城」。以後陳太建九年五七七陳將吳明徹又曾 諸本「清水」作「泗水」,三朝本及册府 朱本卷四○○作「清水」。 按魏書卷一二 誤。 所以諸史 但南史
- へたし 州,哪有又以晉州徵之的事。 欲以晉州徵高 高歡自晉州東出,在信都起兵,即因自晉州赴任冀州之故。 祖 共圖步 藩 據魏書卷一一 按高歡這 時正在晉州刺史任 前廢帝紀普泰元年 上, 五三一四月載以高歡爲冀州刺 這裏「晉州」當是「冀州」之誤。 故下文慕容紹宗稱之爲高晉

·清」「泗」互見。這裏本當作「清」,後人改作「泗」。今從三朝本。

列

傳

第十

校

勘

記

否則「以」字爲「从」之訛。

(10) 紹宗行到烏突城 諸本「烏」訛「馬」,今據北史卷五三慕容紹宗傳改。 詳見卷一校記。

尋行背州 刺史丞相府記室孫搴屬紹宗以兄爲州主簿 諸本「青」作「豫」,北史卷五三作「青」。

叉下

文說

孫搴譖紹宗於高歡,說「紹宗嘗登廣固城長歎」。

廣固城在青州之益都,卽紹宗先世

屬梁

人劉

為黑入寇徐方

頁補

名「淵明」。

唐人避諱,梁書百衲本作「深明」,

南燕的故都,可證北史作「靑州」是,今據改。 諸本無「人」字,三朝本「梁」下 空 一 格。 今據册府卷三五四四二〇六

<u>二</u> 梁武帝遣其兄子貞陽侯淵明等率衆十萬 三朝本「淵明」作「深明」,諸本作「淵明」。按其人本

和 此 傳下文及 其他紀傳單作「明」不同, 疑「深」字亦後人所加, 又再改作「淵明」。 淵 明」是本

本書和南、北史單稱「明」。

這裏三朝本作「深明」,

名,今從諧本。 今後不再出校記。

萨脩 的 部 分同 義 作 諸本「脩義」都作「循義」。 「脩義」, 本傳是原文, 則作 北史卷五三本傳作「脩義」, 「循義」。 錢氏考異卷三一云:「魏齊碑刻 他處多同本傳。 本書以北史補 二人。 旁多从

『彳』旁,故『脩』『循』二字多相混。」按魏書卷一〇孝莊紀永安三年五三〇十月作「修義」。今一

律作「脩義」,一今後不再出校記。

<u>二</u> 西魏北華州刺史薛崇禮屯楊氏 後,東魏曾派兵據楊氏壁。 楊氏壁是黃河西岸的險要,屢見魏書卷四 壁 諸本「楊」作「陽」。按周書卷三五薛端傳記薛崇禮降東魏 源子雅傳、 周書卷二文

帝紀大統三年、卷一五于謹傳等。這裏「陽」字誤,今據改。

頓丘淮陽東郡黎陽五郡都督 說是,薛脩義以南中郎將帶職,五郡應該都屬司州。 錢氏考異卷三一云:「淮陽與汲郡回遠,恐是『濮陽』之譌。」按錢

により 孝昌末拔陵反叛茹茹餘衆入寇馬邑 牽連不清,企圖以「茹茹入塞」駕罪破落汗拔陵的起義,故爲辯之。 起義軍。前一次和起義軍無關,這裏所說孝昌末的一次,則是北魏政權勾結來的。 年五三三二月,破落汗拔陵起義在次年三月。 按魏書卷九肅宗紀「茹茹主阿那瓌率衆犯塞」,在正 孝昌元年五二五北魏勾結茹茹主阿那褒 **迎**文 入塞鎭壓 殺事 光四

三年與諸將南討江淮克陽平郡陳人攻圍廣陵 高祖紀, 這一年陳霸先母二次統兵到廣陵。 統兵的雖是陳霸先,改梁爲陳,還在其後五年。 按天保三年即梁元帝承聖元年五五二。據陳書卷

這裏「陳人」應作「梁人」。

以軍 弟長叉 功除揚武軍帳內統軍 諸本「叉」作「乂」、今據北史卷五三叱列平傳改。 張森偕云:「『揚武』下疑當有『將』字。」 **珍卷八校記** 

列傳第十二 桉勘記

嚴爲別將鄭海珍與戰 據上文只是軍主,魏時軍主一般應經由統軍一級才升別將,哪有以軍主督別將之理。「督」字 諸本「爲」作「督」,三朝本及册府卷三五四四二〇三頁作「爲」。按慕容嚴

原當作「爲」,但「別將」下有脫文,後人以不可解,改作「督」。今從三朝本。

高梁太守 按魏無「高梁郡」,當是「高涼」之訛。 魏書卷一〇六地形志上,高涼郡屬東雍州。

六年梁司徒陸法和儀同宋茝等率其部下以郢州城內附 容嚴傳作「六年」。按本書卷四文宣紀、卷一三淸河王岳傳、卷三二陸法和傳記此事都在天保 諸本「六年」作「三年」, 北史卷五三慕

六年五五五,今據北史改。

## 北齊書卷二十

## 列傳第十三

高乾 弟愼 弟昂 弟季式 封隆之 子子繪 從子孝琬 孝琰

居河 卒。 余朱兄弟,性甚猜忌,忌則多害,汝等宜早圖之。先人有奪人之心,時不可失也。」事未輯而 保境自守。謂諸子曰:「主憂臣辱,主辱臣死,今社稷阽危,人神憤怨,破家報國,在此時也。 作 亂 於燕、趙、朝廷以翼山東豪右、即家拜渤海太守。 、濟之間。魏因置東冀州,以翼爲刺史,加鎮東將軍、樂城縣侯。及念朱兆弑莊帝,〔1〕翼 中興初,贈使持節、侍中、太保、錄尚書事、冀定瀛相殷幽六州諸軍事、冀州刺史,諡曰 高乾,字乾邕,渤海蓨人也。父翼,字次同,豪俠有風神,爲州里所宗敬。 至郡未幾,賊徒愈盛,翼部率合境,徙 孝昌末,葛榮

乾性 列 |明悟,俊偉有知略,美音容,進止都雅。 少時輕俠,數犯公法,長而修改, 傳 第 + Ξ 髙 乾 輕財重

多所交結 魏領軍元叉,權重當世, 以意氣相得, 接乾甚厚。 起家拜員外散騎侍郎,領

直後,轉太尉士曹、司徒中兵、遷員外。〔三〕

乾爲金紫光祿大夫、河北大使,令招集鄉閭爲表裏形援。 納驍勇,以射獵自娛。 廷以乾爲給事黃門侍郎。 之間,受萬榮官爵,屢敗齊州士馬。 通直散騎常侍。 死自効 魏孝莊之居藩也,乾潛相託 乾兄弟本有從橫志,見榮殺害人士,謂天下遂亂,乃率河北流 榮死,乾馳赴洛陽, 莊帝見之, 大喜。 余朱榮以乾前罪,不應復居近要,莊帝聽乾解官歸鄉<br/> 附。 莊帝尋遣右僕射元羅巡撫三齊, 及余朱榮入洛,乾東奔於翼。 乾垂涕奉詔,弟昂援劍起舞,請以 時介朱徒黨擁兵在外, 莊帝立,遙除龍驤將軍、 乾兄弟相 人反於河、濟 率出 里。 於是招 降。 莊帝以 朝

城、傳檄州郡、殺白鷂、執刺史元仲宗。 壇誓衆,辭氣激揚,涕淚交下,將士莫不哀憤。 馬,因收之。 俄而介朱兆入洛。 乾旣宿有報復之心,而白鷂忽至, 尋遺其監軍孫白鶴百餘騎至冀州,託言普徵民 推封隆之權行州事、為莊帝舉哀,三軍編 北受幽州刺史劉靈助節度,共爲影響。 知將見圖,乃先機定策, 馬,欲待乾兄弟送 潛勒壯 士, 素。 製據 乾昇 俄而 州

靈助被殺。

屬高祖出山東,揚聲來討,衆情莫不惶懼。 乾謂其徒曰:「吾聞高晉州雄略蓋世, 其志

職,行三年之禮。詔聽解侍中,司空如故,封長樂郡公,邑一千戶。乾雖求退,不謂便見從 中、司空。先是信都草創、軍國權輿、乾遭喪不得終制。及武帝立、天下初定、乾乃表請解 見。余朱羽生爲殷州刺史,高祖密遺李元忠舉兵逼其城,令乾率衆爲往救之。 奉迎,密參意旨,諸君但勿憂懼,聽我一行。」乾乃將十數騎於關 見羽生,與指畫軍計。 習世事,言辭慷慨,雅合深旨。 不居人下。 且介朱無道,殺主虐民,正是英雄効義之會也。今日之來,必有深計,吾當輕馬 |羽生與乾俱出,因擒之,遂平殷州。 高祖大加賞重,仍同帳寢宿 又共定策推立中興主, 時高祖雖內有遠圖,而 口 迎謁。 乾旣 曉達時機,閑 乾遂 拜乾侍 輕騎入 外跡未

許。旣去內侍,朝廷罕所關知,居常怏怏。

澗 賢,而 「厄川 謂武帝便有異圖,遂不固辭,而不啓高祖。及武帝置部曲,乾乃私謂所親曰:「主上不親勳 H 復 乾詣幷州 ,疏忌,實欲樹黨,令其兄弟相近,冀據有西方。 |建殊効,相與雖則君臣,實亦義同兄弟,宜共立盟約以敦情契。|殷勤逼之。 乾對曰 武帝將貳於高祖,望乾爲已用,曾於華林園讌罷,獨留乾,謂之曰:「司空奕世忠良,今 招祭翠豎。數遣元士酮、王思政往來關西,與賀拔岳計議。又出賀拔勝爲荆州刺史, ·奉朝廷,遇荷殊寵,以身許國,何敢有貳。」|乾雖有此對,然非其本心。 事出倉卒,又不 ,面論時事,乾因勸高祖以受魏禪。 高祖以袖掩其口曰:「勿妄言。今啓司空 禍難將作,必及於我。」乃密啓高祖。

列傳

復 爲侍中,門下之事,一以相委。」高祖屢啓,詔書竟不施行。

等,次盟津,謂乾弟昂曰:「若早用司空之策,豈有今日之舉也。」天平初,贈使持節、都督冀 省,對高祖使人,責乾前後之失。乾曰:「臣以身奉國,義盡忠貞,陛下旣立異圖,而乃云臣 縣侯,三合第二子呂兒襲乾爵。 定滄瀛幽齊徐青光虎十州軍事、太師、錄尚書事、冀州刺史、諡曰文昭。長子繼叔襲祖樂城 處,今日之事,想無全者,兒子旣小,未有所識,亦恐巢傾卵破,夫欲何言。」後高祖討斛斯椿 歎惜焉。 自古然也。 反覆。以匹夫加諸,尚或難免,况人主推惡,復何逃命。欲加之罪,其無辭乎。功大身危, 復反覆兩端。」高祖便取乾前後數啓論時事者,遣使封送武帝。 儀 同三司、徐州刺史。指期將發,而帝知乾泄漏前事,乃詔高祖云:「曾與乾邕私有盟約,今 乾以頻請不遂,知變難將起,密啓|高祖,求爲徐州,乃除使持節、都督三除諸軍事、開府 時武衞將軍元整監刑,謂乾曰:「頗有書及家人乎。」乾曰:「吾兄弟分張,各在異 若死而有知,庶無負莊帝。」遂賜死,時年三十七。乾臨死,神色不變,見者莫不 。帝召乾邕示之,禁於門下

南 道行臺尚書。 |乾弟||慎,字||中密,頗涉文史,與兄弟志尙不同,偏爲父所愛。 太昌初,遷光州刺史,加驃騎大將軍、儀同三司。時天下初定,聽愼以本鄉 魏中興初,除滄州刺史、東

州斷其歸路。 自義旗之後,安州民恃其邊險,不賓王化,尋以愼爲行臺僕射,率衆討平之。天平末,拜侍 部 山數千人自隨。 **|惟間行至||晉陽,||高祖以爲大行臺左丞,轉尚書,當官無所迴避, 慎爲政嚴酷,又縱左右,吏民苦之。兄乾死,密棄州將歸高祖,武帝勑靑** 時咸畏憚之。

中,加開府。

急,積懷憤恨,因是罕有糾劾,多所縱舍。高祖嫌責之,彌不自安。 武牢降西魏。 奏令改選焉。 高祖以其勳家,啓愼一房配沒而已。 元象初,出爲兗州刺史。 慎前妻吏部郎中崔暹妹,爲慎所棄。 暹時爲世宗委任,慎謂其搆己,性 **慎先入關**。 周文帝率衆東出,高祖破之於邙山。愼妻子將西度,於路盡禽 尋徵爲御史中尉,選用御史,多其親戚鄉閭,不稱朝望,世宗 出為北豫州刺史、遂據 既狷

端 其父爲求嚴師,令加捶撻。 坐讀書,作老博士也。與兄乾數爲劫掠,州縣莫能窮治。招聚劍客,家資傾盡,鄉閭畏 `無敢違迕。父翼常謂人曰:「此兒不滅我族,當大吾門,不直爲州豪也。」 昂 ,字敖曹,乾第三弟。幼稚時,便有壯氣。 昂不遵師訓,專事馳騁,每言男兒當橫行天下,自取富貴,誰能 長而俶儻,膽力過人,龍眉豹頸,姿體雄異。

建義初,兄弟共舉兵,旣而奉旨散衆,仍除通直散騎侍郎,封武城縣伯, 邑五百戶。 乾

列

永安 逼宮闕,帝親 徑進,所向 官 末,榮入洛,以昂自隨,禁於駝牛署。 歸 與昂 披靡。 臨大夏門指麾處分。 녡 、在鄉里,陰養壯士。 帝及觀者莫不壯之。 昂旣殆縲絏,被甲横戈,志凌勁敵,乃與其從子長命等推 **介朱榮聞而惡之**, 即除直閤將軍,賜帛千疋。 旣而榮死、魏莊帝卽引見勞勉之。時众朱世隆還 密令刺史元仲宗誘執昂, 送於晉陽。

是 罪,顾 敖 陽 奴 州 襲 加 所 大敗。 <del>설</del>; 。至又 日 在 刺 训 征 義 以 昂 史 所 至 自 五 高 勇, 以 颌 將 以 城下,昂 是 隨 寇難尙繁,非一夫所濟,乃請還本鄉,招集部曲。 都 百 漢軍,不煩更配。 部 終 競 高 騎 督 F 曲, 微昂 其身。 來 祖討介朱兆 衝 純 搜 練習已久, 不暇擐甲,將十餘騎馳之,羽生退走,人情遂定。 其 將 前 等,高祖 赴。 漢兒,恐不濟事, )))))))) 仍爲 尋値京師不守, 於韓陵、昂自領鄉人部曲王桃湯、東方老、呼延族等三千人。 大都督, 率衆從高祖破介朱兆於廣阿。 一高祖 敦 幾 前後戰鬪,不減 收散 然之。 卒躡其後,昂與蔡儁以千騎自栗園出,横擊兆軍,兆衆由 今當割鮮卑兵千餘人共相參雜,於意如 遂與父兄據信都起義。 及戰,高祖 鮮卑,今若雜之,情不相合,勝則 不利,軍小却,兆等方乘之。 仍除通直常侍,四加平北將軍。 殷州刺史介朱羽生潛軍來 後廢帝立, 及平鄴,別率 爭功, 除使持節、冀 何』昂對日 高岳、韓匈 所部領黎 退則推

太昌初,始之冀州 尋加侍中、開府,進爵爲侯,邑七百戶。 兄乾被殺,乃將十餘騎奔

行,至於崤陜,不及而還。 歸於高祖。及斛斯椿釁起,高祖 尋行豫州刺史,仍討三|荆諸州不附者,並平之。|天平初,除侍 南討, 令昂為前驅。 武帝西遁, 昂率五 百騎倍 道兼

司空公。昂以兄乾薨於此位,固辭不拜,轉司徒公。

見季式作刺史耳。」高祖聞之,即馳驛啓季式爲濟州刺史。 鬭 mi 班師。 進,莫有當其鋒者。遂攻克上洛,獲西魏洛州刺史泉企,並將帥數十人。 時高祖方有事關隴,以**昂爲西南道大都督,徑趣**商洛。 時昂為流矢所中,創甚,顧謂左右曰:「吾以身許國,死無恨矣,所可歎息者,不 山道峻隘,已爲寇所守險,昂轉 會竇泰失利,

乃止。 卑語, 昂若在列, 則爲華言。 昂嘗詣相府, 掌門者不納, 昂怒, 引弓射之。 高祖知而不貴。 率衆在北豫州,與昂小有忿爭,昂怒,鳴鼓會兵而攻之。侯景與冀州刺史万俟受洛干救解 昂還,復爲軍司大都督,統七十六都督,與行臺侯景治兵於武牢。 其俠氣凌物如此。于時,鮮卑共輕中華朝士,唯憚服於昂。 高祖每申令三軍,常鮮 御史中尉劉貴時亦

救 所害,時年四十八。CKJ贈使持節、侍中、部督冀定滄瀛殷五州諸軍事、太師、大司馬、太尉 公、錄尚 元象元年,進封京兆郡公,邑一千戶。與侯景等同攻獨孤如願於金墉城,周文帝率衆 戰於口陰,昂所部失利,左右分散,單馬東出,欲趣河梁南城,門閉不得入,遂爲西軍 書事、冀州 刺 史,諡忠武。 子突騎嗣,早卒。 世宗復召昂諸子,親簡其第三子道豁

列

卒於黄州

刺史。

圖 皇建 初 追 封昂永昌王。 道豁襲,武平末,開府儀同三司。 入周,授儀同大將軍。 開皇

光 禄 大夫, 尋 季式,字子通,乾第四弟也。 加散騎常侍,領 主衣都統。 亦有膽氣。 太昌初,除尚 中興初,拜鎭遠將軍、正員郎,遷衞將軍、金紫 食典 御

卒不 式 於時, 賊破 徐 無恨 招罪。」季式 人,季式造騎三百,一戰擒之。 曰「濮陽 四州患之,歷政不能討。 能 南河郡,行三季式遣兵臨之,應時斬戮。 天平 `自領部曲千餘人,馬八百匹,戈甲器仗皆備, 來, 中, 又不疑外州有救,未備之間, 曰:「君言何不忠 、陽平乃是畿內,旣不奉命, 出 爲 濟州 刺 史。 季式至, 之甚 |Щ 又陽平路文徒黨緒顯等立營栅爲亂, 東舊賊 也。 皆破滅之。 叉不 劉盤陀、 我與 破之必矣。 國 侵境,而有何急,遣私軍遠戰? 自茲以後, [義同安危,豈有見賊 史明曜等攻劫道路,剽掠村邑,齊、克、青、 尋有濮陽民杜靈椿等攻城剽野,聚衆 故凡追督賊盜, 兵尚 遠近淸晏。 神速, 何得後機,若以獲罪, 多致克捷。 不討之理。 季式兄弟貴盛, 季式討平之。 萬 Ħ. 有客嘗謂 失脱,豈不 贼 並 又有 知 將萬 를 [-1 臺 有 軍 季 勳 氢

元象中,西寇大至。 高祖親率三軍以禦之, 陣於14、師徒大敗,河中流尸相繼,敗兵

肖 定天下,一旦傾危,亡去不義。 一百騎 尾不 絕。 奔梁, 既得避禍, 人情騷動, 謂世事艱難。 不失富貴。 若社稷顚覆,當背城死戰,安能區區偸生苟活。」是役也,司 何爲坐受死也。」季式曰:「吾兄弟受國厚恩, 所親部曲請季式曰:「今日形勢,大事去矣, 與高 可將 王 腹 共 ì

徒

放焉

還,除 儀 被 初 中 季 禁止 」, 封 Ė 式 同 三司 得 入 乘氏 衞 尋 爲散騎常侍。 書驚懼,卽狼狽奔告高祖。 時世宗先爲此任,啓以迴授。 尉 冀州 卿。 而 縣子,仍爲都督,隨司 赦之。 刺史、諡 復爲都督,從淸河公攻王思政於潁川,拔之。 四年夏,發疽卒,年三十八。贈侍中、使持節、都督滄冀州諸軍事、開府 興和中,行晉州事。 日恭 穆。 '徒潘樂征討江、淮之間。爲私使樂人於邊境交易,還京,坐 高祖昭其至誠,待之如舊。 爲都督, 解州,仍鎮永安戍。 從清河公岳破 蕭明於寒山,敗侯景於渦陽 以前 武定中,除侍中,尋加冀州大 高愼以武牢叛,遣信報季武 後功加儀同三司。

酣飲 職 憶 元 忠,開 黄 季式豪率好酒,又恃 闸 留 宿 郎 城門, 旦 司 馬 日 重 消難,左僕 令 左 門並閉 右乘驛持一壺酒往 舉家勳 射子 關 籥不 如 功,不拘檢節。 之子,又是高 通。 消難固請 光州 勘元 祖之壻,勢盛當時。 與光州刺史李元忠生平遊款,在濟州夜飲 云:「我是黃門郎,天子侍臣,豈 忠。 朝 廷 知而容之。兄慎 因退食暇 叛後,少時解 ,專季式 有 參朝 與之

二九七

季式日 之理 其被優 宗 消難拜謝請 乃俱脫車輪,更留一宿。 命左右索車輪括消難頭,又索一輪自括頸,仍命酒引滿相勸。 在 京 ? 工厂君自 遇 輔政,白魏帝賜消難美酒數石,珍羞十輿,並令朝士與季式親狎者,就季式宅讌集。 且. 一已一宿不歸,家君必當大怪。 如 此。 出,終不見許。 [稱黃門郎,又言畏家君怪,欲以地勢脅我邪? 是時失消難兩宿,莫知所在,內外驚異。及消難出,方具言之。 酒至,不肯飲。 今若又留我狂 季式云:「我留君盡興,君是何人,不爲我痛飲。」 飲, 我得罪無辭, 高季式死自有處, 消難不得已,欣笑而從之,方 恐君亦 初不 不免譴責 、畏此。」

尋進封 歷 大夏門拒念朱世隆,以功累遷左光祿 大 中散 夫 、冀州 冀州 翼 大夫 長兄子永樂、次兄子延伯,並和厚有長者稱,俱從翼舉義。 鄢 陵縣伯,增二百戶。武定中,隨儀同劉豐討侯景,為景所殺。 刺史。 大中正,出爲博陵太守,以民事不濟,自殺。 (安州刺史,封萬年縣男,邑二百戶。 子長命,本自賤出,年二十餘始被收舉。猛暴好殺,然亦果於戰鬪。 大夫。 高祖遙授長命雍州刺史,封沮陽鄉男,一百戶, 天保初,加征西將軍,進爵爲子。卒,贈太 贈使持節、督滄冀二州諸軍事、儀 永樂官至衞將軍、右光祿 贈冀州刺史。延伯 同

府

少卿

Ħ 昂 初 以 豪 俠 立 名, 爲之羽 翼 者, 呼延族、 劉貴珍、 劉 長 狄、 東方老、 劉 成

五.  $\overline{C}$ 韓願 生 劉 桃 棒 隨 其 建 義 者,李希光 劉叔宗、 劉 孟 和 並 仕宦 顯 達

以 和 義 動, 孟 亦 聚 和 孟 賜 衆 爲 和 餌長 都督。 名協 附昂兄弟,昂遙應之。 廣 縣伯。 浮陽饒安 中興初,拜通直 天平中, 人 也。 一常侍。 衞將軍、 及靈助敗,昂乃據冀州 孟和 少好弓馬, 二年,除安東將 上黨內史, 率性 罷郡, 豪 軍,尋 孟和 俠。 除 加 爲 幽 大丞 其致 州 征 刺 東將軍 相 史劉 力。 司 馬。 會高 靈助之起兵 金紫光祿 武定元年, 祖 起義 (也,」孟 冀州 以建 44

昂,公司 歸於昂 將 車 騎 軍 將軍 叔宗字元纂,樂陵平昌人。 諫議 昂以 、左光祿大夫。二年卒。 中興 大夫。 海寶權行 介初 高 兄海 祖除前 滄州 寶,少輕 事 將 o 軍 前 俠,然爲州 和謹,頗有學業, 廷尉 范 贈使 陽太守刁 少卿 持 節 里所 儀同 整 太昌 心附 愛。 舉秀才。 定州 初 **尒朱**,遣弟 ,加鎭 昂之起義也, 刺史。 稍遷滄州治中。 軍 將 子 軍 安壽 海寶 光祿大夫。 來鄉間 襲殺海 永安 襲滄州 寶。 天平初,除 中, 叔宗 加 鎭 以 仍 應 遠

遠將 盜 郷里 軍 老, 思之。 除魯陽太守。 安德局人。[10]家世寒微, 魏末兵起,遂與昂爲部曲 後除南益州刺史,領宜陽太守,賜爵長樂子。 身長七尺, 義 旗 膂力 建,仍從征討 過人。 少粗 以軍 獷 無賴 功 除 老頻爲二郡, 結輕 殿中 將 險 之徒 軍 累 出 共 入數 遷 爲 平 賊

列

傅

封陽平縣伯,遷南兗州刺史。後與蕭軌等渡江,戰沒。 年,境接羣蠻,又隣西敵,至於攻城野戰,率先士卒,屢以少制衆,西人憚之。 顯祖受禪

旗之功,官至吏部郎,後爲兗州刺史。 令,尚書外兵郎中。 安德郡守。 三州刺史。 光 ,渤海蓨人也。父紹,魏長廣太守。 |天保中,揚州刺史,與蕭軌等渡江,戰沒。 贈開府儀同三司、西兗州刺史。子子 後為世祖開府長史。武定末,從高岳平潁川,封義寧縣開國侯,歷潁、梁、南京 武平末,通直常侍。 坐貪暴爲世宗所殺。 隋開皇中,卒於易州刺史。 希光族弟子貢,以與義 希光隨高乾起義信都。 中興初,除安南將軍

施 行,史闕 抗禮,不相服御,競說謀略,動必乖張。頓軍丹陽城下,值霖雨五十餘日,及戰,兵器並 年三月渡江,襲剋石頭城。五將名位相侔,英起以侍中爲軍司,蕭軌與希光並爲都督,軍中 用,故致敗亡。 顯祖責陳武廢蕭明,命儀同蕭軌率希光、東方老、裴英起、王敬寶步騎數萬伐之。以七 其傳。 將帥俱死,士卒得還者十二三,所沒器械軍資不可勝紀。 蕭軌、王敬寶事 示堪

左丞。 郡 裴英起,河東人。 **父**約,渤海 天保中,都官尚書,衆侍中,及戰沒,贈開府、尚書左僕射。 相。 英起聰慧滑稽,好劇談,不拘儀檢,仕魏至定州長史。 其先晉末渡淮,寓居淮南之壽陽縣。祖彥先,隨薛安都入魏,官至趙 世宗引為行臺

列傳第十三 封隆之

封隆之,字祖裔,小名皮,渤海隋人也。 父回,魏司空。 隆之性寬和,有度量。 弱冠,州

郡主簿,起家奉朝請,領直後。 汝南王悅開府,爲中兵參軍

降款。永安中,除撫軍府長史。今朱兆等屯據晉陽,魏朝以河內要衝,除隆之龍驤將軍、河 內太守、尋加持節、後將軍、假平北將軍、當郡都督。未及到郡、屬永朱兆入洛、莊帝幽崩。 慶,賜爵武城子。俄兼司徒主簿、河南尹丞。時青、齊二州士民反叛,隆之奉使慰諭,咸卽 初,延昌中,道人法慶作亂冀方,自號「大乘」,衆五萬餘,遣大都督元遙及隆之擒獲法

怨,痛入骨髓,乘機而動,今實其時。」遂與乾等定計,夜襲州城,剋之。乾等以隆之素爲鄉 禍加至尊,弟與兄並荷先帝殊常之眷,豈可不出身爲主,以報讐恥乎。」隆之對曰:「國恥家 里所信,乃推爲刺史。隆之盡心慰撫,人情感悅。 隆之以父遇害,常懷報雪,因此遂持節東歸,圖爲義舉。時高乾告隆之曰:「亦朱暴逆,

之時也。 將僚吏等議曰:「逆胡尒朱兆窮凶極虐,天地之所不容,人神之所捐棄,今所在蜂起,此天亡 尋高祖自晉陽東出,隆之遣子子繪奉迎於滏口,高祖甚嘉之。旣至信都,集諸州郡督 欲與諸君剪除凶羯,其計安在。」隆之對曰:「今朱暴虐,天亡斯至,神怒民怨,衆叛

遺隆之持 疑 親 冀州 離 。」中興 ,雖握 引 初 ,仍領降俘三萬餘人, 節爲北 重 ,拜左光祿大夫、 兵, 道大使。 其强易弱。 高 祖 吏部 而 分置 將擊尒朱兆等於韓陵,留隆之鎭鄴城 大王乃心王室,首唱義旗,天下之人,孰不歸 尙 諸 書。 州 **介朱兆等軍** 於 廣阿,十月, 高 **尒朱兆等走,以隆之** 祖與戰,大破 仰, 願 之。 大王勿 功

慶、侯。 祖 城 食 實是深慮。」尋封安德郡公,邑二千戶,進位儀同 拔 其 加 子 義 勝 明帝 干 知 其 及 曺 、賈顯智等往事介朱, 郣 被 武 徴 從 爲 廟 念賢皆在京師、自己王授以名位,此等必搆 城子 爲侍 之。 大 誣 庭 司 ,召赴晉陽 馬。 韶隆 隆 中。 轉授弟子孝琬等, 之議 之參 長 時 高祖 史。二三 日 議 魏帝 |楽 為 自洛 中復 麟 趾 蒘 閣,以 還師 那 人臣,親行殺 朝 以 阻 本官徵 廷 於鄴。 ,及討仲遠,又與 嘉 定 而 新 從之。 之,隆之固 制。 隆之將赴都,因過謁 逆,安有害 叉贈 三司 後為 祁 「辭不赴。 隙 其妻祖氏 之同,猜忍之人,志欲 ō 斛斯 高温 人之母 于時朝 椿等構之於魏帝 祖經宿乃謂隆 范陽郡君 仍以隆之行幷州刺 議 與子 見,啓高祖曰「別斯椿、 以介朱榮佐 對 饗? 之日:「 無限 隆 逃 考古詢 之表 命 歸 前 侍中 史。 叉叱 鄉 以 헮 今 先 里 ·, 未 魏清 昨 列 爵 宜

营

見

Mil.

延

高

冀州 事。 天 平 陽平民路紹遵聚衆反,自號行臺,破定州博陵郡 初 復 入 為侍 rfi , 預 遷 都 之議 魏 静帝 詔 爲侍講, 房太守 高永樂,南侵冀州。 除 吏部 尙 書, 加 侍 中, 以本 隆之 官行

神貴 梁州 冀州 後 餘 初 令所部長樂太守高景等擊破之,生擒紹遵,送於晉陽。 高 謹,每多從之。 今若收治,示民不信,脫或驚擾,所虧處大。 云言 元年 石積 事 祖 如 召 放,諡 就 就祭焉 豪 ,復徵爲 託 德履仁,體通性 隆之自義旗始建,首參經略, 事 募勇果,都督孛八、高法雄 以隆之勳舊,追榮未盡,復啓贈 仲密枝黨 了,又行 望 之。 **市**,膊物 使 曰宣懿。 何期 爲 待中。 濟 長 同惡向 內應, 復以本官行 五. 州 子早亡。 報善無徵, 一百段。 事 一、徴拜 高祖 隆之素得鄉 達,自出 輕薄 西者,三言宜悉收其家累, 贈 後至冀州境,次於交津,追憶隆之,顧謂冀州 第二子子繪嗣 尚書右僕射。 之徒,頗相 使持 濟州 奄從 納軍 大封子 節 Ţſ 里人情, 物化,言念忠賢,良可痛惜。」爲之流涕。 國,垂二十年,契鶋艱虞,始终 奇謀 , 都督滄瀛 使持節 轉齊州 扇 元等不 妙算 動。 武定 頻爲 、都督冀瀛滄 ",密以: 刺 願遠戍、聚衆 乃啓高 韶隆之馳 初, 史。 本州,留 以懲 州 北 諸軍事 啓聞,手書削 武定三年卒官, 祖 豫 將 |驛慰 ,事遂得停 州刺 ì 來。」隆 元象 齊濟五 撫字,吏民追思, 、驃騎 爲 史高 撫,遂得安靜。 亂。 初,除冀州刺史,尋 之以爲恩旨旣行, 藁, 如 大 州諸軍 仲密將叛,遣 隆之率州 /將軍 <del>\_</del> 0 年六十 罕知於外。 行事 事 瀛 以 其 、冀州 世宗 立 令參軍宋仲羨以 州 軍 司 <del>, ,</del> 忠信 邴 破 刺 馬 使 加 史、 韶造主書監 高祖 密書與隆之 頌 子 刺 陰通消 平 理無追改 口 開府 之。 如 史、太保,

列 傅

第

憑,方以

日一

|封

司

徒公。

嘉

其

忠

轉行

興

和

時

息

於

赴晉 還 紫 簿, 穀 旭 號 憂 隆 兵 運 千 光 解 從之,仍令子繪領汾、晉 之舉義 加 糧 禄 百 ·里 陽 孝 職,尋復本任。 子 伏 軍 斛。 靜 徑 大 從 波 者 夫。 初 ,字仲藻,小名搔。 高 將軍,從 士無乏。 つ 山 都, 後大軍 祖 兼給事黃門侍 魏武 征 奉使詣 坂 夏州。 高 ·討復 高 帝末,斛斯椿等佞倖用 峻,每 太昌 興和 祖征介朱兆。 高祖。 東雍,平柴壁及喬 二年, [中,從<u>高祖定</u>拜、汾、肆數州,平<u>亦朱兆及山胡</u>等, 初, 大軍 二州夫修治,旬 郎,與太常卿李元忠等並 自郡 性和理,有器局。 至信 往來,士馬 除衞 徵 都, 及 補 將軍 平中山,軍還,除通直常侍、左將軍,領中書舍人。 大行 召署開 、平陽太守, 勞苦。 日 事,父隆之以猜忌,懼難潛歸鄉里,子繪亦棄官俱 山 臺 而 、自己紫谷絳蜀 吏部 釋褐 府主簿, 就 子繪啓高 郞 秘書郎中。 高 持節出 中 祖 尋加散騎常侍。 仍典 親 總六軍,路經新道,嘉其省便,賜 祖,請於舊 等, 使,觀省 八書記。 子繪 **尒朱兆之害魏莊帝也**, 中興元年, 恒 風 徑東谷別 晉州 以太守前 俗, 問 北界霍 加 征 人疾苦。 轉大 開 南將軍、金 驅 太山,舊 慰勞,徵 路。 /丞相 與父 母 主 高

號, 關 遂敢 武 或 定元 諫 驅率亡叛,送死伊瀍。 不 年,高 印 窮 兵 仲 密 極 武 以 者, 武牢 高 西叛,周文帝 祖 天道禍淫,一朝 總命 羣僚 擁 議 衆 其 東 瓦解。 進 侵, 止 高祖 雖僅 子繪 於邙山破之, 以身免, 言 日 賊 而 帥 魂膽俱 才 乘勝 非 人 長 喪。 雄 偸 逐至 混 竊 潼 車

在 遲 疑, 在 今日,天與不取,反得其咎。 悔 無 及 틴。 伏願 大王不以 爲疑。」高 時難遇而易失,昔魏祖之平漢中,不乘勝而取巴蜀 祖深然之。 但以時旣盛暑, 方爲後圖 **一,遂命** 失

班

師

騎 宗 州 南 加 密旨,衡 兗 將 經 親 會大軍 州 略 三年, 軍 執 其 事 綏 命 天保 手 尋除 一靜海 於 父喪去 山 日一 東 玉 二年 持節 壁。 隅, 誠 安 職 -, 除 撫 不 知 復 海 此 州 勞學習常太守 太 以子繪爲 州 四年,高 郡 郡 尉 刺 未 長史。 史,不行。 高 **允勳望**, 祖 祖 大行 西討, 崩 三年,頻 向 但 臺 祕 州參也。」仍 東部 時 未 起爲 發喪, 事 以本官再行南 未安, 郞 大都督,領冀州兵赴鄴,從高祖自滏 中。 世宗 須 聽 及高 收 卿 以 子繪 集部 鎭 祖 青州 撫。 病 曲 爲 篤,師還晉陽,引入 事。 渤海 且 千人。 衣 四 太守, 錦 年, 畫遊, 後進 坐 令馳 事 古人 秩 死 驛赴 內室,面 所 等, 六年,行 貴。 西 趣 加 晉 驃 善 世

還壽 潰 下 繕 治 其 護 森 軍 七 繪 器 年, 軍 疆 率 將 宇 將 改 埸 軍 土 禦 授 大 徐度 格 所 合州 駭 戰 須 等 畢 刺 兼 率 陳 備 史。 在 輕 人 州 奔 舟 人 器 到 退。 情 從 械, 州 棚 漸 未 安。 口 隨 幾, 歷 軍 東關 尋 値 略 勑 蕭 盡,城隍 入巢湖,徑襲合肥 於 軌、裴英起等江 州營 樓雉 造 船艦 虧 一子繪 壞 東敗沒, , 者 規燒船舫。 多 爲 0 大 使,總 行 子 繪 臺 司馬 乃修 監之。 以夜 恭發 造 城 陳 更潛寇城 隍 歷 武 陽,徑 樓雉, 帝 曾

列

傳

史,行魏尹 九年 事。 轉鄭州 乾明初,轉大司農,尋正除魏尹。 刺史。 子繪曉達政事,長於綏撫,歷宰州郡,所在安之。 皇建中, 加驃騎大將軍。 大寧二年,遷 徵為司徒左長 都

官尚書。

軍。 世 勑 動靜,小大必知。 載 大司馬、平原王段孝先總勒重兵,乘機電發; 子繪 名德,恩洽彼州,故遣參贊軍事,隨便慰撫。 高 歸彦作逆,召子繪入見昭陽殿。 祖父世爲本州,百姓素所歸附。 賊平,仍勑子繪權行州 帝親韶子繪曰:「冀州密邇京甸、歸彦敢肆凶悖。 事 旣至, 司空、東安王婁叡督率諸軍,絡釋繼進。 巡城諭以禍福,民吏降款, 宜善加謀略,以稱所寄。」卽以其 日夜相繼,賊中 日 馳 傳赴 卿

瀛冀二州 任。 還爲 尋徵還,勑與羣官議定律令,加儀同三司。 軍事 七兵尚書,轉祠部尚書。 、冀州 刺 史、開府 儀同、尚書右僕射,諡曰簡。 河凊三年暴疾卒,年五十。 後突厥入逼晉陽,韶子繪行懷州事,乘驛之 子寶蓋嗣。 世祖深歎惜之。 武平末,通直常侍 贈使持節、

子繡 州。 欄大怒,鳴鼓集衆將攻之。 兄之壻也,爲瀛州 齊亡後,逃歸 子繪 弟子繡,武平中,渤海 隋開 刺 史。 皇初,终於通州刺 俄頃,兵至數千,馬將千匹。定遠冤冠拜謝,久乃釋之。 子繡在渤海,定遠過之,對妻及諸女讌集,言戲微有褻慢,子 太守、霍州刺史。 史。 子繡外貌儒雅,而俠氣難忤。 陳將吳明徹侵略淮南,子繡城陷,被送揚 司空婁定遠,

祖 州 爲 州諸軍事、驃騎大將軍、尚書左僕射、司徒、冀州刺史、諡曰文恭。 大怒,同罪人皆死,以隆之故,獨得免。 刺 大行臺左光祿大夫,口吾封郟城縣子,行渤海郡事。 史。 隆之弟延之,字祖業。少明辨,有世用。 延之好財利,在州多所受納。 後行晉州事,高祖沙苑失利還, 興和二年卒,年五十四。 起家員外郎。 以都督從婁昭討樊子鵠,事平,除青 中興初,除中堅將軍。 贈使持節、都督冀殷嬴 子孝纂嗣 延之棄州北走。 高祖以 高

武定 慟 先達高 歎惜焉。 史、殿中尙書。 二年,隆之啓以 有感路 中 隆之弟子孝琬,字子蒨。 ·, 爲 才,與孝琬年位懸隔,晚相逢遇,分好遂深。 贈 人。 顯 左將軍 祖開府主簿,遷從事中郎將,領東宮洗馬。 孝琬七歲而 父爵富城子授焉。 ·、太府少卿。 孤,獨爲隆之所鞠養,慈愛甚 父祖曹, 江 魏冀州平北府長史。以隆之佐命之功, 贈雍州刺 孝琬性恬靜, 三年,釋褐開府參軍 頗好文詠。 孝琬靈櫬言歸, 事。 篤。 天保二年卒,時年三十六,帝聞 太子少師邢邵、七兵尚書 天平中,輕車將軍 年十六,本州辟主簿。 二人送於郊外, 司 徒主 魏永熙 三町並 悲哭悽 簿。 而

孝琬弟孝琰,字 列 傅 第 +  $\equiv$ 士光。 封 隆 之 少修飾學尚,有風儀。 年十六,辟州主簿,釋褐秘書郎。 三〇七

遙授中書侍郎。還,坐事除名。 天統三年,除幷省吏部郎中、南陽王友,赴晉陽典機密。 子舍人。乾明初,爲中書舍人。皇建初,司空掾、秘書丞。散騎常侍,聘陳使主,已發道途, 年,爲太子含人,出入東宮,甚有令望。丁母憂,解任。除晉州法曹參軍。尋徵還,復除太

常侍。 遣 限。 捨離部伍 而大怒。其後會黃門郎李懷奏南陽王綽專恣,士開因譖之曰:「孝琰從綽出外,乘其副馬, 云:「公是衣冠 高 阿那肱 孝琰文筆不高,但以風流自立,善於談謔,威儀閑雅,容止進退,人皆慕之。 孝琰入弔,出謂人曰:「嚴興之南,丁鄒之北,有一朝士,號叫甚哀。」聞者傳之。 和士開母喪,託附者咸往奔哭。鄴中富商丁鄒、嚴興等並爲義孝,有一士人,亦哭在 後 與周朝 [,別行戲話。]時<u>孝琰女爲</u>范陽王妃,爲禮事因假入辭。 重決五十,幾致於死。還京,在集書省上下,從是沉廢。 [宰相,異於餘人。]近習聞之,大以爲 通好,趙彥深奏之,詔以爲聘周使副。 恨 祖珽輔政,又奏令入文林館,撰御 帝遂決馬鞭百餘,放出,又 士開 死後,爲通直散騎 嘗謂祖既 士開知

家 僧尼以他 ,大獲珍異,悉以沒官。 尋 以 、過度。 事訴 本官兼尚書左丞,其所彈射,多承意旨。時有道人曇獻者,爲皇太后所幸,賞賜隆 競者,辭引曇獻。上令有司推劾。 又乞爲沙門統,後主意不許,但太后欲之,遂得居任, 由是正授左丞,仍令奏門下事。 孝琰案其受納貨賄,致於極 性頗簡傲,不諧時俗,恩遇漸高, 然後主常憾焉。 法,因搜索其 因

府 爾 行 自矜誕,舉動舒遲,無所降屈。識者鄙之。 參軍君確 、君靜等二人徙北邊,少子君嚴、君贊下蠶室。 與崔季舒等以正諫同死,時年五十一。 南安之敗,君確二人皆坐死。 子開

不 疏,假手天誅,枉濫之極,莫過於此。 然則齊氏元功,一 麾旆,用叶本圖。 亦壯哉 史臣曰: 1 既剋本藩,成其讓德,異夫韓馥懾袁紹之威。 高、封二公,無一人尺土之資,奮臂而起河朔,將致勤王之舉,以雪莊帝之讎, 門而已。 高祖 因之,遂成覇業。 但以非潁川 子繪才幹,可稱克荷堂構,弈世載德,斯爲美焉 元從,異豐、沛故人,腹心之寄, 重 以昂之膽力, 氣冠萬物,韓陵之下,風 然力謝時雄,才非命世,是以奉迎 有所未允。 飛電擊。 露其啓

蹈 義亡身。 贊曰: 烈烈文昭,雄圖 對公矯矯,共濟時屯,比承明德,暉光日新。 斯契,灼灼忠武, 英資冠世。 門下之酷, 進退惟谷。 黄河

#### 校勘記

及尒朱 見 }魏 \*\* 卷 <del>兆</del>弑莊帝 孝莊紀、卷七五 諸本「兆」作「榮」,北史卷 | 余朱兆傳 今據北史改。 高乾傳作「兆」。 按魏孝莊帝爲尔朱兆所殺,

列傳第十三 校勘記

- 遷員外 北央卷三一作「稍遷員外散騎常侍」。按「員外散騎常侍」不宜省稱「員外」,當是脫「散北史卷三一作「稍遷員外散騎常侍」。按「員外散騎常侍」不宜省稱「員外」,當是脫「散
- 騎常侍」四字。
- 長子繼叔襲祖樂城縣侯 北史卷三一「洛」作「樂」。 錢氏考異卷三一云:「按乾父翼封樂城縣

(侯, 此 稱『洛城』,前後互異。」按當時地名多用同音字, 非由字訛, 但傳內前後應一致,今改作

樂」

通

直散騎常侍」。

 $\overline{\phantom{a}}$ 仍除通直常侍 諸本「通直」下有「郎」字、册府卷七六二九〇五三頁無。 北史卷三一高昂傳作「除

按「通直散騎常侍」省稱「通直常侍」、「郎」字行、今據册府删。

- 元 至 別 率所部領黎陽 按「領」字疑是「鎭」之訛,不則「黎陽」下脫「太守」二字。
- ۺ ベン 時年 四十八 按昂死於元象元年五三八、年四十八、上推生於太和十五年四九一。 據上高乾傳及

本 書 卷 神武紀, 其兄高乾死於永熙二年五三三,年三十七,當生於太和二十一年四九七,這樣,

歲,也太懸殊。 高昂反比 其兄大了六歲。 這裏四十八疑是三十八之誤。 又其胞弟季式死於天保四年五五三,年三十八,算來小於高昂二十五

- ^\ -₩ 中, 又有羣賊破南 高 季式 方任此州 河郡 刺史。 按魏無南河郡,疑「南」下脫「淸」字。 南清河郡屬濟州 見魏書卷一〇六地形志
- 成五 諸本及北史卷三一高季式傳「五」下有「彪」字,三朝本「五」作「王」,册府卷八四八一〇〇

八二頁作「成五」。 按其人姓名當是「成五虎」、避唐諱、北齊書去「虎」字、北史改「虎」爲「彪」。 ===

朝本「五」訛「王」,南本以下據北史改。今從册府。

へたし 海寶 本作「滄州」。 率鄉閭襲滄州以應昂 按下文說「昂以海寶權行滄州事」,知作「滄州」是,今從殿本。 三朝本、南本、汲本、局本「滄州」作「滄海」,北本訛作「倉海」,唯殿

C = 0老安德鬲人 之字,蓋校書者妄加『字』耳。」按魏書卷一〇六地形志上冀州安德郡 諸本「老」下有「字」字, 北史卷三一 無。 錢氏考異卷三一云:「安德郡名, 有鬲縣。 錢說是, 今據北 非『老』

又叱列延慶侯念賢皆在京師 八〇有傳。 按「侯」下疑脫「深」字。 侯深本名「淵」,本書避唐諱改, 魏書卷

· 建则。

魏淸 王 史」見上文兼 亶 爲 河 大 王 司 亶 大司 馬 爲大司馬長史 馬長史,幷州 以隆之爲長史」 南本、局本無「爲」字。 和 洛陽 元童爲大司 遙遠, 馬 **豈能** 見魏書卷一一出帝紀永熙三年(五三四)八月。 兼任。 按若無「爲」字,則似高隆之以「行幷州 疑「爲大司馬」下有脫文,當云:「魏淸河 今無可參證 刺

仲密: 枝 黨 同 惡向 西 者 諸本 無「者」字,據册府卷六五五七八四六頁補

平柴: 壁 及 喬 Щ 諸 本「柴壁」作「紫壁」。按本書卷一九高市貴傳說市貴 鎭洪峒, 沙苑戰後,州

仍

從

 $\equiv$ 

朝

本

列

傅

第

+

Ξ

校

勘

記

民柴覽」反抗東魏,高市貴破柴壁事,和此傳所載時地都相符合。柴壁之名早見於晉書卷一了

七姚興載記,魏書卷三〇安同傳、卷三三李先傳,其地正在汾水邊。「紫」字乃涉下「紫谷」而

訛,今改正。

스 판 高祖以爲大行臺左光祿大夫 張森楷云:「『左』字下當有『丞』字,屬上爲句。 大行臺固無左光

祿大夫也。 若讀『臺』字斷句,則延之此時,官尙卑微,豈得躋茲顯秩。」按張說是,但別無他據,

今仍原文。

二〇 父祖曹 之,當以『胄』爲正。傳失書其名爾。」 北史卷二四封隆之傳云:「弟興之,字祖胄。」錢氏考異卷三一云:「以隆之字祖裔推

# 北齊書卷二十二

## 列傳第十四

李元忠族弟密 族人愍 族叔景遺 **盧文偉** 孫詢祖 族人勇 李義深

請爲府司馬,元忠以艱憂,固辭不就。 覽史書及陰陽數術,解鼓箏,兼好射彈,有巧思。遭母憂,去任。未幾,相州刺史、安樂王鑒 遷太尉,復啓爲長流參軍。懌後爲太傅,尋被詔爲營構明堂大都督,又引爲主簿。元忠粗 |州刺史。元忠少厲志操, 居喪以孝聞。襲爵平棘子。魏淸河王澤爲司空, 辟爲士曹參軍, 李元忠,趙郡柏人人也。曾祖靈,魏定州刺史、鉅鹿公。祖恢,鎮西將軍。父顯甫,安

賤、皆爲救療。家素富實,其家人在鄉,多有舉貸求利以元忠每焚契免責。鄉人甚敬重之。 魏孝明時,盜賊蜂起,清河有五百人西戍,還經南趙郡,以路梗共投元忠。奉絹千疋,元忠 初元忠以母老多患,乃專心醫藥,研習積年,遂善於方技。性仁恕,見有疾者,不問貴

列傳

唯 陳 旭 雅 此 書令元羅 以 斬 몲 匹。 老翁 誠 義 受 親 從兄瑾 羽 意,深相 自 款, 生。 舉。 正, 永安 不 撫 元忠戲謂 深見嘉納。 可 致 年 即令行殷州事。 會高祖率衆東出, 初, 視 殺 嘉 遇耳。 長,以中正 娉於晉陽。 五羊 就拜南 重。 其年封晉陽縣伯,邑五 高 後高 完忠曰:「止 以食之,遺奴爲導,曰:「若逢 祖 時刺 趙郡太守,以好酒無 曰:「若不 護之。 祖奉送皇后,仍田 高 史介朱羽生 祖 中興初,除中軍 便自往奉迎。 每於宴 尋加 一為此 與侍 以 世 征 (席論: 翁難 中,當更覓建義處。」高祖答曰:「建義 祖兵 南 事 百戶。 將軍 經懷,故 殺 舊 、政績。 於晉澤,元忠馬倒被傷, 遇,所以不 一將軍 乘露 據州,元忠先聚衆於 • 後以微譴 事 一賊,但道李元忠遺送。」奴 衞 車、載素 武帝將納后, 不 値 , 洛陽 在 因 尉 去。」 嫌 .撫掌欣笑云:「此人逼我起兵。」賜 卿。 失官。 (筝濁) 嫉 傾覆,莊帝 二年,轉太常卿、殷州 因捋 之地 酒以見高祖,因進從橫之策,備 卽 時朝 高 西山、日 高祖之長女 尋兼 旭 當時 幽 廷 鬚而 崩, 離 中 殞絕, 貮 書 大笑。 仍與大軍 如其言, 元忠棄官還家, 處不 令。 也, 義旗 久 慮無, 高 詔 大 而 多 賊皆捨避。 祖 中正 方蘇 相 元忠 見猜阻。 亦 止 悉 白 與 畏 尚 擒 潛 高 其 如 馬 後

元忠表求賑 徒有虛名, 天平 初,復爲太常。 不救其弊, 貸,俟秋 徵 後加 收。 遂出十五萬石以賑之。 驃 被報, 騎 將 軍 聽 用 四年,除 萬石。 使持節 元忠以爲萬 事訖表陳, 、光州 石給 朝廷嘉而不責。 刺 史。 人, 時州 計 境災 家 不 興和末, 儉, 過 升 人皆菜 斗 拜 ITI

侍中。

惡之。 侍,備 事 藿 孫 極 乞在閑冗,以養餘年。」武定元年,除東徐州刺史,固辭不拜。 常布言於執事云:「年漸遲暮,志力已衰,久忝名官,以妨賢路。 庭 以 會貢世宗清桃 騰 了, 恒 本官領 也 之內,羅種果藥,親朋尋詣,必留連宴賞。 元 /將軍 經 司馬子如嘗共詣元忠,見其坐樹下,擁被對壺,庭室蕪曠。謂二公曰:「不意今日披藜 思標賞,有意無由。忽辱蒲桃,良深佩帶。 因 忠 旦告其受業師,占云:「大吉,此謂 要重。 衞 呼妻出,衣不曳地。 雖居要任,初不以物務干懷,唯以聲酒自娛,大率常醉。 、司徒、定州 尉 卿。 一盤。CHI世宗報以百練練,遺其書曰:「儀同位亞台鉉, 而猶家無擔石,室若懸磬,豈輕財重義,奉時愛已故也。 其年卒於位,年六十。 刺史,諡 二公相顧歎息而 曰敬惠。 光 初元忠將仕,夢手執炬 詔贈縑布五 照先人,終致貴達矣。」子 每挾彈攜壺,敖遊里閈,遇會飲酌,蕭然自得。 去,大餉米絹衣服,元忠受而散之。三年,復 聊用絹百疋,以酬淸德也。」其 一百疋,使持節、督定冀殷幽 乃除驃騎大將軍、儀同三司。 火入其父墓, 若朝廷厚恩,未 家事大小,了不關心。 搔 嗣 識懷負素, 久相嘉尚, 嗟詠無 中 ·夜驚起,甚 (見重 便放棄者, 四 出藩入 州諸軍 如此。 園

時人稱 播, 字德況,少 其 思 理 \聰敏,有才藝,音律博 起家 司 徒行 多軍。 累遷河內太守,百姓安之。 弈之屬, 多所 通解。 曾采諸聲, 入爲尙書儀曹郎。 別 造 器,號日 天保 八

八年卒。

之計。 書、濟州 廷以密從景非元心,不之罪也。 祖乃以薛脩義行幷州事,授密建州刺史。 阿,高祖令密募殷、定二州兵五千人鎭黃沙、井陘二道。及兆韓陵敗還晉陽,隨軍平兆。 史、河內太守,贈青州刺史。 藥,母疾得除。 聞於外境。 元忠族弟密,字希邕,平棘人也。 屬高祖出山東,密以兵從舉義,遙授幷州刺史,封容城縣侯,邑四百戶。 刺 史。 高祖頻降手書勞問,並賜口馬。 密性方直,有行檢。 當世皆服其明解,由是亦 密少有節操,屬介朱光殺逆,乃陰結豪右, 天保初,以舊功授散騎常侍, 因母 祖伯膺,魏東郡太守,贈幽州刺史。 以醫 患積年,得名醫治療, 又除襄州刺史,在州十餘年,甚得安邊之術,威信 侯景外叛,誘密執之,授以官爵。 術 知名。 復本爵縣侯,卒。 不愈。 乃精習經方,洞曉 與渤海高昂 父煥,治書侍御 景敗歸朝,朝 贈殿中尚 爲 報 復

守,銀靑光祿 觖 魏末行護軍司馬、自武邑太守。 大夫。 齊亡後卒。 子道謙,武平中,侍御史。 天保 初,司空長史。 道謙弟道貞, 大寧 、武平中,清河 南青州司馬, 廣平 爲逆 郡

賊邢杲所殺。四贈北徐州刺史。

武 俠, 愍 所 亂 表 見 之。 持 源 騎 授愍 榮 敗 節 子 爲 以爲 詔 常侍 樂 邕 前 鎭 元 遣 忠宗人 樂 愍 建 遣 汁 屯 驅 徒 大都督 忠 安陽 逐 欲 假 其 洄 別討 侣。 將軍 叔 歸 分 節 别 愍, 樂陵 家 賊 孝昌 別別 將 大都 長 之, ·,分廣平易陽 勢, 字魔憐 孫 安樂王 將,鎭 頗 王葛萇 之末 督 稚 遺愍 汁 有 討之。 裴衍 间 斬 一形貌 鄴 在 別 天下 逐率精騎 元鑒爲北 獲。 道 鄴 屯 城 稚素聞 鄴城 之西 東郭 襄 向 ·兵起, 及鑒謀逆,愍 魁傑,見異 襄 國 一西 國 北, 萬擊愍,愍據險 , 道大行 愍潛 愍名,召棄 葛榮之圍 南趙郡之中丘 襲城 重山 討 鑒。 八於時。 居林 署廣州 之中,并、相 臺,至鄴 乃詐 愍棄家 慮 信 帳 都 患暴風,鑒信 Щ 少有大志, 內 刺 以以 ·; 觀 拒 餘 統 史田 П 戰, 縣爲易陽 奔子 黨 賊 軍 候 衆 怙 南 時 州交境 | 萇 邕 盛 抄, 變。 年四十,猶 軍 軍 之,因 强 達 得 陽平 郡, 仍 愍未 呼沱 前 賊 未 被 至 帥 以葛榮 得 以 **微赴洛** 此 至襄國 **介朱** 鮮 不 北 前 賊 得 以愍爲 于 住 來 発。 皆 脩 榮 南 遣 逆 州 爲 至東關 逼, 郡 太守 除 已擒葛榮。 未幾,大都 使 、贼有。 奉車 徴愍, 唯 毛 故 稚 賜 普 招 用 軍 都 爵 愍鎭 致 憋 鑒 表 爲 賢 尉 督 兹 襄 卽 授 賊 作 命 乃

保石 門 永 (F) 安 Щ 末,假 高 加 與 建 平 幽 義, 孙 北 以 將 刺 書招愍,愍奉 軍 史 、持節 劉 靈 助 當 及 高 郡 書,擁衆數千人以赴高祖 大都 昂 兄 弟 督 安州 遷 樂 平 刺 太守。 史盧 曹等 未 高祖 之郡,洛京 同 契 親 義 迎 舉 之。 傾覆 <del>중</del> 助 除 感恩 敗 使持節、 率 愍遂 所 部 征 入 西

列

傳

第

+

四

李

元

忠

破 鎭 南 兆 將軍 .害,復屯故城。 高高 於廣阿。 祖 、都督 親送 之。 相州 愍統其本衆,屯故城以備介朱兆。 **尒朱兆等將至,高祖徵愍參守鄴城** 愍至鄉,據馬鞍山,依 諸 軍 事 相州刺史, 險爲 兼尚書西南道行臺、州都督。「公一令愍率本衆西還舊 相州 、既平, 命愍還鄴,除西南道行臺都官 祖

尙

稻千 三萬, 餘 後 天平二年,卒。 刺 里 一,所經 餘頃,公私賴之。 史皆從間 太昌初,除太府卿。 兼發 之處, 、邊蠻、 道始得達州。 贈使持節、定殷二州 圍 卽 <u>寸</u> 逼 郵亭、蠻 下 轉行東 溠戍。 後 出爲南荆州刺史、當州大都督。 愍勒部曲數千人,徑向 荆州 左大服。 愍躬自己 軍 仍除驃騎將軍 事 討擊,破 梁遣其 、儀同、定州刺 之。 南 司 、東荆 詔 州 懸瓠,從比陽復 刺 加 史。 史任 州 車 刺 騎 此州自孝昌以來,舊路斷絕,前 史、當 將軍。 思祖 、隨郡 「州大都督,加散騎常侍。 舊道,公 愍於 太守恒 州內開立 且戰 和 且 等率馬 陂渠,溉 前三百 步

旭 無 鉅 素聞其名, 爲 鹿 太守 而 元忠族 出 無爲 之。 叔景遺,少雄武,有膽力,好結聚亡命,共爲劫盜,鄉 接之甚厚。 州軍 以贓罪爲 追 討,竟不 御史糾劾,禁於 命與元忠舉兵於西山,仍與大軍俱會,擒刺史永朱羽生。 能 制 由 是以 州獄 俠聞。 景遺 率左 及高 右 祖 十 舉 餘 義 於信都、 騎 里每 詐稱 患之。 景遺 臺使,徑 永安末,其兄南 赴 於 入 軍 州城 菛 以功除 行劫 高

太守元洪威所襲殺。 龍 初 驤將軍,昌平縣公,邑八百戶。 進爵昌 平郡 公, 贈侍中、殷滄二州軍事、大將軍、開府、殷州刺史。 增邑三百戶, 加車 騎將軍。 天平初,出爲潁州刺 史。 子伽林襲。 未幾,爲前 |類|| 太

軍,說 經 史,篤於交遊, 少 盧文偉,字休族,范陽隊人也。爲北州冠族。 刺史裴儁按舊迹修督亢陂,溉田 一,兼展 私力,家素 /爲鄉閭 貧儉,因此 所敬。 州辟主簿。 致富 .萬餘頃,民賴其利,修立之功,多以委文偉。 年三十八,始舉秀才。 父敞,出後伯假。 文偉少孤,有志尚,頗涉 除本州平北府長流 文偉旣 参

功封 陽城 家。 獵,閉門拒之。 與 士 大夏縣男,邑二百戶,除 卒同勞苦,分散 孝昌· 時韓樓據 ,時經荒儉,多所 中, 詔 薊城, 深失據,遂赴 無尙 家財,拯救貧乏,莫不人人感說。 文偉 書郎中, 賑 、贈,彌 率 鄉閭 中山 范陽 爲 時行臺常景啓留 鄕 屯守范陽, 太守。 里 一所歸。 深乃留鎮范陽。 與樓 尋 爲 爲行臺郎中。 杜洛周 相抗 **介朱榮遣將** 所虜。 乃以 及榮誅,文偉 文偉行 及北方將亂,文偉積稻殼於范 洛周 侯深討樓,平之,文偉以 敗,復 范陽郡事。 知深難信,乃誘之出 入葛榮,榮敗,歸 防守二年,

列

傳第

+

四

盧

文

偉

爲介 兆,兆仍 加散騎常侍。 帥任 文偉遺子 朱榮 行,行 莊帝 以爲 图到 崩 懷道奉啓陳誠,高祖嘉納之。 將侯深所敗。 州 ,文偉與幽州刺史劉靈助同謀起義。 刺史,據城不下。 事,加鎭軍 天平末,高祖以文偉行東雍州事 、正刺· 文偉棄州, 史。 文偉不得入州,即於郡所 時安州刺史盧曹亦從靈助 走還本郡,仍與高乾邕兄弟共相影響。 中興初,除安東將軍、安州刺史。 `,轉行 青州 靈助克瀛州,留文偉行事,自率兵赴定州 爲州治。 事 舉兵, 太昌初, 助敗,因據幽州降介朱 時安州未賓,仍居 遷安州刺史,累 屬高 祖 至 信都,

使持 之。 節、侍中、都督定瀛殷三州軍 文偉 經紀生資,常若不足,致財積聚,承候 性 輕 財,愛賓客,善於撫接,好行 事 司 徒 寵要, 一、尚書左僕射、定州 小惠,是以所在頗得人情,雖有受納,吏民不甚苦 餉遺不 绝。 興和三 刺史,諡 一年卒於州, 日孝 威 年六十。 贈

平二州軍事、幽州刺史、度支尚書,諡 国 陽,屢經 共名。 子 恭道, |寇難,|恭道常助父防守。 天平初,特除龍驤將軍 性溫良, 頗有文學。 、范陽 七兵尚書郭 州辟 日定。 太守。 主簿。 在郡 秀素與恭道 李崇北征,以爲 有德惠。 交款, 先文偉卒。 開府 及任 墨曹參軍。 事, 贈使持節 毎稱 薦之,高 自文偉 都督幽 據范 旭 亦

子詢祖,襲祖爵大夏男。 有術學, 文章華靡, 爲後生之俊。 舉秀才入京。 李祖勳嘗宴

詢 文士、顯祖使小黃門物祖勳母曰:「茹茹旣破,何故無賀表。」使者佇立待之。 祖 俄頃便 成。 後朝 廷大遷除,同日催 拜。 詢祖立於東止車門外,爲二十餘人作表,文不 諸賓皆爲表,

加

點

辭

理

可

觀

否人物 卷,皆 天保 掩 羽 師 芳,余亦 韵 故舊 謪 毛, 鄭國 祖 祖 板則紫柏 末,以 詢 致 皆有所縻,唯大夏未加處分。」詢祖 有 惠 初 知 一,嬪容 一嘗語 祖 遺 規 逸 何 與 聞 初 文宗 逸。 解間 職 此言 檢 勢沖天者剪其 襲爵封大夏男,有宿德朝士謂之曰:「大夏初成。」應聲答曰:「且得燕雀相賀。」 映趙宮。 禰 出 人 ,杵則木瓜, 衡, 嘗 於荆 曰「我昨 爲築長城子使。 ,實懷恐懼 那延 爲趙 思道 棘 也。 派那 郡王 春艷 無冰稜文舉。」後頗 東方未 翅翩 l", 見丈 何斯 桃花 邢邵盛譽盧 一妃鄭 卲 ... 曾 材 氏 明, 入 戲 水,秋度桂枝風。 自 謗毁 日:::: 而斯用 製挽歌 蒼蒼在鬢,差以自安。」 負其才, 過和氏門外,已見二陸 日至, 思道, 卿 厲聲曰:「是誰之咎」、旣至役所,作築長城賦,其略 也? 詞 少年才學富盛,戴角者無上齒,恐卿不壽。」對曰: 折 內懷鬱快,遂毀容服如賤役者以見楊愔。 素論皆薄其爲人。 節 其 以詢祖 草則離 篇 遂使叢臺夜,明月滿 歷太子舍人、司 云:「 爲不及。 離靡靡,緣崗 君王 邵甚 兩源,森然與槐 詢祖 盛 長廣 重其 海 徒 11.日 內, 而 、敏贍。 記 太守邢子廣 殖, ;牀空。 室,卒官。 伉 見未能 但使十步而 儷 柳 旣 齊列 盡 有 寰 高 目二 盧云: 口辯,好城 飛 一蓋謂 中。 有文集十 者借 其 彦

列

傳

第

高祖。 恭道弟懷道, 中興初,加平西將軍、光祿大夫。 性輕率好酒,頗有慕尙。 元象初,行臺薛琡表行平州事,徵赴霸府。 以守范陽勳,出身員外散騎侍郎。 文偉遺奉啓 興和

懷道家預義舉,高祖親待之。

出爲烏蘇鎭城都督,卒官。

置酒, 中,行汾州事。 牛聚會。 士達固辭,宗道便命家人將解其腕,士達不得已而受之。將赴營州,於督亢陂大集鄉人,殺 懷道弟宗道,性粗率,重任俠。歷尚書郎、通直散騎常侍,後行南營州刺史。 賓遊滿坐。 有一舊門生酒醉,言辭之間,微有疏失,宗道遂令沉之於水。後坐酷濫除名。 中書舍人馬士達目其彈箜篌女妓云:「手甚纖素。」宗道卽以此婢遺士達, 嘗於晉陽

頭 必以文通,季禮當以武達,興吾門在二子也。」幽州反者僕骨那以勇爲本郡范陽王,時年 文偉族人勇,字季禮。父璧, 後葛榮作亂,又以勇爲燕王。 魏下邳太守。 勇初從兄景裕俱在學,其叔同稱之曰:「白

之。 霜儉, 人也,方當委之大事,豈直納租而已。」遷汝北太守,行陝州事,轉行洛州事。 公主訴 義 運山 旗之起也,盧文偉召之,不應。 東郷租 於高祖,二二 輸,皆令載實,[10]違者治罪,令勇典其事。 而勇守法不屈。 **介朱滅後,乃赴晉陽。** 高祖 謂郭秀曰「盧勇懔懔有不可犯之色,真公直 琅邪公主虛僦千餘車,勇繩劾 高祖署勇丞相主簿。 屬山西

分騎爲十隊,鳴角直前,擒西魏儀同程華,斬儀同王征蠻,驅馬三百匹,通夜而還。日三廣州 形勢,於是率百騎,各籠一匹馬。 元象元年,官軍圍廣州,數旬未拔。行臺侯景聞西魏救兵將至,集諸將議之。 至大隗 山,知魏將李景和 率軍將至。 勇多置幡旗於樹頭 勇進觀

守將駱超以城降,高祖令勇行廣州

事

匹,繕造甲仗六車,遺啓盡獻之朝廷。 求入朝,高祖賜勇書曰:「吾委卿陽州,唯安枕高臥,無西南之慮矣。 武貞侯。 卿之妻子任在州住,當使漢兒之中無在 以功授儀同三司 、陽州刺史,鎭宜陽。江三叛民韓木蘭、陳忻等常爲邊患,勇大破之。 賻物之外,別賜布絹四千疋。 卿前者。」武定二年卒,年三十二。 贈司空、冀州刺史,諡 但依朝廷所委,表啓宜 勇有馬五

百

行臺郎 |祖恕其罪,以爲大丞相府記室參軍。 有當世才用。 李義深,趙郡高邑人也。祖眞,魏中書侍郎。父紹宗,[12]殷州別駕。 中。 中興初、除平南將軍、鴻臚少卿。 解褐濟州征東府功曹參軍,累加龍驤將軍。 累遷左光祿大夫、相府司馬,所經 義深見介朱兆兵盛,遂叛 義旗 初,歸高祖 稱職。 高祖 於信都, 奔之。 義深學涉經史 轉幷州長史。 兆平,高 以爲大

列 傳

州刺 時 `刺史可朱渾道元不親細務,民事多委義深,甚濟機速。 史,好財利,多所受納。天保初,行鄭州事,轉行梁州事,尋除散騎常侍,爲陽夏太守。 復爲大丞相司馬。 武定中, 除齊

段業告其在州聚斂,被禁止,送梁州窮治,未竟。三年,遇疾卒於禁所,年五十七。

武平初,兼通直散騎常侍聘陳,爲陳人所稱。

壽陽道行臺左丞,與王琳等同陷。 周末逃歸。 開皇初,永安太守。 卒於絳州長史。

子騊駼,有才辯,尚書郎、鄴縣令。

謝病解 子正藻,明敏有才幹。 **混職,憂思毀瘠,居處飲食若在喪之禮,人士稱之。 隋開皇中,歷尚書工部員外郎、|蟄** 武平末,儀同開府行參軍、判集書省事。 以父騊駼沒陳,正藻便

屋縣令。 卒於宜州長史。

騙 · 除弟文師,中書舍人、齊郡太守。

義深兄弟七人,多有學尙。第二弟同軌以儒學知名。第六弟稚廉別有傳。

好音樂,撰集樂書,近於百卷。 義深族弟 神威。 曾祖融,魏中書侍郎。 魏武之末,尚書左丞。 神威幼有風裁,傳其家業,禮學粗通義訓。 天保初,卒。 贈信州刺 又

史臣曰:元忠本自素流,有聞教義,人倫之譽,未以縱橫許之。 屬莊帝幽崩、羣胡矯擅、

之際,終遇英雄之主,雖禮秩未弘,亦爲佐命之一。 徒然哉?旣享功名,終知止足,進退之道,有可觀焉。 士之有志力者皆望勤王之師。 及高祖東轅,事與心會,一遇雄姿,遂瀝肝膽,以石投水,豈 詢祖詞情豔發,早著聲名,負其才 文偉望重地華,早有志尚, 問關夷險 地,肆

清濁斯分。 贊曰:晉陽、大夏,抱質懷文。 義深參贊,有謝忠勤。 蹈仁履義,感會風雲。 盧嬰貨殖,李厭囂氛。 始終之操,

任遇未聞,弱年夭逝,若得終介眉壽,通塞未

可量焉

情矜矯,京華人士,莫不畏其舌端。

### 校勘記

元忠先聚衆於西山 命他「與元忠舉兵於西山,仍與大軍俱會,擒刺史亦朱羽生」,所記爲一事,作「西山」與册府合。 諸本無「山」字,册府卷七六五九〇九五頁有。 按本傳後附李景遺傳,稱高歡

西山是元忠父顯甫及元忠所居,見北史卷三三李靈傳末。今據册府補

- 無。按下高澄回書說:「忽辱蒲桃,良深佩帶」,知「酒」字行,今據删。 曾貢世宗蒲桃一盤 諸本「蒲桃」下有「酒」字。 北史卷三三李元忠傳及御覽卷九七二四三〇八頁
- ヘミし 魏末行護軍司馬 「齊亡後卒」,令人不知所謂。 按上文已說李密天保初卒。 其實自此以下直到「齊亡後卒」,乃是另一人的事跡。 這裏和下文却又敍魏末到齊末的歷官, 脱去其名。 叉云;

列

傳

第十四

校勘

考唐書卷七二上宰相世系表趙郡李氏西祖房載李密之祖伯膺,伯膺下兩格有「弘節, 郡太守」、弘節下一格有「道謙、太府卿」。 相合,子名道謙亦同。 疑這段是敍述弘節事,於上「醫術知名」下脫去「從弟弘節」等字。 弘節官和此段所云「大寧、武平中淸河、廣平二郡守」 北齊廣平

PY 侍御 七〇 道謙弟道貞南靑州司 凡四十二年。 史,而 道貞却在四十多年前已官南青州 傳稱道貞父在大寧、武平中官淸河、廣平二郡太守,其兄道謙也在武平中爲 馬為逆城邢杲所殺 按邢杲起兵, 司馬被殺,殊不可解。 在魏建義元年五二八,至齊武 疑道貞」下又有脫文,其官 平元年五

Ŧ. لٹ 地形志 和 分廣平易陽 襄 國 同 Ŀ 司 屬 州 廣平郡。 襄國南趙郡之中丘三縣爲易陽郡 魏 尹 有易陽, 這 裏「廣 注云:「晉屬廣平,天平初屬。」則在天平遷都,設置魏尹之前,易陽 平」指郡,下當脫「之」字。 按「三縣」指易陽、襄國和中丘。 又魏志不記置易陽郡事,亦因 魏書卷一〇六 遂 即廢

南青州

司

馬被殺者乃另一人。

ا ا 潛與 九〇九 幽 六頁 州 作 刺 史劉 昂一。 靈 一助及高昂兄弟安州刺史盧曹等同契義舉 按高昂兄弟起兵,受劉靈助節度,事見本書卷二一高乾傳,「昇」字訛,今據 諸本「昂」作「昇」, 册府卷七六五

7 -6 愍遂入石門 諸本作「石門」,三朝本「石」作「西」,百衲本依他本改作「石」,册府卷七六五九〇九

册府

改。

竉

之故。

六頁作「西山」。 疑本作「西山」,三朝本「山」訛「門」,後人囚上有「西保石門山」事,又改「西」爲

石」。

州都督 以 相州刺史都督相州諸軍事即是「當州都督」,下又加「州都督」或「當州都督」,殊爲重複、疑別 諸本「州都督」上有「當」字,三朝本無,册府卷七六五九〇九六頁作「大都督」。 按李愍

}店 作「大都督」是。

. 九 山 從比陽復舊道 諸本「比陽」作「北陽」,册府卷六九一八二四一頁作「比湯」。 按比陽今巡陽在北魏

書卷四二寇臻傳也訛作「北陽」。 時置鎮,漢魏南北朝墓誌集釋寇臻墓誌圖版二〇六稱臻曾官「沘陽鎮將」,「沘陽」即「比陽」,而魏 卷七下高祖紀下太和二十二年三月元宏山湖陽到懸瓠,中間

經過比陽。李愍是由懸瓠今故南到南荆州今張陽東也須經此地。這一帶也正是所謂太胡山蠻、板橋 ·面說 「蠻左大服」。「北陽」無此地名,今改正。

鄉 字。 疑「鄉」字衍 運

14

束

鄉阻輸皆令載實

北点卷三〇盧勇傳及册府卷二〇〇二四二三頁、卷七一九八五六一頁無

蠻的

店

地,所以

下

公主訴於 稱 高祖」, 髙 且一篇之中,前後異稱,很不恰當,今從冊府改。 祖 諸 本。高祖 作「太祖」、册府卷二〇〇、卷七一九頁數同上條作「高祖」。按本書例

**[17** 通 夜 侢 ाता Ä, 還 + 1/4 **W**府: 校 卷三六四四三三六頁 通」作「逼」,較長。 勘 記

陽州刺史鎭宜陽 诸本「陽」作「揚」。按魏書卷一○六地形志中宜陽屬陽州。 「揚」字訛,今

改正。下「委卿陽州」同改。

「紹」下脱「字嗣」二字。 父紹宗 北史卷三三李義:

二巴 父紹宗 北史卷三三李義深傳、唐書卷七二上宰相世系表趙郡李氏南祖身都作「紹字嗣宗」,疑

# 北齊書卷二十三

## 列傳第十五

魏蘭根 崔崚 子瞻

孝稱。 於滅 以爲槨材。 書,誦左氏傳、問易,機警有識悟。起家北海王國侍郎,歷定州長流參軍。丁母憂,居喪有 性. 魏蘭根,鉅鹿下曲陽人也。父伯成,魏太山太守。蘭根身長八尺,儀貌奇偉,汎覽羣 將葬常山郡境,先有董卓祠,祠有柏樹。 後爲司空、司徒二府記室參軍,轉夏州平北府長史,入爲司徒掾,出除本郡太守, 人或勸之不伐,蘭根盡取之,了無疑懼。 蘭根以卓凶逆無道,不應遺祠至今,乃伐柏 遭父喪、廬於墓側、負土成墳、憂毁殆

鎭,控攝長遠。 並有當官之能。 正光末,尚書令李崇爲本郡都督,率衆討茹茹,「」以關根爲長史。 昔時初置,地廣人稀,或徵發中原强宗子弟,或國之肺腑,寄以爪牙。

列

傅

第 +

五

魏 闦 根

因說崇曰「緣邊諸

中年

彼 府 以 此, 來, 戶,悉免爲民,入仕次敍,一准其舊,文武兼用,威恩並施。 有司 理 當慣 乖 怨。 ·實, 號曰府戶 更張琴瑟,今也其時,靜境寧邊,事之大者。 /,役同 軍還,除冠軍將軍,轉司徒右長史,假節,行豫州事 厮養,官婚班齒,致失淸流。 此計若行,國家庶無北 而本宗舊類,各各榮顯, 宜改鎭立州,分置郡縣, 顧之慮 凡是 顧瞻

矣。

一崇以奏聞,事寢不

報。

根。 亡,兵威復振 秦隴反叛,蕭寶寅敗於涇州,高平虜賊逼岐州,州城民逼囚 節、假平西將軍、都督涇岐東秦南 之,奈何將充僕隸乎。」盡以歸其父兄。 關根 孝昌初,轉岐州刺 一一 所曰:「此縣界於强虜, ,城民復斬賊刺 史。 從行 史侯莫陳仲和, 臺蕭寶寅討破宛川 皇威未接,無所適從,故成背叛。 岐 四 州軍事、衆四州 部內麥多 推闢根復任。 五. 穗, , 三 俘其民人爲奴婢,以美女十 行 隣州田 臺 [ 蘭根降賊。 尚 朝廷 書。 鼠 以蘭根得西土人心, 尋入拜 為災, 犬牙不入 岐 **今當寒者衣之**, 寶寅 光祿 至雍州,收輯 大夫。 飢者 人賞蘭 境 加持 散 屬 食

反 於靑、兗之間,〔三杲,關根 孝昌末,河北流 人南渡,以職根無尚書,使齊、濟、二克四州安撫,並 之甥也。·復詔 蘭根衛命慰勞, 杲不下, 仍隨元天穆討之。 置 那縣。 河間 邢杲 愛,

知 所 出。 莊帝 時應詔王道習見信於莊帝,蘭根乃托附之,求得在外立功。 之將誅尒朱榮也,關根聞其計,遂密告尒朱世隆。 榮死, 蘭根 道習爲啓聞。乃以蘭 恐莊帝知之,憂懼

除太府卿、辭不拜。

轉安東將軍

、中書令

戰 根 爲河北 大敗 走依 行 臺 渤海 於 高乾 定州 率募鄉 屬乾 曲, 兄弟 圖欲防井陘。 舉 一義,因 在其 中。至高祖 時众朱榮將侯深自范陽趣 至, 以蘭根宿望, 中山 深 禮遇之。 蘭根 與

中興初,加車騎大將軍、尚書右僕射。

所 若 明 非 仍 崩根 立, 及 高 恐於後 於 祖將 理不 入洛陽,遺蘭根 難測 冷 高祖 逐 與高乾兄弟及黃門崔悛同 不得已, 先至京師。 逐立 武帝。 時廢 立未決,令蘭根 廢帝素 L) 固請 有德業, 而為 蘭根等構毁, 於高 祖,言廢帝本是胡 觀察魏前 廢帝。四帝神采高 賊所推,今 深爲時論

計 軍 長 武 勳 宣 帝 數 事 位 、定州 爲先, 就 大 太昌. 居端 家 加 (勞問) 初, 譴 是 揆,至是始敍復 刺 責, 史、司 除儀 以 不 蘭 猶 爲 以 根 同三司、尋加 徒 清 優怖, 開 公 論 府 侍 儀 所 岐 中 乃移 許 同 州 說 菛 勳 開府,封鉅應縣侯,邑七百戶。 病 一, 封 施 日 解 文宣 行 僕 永 馬,歸 射 興縣侯,邑千 o | 蘭根 於 天 本鄉。 平 雖 初,以病篤 以 卢。 功 名自 年 高乾 卒,時年六十一 立 上 之死 一,然 表 啓授兄子 求 善附 還 鄉 會, 同達。 里。 懼, o 出 贈冀 魏 去 .....虚 帝 宅 欗 之際, 定殷 根 ,避於寺。 遣舍人石 旣 預義 多以 三州

御 史。 長 武定 子 相 三年 如 秘 卒。 書 郎 次子 中。 敬仲 以 建 義 肅宗 勳 時, 尋 加 佐命功臣 將 軍 o 襲父 一配享, 爵, 而 遷安 不及蘭根 東 將 軍 殷州 敬 仲 表訴 别 駕 帝 入爲侍 以認

列

傳

第

+

五.

魏

欗

根

命 ·旣行,難於追改,擢敬仲爲祠部郎中。 卒於章武太守。

鹿侯。 軍。 撫軍將軍,出爲安德太守。 顥 入洛陽,明朗 蘭根 出爲平陽太守,爲御史所劾,因被禁止。 永安末,關根 族弟明朗,頗涉經史,粗 爲南 爲河北行臺,引明朗爲左 道行臺郞中,爲顯所擒。 。後轉衞將軍、右光祿大夫、定州大中正。」武定初,爲顯祖諮議參 有 文性。 累遷大司馬府法曹參軍,兼尚書金部郎 丞。 遇病卒。 後棄顯逃還,除龍驤將 及蘭根中山之敗,俱歸高祖。 軍、中散大夫,賜爵鉅 中興初,拜

肯就 聘陳 訴。」愷應聲曰:「雖復零雨自天,終待雲興四嶽。公豈得言不知。」楊欣然曰:「此言極爲簡 要,更不須多語。」數日,除霍州刺史。在職有治方,爲邊民悅服。 沉廢。後遇楊愔於路,微自披陳。 聽明詔。」顯祖謂悟云:「何慮無人作官職,苦用此漢何爲,放其還家,永不收採。」由是積年 之,仍云:「死與長史孰優,任卿選一處。」愷答云:「能殺臣者是陛下,不受長史者是愚臣,伏 使副。 <u>愷從子彥卿,魏大司農季景之子。 武平中,兼通直散騎常侍,聘陳使副。</u> 明朗從弟愷,少抗直有才辯。 明日將過,我自共語。」是時顯祖已失德,朝廷皆爲之懼,而愷情貌坦然。顯祖切責 遷青州長史,固辭不就。楊愔以聞。顯祖大怒,謂愔云:「何物漢子,我與官,不 楊答曰:「發詔授官,咸由聖旨,非選曹所悉,公不勞見 魏末、辟開府行參軍、稍遷尚書郎、齊州長史。天保中, 大寧中,卒於膠州刺史。

子舍人、著作郎。 彦 卿弟澹,學識有詞藻。 撰後魏書九十二卷,甚得史體,時稱其善云。 武平初,殿中御史,遷中書舍人,待韶文林館。 隋開皇中、太

於信都 光祿 少有名望,爲當時 大夫。 崔懷,字長孺,清河東武城人也。 起義,懷歸焉。 所知。 高祖見之,甚悅,以爲諮議參軍。 初爲魏世宗挽郎,釋褐太學博 父休,魏七兵尚書,贈僕射。 士。 尋除給事黃門侍郎,遷將軍、「も」右 永安中, **慢狀貌偉麗,善於容止,** 坐事免歸 鄕 里。 高祖

將軍、左光祿大夫,仍領黃門郎。 是中興、普泰皆廢,更立平陽王爲帝。 自可待我高王,徐登九五。 高祖入洛, 議定廢立。 旣為逆胡所立, 何得猶作天子。 太僕綦儁盛稱普泰主賢明,可以爲社稷主。 以建義功,封武城縣公,邑一千四百戶,進位車騎大 若從[偽言, 王師何名義舉]」由 

河部曲千人。 以惨 本預義旗,復其黃門。一天平初,爲侍讀,監典書。 **慢性豪慢,寵妾馮氏,假其威刑,恣情取受,風政不立。** 尋以貪汙爲御史糾劾,因逃還鄕里,遇赦始出。 尋除徐州刺史,給廣宗部曲三百、清 初懷爲常侍,求人修 高 祖

代收 怪儀 起 不平此言。收乘宿憾,故以挫之。 爲中書郎,由是收銜之。及收聘梁,過徐州,悛備刺史鹵簿而送之,使人相聞魏 注。 **『衞多,稽古之力也。」|收報曰:「白崔徐州,建義之勳,何稽古之有!」|陵自以門閥素高,特** 或 曰:「魏收可。」懷曰:「收輕薄徒耳。」更引祖鴻勛爲之。 罷州,除七兵尙書、淸河邑中正 旣居樞要, 又以盧元明 妇 一 一 勿

趙郡李渾嘗讌聚名輩,詩酒正驩譁,懷後到,一坐無復談話者。 鄭伯猷歎曰「身長八

宗,絕懷朝謁。 徙之遐裔。」元康曰:「憶若在邊,或將外叛,以英賢資寇敵,非所宜也。」世宗曰:「旣有季珪 公不殺也?」世宗曰:「然則奈何?」元康曰:「崔悛合死,朝野莫不知之,公誠能以寬濟猛,特 爲言之於世宗曰:「崔陵名望素重,不可以私處言語便以殺之。」世宗曰:「若免其性命,猶當 之,懷不伏。遙引邢子才爲證,子才執無此言。懷在禁,謂子才曰「卿知我意屬太丘不?」 之罪,還令輸作可乎。」元康曰:「嘗讀崔琰傳,追恨魏武不弘。」陵若在作所而殞,後世豈道 子才出告懷子瞻云:「尊公意正應欲結姻於陳元康。」瞻有女,乃許妻元康子,求其父。元康 而銜之。高祖葬後,懷又竊言:「黃頷小兒堪當重任不。」暹外兄李愼以懷言吿暹。暹啓世 面如刻畫,謦欬爲洪鍾響,胸中貯千卷書,使人那得不畏服!」 與爾,博崔、趙李,何事者哉!」崔暹聞 何足拜也」於是鎖懷赴晉陽 而

輕其罰,則仁德彌著,天下歸心。」乃舍之。 **惨進謁奉謝,世宗猶怒曰:「我雖無堪,忝當大** 

任,被卿名作黃頷小兒,金石可銷,此言難滅!」

弟約 勑中使曰:「好作法用,勿使崔家笑人。」婚夕,顯祖舉酒祝曰:「新婦宜男,孝順富貴。」 懷奏 曰:「孝順出自臣門、富貴恩由陛下。」 天保初,除侍中,監起居。 惨 一門婚嫁,皆是衣冠之美,吉凶儀範,爲當時所稱。 以禪代之際,參掌儀禮,別封新豐縣男,邑二百戶,迴授第九 婁太后為博陵王納 惨妹爲妃,

於財色,諸弟之間,不能盡雍穆之美,世論以此譏之。 所劾,與惨俱召詣廷尉。 五年,出爲東兗州刺史,復攜馮氏之部。 尋有別勑,斬馮於都市。 **凌尋遇偏風,而馮氏驕縱,受納狼藉, 惨素與魏收不協。** 收旣專典國史,慢 然率性豪侈,溺 爲御史

恐被惡言,乃悅之曰:「昔有班固,今則魏子。」收笑而憾不釋。 子瞻嗣。

朝, 簿,清河公岳辟爲開府西閤祭酒。崔暹爲中尉,啓除御史,以才望見收,非其好也。 還晉陽,被召與北海王晞陪從,俱爲諸子賓友。[5]仍爲相府中兵參軍,轉主簿。世宗 瞻,字彥通,聰朗强學,有文情,善容止,神采嶷然,言不妄發。年十五,刺史高昂召署主 高祖

列

崩,秘未發喪,顯祖 詩人之冠。」讌罷,共嗟賞之,咸云「今日之讌併爲崔瞻父子」。 令近御坐,亦有應詔 命瞻兼相府司馬使鄴。 詩,問邢邵等曰:「此詩何如其父?」咸云:「 魏孝靜帝以人日登雲龍門,其父陵侍宴,又勑瞻 弘麗,瞻氣 調淸新,並

用之。 動 日 直 容。 「崔瞻文詞之美,實有可稱, 中書省, 天保初,兼抖省吏部郎中。 事旣 崔生堂堂之貌,亦當無愧裴子 施行。 因問思道 悟又曰:「昔裴瓚晉世爲中書郎,神情高邁, 曰:「我此日多務, 但舉世 尋丁憂,起爲司徒屬。 ຼັ 「重其 都不見崔瞻文藻, 風流,所以才華見沒。」悟云:「此言有理。」便奏 楊愔欲引瞻爲中書侍郎。 卿與其 每於禁門出入,宿衛者肅然 (親通, 理當 相悉。」 時盧思道 思道

與鴻臚崔劼撰定婚禮儀注。 庶子,徵赴晉陽。 使酒,我之常弊,詆訶指切,在卿尤甚。 二省,竟不堪敷奏。 皇建元年,除給事黃門侍郎。 **勑專在東宮,調護講讀,及進退禮度,皆歸委焉。** 加征虜將軍,除清河邑中正。 仍面受別旨曰:「雖有舊事, 與趙郡李槪爲莫逆之友。 足下告歸,吾於何聞過也。」膽患氣,兼性遲重,雖居 肅宗踐祚,皇太子就傅受業,詔除太子 恐未盡善, 概將東還,瞻遺之書曰:「仗氣 太子納妃斛律氏,勑瞻 可好定此儀, 以為 中

大寧元年,除衞尉少卿,尋兼散騎常侍,聘陳使主。 瞻詞韻溫雅,南人大相欽服。 功

夫。 務繁劇,遂附驛奏聞,因而被代。 部 言:「常侍前朝通好之日,何意不來。」其見重如此。 郎 中。 武平三年卒,時年五十四。贈使持節、都督濟州軍事、大理卿、刺史、諡曰文。 因 患取急十餘日。 舊式,百日不上解官,吏部尚書尉瑾性編急,以瞻舉指舒緩,曹 瞻途免歸鄉里。 天統末,加驃騎大將軍,就拜銀青光祿大 還除太常少卿,加冠軍將軍,轉尚書吏

别 食,亦不共 不 於是每 命七筯。 室獨飡,處之自若。 膽 性簡傲,以才地自矜,所與周旋,皆一時名望。 與之同 君語,君遂能不拘小節。 裴坐觀瞻食罷 食。 有一 而退。 河東人士姓襲,亦爲御史,同瞻食,便往造焉。 明日,裴自攜七筯,恣情飮噉。 昔劉毅在京口,冒請鵝炙,豈亦異於是乎?君定名士。」 在御史臺,恒於宅中送食,備盡珍羞, 瞻方謂裴云:「我初不喚君 瞻不與交言,又

武 爲 七 馬 叔仁,魏 平中 君,不 年 尾 卒 以 惨 渡河,波中乍沒乍出。 昆 潁州 顧萬 琅 年 季 琊 卉 仲文,有學尙,魏高陽太守、淸河內史。 王 死, 十。 刺 史。 大 可謂家之孝子,國之忠臣。」加 司 子偃,武平中, 馬 子彦武 中 兵參軍。 有識用,朝歌令。 高 祖望見日「崔掾 歷太子洗馬、尙書 參定 五. 禮,待詔文林館。 隋開皇初, 中軍 也 將軍。 一。」遽遣船赴接。 興和中,爲丞相掾。 郎。 偃弟儦, 魏州刺史。 天保初,拜散騎常侍、光祿 隋仁壽中,卒於通直散騎 學識 旣濟,勞之曰:「卿 子侃, 有才 沙苑 思, 魏末兼通直常 之敗,仲文持 風 調 常侍。 大夫。 甚高

列

傅

第

+

聘梁 使。 子 極, 武平初太子僕, 卒於武德郡守。 子聿, 魏東莞太守。 子約, 司空祭

其 臚 中譙州刺史。 藝,尤工 卿。 精 相表,俱盡其事,口不忍言。 妙 **陵族叔景鳳,字鸞叔,陵五世祖逞玄孫也。** 如 法峻以武平六年從駕在晉陽, 一相術。 此 景鳳兄景哲,魏太中大夫、司徒長 天保初尚藥典御,乾明拜高陽郡太守、太子家令, 唯弟一人,更應富貴,當在他國,不在本朝,吾亦不及見也。」 嘗語中書侍郎李德林云:「此日看高相王 史。 景鳳涉學,以醫術知名。 子國,字法峻,幼好學,汎覽經傳,多伎 武平假儀同 魏尚藥典御,天保 三司,卒於鴻 以下 文武官

侍, 舍人接梁使。 成謹厚。 虜,欲逼與同 大司馬府記室參軍。 聘梁副 惨 族子 涉獵經史,頗有文思。 使。 肇師,魏尙書僕射亮之孫也。 父士太,諫議大夫。 事。 武定中,復棄中 轉中書舍人。 肇師執節不動,諭 天平初, IE 天保初, 轉通直侍郎,爲慰勞青州 襲父爵樂陵男。 員郎、[10]送梁使 以 禍 參定禪代禮儀, 福,賊遂捨之。 徐州。 釋褐,開府東閣祭酒,轉司空外兵參軍,遷 封襄城縣男, 使。 還,勑修起居注。 乃巡慰青部而還。 至齊州界,爲土賊崔 肇師少時疏放,長遂變節, 仍兼中書侍郎。 尋兼 元象 通 中,數 直 迦 莱等所 散 騎 以 中 更

卒, 時年四十九。

顯,與李元忠、盧文偉蓋義旗之人物歟。魏之要幸附會,崔以門地驕很,雖有周公之美,猶 以爲累德,況未足喻其高下也。膽詞韻溫雅,風神秀發,亦一時之領袖焉。 史臣曰:蘭根早有名行,爲時論所稱,長孺才望之美,見重當世。 並功參霸迹,位遇通

贊曰:催、魏才望,見重霸初。 名教之跡,其猶病諸。 彦通尚志,家風有餘。

### 校勘記

(一) 正光末尚書令李崇爲本郡都督率衆討茹茹 書卷六六李崇傳稱「崇以本官都督北討諸軍事」。 這時李崇官位很高,不會加上「本郡都督」的 官銜、「本郡都督」也不是元帥之任。疑本作「以本官爲大都督」,傳本脫訛。 北史卷五六魏蘭根傳「本郡」二字作「大」。按魏

從行臺蕭寶寅討破宛川 二五七一〇二五頁作「宛川」。按地形志無「宛州」。 隋書卷二九地理志上扶風郡陳倉縣 條 注 云: 諸本「宛川」作「宛州」、北史卷五六、册府卷四○四四八一一頁、御覽卷

「後魏曰宛川?」魏書卷五九蕭寶寅傳、卷七三崔延伯傳載鎭壓秦隴起義軍事,稱「追至小隴」,

小隴據水經注卷一七卽在陳倉,亦卽「宛川」之西。 此傳所記卽這次戰事。 「州」字訛,今據改。

列

**傳第十五** 

校勘記

- =河間 邢杲反於靑兗之間 北史卷五六「兗」作「光」。按邢杲在北海起兵, 正在青、 光之間。 {北
- 、史卷一五元天穆傳稱「那杲東掠光州、盡海而還」。 疑作「光」是。
- 广\ 29 ₩ 於定州率募鄉曲 諸本及北史「定州」上無「於」字,讀不通,今據通志卷一五五魏蘭根傳補。
- Œ 中山被侯深即侯淵所敗,「走依渤海高乾」,這時不可能又在中山,今據北史百衲本改。 屬乾兄弟舉義因在其中 諸本「其中」作「中山」、北央卷五六百衲本作「其中」。按上文說蘭根在
- 根到 **今蘭根觀察魏前廢帝** 「本是胡賊所推」,後廢帝則高歡所立,也和此語不符。 洛陽, 觀察前廢帝,魏書卷一一前廢帝紀有明文。 諸本「前」字作「後」, 北史卷五六作節閔帝,亦卽前廢帝。 今改正。 且前廢帝乃尔朱氏所立,故下文蘭根說 按高歡 命蘭
- 遷將軍 北史卷五六「遷」作「衞」。 按單稱「將軍」,不知爲何等將軍,疑北史是。
- 被召與北 王 | 聯等四人被選與高歡諸子遊,見本書卷三一王晞傳,晞,北海劇人。 海王晞陪從俱爲諸子賓友 諸本「晞」作「師」,殿本及北史卷二四崔瞻傅作「晞」。 今從殿本。 按
- 皆崔陵 叔仁 魏 之弟,此傾自「叔仁」以下諸弟都沒有加上「某人弟」,眉目不清。 潁州刺史至子約司空祭酒 按魏書卷六九、北史卷二四崔懷傳, 仲文、叔仁、子侃、子約
- 武定中復兼中正員郎 按「中正員郎」不可解。 「正」字上疑有脫文。

